

Chaṭṭhasaṅgītipiṭakaṃ

Suttantapiṭake Khuddakanikāye

CŪĻANIDDESAPĀĻI



Buddhavasse 2552

Marammavasse 1370

AD. 2008

Romanized from Myanmar version printed in 2000

© Buddhasāsana Society

Pāḷi Series 25

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṇa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya ရ ra လ la ဝ va သ sa တ ha ဠ ḷa ၵ ṁ

VOWELS IN COMBINATION

-၁ ၵ = ā ၵ = i ၵ = ī ၵ - ၵ = u ၵ - ၵ = ū - = e -၁ ၵ = o

က ka	ကာ kā	ကိ ki	ကီ kī	ကု ku	ကူ kū	ကေ ke	ကော ko
ခ kha	ခါ khā	ခိ khi	ခီ khī	ခု khu	ခု khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဓha	ဈ သ္ဃa	ဠ ပla	ဣ လla
ကွ kka	ဠ cca	ဏ္ဍ န္ဍa	ဠ သ္ဃa	ဠ ပba	လျ လya
ကျ kya	ဠ ccha	ဏ္ဍ န္ဍa	ဠ နta	ဠ bbha	လှ လha
ကြ kri	ဠ jja	ဏ္ဍ န္ဍa	ဠ နtva	ဠ bya	ဂှ vha
ကလ kla	ဠ jjha	တ္တ tta	ဠ နtha	ဠ bra	တ္တ sta
ကွ kva	ည န္ဏa	တ္တ ttha	ဠ nda	ဠ mpa	တ္တ strā
ချ khya	ည န္ဏa	တွ tva	ဠ ndra	ဠ mpha	သ္ဓ sna
ခွ khva	ည န္ဏa	ကျ tya	ဠ ndha	ဠ mba	သျ sya
ဂှ gga	ဠ န္ဏa	တြ tra	ဠ nna	ဠ mbha	သ ssa
ဠ ggha	ည န္ဏa	ဠ dda	ဠ nya	ဠ mma	သ္ဓ sma
ချ gya	ည န္ဏa	ဠ ddha	ဠ nha	ဠ mya	သ္ဓ sva
ဂှ gra	ဠ ၵta	ဠ dya	ဠ ppa	ဠ mha	တွ hma
ကံ ṅka	ဠ ၵtha	ဠ dra	ဠ ppha	ဠ yya	တွ hva
ခံ ṅkha	ည ၵၵa	ဠ dva	ဠ pya	ဠ yha	ဠ ၵha
ဂံ ṅga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

Cūlaniddesapāli

Mātikā

Piṭṭhaṅka

Pārāyanavagga

1. Vatthugāthā	1
1. Ajitamāṇavapucchā	6
2. Tissametteyyamāṇavapucchā	7
3. Puṇṇakamāṇavapucchā	7
4. Mettagūmāṇavapucchā	8
5. Dhotakamāṇavapucchā	10
6. Upasīvamāṇavapucchā	11
7. Nandamāṇavapucchā	13
8. Hemakamāṇavapucchā	14
9. Todeyyamāṇavapucchā	15
10. Kappamāṇavapucchā	15
11. Jatukaṇṇimāṇavapucchā	16
12. Bhadrāvudhamāṇavapucchā	17
13. Udayamāṇavapucchā	17
14. Posālamāṇavapucchā	18
15. Mogharājamāṇavapucchā	19
16. Piṅgiyamāṇavapucchā	19
Pārāyanatthutigāthā	21
Pārāyanānugītigāthā	21

Pārāyanavagga

1. Ajitamāṇavapucchāniddeśa	24
2. Tissametteyyamāṇavapucchāniddeśa	40
3. Puṇṇakamāṇavapucchāniddeśa	46

Mātikā			Piṭṭhaṅka
4. Mettagūmaṇavapucchāniddesa	62
5. Dhotakamaṇavapucchāniddesa	89
6. Upasīvamāṇavapucchāniddesa	101
7. Nandamaṇavapucchāniddesa	112
8. Hemakamaṇavapucchāniddesa	125
9. Todeyyamaṇavapucchāniddesa	130
10. Kappamaṇavapucchāniddesa	134
11. Jatukaṇṇimāṇavapucchāniddesa	141
12. Bhadrāvudhamāṇavapucchāniddesa	148
13. Udayamaṇavapucchāniddesa	154
14. Posālamāṇavapucchāniddesa	163
15. Mogharājamāṇavapucchāniddesa	172
16. Piṅgiyamāṇavapucchāniddesa	188
17. Pārāyanatthutigāthāniddesa	195
18. Pārāyanānugītigāthāniddesa	202
19. Khaggavisāṇasuttaniddesa	229

Cūlaniddesapāḷimātikā niṭṭhitā.

Khuddakanikāya

Cūlaniddesapāḷi

Namo tassa Bhagavato Arahato Sammāsambuddhassa.

Pārāyanavagga

1. Vatthugāthā

- Kosalānaṃ purā rammā, agamā Dakkhiṇāpathaṃ.
Ākiñcaññaṃ patthayāno, brāhmaṇo mantapāragū.
- So assakassa visaye, maḷakassa¹ samāsane².
Vasi Godhāvarikūle, uñchena ca phalena ca.
- Tasseva³ upanissāya, gāmo ca vipulo ahu.
Tato jātena āyena, mahāyaññaṃmakappayi.
- Mahāyaññaṃ yajitvāna, puna pāvisi assamaṃ.
Tasmaṃ paṭipaviṭṭhamhi, añño āgañchi brāhmaṇo.
- Ugghaṭṭapādo tasito⁴, paṅkadanto rajassiro.
So ca naṃ upasaṅkamma, satāni pañca yācati.
- Tameṇaṃ Bāvarī disvā, āsanena nimantayi.
Sukhañca kusalaṃ pucchi, idaṃ vacanamabravi⁵.
- Yaṃ kho mama deyyadhammaṃ, sabbaṃ visajjitaṃ mayā.
Anujānāhi me brahme, natthi pañcasatāni me.

1. Alakassa (Khu 1. 429 piṭṭhe), maḷakassa (Syā), mūḷhakassa (Ka)

2. Samāsanne (Ka)

3. Tamyeva (Ka) Aṭṭhakathā oloketabbā.

4. Tassito (Ka)

5. Vacanamabruvi (Sī)

8. Sace me yācamānassa, bhavaṃ nānupadassati¹.
Sattame divase tuyhaṃ, muddhā phalatu sattadhā.
9. Abhisāṅkharitvā kuhako, bheravaṃ so akittayi.
Tassa taṃ vacanaṃ sutvā, Bāvarī dukkhito ahu.
10. Ussussati anāhāro, sokasallasamappito.
Athopi evaṃ cittassa, jhāne na ramatī mano.
11. Utrastaṃ dukkhitaṃ disvā, devatā atthakāminī.
Bāvariṃ upasaṅkamma, idaṃ vacanamabravi.
12. Na so muddhaṃ pajānāti, kuhako so dhanatthiko.
Muddhani muddhapāte² vā, ñāṇaṃ tassa na vijjati.
13. Bhotī³ carahi jānāti, taṃ me akkhāhi pucchitā.
Muddhaṃ muddhādhipātaṅca⁴, taṃ suṇoma vaco tava.
14. Ahampetaṃ na jānāmi, ñāṇaṃ mettha na vijjati.
Muddhani muddhādhipāte ca, Jinānaṃ hettha⁵ dassanaṃ.
15. Atha ko carahi⁶ jānāti, asmim̐ pathavimaṇḍale⁷.
Muddhaṃ muddhādhipātaṅca, taṃ me akkhāhi devate.
16. Purā Kapilavatthumhā, nikkhanto Lokanāyako.
Apacco Okkākarājassa, Sakyaputto pabhaṅkaro.
17. So hi brāhmaṇa Sambuddho, sabbadhammāna pāragū.
Sabbābhiññābalappatto⁸, sabbadhammesu Cakkhumā.
Sabbakammakkhayaṃ patto, vimutto upadhikkhaye.
18. Buddho so Bhagavā loke, dhammaṃ deseti Cakkhumā.
Taṃ tvaṃ gantvāna pucchassu, so te taṃ byākarissati.
19. Sambuddhoti vaco sutvā, udaggo Bāvarī ahu.
Soka'ssa tanuko āsi, pītiṅca vipulaṃ labhi.

1. Padessati (Ka)

2. Muddhanimmuddhapāte (Ka)

3. Bhoti (Ka)

4. Muddhātīpātaṅca (Ka)

5. Janānañhettha (Ka)

6. Yo carati (Ka)

7. Puthavimaṇḍale (Sī)

8. Phalappatto (Ka)

20. So Bāvarī attamano udaggo,
 Tam devataṃ pucchati vedajāto.
 Katamamhi gāme nigamamhi vā pana,
 Katamamhi vā janapade Lokanātho.
 Yattha gantvāna passemu, Sambuddhaṃ Dvipaduttamaṃ.
21. Sāvattthiyaṃ Kosalamandire Jino,
 Pahūtapañño Varabhūrimedhaso.
 So Sakyaputto vidhuro anāsavo,
 Muddhādhipātassa vidū Narāsabho.
22. Tato āmantayī sisse, brāhmaṇe mantapāragū¹.
 “Etha māṇavā akkhissam, suṇātha vacanaṃ mama.
23. Yasseto dullabho loke, pātubhāvo abhiṇhaso.
 Svājja lokamhi uppanno, Sambuddho iti vissuto.
 Khippaṃ gantvāna Sāvattthim, passavho Dvipaduttamaṃ”.
24. Kathaṃ carahi jānemu, disvā “Buddho”ti brāhmaṇa.
 Ajānataṃ no pabrūhi, yathā jānemu taṃ mayam.
25. Āgatāni hi mantesu, mahāpurisalakkhaṇā.
 Dvattimsāni ca byākkhātā, samattā anupubbaso.
26. Yassete honti gattesu, mahāpurisalakkhaṇā.
 Dveyeva tassa gatiyo, tatiyā hi na vijjati.
27. Sace agāraṃ āvasati, vijeyya pathaviṃ imaṃ.
 Adaṇḍena asatthena, dhammena anusāsati.
28. Sace ca so pabbajati, agārā anagāriyaṃ.
 Vivaṭṭacchaddo² Sambuddho, Arahā bhavati anuttaro.
29. Jātiṃ gottañca lakkhaṇaṃ, mante sisse punāpare.
 Muddhaṃ muddhādhipātāñca, manasāyeva pucchatha.
30. Anāvaraṇadassāvī, yadi Buddho bhavissati.
 Manasā pucchite pañhe, vācāya visajjissati³.

1. Pārage (Syā)

2. Vivattacchaddo (Sī)

3. Vissajjissati (Ka)

31. Bāvarissa vaco sutvā, sissā soḷasa brāhmaṇā.
Ajito Tissametteyyo, Puṇṇako atha Mettagū.
32. Dhotako Upasīvo ca, Nando ca atha Hemako.
Todeyya-kappā dubhayo, Jatukaṇṇi ca paṇḍito.
33. Bhadrāvudho Udayo ca, Posālo cāpi brāhmaṇo.
Mogharājā ca medhāvī, Piṅgiyo ca mahā-isi.
34. Paccekagaṇino sabbe, sabbalokassa vissutā.
Jhāyī jhānaratā dhīrā, pubbavāsanavāsītā.
35. Bāvarim̐ abhivādetvā, katvā ca nam̐ padakkhiṇam̐.
Jaṭājīnadharā sabbe, pakkāmuṃ uttarāmukhā.
36. Maḷakassa patiṭṭhānam̐, puramāhissatim̐¹ tadā².
Ujjeniñcāpi gonaddham̐, vedisam̐ vanasavhayaṃ.
37. Kosambiñcāpi Sāketam̐, Sāvattiñca puruttamaṃ.
Setabyam̐ Kapilavatthum̐, Kusinārañca Mandiram̐.
38. Pāvāñca Bhoganagaraṃ, Vesālim̐ Māgadham̐ puram̐.
Pāsānakam̐ cetiyañca, ramaṇīyam̐ manoramaṃ.
39. Tasitovudakam̐ sītam̐, mahālābham̐va vāṇijo.
Chāyam̐ ghammābhittova, turitā pabbatamāruhum̐.
40. Bhagavā tamhi samaye, bhikkhusam̐ghapurakkhato.
Bhikkhūnam̐ dhammam̐ desetī, sīhova nadatī vane.
41. Ajito addasa Buddhaṃ, pītaram̐sim̐va³ bhāṇumaṃ.
Candaṃ yathā pannarase, paripūram̐⁴ upāgataṃ.
42. Athassa gatte disvāna, paripūrañca byañjanaṃ.
Ekamantaṃ ṭhito haṭṭho, manopañhe apucchatha.
43. Ādissa jammanaṃ brūhi, gottam̐ brūhi salakkhaṇam̐.
Mantesu pāramim̐ brūhi, kati vāceti brāhmaṇo.

1. Puramāhiyati (Ka)

2. Sadā (Ka)

3. Jitaram̐sim̐ sītaram̐sim̐ (Ka), vītaram̐sim̐ (Sī, Syā)

4. Pāripūrim̐ (Sī, Syā)

44. Vīsaṃ vassasataṃ āyu, so ca gottena Bāvarī.
Tīṇissa lakkhaṇā gatte, tiṇṇaṃ vedāna pāragū.
45. Lakkhaṇe Itihāse ca, Sanighaṇḍusakeṭubhe.
Pañcasatāni vāceti, sadhamme pāramim gato.
46. Lakkhaṇānaṃ pavicayaṃ, Bāvarissa Naruttama.
Taṇhacchida¹ pakāsehi, mā no kaṅkhāyitaṃ ahu.
47. Mukhaṃ jivhāya chādeti, uṇṇa'ssa bhamukantare.
Kosohitaṃ vatthaguyhaṃ, evaṃ jānāhi māṇava.
48. Pucchañhi kiñci asuṇanto, sutvā pañhe viyākate.
Vicinteti jano sabbo, vedajāto katañjalī.'
49. Ko nu devo vā brahmā vā, Indo vāpi Sujampati.
Manasā pucchite pañhe, kametaṃ paṭibhāsati.
50. Muddhaṃ muddhādhipātañca, Bāvarī paripucchati.
Taṃ byākarohi Bhagavā, kaṅkhaṃ vinaya no ise.
51. Avijjā muddhāti jānāhi, vijjā muddhādhipatīnī.
Saddhāsatisamādhihi, chandavīriyena saṃyutā.
52. Tato vedena mahatā, santhambhetvāna māṇavo.
Ekamsaṃ ajinaṃ katvā, pādesu sirasā pati.
53. Bāvarī brāhmaṇo bhoto, saha sissehi mārisa.
Udaggacitto sumano, pāde vandati Cakkhuma.
54. Sukhito Bāvarī hotu, saha sissehi brāhmaṇo.
Tvañcāpi sukhito hohi, ciraṃ jīvāhi māṇava.
55. Bāvarissa ca tuyhaṃ vā, sabbesaṃ sabbasaṃsayaṃ.
Katāvakāsā pucchavho, yaṃ kiñci manasicchatha.
56. Sambuddhena katokāso, nisīditvāna pañjalī.
Ajito paṭhamaṃ pañhaṃ, tattha pucchi Tathāgataṃ.

Vatthugāthā niṭṭhitā.

1. Ajitamāṇavapucchā

57. Kenassu nivuto loko, (iccāyasmā Ajito,
Kenassu nappakāsati.
Kissābhilepanaṃ brūsi, kiṃsu tassa mahabbhayaṃ. (1)
58. Avijjāya nivuto loko, (Ajitāti Bhagavā,
Vevicchā pamādā nappakāsati,
Jappābhilepanaṃ brūmi, dukkha'massa mahabbhayaṃ. (2)
59. Savanti sabbadhi sotā, (iccāyasmā Ajito,
Sotānaṃ kiṃ nivāraṇaṃ,
Sotānaṃ saṃvaraṃ brūhi, kena sotā pidhiyyare.' (3)
60. Yāni sotāni lokasmiṃ, (Ajitāti Bhagavā,
Sati tesāṃ nivāraṇaṃ.
Sotānaṃ saṃvaraṃ brūmi, paññāyete pidhiyyare. (4)
61. Paññā ceva sati cāpi¹, (iccāyasmā Ajito,
Nāmarūpaṇca mārisa.
Etaṃ me puṭṭho pabrūhi, katthetaṃ uparujjhati. (5)
62. Yametaṃ pañhaṃ apucchi, Ajita taṃ vadāmi te.
Yattha nāmaṇca rūpaṇca, asesāṃ uparujjhati.
Viññāṇassa nirodhena, etthetaṃ uparujjhati. (6)
63. Ye ca saṅkhātadhammāse, ye ca sekkhā² puthū idha.
Tesaṃ me nipako iriyaṃ, puṭṭho pabrūhi mārisa. (7)
64. Kāmesu nābhigijjheyya, manasā'nāvilo siyā.
Kusalo sabbadhamānaṃ, sato bhikkhu paribbajeti. (8)

Ajitamāṇavapucchā paṭhamā.

1. Satī ceva (Sī)

2. Sekkhā (Ka)

2. Tissametteyyamāṇavapucchā

65. Kodha santusito loke, (iccāyasmā Tissametteyyo,)

Kassa no santi iñjitā.

Ko ubhantamabhiññāya, majjhe mantā na lippati¹.

Kaṃ brūsi mahāpurisoti, ko idha sibbinimaccagāti². (1)
66. Kāmesu brahmacariyavā, (Metteyyāti Bhagavā,)

Vītataṇho sadā sato.

Saṅkhāya nibbuto bhikkhu, tassa no santi iñjitā. (2)
67. So ubhantamabhiññāya, majjhe mantā na lippati.

Taṃ brūmi mahāpurisoti, so idha sibbinimaccagāti. (3)

Tissametteyyamāṇavapucchā dutiyā.

3. Puṇṇakamāṇavapucchā

68. Anejaṃ mūladassāvīṃ, (iccāyasmā Puṇṇako,)

Atthi pañhena āgamaṃ.

Kiṃ nissitā isayo manujā,

Khattiyā brāhmaṇā devatānaṃ.

Yaññamakappayīmsu puthū'dha loke,

Pucchāmi taṃ Bhagavā brūhi me'taṃ. (1)
69. Ye kecime isayo manujā, (Puṇṇakāti Bhagavā,)

Khattiyā brāhmaṇā devatānaṃ.

Yaññamakappayīmsu puthū'dha loke,

Āsīsamānā Puṇṇaka ittattaṃ.

Jaraṃ sitā yaññamakappayīmsu. (2)

1. Na limpati (bahūsu)

2. Sibbanimaccagā (Sī, Syā)

70. Ye kecime isayo manujā, (iccāyasmā Puṇṇako,)
 Khattiyā brāhmaṇā devatānaṃ.
 Yaññamakappayimsu puthū'dha loke,
 Kaccisu te Bhagavā yaññapathe appamattā.
 Atāruṃ jātiṅca jaraṅca mārisa,
 Pucchāmi taṃ Bhagavā brūhi me'taṃ. (3)
71. Āsīsanti thomayanti abhijappanti juhanti, (Puṇṇakāti Bhagavā,)
 Kāmābhijappanti paṭicca lābhaṃ.
 Te yājayogā bhavarāgarattā,
 Nātarimsu jātijaranti brūmi. (4)
72. Te ce nātarimsu yājayogā, (iccāyasmā Puṇṇako,)
 Yaññehi jātiṅca jaraṅca mārisa.
 Atha ko carahi devamanussaloke,
 Atāri jātiṅca jaraṅca mārisa.
 Pucchāmi taṃ Bhagavā brūhi me'taṃ. (5)
73. Saṅkhāya lokasmi paroparāni, (Puṇṇakāti Bhagavā,)
 Yassiñjitaṃ natthi kuhiṅci loke.
 Santo vidhūmo anīgho nirāso,
 Atāri so jātijaranti brūmīti. (6)

Puṇṇakamāṇavapucchā tatiyā.

4. Mettagūmāṇavapucchā

74. Pucchāmi taṃ Bhagavā brūhi me'taṃ, (iccāyasmā Mettagū,)
 Maññāmi taṃ vedaguṃ bhāvitattaṃ.
 Kuto nu dukkhā samudāgatā ime,
 Ye keci lokasmi'manekarūpā. (1)

75. Dukkassa ve maṃ pabhavaṃ apucchasi, (Mettaḡūti Bhagavā,
 Taṃ te pavakkhāmi yathā pajānaṃ.
 Upadhiniḡānā pabhavanti dukkhā,
 Ye keci lokasmi'manekarūpā. (2)
76. Yo ve avidvā upadhiṃ karoti,
 Punappunaṃ dukkha'mupeti mando.
 Tasmā pajānaṃ upadhiṃ na kayirā,
 Dukkassa jātippabhavānupassī. (3)
77. Yaṃ taṃ apucchimha akittayī no,
 Aññaṃ taṃ pucchāma tadiṅgha brūhi.
 Kathaṃ nu dhīrā vitaranti oghaṃ,
 Jātiṃ jaraṃ sokapariddavaṅca.
 Taṃ me Muni sādhu viyākarohi,
 Tathā hi te vidito esa dhammo. (4)
78. Kittayissāmi te dhammaṃ, (Mettaḡūti Bhagavā,
 Diṭṭhe dhamme anītihaṃ.
 Yaṃ viditvā sato caraṃ, tare loke visattikaṃ. (5)
79. Taṅcāhaṃ abhinandāmi, Mahesi dhammamuttamaṃ.
 Yaṃ viditvā sato caraṃ, tare loke visattikaṃ. (6)
80. Yaṃ kiṅci sampajānāsi, (Mettaḡūti Bhagavā,
 Uddhaṃ adho tiriyaṅcāpi majjhe.
 Etesu nandiṅca nivesanaṅca,
 Panujja viññāṇaṃ bhava na tiṭṭhe. (7)
81. Evaṃvihārī sato appamatto,
 Bhikkhu caraṃ hitvā mamāyitāni.
 Jātiṃ jaraṃ sokapariddavaṅca,
 Idheva vidvā pajaheyya dukkhaṃ. (8)

82. Etā'bhinandāmi vaco Mahesino,
Sukittitaṃ Gotama'nūpadhīkaṃ.
Addhā hi Bhagavā pahāsi dukkhaṃ,
Tathā hi te vidito esa dhammo. (9)
83. Te cāpi nūnappajaheyyu dukkhaṃ,
Ye tvaṃ Muni aṭṭhitaṃ ovadeyya.
Taṃ taṃ namassāmi samecca Nāga,
Appeva maṃ Bhagavā aṭṭhitaṃ ovadeyya. (10)
84. Yaṃ brāhmaṇaṃ vedagu'mābhijaññā,
Akiñcanaṃ kāmabhava asattaṃ.
Addhā hi so oghamimaṃ atāri,
Tiṇṇo ca pāraṃ akhilo akaṅkho. (11)
85. Vidvā ca yo vedagū naro idha,
Bhavābhava saṅgamimaṃ visajja.
So vītataṅho anīgho nirāso,
Atāri so jātijaranti brūmīti. (12)

Mettaḡumāṇavapucchā catutthī.

5. Dhotakamāṇavapucchā

86. Pucchāmi taṃ Bhagavā brūhi me'taṃ, (iccāyasmā Dhotako,)
Vācā'bhikaṅkhāmi Mahesi tuyhaṃ.
Tava sutvāna nigghosaṃ, sikkhe nibbānamattano. (1)
87. Tenahā'tappaṃ karohi, (Dhotakāti Bhagavā,)
Idheva nipako sato.
Ito sutvāna nigghosaṃ, sikkhe nibbānamattano. (2)
88. Passāmahāṃ devamanussaloke,
Akiñcanaṃ brāhmaṇa'miriyamānaṃ.
Taṃ taṃ namassāmi Samantacakkhu,
Pamuñca maṃ Sakka kathaṃkathāhi. (3)

89. Nāhaṃ sahiṣṣāmi pamocanāya,
Kathamkathim Dhotaka kañci loke.
Dhammañca seṭṭhaṃ abhijānamāno¹,
Evaṃ tuvaṃ oghamimaṃ taresi. (4)
90. Anusāsa brahme karuṇāyamāno,
Vivekadhammaṃ yamaṃ vijaññaṃ.
Yathāhaṃ ākāsova abyāpajjamāno,
Idheva santo asito careyyaṃ. (5)
91. Kittayissāmi te santim, (Dhotakāti Bhagavā,
Diṭṭhe dhamme anītihaṃ.
Yaṃ viditvā sato caraṃ,
Tare loke visattikaṃ. (6)
92. Tañcāhaṃ abhinandāmi, Mahesi santi'muttamaṃ.
Yaṃ viditvā sato caraṃ, tare loke visattikaṃ. (7)
93. Yaṃ kiñci sampajānāsi, (Dhotakāti Bhagavā,
Uddhaṃ adho tiriyañcāpi majjhe,
Etaṃ viditvā saṅgoti loke.
Bhavābhavāya mākāsi taṇhanti. (8)

Dhotakamāṇavapucchā pañcamī.

6. Upasīvamāṇavapucchā

94. Eko ahaṃ Sakka mahantamoghaṃ, (iccāyasmā Upasīvo,
Anissito no visahāmi tārituṃ.
Ārammaṇaṃ brūhi Samantacakkhu,
Yaṃ nissito oghamimaṃ tareyyaṃ. (1)

1. Ājānamāno (Sī, Syā, I)

95. Ākiñcaññaṃ pekkhamāno satimā, (Upasīvāti Bhagavā,
Natthīti nissāya tarassu oghaṃ.
Kāme pahāya virato kathāhi,
Taṇhakkhayaṃ nattamahā'bhīpassa. (2)
96. Sabbesu kāmesu yo vītarāgo, (iccāyasmā Upasīvo,
Ākiñcaññaṃ nissito hitvā maññaṃ.
Saññāvīmokkhe parame vimutto¹,
Tiṭṭhe nu so tattha anānuyāyī². (3)
97. Sabbesu kāmesu yo vītarāgo, (Upasīvāti Bhagavā,
Ākiñcaññaṃ nissito hitvā maññaṃ.
Saññāvīmokkhe parame vimutto,
Tiṭṭheyya so tattha anānuyāyī. (4)
98. Tiṭṭhe ce so tattha anānuyāyī,
Pūgampi vassānaṃ Samantacakkhu.
Tattheva so sītisiyā vimutto,
Cavetha viññāṇaṃ tathāvidhassa. (5)
99. Acci yathā vātavegena khittā, (Upasīvāti Bhagavā,
Atthaṃ paleti na upeti saṅkhaṃ.
Evaṃ Munī nāmakāyā vimutto,
Atthaṃ paleti na upeti saṅkhaṃ. (6)
100. Atthaṅgato so uda vā so natthi,
Udāhu ve sassatiyā arogo.
Taṃ me Munī sādhu viyākarohi,
Tathā hi te vidito esa dhammo. (7)
101. Atthaṅgatassa na pamāṇa'matthi, (Upasīvāti Bhagavā,
Yena naṃ vajjuṃ taṃ tassa natthi.
Sabbesu dhammesu samūhatesu,
Samūhatā vādapathāpi sabbeti. (8)

Upasīvamāṇavapucchā chaṭṭhī.

1. Dhimutto (Ka)

2. Anānuyāyī (Syā, Ka)

7. Nandamāṇavapucchā

102. “Santi loke munayo”, (iccāyasmā Nando,)

Janā vadanti tayidaṃ kathamsu.

Ñāṇūpapannaṃ Muni no vadanti,

Udāhu ve jīvitenūpapannaṃ. (1)
103. Na diṭṭhiyā na sutiyā na ñāṇena,

Munīdha Nanda kusalā vadanti.

Visenikatvā anīghā nirāsā.

Caranti ye te munayoti brūmi. (2)
104. Ye kecime samaṇabrāhmaṇāse, (iccāyasmā Nando,)

Diṭṭhassutenāpi vadanti suddhiṃ.

Sīlabbatenāpi vadanti suddhiṃ,

Anekarūpena vadanti suddhiṃ.

Kaccissu te Bhagavā tattha yatā carantā,

Atāru jātiṅca jaraṅca mārisa.

Pucchāmi taṃ Bhagavā brūhi me’taṃ. (3)
105. Ye kecime samaṇabrāhmaṇāse, (Nandāti Bhagavā,)

Diṭṭhassutenāpi vadanti suddhiṃ.

Sīlabbatenāpi vadanti suddhiṃ,

Anekarūpena vadanti suddhiṃ.

Kiñcāpi te tattha yatā caranti,

Nātarimsu jātijaranti brūmi. (4)
106. Ye kecime samaṇabrāhmaṇāse, (iccāyasmā Nando,)

Diṭṭhassutenāpi vadanti suddhiṃ.

Sīlabbatenāpi vadanti suddhiṃ,

Anekarūpena vadanti suddhiṃ.

Te ce Muni brūsi anoghatiṅṅe,

Atha ko carahi devamanussaloke.

Atāri jātiṅca jaraṅca mārisa,

Pucchāmi taṃ Bhagavā brūhi me’taṃ. (5)

107. Nāhaṃ sabbe samaṇabrāhmaṇāse, (Nandāti Bhagavā,
 Jātijarāya nivutāti brūmi.
 Ye sīdha diṭṭhaṃ va sutāṃ mutāṃ vā,
 Sīlabbatāṃ vāpi pahāya sabbāṃ.
 Anekarūpampi pahāya sabbāṃ,
 Taṇhaṃ pariññāya anāsavāse.
 Te ve narā oghatiṇṇāti brūmi. (6)
108. Etā'bhinandāmi vaco Mahesino,
 Sukittitaṃ Gotama'nūpadhīkaṃ.
 Ye sīdha diṭṭhaṃ va sutāṃ mutāṃ vā,
 Sīlabbatāṃ vāpi pahāya sabbāṃ.
 Anekarūpampi pahāya sabbāṃ,
 Taṇhaṃ pariññāya anāsavāse.
 Ahampi te oghatiṇṇāti brūmīti. (7)

Nandamāṇavapucchā sattamā.

8. Hemakamāṇavapucchā

109. Ye me pubbe viyākaṃsu, (iccāyasmā Hemako,
 Huraṃ Gotamasāsanā.
 “Iccāsi iti bhavissati”, sabbāṃ taṃ itihītihaṃ.
 Sabbāṃ taṃ takkavaḍḍhanaṃ, nāhaṃ tattha abhiramim. (1)
110. Tvañca me dhammamakkhāhi, taṇhānigghātanaṃ Muni.
 Yaṃ veditvā sato caraṃ, tare loke visattikaṃ. (2)
111. Idha diṭṭhasutamutaviññātesu, piyarūpesu Hemaka.
 Chandarāgavinodanaṃ, nibbānapada'maccutaṃ. (3)
112. Etadaññāya ye satā, diṭṭhadhammā'bhinibbutā.
 Upasantā ca te sadā, tiṇṇā loke visattikanti. (4)

Hemakamāṇavapucchā aṭṭhamā.

9. Todeyyamāṇavapucchā

113. Yasmiṃ kāmā na vasanti, (iccāyasmā Todeyyo,)
 Taṇhā yassa na vijjati.
 Kathaṃkathā ca yo tiṇṇo,
 Vimokkho tassa kīdiso. (1)
114. Yasmiṃ kāmā na vasanti, (Todeyyāti Bhagavā,)
 Taṇhā yassa na vijjati.
 Kathaṃkathā ca yo tiṇṇo,
 Vimokkho tassa nā'paro. (2)
115. Nirāsaso so uda āsasāno¹,
 Paññāṇavā so uda paññakappī.
 Muniṃ ahaṃ Sakka yathā vijaññaṃ,
 Taṃ me viyācikkha Samantacakkhu. (3)
116. Nirāsaso so na ca āsasāno,
 Paññāṇavā so na ca paññakappī.
 Evampi Todeyya Muniṃ vijāna,
 Akiñcanaṃ kāmabhava asattanti. (4)

Todeyyamāṇavapucchā navamā.

10. Kappamāṇavapucchā

117. Majjhe sarasmiṃ tiṭṭhataṃ, (iccāyasmā Kappo,)
 Oghe jāte mahabbhaye.
 Jarāmaccuparetānaṃ, dīpaṃ pabrūhi mārisa.
 Tvañca me dīpamakkhāhi, yathāyidaṃ nāparaṃ siyā. (1)
118. Majjhe sarasmiṃ tiṭṭhataṃ, (Kappāti Bhagavā,)
 Oghe jāte mahabbhaye.
 Jarāmaccuparetānaṃ, dīpaṃ pabrūmi Kappa te. (2)

119. Akiñcanaṃ anādānaṃ, etaṃ dīpaṃ anāparaṃ.
Nibbānaṃ iti naṃ brūmi, jarāmaccuparikkhayaṃ. (3)
120. Etadaññāya ye satā, diṭṭhadhammābhiniibbutā.
Na te māravasānugā, na te mārasa paṭṭhagūti¹. (4)

Kappamāṇavapucchā dasamā.

11. Jatukaṇṇimāṇavapucchā

121. Sutvānahaṃ vīramakāmakāmiṃ, (iccāyasmā Jatukaṇṇi.)
Oghātigaṃ puṭṭhumakāmamāgamaṃ.
Santipadaṃ brūhi sahaJanetta,
Yathātacchaṃ Bhagavā brūhi me'taṃ. (1)
122. Bhagavā hi kāme abhibhuyya iriyati,
Ādiccova pathaviṃ tejī tejasā.
Parittapaññassa me Bhūripañña,
Ācikkha dhammaṃ yamaṃ vijaññaṃ.
Jātijarāya idha vippahānaṃ. (2)
123. Kāmesu vinaya gedhaṃ, (Jatukaṇṇīti Bhagavā.)
Nekkhammaṃ datṭhu khemato.
Uggahitaṃ nirattaṃ vā, mā te vijjittha kiñcanaṃ. (3)
124. Yaṃ pubbe taṃ visosehi, pacchā te māhu kiñcanaṃ.
Majjhe ce no gahessasi, upasanto carissasi. (4)
125. Sabbaso nāmarūpasmim, vītagedhassa brāhmaṇa.
Āsavāssa na vijjanti, yehi maccuvasaṃ vajeti. (5)

Jatukaṇṇimāṇavapucchā ekādasamā.

12. Bhadrāvudhamāṇavapucchā

126. Okañjaham taṇhacchidaṃ anejaṃ, (iccāyasmā Bhadrāvudho,
Nandiñjaham oghatiṇṇaṃ vimuttaṃ.
Kappañjaham abhiyāce sumedhaṃ,
Sutvāna nāgassa apanamissanti ito. (1)
127. Nānājanā janapadehi saṅgatā,
Tava Vīra vākyam abhikaṅkhamānā.
Tesaṃ tuvaṃ sādhu viyākarohi,
Tathā hi te vidito esa dhammo. (2)
128. Ādānataṇhaṃ vinayetha sabbaṃ, (Bhadrāvudhāti Bhagavā,
Uddham adho tiriyañcāpi majjhe.
Yaṃ yañhi lokasmimupādiyanti,
Teneva māro anveti jantuṃ. (3)
129. Tasmā pajānaṃ na upādiyetha,
Bhikkhu sato kiñcanaṃ sabbaloke.
Ādānasatte iti pekkhamāno,
Pajaṃ imaṃ maccudheyye visattanti. (4)

Bhadrāvudhamāṇavapucchā dvādasamā.

13. Udayamāṇavapucchā

130. Jhāyim virajamāsīnaṃ, (iccāyasmā Udayo)
Katakiccaṃ anāsavaṃ.
Pāraguṃ sabbadhammānaṃ, atthi pañhena āgamaṃ.
Aññāvimokkhaṃ pabrūhi, avijjāya pabhedanaṃ. (1)
131. Pahānaṃ kāmacchandānaṃ, (Udayāti Bhagavā)
Domanassāna cūbhayaṃ.
Thinassa ca panūdanaṃ, kukkuccānaṃ nivāraṇaṃ. (2)

132. Upekkhāsatisaṃsuddhaṃ, dhammatakkapurejavaṃ.
Aññāvimokkhaṃ pabrūmi, avijjāya pabhedanaṃ. (3)
133. Kiṃsu saṃyojano loko, kiṃsu tassa vicāraṇaṃ.
Kissassa vippahānena, nibbānaṃ iti vuccati. (4)
134. Nandisaṃyojano loko, vitakkassa vicāraṇaṃ.
Taṇhāya vippahānena, nibbānaṃ iti vuccati. (5)
135. Kathaṃ satassa carato, viññāṇaṃ uparujjhati.
Bhagavantaṃ puṭṭhumāgama, taṃ suṇoma vaco tava. (6)
136. Ajjhataṅca bahiddhā ca, vedanaṃ nābhinandato.
Evaṃ satassa carato, viññāṇaṃ uparujjhatīti. (7)

Udayamāṇavapucchā terasamā.

14. Posālamāṇavapucchā

137. Yo atītaṃ ādisati, (iccāyasmā Posālo.)
Anejo chinnaṃsayo.
Pāraguṃ sabbadhammānaṃ, atthi pañhena āgamaṃ. (1)
138. Vibhūtarūpasaññissa, sabbakāyappahāyino.
Ajjhataṅca bahiddhā ca, natthi kiñcīti passato.
Ñāṇaṃ Sakkā'nupucchāmi, kathaṃ neyyo tathāvidho. (2)
139. Viññāṇaṭṭhitiyo sabbā, (Posālāti Bhagavā,)
Abhijānaṃ Tathāgato.
Tiṭṭhantameṇaṃ jānāti, vimuttaṃ tapparāyaṇaṃ. (3)
140. Ākiñcaññasambhavaṃ ña tvā, nandī saṃyojanaṃ iti.
Evametam abhiññāya, tato tattha vipassati.
Etaṃ¹ ñāṇaṃ tathaṃ tassa, brāhmaṇassa vusīmatoti. (4)

Posālamāṇavapucchā cuddasamā.

1. Evaṃ (Syā, Ka)

15. Mogharājamāṇavapucchā

141. Dvāhaṃ Sakkaṃ apucchissāṃ, (iccāyasmā Mogharājā,
Na me byākāsi Cakkhumā.
Yāvataṭṭhiyaṅca devīsi,
Byākarotīti me sutāṃ. (1)
142. Ayaṃ loko paro loko,
Brahmaloko sadevako.
Diṭṭhiṃ te nābhijānāti,
Gotamassa yasassino. (2)
143. Evaṃ abhikkantadassāvīṃ, atthi pañhena āgamaṃ.
Kathaṃ lokaṃ avekkhantaṃ, maccurājā na passati. (3)
144. Suññato lokaṃ avekkhassu, Mogharāja sadā sato.
Attānudiṭṭhiṃ ūhacca, evaṃ maccutaro siyā.
Evaṃ lokaṃ avekkhantaṃ, maccurājā na passatīti. (4)

Mogharājamāṇavapucchā pannarasamā.

16. Piṅgiyamāṇavapucchā

145. Jiṅṇohamasmi abalo vītavaṅṇo, (iccāyasmā Piṅgiyo,
Nettā na suddhā savanaṃ na phāsu.
Mā'haṃ nassaṃ momuho antarāva,
Ācikkha dhammaṃ yamaṃ vijaññaṃ.
Jātijarāya idha vippahānaṃ. (1)
146. Disvāna rūpesu vihaññaṃāne, (Piṅgiyāti Bhagavā,
Ruppanti rūpesu janā pamattā.
Tasmā tuvaṃ Piṅgiya appamatto,
Jahassu rūpaṃ apunabbhavāya. (2)

147. Disā catasso vidisā catasso,
 Uddham adho dasa disā imāyo.
 Na tuyham adiṭṭham asutam amutam¹,
 Atho aviññātam kiñcana'matthi² loke.
 Ācikkha dhammam yamaḥam vijaññam,
 Jātijarāya idha vippahānam. (3)

148. Taṇhāhipanne manuje pekkhamāno, (Piṅgiyāti Bhagavā,
 Santāpajāte jarasā parete,
 Tasmā tuvaṃ Piṅgiya appamatto.
 Jahassu taṇham apunabbhavāyāti. (4)

Piṅgiyamāṇavapucchā soḷasamā.

1. Asutam amutam vā (Sī), asutāmutam vā (Syā), asutam'mutam vā (I)

2. Kañci matthi (Syā), kiñci natthi (I), kiñcinamatthi (Ka)

Pārāyanatthutigāthā

Idamavoca Bhagavā Magadhesu viharanto pāsāṇake cetiye,
 paricāraśoḷasānaṃ¹ brāhmaṇānaṃ ajjhiṭṭho puṭṭho puṭṭho pañhaṃ²
 byākāsi. Ekamekassa cepi pañhassa atthamaññāya dhammamaññāya
 dhammānudhammaṃ paṭipajjeyya, gaccheyyeva jarāmaraṇassa pāraṃ,
 pāraṅgamanīyā ime dhammāti, tasmā imassa dhammapariyāyassa
 pārāyananteva³ adhivacanaṃ.

149. Ajito Tissametteyyo, Puṇṇako atha Mettagū.
 Dhotako Upasīvo ca, Nando ca atha Hemako. (1)
150. Todeyyakappā dubhayo, Jatukaṇṇī ca Paṇḍito.
 Bhadrāvudho Udayo ca, Posālo cāpi brāhmaṇo.
 Mogharājā ca medhāvī, Piṅgiyo ca mahā-isi. (2)
151. Ete Buddhaṃ upāgacchum, sampannacaraṇaṃ isim.
 Pucchantā nipuṇe pañhe, Buddhasettḥamaṃ upāgamum. (3)
152. Tesam Buddho pabyākāsi, pañhe puṭṭho yathātathaṃ.
 Pañhānaṃ veyyākaraṇena, tosesi brāhmaṇe Muni. (4)
153. Te tositā Cakkhumatā, Buddhenādiccabandhunā.
 Brahmācariyamācariṃsu, varapaññassa santike. (5)
154. Ekamekassa pañhassa, yathā Buddhena desitaṃ.
 Tathā yo paṭipajjeyya, gacche pāraṃ apārato. (6)
155. Apārā pāraṃ gaccheyya, bhāvento maggamuttamaṃ.
 Maggo so pāraṃ gamaṇāya, tasmā pārāyanaṃ iti. (7)

Pārāyanānugītigāthā

156. Pārāyanamanugāyissaṃ, (iccāyasmā Piṅgiyo,)
 Yathā'ddakkhi tathā'kkhāsi, vimalo Bhūrimedhaso.
 Nikkāmo nibbano⁴ nāgo, kissa hetu musā bhaṇe.(1)
157. Pahīnamalamohassa, mānamakkhappahāyino.
 Handāham kittayissāmi, giram vaṇṇūpasañhitam. (2)

1. Paricāraśoḷasannaṃ (Syā, Ka)

3. Pārāyaṇanteva (Sī-Ṭṭha)

2. Pañhe (Sī, I)

4. Nibbuto (Syā)

158. Tamonudo Buddho Samantacakkhu,
Lokantagū sabbabhavātivatto.
Anāsavo sabbadukkhappahīno,
Saccavhayo brahme upāsito me. (3)
159. Dijo yathā kubbanakam pahāya,
Bahupphalam kānanamāvaseyya.
Evampahaṃ appadasse pahāya,
Mahodadhiṃ haṃsoriva ajjhapatto. (4)
160. Yeme pubbe viyākaṃsu,
Huram Gotamasāsanā. “Iccāsi iti bhavissati”,
Sabbam tam itihītiham, sabbam tam takkavaḍḍhanam. (5)
161. Eko tamanudāsino, jutimā so pabhaṅkaro.
Gotamo Bhūripaññāṇo, Gotamo Bhūrimedhaso. (6)
162. Yo me dhammadesesi, sandiṭṭhikamakālikam.
Taṇhakkhayamanītikam, yassa natthi upamā kvaci. (7)
163. Kim nu tamhā vipavasasi, muhuttamapi Piṅgiya.
Gotamā Bhūripaññāṇā, Gotamā Bhūrimedhasā. (8)
164. Yo te dhammadesesi, sandiṭṭhikamakālikam.
Taṇhakkhayamanītikam, yassa natthi upamā kvaci. (9)
165. Nāham tamhā vipavasāmi, muhuttamapi brāhmaṇa.
Gotamā Bhūripaññāṇā, Gotamā Bhūrimedhasā. (10)
166. Yo me dhammadesesi, sandiṭṭhikamakālikam.
Taṇhakkhayamanītikam, yassa natthi upamā kvaci. (11)
167. Passāmi nam manasā cakkhunāva,
Rattindivam brāhmaṇa appamatto.
Namassamāno vivasemi rattim,
Teneva maññāmi avippavāsam. (12)

168. Saddhā ca pīti ca mano sati ca,
Nā'penti'me Gotamasāsanamhā.
Yaṃ yaṃ disaṃ vajati Bhūripañño,
Sa tena teneva natohamasmī. (13)
169. Jiṇṇassa me dubbalathāmakassa,
Teneva kāyo na paleti tattha.
Saṅkappayantāya¹ vajāmi niccaṃ,
Mano hi me brāhmaṇa tena yutto. (14)
170. Paṅke sayāno pariphandamāno,
Dīpā dīpaṃ upallaviṃ.
Athaddasāsiṃ Sambuddhaṃ, oghatiṇṇamanāsavaṃ. (15)
171. Yathā ahū Vakkali muttasaddho,
Bhadrāvudho Āḷavi Gotamo ca.
Evameva tvampi pamuñcassu saddhaṃ,
Gamissasi tvaṃ Piṅgiya maccudheyassa pāraṃ². (16)
172. Esa bhiyyo pasīdāmi, sutvāna Munino vaco.
Vivaṭṭacchado Sambuddho, akhilo paṭibhānavā. (17)
173. Adhideve abhiññāya, sabbaṃ vedi paroparaṃ.
Pañhānantakaro Satthā, kaṅkhīnaṃ paṭijānataṃ. (18)
174. Asaṃhīraṃ asaṅkappaṃ,
Yassa natthi upamā kvaci.
Addhā gamissāmi na mettha kaṅkhā,
Evaṃ maṃ dhārehi adhimuttacittanti³. (19)

Pārāyanānugītīgāthā niṭṭhitā.

1. Saṅkappayattāya (Sī)

2. Maccudheyapāraṃ (Sī)

3. Ajitamāṇavapucchāya paṭṭhāya yāvaparāyanānugītīgāthāpariyosānā Syā...potthake natthi.

Pārāyanavagga

1. Ajitamāṇavapucchāniddeśa

1. Kenassu nivuto loko, (iccāyasmā Ajito,)

Kenassu nappakāsati.

Kissābhilepanam brūsi¹,

Kirīsu tassa mahabbhayaṃ.

Kenassu nivuto lokoti lokoti nirayaloko tiracchānaloko pettivisayaloko manussaloko devaloko khandhaloko dhātuloko āyatanaloko ayaṃ loko paro loko brahmaloko devaloko. Ayaṃ vuccati loko. Ayaṃ loko kena āvuto nivuto ovuto² pihito paṭicchanno paṭikujjitoti kenassu nivuto loko.

Iccāyasmā Ajitoti iccāti padasandhi padasaṃsaggo padapāripūrī akkharasamavāyo byañjanasiliṭṭhatā padānupubbatāpetam³ iccāti. **Āyasmāti** piyavacanam garuvacanam sagāravasappatissādhivacanametam āyasmāti. **Ajitoti** tassa brāhmaṇassa nāmam saṅkhā samaññā paññatti vohāro nāmam nāmakammaṃ nāmadheyyam nirutti byañjanam abhilāpoti iccāyasmā Ajito.

Kenassu nappakāsati kena loko nappakāsati na bhāsati na tapati na virocati na ñāyati na paññāyatīti kenassu nappakāsati.

Kissābhilepanam brūsiti kim lokassa lepanam lagganam bandhanam upakkilesa. Kena loko litto samlitto upalitto kilittṭho saṅkilitṭho makkhito saṃsaṭṭho laggo laggito palibuddho brūsi ācikkhasi desesi paññāpesi⁴ paṭṭhāpesi vivarasi vibhajasi uttānīkarosi⁵ pakāsesīti kissābhilepanam brūsi.

1. Brūhi (Syā)

2. Ophuto (Syā)

3. Padānupubbatāmetam (bahūsu)

4. Paññāpesi (Ka)

5. Uttānim karosi (Ka)

Kiṃsu tassa mahabbhayanti kiṃ lokassa bhayaṃ mahabbhayaṃ
pīḷanaṃ ghaṭṭanaṃ upaddavo upasaggoti kiṃsu tassa mahabbhayaṃ. Tenāha
so brāhmaṇo—

Kenassu nivuto loko, (iccāyasmā Ajito.)

Kenassu nappakāsati.

Kissābhilepanaṃ brūsi,

Kiṃsu tassa mahabbhayanti.

2. Avijjāya nivuto loko, (Ajitāti Bhagavā,)

Vevicchā pamādā nappakāsati.

Jappābhilepanaṃ brūmi,

Dukkha'massa mahabbhayaṃ.

Avijjāya nivuto lokoti avijjāti dukkhe aññāṇaṃ dukkhasamudaye
aññāṇaṃ dukkhanirodhe aññāṇaṃ dukkhanirodhagāminiyā paṭipadāya
aññāṇaṃ pubbante aññāṇaṃ aparante aññāṇaṃ pubbantāparante aññāṇaṃ
idappaccayatāpaṭiccasamuppannesu dhammesu aññāṇaṃ, yaṃ evarūpaṃ
aññāṇaṃ adassanaṃ anabhisamayo ananubodho asambodho appaṭivedho
asaṃgāhanā apariyogāhanā asamapekkhanā apaccavekkhanā¹
apaccavekkhanaṅkammaṃ dummejjhaṃ bālyaṃ asampajaññaṃ moho
pamoho sammoho avijjā avijjogho avijjāyogo avijjānusayo
avijjāpariyuṭṭhānaṃ avijjālaṅgī moho akusalamūlaṃ. Ayaṃ vuccati avijjā.

Lokoti nirayaloko tiracchānaloko pettivisayaloko manussaloko
devaloko khandhaloko dhātuloko āyatanaloko ayaṃ loko paro loko
brahmaloko devaloko. Ayaṃ vuccati loko. Ayaṃ loko imāya avijjāya āvuto
nivuto ovuto pihito paṭicchanno paṭikujjitoti avijjāya nivuto loko.

Ajitāti Bhagavā taṃ brāhmaṇaṃ nāmena ālapati. **Bhagavāti**
gāravādhivacanaṃ. Api ca bhaggarāgoti Bhagavā, bhaggadosoti Bhagavā,

1. Apaccavekkhanā (Syā)

bhaggamohoti Bhagavā, bhaggamānoti Bhagavā, bhaggadiṭṭhīti Bhagavā, bhaggakaṇṭakoti Bhagavā, bhaggakilesoti Bhagavā, bhaji vibhaji pavibhaji dhammaratananti Bhagavā, bhavānaṃ antakaroti Bhagavā, bhavitakāyo, bhāvitasīlo, bhāvitacitto¹, bhāvitapaññoti Bhagavā, bhaji vā Bhagavā araññavanapatthāni pantāni senāsanāni appasaddāni appanigghosāni vijanavātāni manussarāhasseyyakāni² paṭisallānasārubbānīti Bhagavā, bhāgī vā Bhagavā cīvarapaṇḍapātasenāsanagilānapaccayabhesajjaparikkhārānanti Bhagavā, bhāgī vā Bhagavā attharasassa dhammarasassa vimuttirasassa adhisīlassa adhiccittassa adhipaññāyāti Bhagavā, bhāgī vā Bhagavā catunnaṃ jhānānaṃ catunnaṃ appamaññānaṃ catunnaṃ arūpasamāpattīnanti Bhagavā, bhāgī vā Bhagavā aṭṭhannaṃ vimokkhānaṃ aṭṭhannaṃ abhibhāyatanānaṃ navannaṃ anupubbasaṃpattīnanti Bhagavā, bhāgī vā Bhagavā dasannaṃ saññābhāvanānaṃ kaṣiṇasaṃpattīnaṃ ānāpānassatisamādhissa asubhasaṃpattiyāti Bhagavā, bhāgī vā Bhagavā catunnaṃ satipaṭṭhānānaṃ catunnaṃ sammappadhānānaṃ catunnaṃ iddhipādānaṃ pañcannaṃ indriyānaṃ pañcannaṃ balānaṃ sattannaṃ bojjhaṅgānaṃ ariyassa aṭṭhaṅgikassa maggassāti Bhagavā, bhāgī vā Bhagavā dasannaṃ Tathāgatabalānaṃ catunnaṃ vesārajjanaṃ catunnaṃ paṭisambhidānaṃ channaṃ abhiññānaṃ channaṃ Buddhadhammānanti Bhagavā. Bhagavāti netaṃ nāmaṃ mātarā kataṃ, na pitarā kataṃ, na bhātārā kataṃ, na bhaginiyā kataṃ, na mittāmaccehi kataṃ, na ñātisālohitehi kataṃ, na samaṇabrāhmaṇehi kataṃ, na devatāhi kataṃ, vimokkhantikametaṃ Buddhānaṃ Bhagavantānaṃ bodhiyā mūle saha sabbaññutaññaṇassa paṭilābhā sacchikā paññatti, yadidaṃ Bhagavāti Ajitāti Bhagavā.

Vevicchā pamādā nappakāsatiti vevicchaṃ vuccati pañca macchariyāni āvāsamacchariyaṃ kulamacchariyaṃ lābhamacchariyaṃ, vaṇṇamacchariyaṃ dhammacchariyaṃ, yaṃ evarūpaṃ maccheraṃ maccharāyanā maccharāyitattaṃ vevicchaṃ kadariyaṃ kaṭukañcukatā aggahitattaṃ cittassa, idaṃ vuccati macchariyaṃ. Api ca khandhamacchariyampi macchariyaṃ, dhātumacchariyampi macchariyaṃ, āyatanamacchariyampi macchariyaṃ, gāho vuccati macchariyaṃ. Pamādo vattabbo, kāyaduccarite vā vacīduccarite vā

1. Bhāvitakāyoti Bhagavā, bhāvitasīloti bhāvitacittoti (Syā)

2. Manussarāhaseyyakāni (Syā)

manoduccarite vā pañcasu kāmagaṇesu vā cittassa vosaggo¹
 vosaggānuppadānaṃ kusalānaṃ dhammānaṃ bhāvanāya asakkaccakiriyatā
 asātaccakiriyatā anaṭṭhitakiriyatā² olīnavuttitā nikkhattacchandatā
 nikkhattadhuratā anāsevanā abhāvanā abahulīkammaṃ anadhiṭṭhānaṃ
 ananuyogo pamādo, yo evarūpo pamādo pamajjanā pamajjitattaṃ. Ayaṃ
 vuccati pamādo. . **Vevicchā pamādā nappakāsati** iminā ca macchariyena
 iminā ca pamādena loko nappakāsati na bhāsati na tapati na virocati na
 ñāyati na paññāyatīti vevicchā pamādā nappakāsati.

Jappābhilepanaṃ brūmīti jappā vuccati taṇhā, yo rāgo sārāgo anunayo
 anurodho nandi³ nandirāgo cittassa sārāgo icchā mucchā ajjhosānaṃ gedho
 paligedho saṅgo paṅko eja māyā janikā sañjananī sibbinī jālinī saritā
 visattikā suttāṃ visaṭā⁴ āyūhanī dutiyā paṇidhi bhavanetti vanāṃ vanatho
 santhavo⁵ sineho apekkhā paṭibandhu āsā āsīsanā⁶ āsīsittatā rūpāsā
 saddāsā gandhāsā rasāsā phoṭṭhabbāsā lābhāsā dhanāsā puttāsā jīvitāsā jappā
 pajappā abhijappā jappānā jappittatā loluppaṃ loluppāyaṇā
 loluppāyittatā pucchāñjikatā sādhuṅkamyatā adhammarāgo visamalobho
 nikanti nikāmanā patthanā pihanā sampatthanā kāmataṇhā bhavataṇhā
 vibhavataṇhā rūpataṇhā arūpataṇhā nirodhataṇhā rūpataṇhā saddataṇhā
 gandhataṇhā rasataṇhā phoṭṭhabbataṇhā dhammataṇhā ogho yogo gantho
 upādānaṃ āvaraṇaṃ nīvaraṇaṃ chadanaṃ bandhanaṃ upakkilesa anusayo
 pariyaṭṭhānaṃ latā vevicchaṃ dukkhamūlaṃ dukkhanidānaṃ
 dukkhappabhavo mārapāso māraḷisaṃ māramisaṃ māraḷisaṃ māraḷisaṃ
 māraḷisaṃ māragocaro mārabandhanaṃ taṇhānadī taṇhājālaṃ
 taṇhāgaddulaṃ taṇhāsamuddo abhijjhā lobho akusalamūlaṃ, ayaṃ vuccati
 jappā. Lokassa lepanaṃ lagganaṃ bandhanaṃ upakkilesa imāya jappāya
 loko litto saṃlitto upalitto kilīṭṭho saṃkilīṭṭho makkhito saṃsaṭṭho laggo
 laggito palibuddhoti brūmi ācikkhāmi desemi paññapemi paṭṭhapemi
 vivarāmi vibhajāmi uttānīkaromi pakāsemīti jappābhilepanaṃ brūmi.

1. Vossaggo (bahūsu)

3. Nandi (Syā)

5. Sandhavo (Ka) Abhi 2. 376 piṭṭhe.

2. Anīṭṭhitakiriyatā (Ka) Abhi 2. 363 piṭṭhe.

4. Sottaṃ visaṭā (Syā)

6. Āsīsanā (Syā)

Dukkha'massa mahabbhayanti dukkhanti jātidukkhaṃ jarādukkhaṃ byādhidukkhaṃ maraṇadukkhaṃ sokaparidevadukkha-
 domanassupāyāsadukkhaṃ nerayikaṃ dukkhaṃ tiracchānayanonikaṃ
 dukkhaṃ pettivisayikaṃ dukkhaṃ mānusikaṃ dukkhaṃ
 gabbhokkantimūlakaṃ dukkhaṃ gabbhaṭṭhitimūlakaṃ¹ dukkhaṃ
 gabbhavuṭṭhānamūlakaṃ dukkhaṃ jātassūpanibandhakaṃ dukkhaṃ jātassa
 parādheyyakaṃ dukkhaṃ attūpakkamadukkhaṃ parūpakkamadukkhaṃ
 saṅkhāradukkhaṃ vipariṇāmadukkhaṃ, cakkhurogo sotarogo ghānarogo
 jivhārogo kāyarogo sīsarogo kaṇṇarogo mukharogo dantarogo kāso sāso
 pināso ḍāho² jaro kucchirogo mucchā pakkhandikā sūlā visūcikā kuṭṭhaṃ
 gaṇḍo kilāso soso apamāro daddu kaṇḍu kacchu rakhasā³ vitacchikā
 lohitaṃ pittaṃ⁴ madhumeho amsā piḷakā bhagandalā pittasamuṭṭhānā ābādhā
 semhasamuṭṭhānā ābādhā vātasamuṭṭhānā ābādhā sannipātikā ābādhā
 utupariṇāmajā ābādhā visamaparihārajā ābādhā opakkamikā ābādhā
 kammavipākajā ābādhā sītaṃ uṇhaṃ jighacchā pipāsā uccāro passāvo
 ḍamsamakāsavātātapasarīsapasamphassaṃ dukkhaṃ mātumaraṇaṃ
 dukkhaṃ pitumaraṇaṃ dukkhaṃ bhātumaraṇaṃ dukkhaṃ bhaginimaraṇaṃ
 dukkhaṃ puttamaraṇaṃ dukkhaṃ dhītumaraṇaṃ dukkhaṃ ñātibyasaṇaṃ
 dukkhaṃ rogabyasaṇaṃ dukkhaṃ bhogabyasaṇaṃ dukkhaṃ sīlabyaṇaṃ
 dukkhaṃ diṭṭhibyaṇaṃ dukkhaṃ yesaṃ dhammānaṃ ādito
 samudāgamaṇaṃ paññāyati. Atthaṅgamato nirodho paññāyati.
 Kammasannissito vipāko, vipākasannissitaṃ kammaṃ, nāmasannissitaṃ
 rūpaṃ rūpasannissitaṃ nāmaṃ, jātiyā anugataṃ jarāya anusaṭaṃ byādhinā
 abhibhūtaṃ maraṇena abbhāhataṃ dukkhe patiṭṭhitaṃ atāṇaṃ aleṇaṃ
 asaraṇaṃ asaraṇībhūtaṃ. Idaṃ vuccati dukkhaṃ, idaṃ dukkhaṃ lokassa
 bhayaṃ mahābhayaṃ piḷanaṃ ghaṭṭanaṃ upaddavo upasaggoti
 dukkhamassa mahabbhayaṃ. Tenāha Bhagavā—

Avijjāya nivuto loko, (Ajitāti Bhagavā,)

Vevecchā pamādā nappakāsati.

Jappābhilepanaṃ brūmi, dukkha'massa mahabbhayanti.

1. Gabbheṭṭhitimūlakaṃ (Syā, Ka)

3. Rakkhasā (Ka)

2. Ḍaho (Syā)

4. Lohitaṃ pittaṃ (bahūsu)

3. Savanti sabbadhi sotā, (iccāyasmā Ajito,)

Sotānaṃ kiṃ nivāraṇaṃ.

Sotānaṃ saṃvaram brūhi, kena sotā pidhīyare¹.

Savanti sabbadhi sotāti sotāti taṇhāsoto diṭṭhisoto kilesasoto duccharitasoto avijjāsoto. **Sabbadhīti** sabbesu āyatanesu. **Savantīti** savanti āsavanti sandanti pavattanti. Cakkhuto rūpe savanti āsavanti sandanti pavattanti. Sotato sadde savanti. Ghānato gandhe savanti. Jivhāto rase savanti. Kāyato phoṭṭhabbe savanti. Manato dhamme savanti āsavanti sandanti pavattanti. Cakkhuto rūpaṇhā savanti āsavanti sandanti pavattanti. Sotato saddataṇhā savanti āsavanti sandanti pavattanti. Ghānato gandhataṇhā savanti. Jivhāto rasataṇhā savanti. Kāyato phoṭṭhabbataṇhā savanti. Manato dhammataṇhā savanti āsavanti sandanti pavattantīti savanti sabbadhi sotā.

Iccāyasmā Ajitoti iccāti padasandhi -pa- padānupubbataṇhāpetam iccāti -pa- iccāyasmā Ajito.

Sotānaṃ kiṃ nivāraṇanti sotānaṃ kiṃ āvaraṇaṃ nīvaraṇaṃ saṃvaraṇaṃ rakkhanaṃ gopanaṃ sotānaṃ kiṃ nivāraṇaṃ.

Sotānaṃ saṃvaram brūhīti sotānaṃ āvaraṇaṃ nīvaraṇaṃ saṃvaraṇaṃ rakkhanaṃ gopanaṃ brūhi ācikkha deschi paññapehi paṭṭhapehi vivarāhi vibhajāhi uttānīkarohi pakāsehīti sotānaṃ saṃvaram brūhi.

Kena sotā pidhīyareti kena sotā pidhīyanti pacchijjanti na savanti na āsavanti na sandanti nappavattantīti kena sotā pidhīyare. Tenāha so brāhmaṇo—

Savanti sabbadhi sotā, (iccāyasmā Ajito,)

Sotānaṃ kiṃ nivāraṇaṃ.

Sotānaṃ saṃvaram brūhi, kena sotā pidhīyare.

1. Pithiyare (Syā), pithīyare (Si-Ṭṭha)

4. Yāni sotāni lokasmim, (Ajitāti Bhagavā,)

Sati tesam nivāraṇam.

Sotānam samvaram brūmi, paññāyete pidhīyare.

Yāni sotāni lokasminti yāni etāni sotāni mayā kittitāni pakittitāni ācikkhitāni desitāni paññapitāni paṭṭhapitāni vivaritāni vibhajitāni¹ uttānikatāni pakāsītāni. Seyyathidaṃ², taṇhāsoto diṭṭhisoto kilesasoto ducaritasoto avijjāsoto. **Lokasminti** apāyaloke manussaloke devaloke khandhaloke dhātuloke āyatanaloketi yāni sotāni lokasmim. **Ajitāti** Bhagavā tam brāhmaṇam nāmena ālapati.

Sati tesam nivāraṇanti satīti yā sati anussati paṭissati sati saraṇatā dhāraṇatā apilāpanatā asammussanatā, sati satindriyam satibalam sammāsati satisambojjhaṅgo ekāyanamaggo. Ayam vuccati sati. **Nivāraṇanti** āvaraṇam nīvaraṇam samvaraṇam rakkhanam gopanam sati tesam nivāraṇam.

Sotānam samvaram brūmīti sotānam āvaraṇam nīvaraṇam samvaraṇam rakkhanam gopanam brūmi ācikkhāmi -pa- uttānikaromi pakāsemīti sotānam samvaram brūmi.

Paññāyete pidhīyareti paññāti yā paññā pajānanā -pa- amoho dhammavicayo sammādiṭṭhi. Paññāyete pidhīyareti paññāyete sotā pidhīyanti pacchijjanti na savanti na āsavanti na sandanti nappavattanti. “Sabbe saṅkhārā aniccā”ti jānato passato paññāyete sotā pidhīyanti pacchijjanti na savanti na āsavanti na sandanti nappavattanti. “Sabbe saṅkhārā dukkhā”ti jānato passato paññāyete sotā pidhīyanti pacchijjanti na savanti na āsavanti na sandanti nappavattanti. “Sabbe saṅkhārā anattā”ti jānato passato paññāyete sotā pidhīyanti pacchijjanti na savanti na āsavanti na sandanti nappavattanti. “Avijjāpaccayā saṅkhārā”ti jānato passato paññāyete sotā pidhīyanti

1. Vibhattāni (Ka)

2. Seyyathidaṃ (Syā)

pacchijjanti na savanti na āsavanti na sandanti nappavattanti.
 “Saṅkhārapaccayā viññāṇan”ti. “Viññāṇapaccayā nāmarūpan”ti.
 “Nāmarūpapaccayā saḷāyatanan”ti. “Saḷāyatanapaccayā phasso”ti.
 “Phassapaccayā vedanā”ti. “Vedanāpaccayā taṇhā”ti. “Taṇhāpaccayā
 upādānan”ti. “Upādānapaccayā bhavo”ti. “Bhavapaccayā jāti”ti.
 “Jātipaccayā jarāmarāṇan”ti jānato passato paññāyete sotā pidhīyanti
 pacchijjanti na savanti na āsavanti na sandanti nappavattanti. “Avijjānirodhā
 saṅkhāranirodho”ti. “Saṅkhāranirodhā viññāṇanirodho”ti. “Viññāṇanirodhā
 nāmarūpanirodho”ti. “Nāmarūpanirodhā saḷāyatananirodho”ti
 “saḷāyatananirodhā phassanirodho”ti. “Phassanirodhā vedanānirodho”ti.
 “Vedanānirodhā taṇhānirodho”ti. “Taṇhānirodhā upādānanirodho”ti.
 “Upādānanirodhā bhavanirodho”ti. “Bhavanirodhā jātinirodho”ti.
 “Jātinirodhā jarāmarāṇanirodho”ti jānato passato paññāyete sotā pidhīyanti
 pacchijjanti na savanti na āsavanti na sandanti nappavattanti. “Idaṃ
 dukkhan”ti. “Ayaṃ dukkhasamudayo”ti. “Ayaṃ dukkhanirodho”ti. “Ayaṃ
 dukkhanirodhagāminī paṭipadā”ti jānato passato paññāyete sotā pidhīyanti
 pacchijjanti na savanti na āsavanti na sandanti nappavattanti. “Ime dhammā
 āsavā”ti. “Ayaṃ āsavasamudayo”ti. “Ayaṃ āsavanirodho”ti. “Ayaṃ
 āsavanirodhagāminī paṭipadā”ti jānato passato paññāyete sotā pidhīyanti
 pacchijjanti na savanti na āsavanti na sandanti nappavattanti. “Ime dhammā
 abhiññeyyā”ti. “Ime dhammā pariññeyyā”ti. “Ime dhammā pahātabbā”ti.
 “Ime dhammā bhāvetabbā”ti. “Ime dhammā sacchikātabbā”ti jānato passato
 paññāyete sotā pidhīyanti pacchijjanti na savanti na āsavanti na sandanti
 nappavattanti. Channaṃ phassāyatanānaṃ samudayaṅca atthaṅgamaṅca
 assādaṅca ādīnavaṅca nissaraṅca jānato passato paññāyete sotā pidhīyanti
 pacchijjanti na savanti na āsavanti na sandanti nappavattanti. Pañcannaṃ
 upādānakkhandhānaṃ samudayaṅca atthaṅgamaṅca assādaṅca ādīnavaṅca
 nissaraṅca jānato passato. Catunnaṃ mahābhūtānaṃ samudayaṅca
 atthaṅgamaṅca assādaṅca ādīnavaṅca nissaraṅca jānato passato. “Yaṃ
 kiñci samudayadhammaṃ, sabbaṃ taṃ nirodhadhammaṃ”ti jānato passato
 paññāyete sotā pidhīyanti pacchijjanti na savanti na

āsavanti na sandanti nappavattantīti paññāyete pidhīyare. Tenāha Bhagavā—

Yāni sotāni lokasmiṃ, (Ajitāti Bhagavā,)

Sati tesam nivāraṇam.

Sotānam samvaram brūmi, paññāyete pidhīyareti.

5. Paññā ceva sati cāpi, (iccāyasmā Ajito,)

Nāmarūpañca mārīsa.

Etam me puṭṭho pabrūhi, katthetam uparujjhati.

Paññā ceva sati cāpīti paññāti yā paññā pajānanā vicayo pavicayo dhammavicayo sallakkhaṇā upalakkhaṇā paccupalakkhaṇā paṇḍiccam kosallam nepuññam vebhabyā cintā upaparikkhā bhūrī¹ medhā pariṇāyikā vipassanā sampajaññam patodo paññā paññindriyam paññābalaṃ paññāsattham paññāpāsādo paññā-āloko paññā-obhāso paññāpajjoto paññāratanam amoho dhammavicayo sammādiṭṭhi, **satīti** yā sati anussati -pa- sammāsati paññā ceva saticāpi, iccāyasmā Ajito.

Nāmarūpañca mārīsāti nāmanti cattāro arūpino khandhā. **Rūpanti** cattāro ca mahābhūtā catunnañca mahābhūtānam upādāyarūpam. **Mārīsāti** piyavacanam garuvacanam sagāravasappatissādhivacanametam mārīsāti nāmarūpañca mārīsa.

Etam me puṭṭho pabrūhīti etam meti yaṃ pucchāmi yaṃ yācāmi yaṃ ajjhesāmi yaṃ pasādemi. **Puṭṭhoti** pucchito yācito ajjhesito pasādito. **Pabrūhīti** brūhi ācikkhāhi desehi paññapehi paṭṭhapehi vivarāhi vibhajāhi² uttānikarohi pakāsehīti etam me puṭṭho pabrūhi.

Katthetam uparujjhatīti katthetam nirujjhati vūpasammati attham gacchati paṭippassambhatīti katthetam uparujjhati. Tenāha so brāhmaṇo—

1. Bhūri (Ka)

2. Vivarehi vibhajehi (Ka)

Paññā ceva sati cāpi, (iccāyasmā Ajito,)

Nāmarūpañca mārisa.

Etaṃ me puṭṭho pabrūhi, katthetaṃ uparujjhatīti.

6. **Yametaṃ pañhaṃ apucchi, Ajita taṃ vadāmi te.**
Yattha nāmañca rūpañca, asesam uparujjhati.
Viññāṇassa nirodhena, etthetaṃ uparujjhati.

Yametaṃ pañhaṃ apucchīti yametanti paññañca satīñca nāmarūpañca.
Apucchīti apucchasi yācasi ajjhesasi¹ pasādesīti yametaṃ pañhaṃ apucchi.

Ajita taṃ vadāmi teti Ajitāti Bhagavā taṃ brāhmaṇaṃ nāmena ālapati.
Tanti paññañca satīñca nāmarūpañca. **Vadāmīti** vadāmi ācikkhāmi desemi
 paññapemi paṭṭhapemi vivarāmi vibhajāmi uttānīkaromi pakāsemīti Ajita
 taṃ vadāmi te.

Yattha nāmañca rūpañca, asesam uparujjhatīti nāmanti cattāro arūpino
 khandhā. **Rūpanti** cattāro ca mahābhūtā catunnañca mahābhūtānaṃ
 upādāyarūpaṃ. **Asesanti** sabbena sabbaṃ sabbathā sabbaṃ asesam nissesam
 pariyādiyanavacanametam² asesanti. **Uparujjhatīti** nirujjhati vūpasammanti
 atthaṃ gacchati paṭippassambhatīti yattha nāmañca rūpañca, asesam
 uparujjhati.

Viññāṇassa nirodhena, etthetaṃ uparujjhatīti sotāpattimaggañāṇena
 abhisankhāraviññāṇassa nirodhena satta bhava ṭhapetvā anamatagge saṃsāre
 ye uppajjeyyūṃ nāmañca rūpañca, etthete nirujjhanti vūpasammanti atthaṃ
 gacchanti paṭippassambhanti. Sakadāgāmimaggañāṇena
 abhisankhāraviññāṇassa nirodhena dve bhava ṭhapetvā pañcasu bhavesu ye
 uppajjeyyūṃ nāmañca rūpañca. Etthete nirujjhanti vūpasammanti atthaṃ
 gacchanti paṭippassambhanti. Anāgāmimaggañāṇena
 abhisankhāraviññāṇassa nirodhena ekaṃ bhavaṃ ṭhapetvā rūpadhātuyā vā
 arūpadhātuyā vā ye uppajjeyyūṃ nāmañca rūpañca, etthete nirujjhanti
 vūpasammanti atthaṃ gacchanti paṭippassambhanti. Arahattamaggañāṇena
 abhisankhāraviññāṇassa nirodhena ye uppajjeyyūṃ nāmañca rūpañca,
 etthete nirujjhanti vūpasammanti atthaṃ gacchanti

1. Ajjhesi (Ka)

2. Pariyādayavacanametam (Syā, Ka)

paṭippassambhanti. Arahato anupādisesāya nibbānadhātuyā
 parinibbāyantassa carimaviññāṇassa nirodhena paññā ca sati ca nāmañca
 rūpañca, etthete nirujjhanti vūpasammanti atthaṃ gacchanti
 paṭippassambhantīti viññāṇassa nirodhena, etthetaṃ uparujjhati. Tenāha
 Bhagavā—

Yametaṃ pañhaṃ apucchi, Ajita taṃ vadāmi te.
 Yattha nāmañca rūpañca, asesam uparujjhati.
 Viññāṇassa nirodhena, etthetaṃ uparujjhatīti.

**7. Ye ca saṅkhātadhammāse, ye ca sekhā¹ puthū idha.
 Tesam me nipako iriyam, puṭṭho pabrūhi mārisa.**

Ye ca saṅkhātadhammāseti saṅkhātadhammā vuccanti arahanto
 khīṇāsavā, kiṃ kāraṇā saṅkhātadhammā vuccanti arahanto khīṇāsavā. Te
 saṅkhātadhammā ñātadhammā tulitadhammā tīritadhammā vibhūtadhammā
 vibhāvitadhammā. “Sabbe saṅkhārā aniccā”ti saṅkhātadhammā ñātadhammā
 tulitadhammā tīritadhammā vibhūtadhammā vibhāvitadhammā. “Sabbe
 saṅkhārā dukkhā”ti saṅkhātadhammā -pa-. “Sabbe dhammā anattā”ti
 saṅkhātadhammā. “Avijjāpaccayā saṅkhārā”ti saṅkhātadhammā -pa-. “Yaṃ
 kiñci samudayadhammaṃ, sabbaṃ taṃ nirodhadhammaṃ”ti
 saṅkhātadhammā ñātadhammā tulitadhammā tīritadhammā vibhūtadhammā
 vibhāvitadhammā. Atha vā tesam khandhā saṅkhātā dhātuyo saṅkhātā
 āyatanāni saṅkhātā gatiyo saṅkhātā upapattiyo saṅkhātā paṭisandhi saṅkhātā
 bhavā saṅkhātā saṃsārā saṅkhātā vaṭṭā saṅkhātā. Atha vā te
 khandhāpariyante ṭhitā dhātupariyante ṭhitā āyatanāpariyante ṭhitā
 gatipariyante ṭhitā upapattipariyante ṭhitā paṭisandhipariyante ṭhitā
 bhavāpariyante ṭhitā saṃsārapariyante ṭhitā vaṭṭāpariyante ṭhitā antime
 bhavā ṭhitā antime samussaye ṭhitā antimadehadharā arahanto.

Tesam cāyam² pacchimako, carimoyam samussayo.
 Jātimaraṇasamsāro, natthi nesaṃ punabbhavoti.

Taṃkāraṇā saṅkhātadhammā vuccanti arahanto khīṇāsavāti. **Ye ca
 saṅkhātadhammāse, ye ca sekhā puthū idhāti sekhāti** kiṃ kāraṇā

1. Sekkhā (Syā, Ka)

2. Yāyam (Ka)

vuccanti sekhā, sikkhantīti sekhā, kiñca sikkhanti, adhisīlampi sikkhanti. Adhicittampi sikkhanti. Adhipaññampi sikkhanti. Katamā adhisīlasikkhā. Idha bhikkhu sīlavā hoti pātimokkhasamvarasamvuto viharati ācāragocarasampanno aṇumattesu vajjesu bhayadassāvī, samādāya sikkhati sikkhāpadesu khuddako sīlakkhandho mahanto sīlakkhandho sīlam paṭiṭṭhā ādi caraṇam saṃyamo saṃvaro mukham pamukham kusalānam dhammānam samāpattiyā. Ayam adhisīlasikkhā.

Katamā adhicittasikkhā. Idha bhikkhu vivicceva kāmehi -pa- paṭhamam jhānam. Dutiyam jhānam. Tatiyam jhānam. Catuttham jhānam upasampajja viharati. Ayam adhicittasikkhā.

Katamā adhipaññāsikkhā. Idha bhikkhu paññavā hoti udayatthagāminiyā paññāya samannāgato ariyāya nibbedhikāya sammā dukkhakkhayagāminiyā. So “idaṃ dukkhan”ti yathābhūtam pajānāti. “Ayam dukkhasamudayo”ti. “Ayam dukkhanirodho”ti. “Ayam dukkhanirodhagāminī paṭipadā”ti yathābhūtam pajānāti. “Ime āsavā”ti. “Ayam āsavasamudayo”ti. “Ayam āsavanirodho”ti. “Ayam āsavanirodhagāminī paṭipadā”ti yathābhūtam pajānāti. Ayam adhipaññāsikkhā. Imā tisso sikkhāyo āvajjantā sikkhanti. Jānantā sikkhanti. Passantā sikkhanti. Cittam adhiṭṭhahantā sikkhanti. Saddhāya adhimuccantā sikkhanti. Vīriyam¹ paggaṇhantā sikkhanti. Satim upaṭṭhapentā sikkhanti. Cittam samādahantā sikkhanti. Paññāya pajānantā sikkhanti. Abhiññeyyam abhijānantā sikkhanti. Pariññeyyam pari jānantā sikkhanti. Pahātabbam pajahantā sikkhanti. Bhāvetabbam bhāventā sikkhanti. Sacchikātabbam sacchikarontā sikkhanti ācaranti samācaranti samādāya vattanti. Tamkāraṇā vuccanti sekhā. **Puthū**ti bahukā. Ete sekhā sotāpannā ca paṭipannā ca sakadāgāmino ca paṭipannā ca anāgāmino ca paṭipannā ca arahanto ca paṭipannā ca. **Idhā**ti imissā diṭṭhiyā imissā khantiyā imissā ruciyā imasmim ādāye imasmim dhamme imasmim vinaye imasmim dhammavinaye imasmim pāvacane imasmim brahmacariye imasmim Satthusāsane imasmim attabhāve imasmim manussaloketi ye ca sekhā puthū idha.

1. Viriyam (Syā)

Tesaṃ me nipako iriyaṃ, puṭṭho pabrūhi mārisāti tvampi nipako paṇḍito paññavā buddhimā ñāṇī medhāvī. Tesaṃ saṅkhātadhammānaṃca sekkhānaṃca iriyaṃ cariyaṃ vutti pavatti ācaram gocaram vihāram paṭipadam. **Puṭṭhoti** pucchito yācito ajjhesito pasādito. **Pabrūhīti** brūhi ācikkhāhi desehi paññapehi paṭṭhapehi vivarāhi vibhajāhi uttānīkarohi pakāsehi. **Mārisāti** piyavacanāṃ garuvacanāṃ sagāravasappatissādhivacanametāṃ mārisāti tesaṃ me nipako iriyaṃ, puṭṭho pabrūhi mārisa. Tenāha so brāhmaṇo—

Ye ca saṅkhātadhammāse, ye ca sekhā puthū idha.

Tesaṃ me nipako iriyaṃ, puṭṭho pabrūhi mārisāti.

8. Kāmesu nābhigijjheyya, manasā'nāvilo siyā.

Kusalo sabbadhammānaṃ, sato bhikkhu paribbaje.

Kāmesu nābhigijjheyāti kāmāti uddānato dve kāmā vatthukāmā ca kilesakāmā ca, katame vatthukāmā. Manāpikā rūpā manāpikā saddā manāpikā gandhā manāpikā rasā manāpikā phoṭṭhabbā, attharaṇā pāvuraṇā¹ dāsīdāsā ajeḷakā kukkuṭasūkarā hatthigavāssavaḷavā khettaṃ vatthu hiraññaṃ suvaṇṇaṃ gāmanigamarājadhāniyo² raṭṭhaṃca janapado ca koso ca koṭṭhāgāraṃca, yaṃ kiñci rajanīyavatthu vatthukāmā. Api ca atītā kāmā anāgatā kāmā paccuppanā kāmā, ajjhata kāmā bahiddhā kāmā ajjhatabhiddhā kāmā, hīnā kāmā majjhimā kāmā paṇīta kāmā, āpāyikā kāmā mānūsikā kāmā dibbā kāmā, paccupaṭṭhitā kāmā, nimmitā kāmā paranimmitā kāmā, pariggahitā kāmā apariggahitā kāmā mamāyitā kāmā amamāyitā kāmā, sabbepi kāmāvacarā dhammā, sabbepi rūpāvacarā dhammā, sabbepi arūpāvacarā dhammā, taṇhāvatthukā taṇhārammaṇā, kāmanīyaṭṭhena rajanīyaṭṭhena madanīyaṭṭhena ramanīyaṭṭhena³ kāmā. Ime vuccanti vatthukāmā.

Katame kilesakāmā. Chando kāmo rāgo kāmo chandarāgo kāmo saṅkappo kāmo rāgo kāmo saṅkapparāgo kāmo. Yo kāmesu kāmacchando kāmarāgo kāmanandī kāmataṇhā

1. Pāvuraṇā (Syā) 2. Rājadhāniyo (Ka) 3. Natthi Syā-potthamke, Khu 7. 2 piṭṭhepi.

kāmasineho kāmapipāsā kāmapariḷāho kāmagedho kāmamucchā
kāmajjhosānaṃ kāmogho kāmayogo kāmupādānaṃ
kāmacchandaniṅvaraṇaṃ.

Addasaṃ kāma te mūlaṃ, saṅkappā kāma jāyasi.
Na taṃ saṅkappayissāmi, evaṃ kāma na hehisīti.

Ime vuccanti kilesakāmā. **Gedho** vuccati taṅhā, yo rāgo sārāgo -pa-
abhijjhā lobho akusalamūlaṃ. **Kāmesu nābhigijjheyāti** kilesakāmena
vatthukāmesu nābhigijjheyā na paligijjheyā na palibundheyā¹ agiddho
assa agadhito amucchito anajjhāpanno² vītagedho vigatagedho cattagedho
vantagedho muttagedho pahīnagedho paṭinissaṭṭhagedho vītarāgo vigatarāgo
cattarāgo vantarāgo muttarāgo pahīnarāgo paṭinissaṭṭharāgo nicchāto
nibbuto sītibhūto sukhappaṭisaṃvedī brahmabhūtena attanā vihareyyāti
kāmesu nābhigijjheyā.

Manasā'nāvilo siyāti manoti yaṃ cittaṃ mano mānaṃ hadayaṃ
paṇḍaraṃ mano manāyatanaṃ manindriyaṃ viññāṇaṃ viññāṇakkhandho
tājā manoviññāṇadhātu. Kāyaduccaritena cittaṃ āvilaṃ hoti luḷitaṃ eritaṃ
ghaṭṭitaṃ calitaṃ bhantaṃ avūpasantaṃ. Vacīduccaritena. Manoduccaritena.
Rāgena. Dosenā. Mohena. Kodhena. Upanāhena. Makkhena. Paḷāsenā.
Issāya. Macchariyena. Māyāya. Sāṭṭheyena. Thambhena. Sārambhena.
Mānena. Atimānena. Madena. Pamādena. Sabbakilesehi. Sabbaduccaritehi.
Sabbadāhehi. Sabbapariḷāhehi. Sabbasantāpehi. Sabbākusalābhisaṅkhārehi
cittaṃ āvilaṃ hoti luḷitaṃ eritaṃ ghaṭṭitaṃ calitaṃ bhantaṃ avūpasantaṃ.
Manasā'nāvilo siyāti cittaṃ anāvilo siyā aluḷito anerito aghaṭṭito acalito
abhanto vūpasanto āvilakare kilese jaheyya pajaheyya vinodeyya
byantīkareyya³ anabhāvaṃ gameyya, āvilakarehi kilesehi ca ārato⁴ virato
paṭivirato nikkhanto nissaṭṭo vippamutto visaññutto vimariyādikatena cetasa
vihareyyāti manassā'nāvilo siyā.

1. Palibujjheyā (Syā)

2. Anajjhāpanno (Syā)

3. Byantiṃ kareyya (Ka)

4. Ārato assa (Ka) Khu 7. 54 piṭṭhe passa.

Kusalo sabbadhammānanti “sabbe saṅkhārā aniccā”ti kusalo sabbadhammānaṃ, “sabbe saṅkhārā dukkhā”ti kusalo sabbadhammānaṃ, “sabbe dhammā anattā”ti kusalo sabbadhammānaṃ -pa- “avijjāpaccayā saṅkhārā”ti kusalo sabbadhammānaṃ. “Yaṃ kiñci samudayadhammaṃ, sabbaṃ taṃ nirodhadhammaṃ”ti kusalo sabbadhammānaṃ. Evampi kusalo sabbadhammānaṃ.

Atha vā aniccato kusalo sabbadhammānaṃ. Dukkhatto. Rogato. Gaṇḍato. Sallato. Aghato. Ābādhato. Parato. Palokato. Ītito. Upaddavato. Bhayato. Upasaggato. Calato. Pabhaṅgato. Addhuvato¹. Atāṇato. Aḷeṇato. Asaraṇato. Asaraṇībhūto. Rittato. Tucchato. Suññato. Anattato. Ādīnavato. Vipariṇāmadhammato. Asārakato. Aghamūlato. Vadhakato. Vibhavato. Sāsavato. Saṅkhatato. Mārāmisato. Jātidhammato. Jarādhammato. Byādhidhammato. Maraṇadhammato. Sokaparidevadukkhadomanassupāyāsadhammato. Saṅkilesikadhammato. Samudayato. Atthaṅgamato. Assādato. Ādīnavato. Nissaraṇato kusalo sabbadhammānaṃ. Evampi kusalo sabbadhammānaṃ.

Atha vā khandhakusalo dhātukusalo āyatanakusalo paṭiccasamuppādakusalo satipaṭṭhānakusalo sammappadhānakusalo iddhipādakusalo indriyakusalo balakusalo bojjhaṅgakusalo maggakusalo phalakuṣalo nibbānakusalo. Evampi kusalo sabbadhammānaṃ.

Atha vā **sabbadhammā** vuccanti dvādasāyatanāni. Cakkhu ceva² rūpā ca, sotañca saddā ca, ghānañca gandhā ca, jivhā ca rasā ca, kāyo ca phoṭṭhabbā ca, mano ca dhammā ca. Yato ca ajjhattikabāhiresu āyatanesu chandarāgo pahīno hoti ucchinnamūlo tālāvatthukato anabhāvāṅkato³ āyatim anuppādadhammo, ettāvatāpi kusalo sabbadhammānanti kusalo sabbadhammānaṃ.

Sato bhikkhu paribbajeti satoti catūhi kāraṇehi sato, kāye kāyānupassanāsatiṭṭhānaṃ bhāvento sato, vedanāsu

1. Adhuvato (Ka) Khu 7. 40 piṭṭhepi.

2. Cakkhuñceva (Ka)

3. Anabhāvāṅgato (Syā)

vedanānupassanāsatipañhānaṃ bhavento sato, citte
cittānupassanāsatipañhānaṃ bhāvento sato, dhammesu
dhammānupassanāsatipañhānaṃ bhāvento sato.

Aparehipi catūhi kāraṇehi sato, asatiparivajjanāya sato, satikaraṇīyānaṃ
dhammānaṃ katattā sato, satiparibandhānaṃ¹ dhammānaṃ hatattā sato,
satinimittānaṃ dhammānaṃ asamuṭṭhattā² sato.

Aparehipi catūhi kāraṇehi sato, satiyā samannāgatattā sato, satiyā
vasitattā sato, satiyā pāguññaena samannāgatattā sato, satiyā
apaccorohaṇatāya sato.

Aparehipi catūhi kāraṇehi sato, satiyā samannāgatattā sato, santattā
sato, samitattā sato, santadhammasamannāgatattā sato. Buddhānussatiyā
sato. Dhammānussatiyā sato. Saṃghānussatiyā sato. Sīlānussatiyā sato.
Cāgānussatiyā sato. Devatānussatiyā sato. Ānāpānassatiyā sato.
Maraṇassatiyā sato. Kāyagatāsatiyā sato. Upasamānussatiyā sato. Yā sati
anussati -pa- sammāsati satisambojjhaṅgo ekāyanamaggo. Ayaṃ vuccati
sati. Imāya satiyā upeto hoti samupeto upāgato samupāgato upapanno
samupapanno³ samannāgato, so vuccati sato. . **Bhikkhūti** sattannaṃ
dhammānaṃ bhinnattā bhikkhu. Sakkāyadiṭṭhi bhinnā hoti. Vicikicchā
bhinnā hoti. Sīlabbataparāmāso bhinno hoti. Rāgo bhinno hoti. Doso bhinno
hoti. Moho bhinno hoti. Māno bhinno hoti. Bhinnā honti pāpakā akusalā
dhammā saṃkilesikā ponobhavikā⁴ sadarā dukkhavipākā āyatim
jātijarāmarañiyā.

Pajjena katena⁵ attanā, (Sabhiyāti Bhagavā,)

Parinibbānagato vitiṇṇakankho.

Vibhavañca bhavañca vippahāya,

Vusitavā khīṇapunabbhavo sa bhikkhūti.

1. Satipaṭipakkhānaṃ (Syā) Khu 7. 7 piṭṭhe.

3. Sampanno (Ka)

5. Pajjotakatena (Ka) Khu 1. 357 piṭṭhe.

2. Appamuṭṭhattā (Syā)

4. Ponobbhavikā (Syā, Ka)

Sato bhikkhu paribbajeti sato bhikkhu paribbaje, sato gaccheyya. Sato tiṭṭheyya. Sato nisīdeyya. Sato seyyaṃ kappeyya. Sato abhikkameyya. Sato paṭikkameyya. Sato ālokeyya. Sato vilokeyya. Sato samīñjeyya. Sato pasāreyya. Sato saṅghāṭipattacīvaraṃ dhāreyya. Sato careyya vihareyya iriyeyya vatteyya pāleyya yapeyya yāpeyyāti sato bhikkhu paribbaje. Tenāha Bhagavā—

Kāmesu nābhigijjheyya, manasā'nāvilo siyā.

Kusalo sabbadhammānaṃ, sato bhikkhu paribbajeti.

Saha gāthāpariyosānā ye te brāhmaṇena saddhiṃ ekacchandā ekapayogā ekādhippāyā ekavāsanavāsītā. Tesāṃ anekapāṇasahassānaṃ virajāṃ vītamalaṃ dhammacakkhuṃ udapādi “yaṃ kiñci samudayadhammaṃ, sabbaṃ taṃ nirodhadhammaṃ”ti. Tassa brāhmaṇassa anupādāya āsavehi cittaṃ vimucci. Saha arahattappattā ajīnajaṭāvākacīratidaṇḍakamaṇḍalukesā ca massū ca antarahitā, bhaṇḍukāsāyavattavasano saṅghāṭipattacīvaradharo anvatthapaṭipattiyā pañjaliko Bhagavantaṃ namassamāno nisīno hoti “satthā me bhante Bhagavā, sāvako hamasmī”ti.

Ajitamāṇavapucchāniddeso paṭhamo.

2. Tissametteyyamāṇavapucchāniddesa

9. Kodha santusito loke, (iccāyasmā Tissametteyyo,)

Kassa no santi iñjitā.

Ko ubhantamabhiññāya,

Majjhe mantā na lippati.

Kaṃ brūsi mahāpurisoti,

Ko idha sibbinimaccagā.

(1)

Kodha santusito loketi ko loke tuṭṭho santuṭṭho attamaṇo paripuṇṇasaṅkappoti kodha santusito loke.

Iccāyasmā Tissametteyyoti iccāti padasandhi padasaṃsaggo padapāripūrī akkharasamavāyo byañjanasiliṭṭhatā padānupubbatāpetam iccāti. **Āyasmāti** piyacaṇaṃ garuvacaṇaṃ sagāravasappatissādhivacaṇametam āyasmāti. **Tissoti** tassa brāhmaṇassa nāmaṃ saṅkhā samaññā paññatti vohāro nāmaṃ nāmakammaṃ nāmadheyyaṃ nirutti byañjanaṃ abhilāpo. **Metteyyoti** tassa brāhmaṇassa gottam saṅkhā samaññā paññatti vohāroti iccāyasmā Tissametteyyo.

Kassa no santi iñjitāti tañhiñjitaṃ diṭṭhiñjitaṃ māniñjitaṃ kilesiñjitaṃ kāmiñjitaṃ. Kassime iñjitā natthi na santi na saṃvijjanti nupalabbhanti, pahīnā samucchinnā vūpasantā paṭipassaddhā abhabbuppattikā ñāṇagginā daḍḍhāti kassa no santi iñjitā.

Ko ubhantamabhiññāyāti ko ubho ante abhiññāya jānitvā tulayitvā tīrayitvā vibhāvayitvā vibhūtaṃ katvāti ko ubhantamabhiññāya.

Majjhe mantā na lippatīti majjhe mantāya na lippati, alitto anupalitto nikkhanto nissaṭo vippamutto visaññutto vimariyādikatena cetasā viharatīti majjhe mantā na lippati.

Kaṃ brūsi mahāpurisoti mahāpuriso aggapuriso seṭṭhapuriso viṣeṭṭhapuriso pāmokkhapuriso uttamapuriso padhānapuriso pavarapurisoti kaṃ brūsi kaṃ kathesi kaṃ maññasi kaṃ bhaṇasi kaṃ passasi kaṃ voharasīti kaṃ brūsi mahāpurisoti.

Ko idha sibbinimaccagāti ko idha sibbinim taṇhaṃ ajjhagā upaccagā atikkanto samatikkanto vītivattoti ko idha sibbinimaccagā. Tenāha so brāhmaṇo—

Kodha santusito loke, (iccāyasmā Tissametteyyo,)

Kassa no santi iñjitā.

Ko ubhantamabhiññāya,

Majjhe mantā na lippati.

Kaṃ brūsi mahāpurisoti,

Ko idha sibbinimaccagāti.

10. Kāmesu brahmacariyavā, (Metteyyāti Bhagavā,)

Vītataṇho sadā sato.

Saṅkhāya nibbuto bhikkhu,

Tassa no santi iñjitā.

(2)

Kāmesu brahmacariyavāti kāmāti uddānato dve kāmā vatthukāmā ca kilesakāmā ca -pa-. Ime vuccanti vatthukāmā -pa-. Ime vuccanti kilesakāmā. **Brahmacariyam** vuccati asaddhammasamāpattiyā ārati virati paṭivirati veramaṇī akiriyā akaraṇaṃ anajjhāpatti velā-anatikkamo. Api ca nippariyāyena brahmacariyam vuccati ariyo aṭṭhaṅgiko maggo. Seyyathidaṃ, sammādiṭṭhi sammāsaṅkappo sammāvācā sammākammanto sammā-ājīvo sammāvāyāmo sammāsati sammāsamādhi. Yo iminā ariyena aṭṭhaṅgikena maggena upeto samupeto upāgato samupāgato upapanno samupapanno samannāgato. So vuccati brahmacariyavā, yathā ca dhanena dhanavāti vuccati. Bhogena bhogavāti vuccati. Yasena yasavāti vuccati. Sippena sippavāti vuccati. Sīlena sīlavāti vuccati. Vīriyena vīriyavāti vuccati. Paññāya paññavāti vuccati. Vijjāya vijjavāti vuccati. Evameva yo iminā ariyena aṭṭhaṅgikena maggena upeto samupeto upāgato samupāgato upapanno samupapanno samannāgato. So vuccati brahmacariyavāti kāmesu brahmacariyavā.

Metteyyāti Bhagavā taṃ brāhmaṇaṃ gottena ālapati. **Bhagavāti** gāravādhivacanametam -pa- sacchikā paññatti, yadidaṃ Bhagavāti Metteyyāti Bhagavā.

Vītataṇho sadā satoti taṇhāti rūpataṇhā -pa- dhammataṇhā, yassesā taṇhā pahīnā samucchinnā vūpasantā paṭipassaddhā abhabbuppattikā ñāṇagginā daḍḍhā. So vuccati vītataṇho cattataṇho vantataṇho muttataṇho pahīnataṇho paṭinissaṭṭhataṇho vītarāgo cattarāgo vantarāgo muttarāgo pahīnarāgo paṭinissaṭṭharāgo nicchāto nibbuto sītibhūto sukhappaṭisaṃvedī brahmabhūtena attanā viharati. **Sadāti** sadā sabbadā sabbakālaṃ niccakālaṃ dhuvakālaṃ satataṃ samitaṃ abbokiṇṇaṃ

poṅkhānupoṅkham¹ udakūmikajātaṃ avīci santati sahitaṃ² phassitaṃ³
 purebhattaṃ pacchābhattaṃ purimayāmaṃ majjhimayāmaṃ
 pacchimayāmaṃ kāḷe juṅhe vasse hemante gimhe purime vayokhandhe
 majjhime vayokhandhe pacchime vayokhandhe. **Satoti** catūhi kāraṇehi sato,
 kāye kāyānupassanāsatipañhānaṃ bhāvento sato, vedanāsu
 vedanānupassanāsatipañhānaṃ bhāvento sato, citte
 cittānupassanāsatipañhānaṃ bhāvento sato, dhammesu
 dhammānupassanāsatipañhānaṃ bhāvento sato -pa-. So vuccati satoti
 vītaṇho sadā sato.

Saṅkhāya nibbuto bhikkhūti saṅkhā vuccati nāṇaṃ. Yā paññā pajānaṇā
 vicayo pavicayo -pa- amoho dhammavicayo sammādiṭṭhi. **Saṅkhāyāti**
 saṅkhāya jānitvā tulayitvā tīrayitvā vibhāvayitvā vibhūtaṃ katvā, “sabbe
 saṅkhārā aniccā”ti saṅkhāya jānitvā tu layitvā tīrayitvā vibhāvayitvā
 vibhūtaṃ katvā, “sabbe saṅkhārā dukkhā”ti. “Sabbe dhammā anattā”ti -pa-
 “Avijjāpaccayā saṅkhārā”ti. “Yaṃ kiñci samudayadhammaṃ, sabbaṃ taṃ
 nirodhadhammaṃ”ti saṅkhāya jānitvā tulayitvā tīrayitvā vibhāvayitvā
 vibhūtaṃ katvā.

Atha vā aniccato saṅkhāya jānitvā. Dukkhatō. Rogato. Gaṇḍato. Sallato
 -pa-. Nissaraṇato saṅkhāya jānitvā tulayitvā tīrayitvā vibhāvayitvā vibhūtaṃ
 katvā. **Nibbutoti** rāgassa nibbāpitattā nibbuto. Dosassa nibbāpitattā nibbuto.
 Mohassa nibbāpitattā nibbuto. Kodhassa. Upanāhassa. Makkhassa.
 Paḷāsassa. Issāya. Macchariyassa. Māyāya. Sāṭṭheyassa. Thambhassa.
 Sārambhassa. Mānassa. Atimānassa. Madassa. Pamādassa. Sabbakilesānaṃ.
 Sabbaduccaritānaṃ. Sabbadarathānaṃ. Sabbapariḷāhānaṃ.
 Sabbasantāpānaṃ. Sabbākusalābhisaṅkhārānaṃ nibbāpitattā nibbuto.
Bhikkhūti sattannaṃ dhammānaṃ bhinnattā bhikkhu -pa- vusitavā
 khīṇapunabbhavo sa bhikkhūti saṅkhāya nibbuto bhikkhu.

Tassa no santi iñjitāti tassāti arahato khīṇāsavassa. **Iñjitāti** taṇhiñjitaṃ
 diṭṭhiñjitaṃ māniñjitaṃ kilesiñjitaṃ kāmiñjitaṃ. Tassime

1. Pokhānupokham (Syā)

2. Avīci samaṅgisahitaṃ (Syā) Khu 7. 14 piṭṭhepi.

3. Phusitaṃ (Syā)

iñjitā natthi na santi na saṁvijjanti nupalabbhanti, pahīnā samucchinnā
vūpasantā paṭipassaddhā abhabbuppattikā ñāṇagginā daddhāti tassa no santi
iñjitā. Tenāha Bhagavā—

Kāmesu brahmacariyavā, (Metteyyāti Bhagavā,)

Vītataṇho sadā sato.

Saṅkhāya nibbuto bhikkhu,

Tassa no santi iñjitāti.

11. So ubhantamabhiññāya, majjhe mantā na lippati.

Taṃ brūmi mahāpurisoti, so idha sibbinimaccagā. (3)

So ubhantamabhiññāya, majjhe mantā na lippatīti antāti phasso eko
anto, phassasamudayo dutiyo anto, phassanirodho majjhe. Atītaṃ eko anto,
anāgataṃ dutiyo anto, paccuppannaṃ majjhe. Sukhā vedanā eko anto,
dukkhā vedanā dutiyo anto, adukkhamasukhā vedanā majjhe. Nāmaṃ eko
anto, rūpaṃ dutiyo anto, viññāṇaṃ majjhe. Cha ajjhattikāni āyatanāni eko
anto, cha bāhirāni āyatanāni dutiyo anto, viññāṇaṃ majjhe. Sakkāyo eko
anto, sakkāyasamudayo dutiyo anto, sakkāyanirodho majjhe. **Mantā** vuccati
paññā, yā paññā pajānanā -pa- amoho dhammavicayo sammādiṭṭhi.

Lepāti dve lepā taṇhālepo ca diṭṭhilepo ca. Katamo taṇhālepo. Yāvata
taṇhāsaṅkhātena sīmakataṃ odhikataṃ¹ pariyantakataṃ pariggahitaṃ
mamāyitaṃ idaṃ mama, etaṃ mama, ettakaṃ mama, ettāvataṃ mama rūpā
saddā gandhā rasā phoṭṭhabbā attharaṇā pāvuraṇā dāsīdāsā ajeḷakā
kukkuṭasūkarā hatthigavāssavaḷavā khettaṃ vatthu hiraññaṃ suvaṇṇaṃ
gāmanigamarājadhāniyo raṭṭhañca janapado ca koso ca koṭṭhāgārañca,
kevalampi mahāpathaviṃ taṇhāvasena mamāyati, yāvata
aṭṭhasatataṇhāvicaritaṃ. Ayaṃ taṇhālepo.

1. Mariyādikataṃ odhikataṃ (Syā)

Katamo diṭṭhilepo. Vīsativatthukā sakkāyadiṭṭhi, dasavatthukā micchādiṭṭhi, dasavatthukā antaggāhikā diṭṭhi. Yā evarūpā diṭṭhi diṭṭhigataṃ diṭṭhigahanāṃ diṭṭhikantāro diṭṭhivisūkāyikaṃ diṭṭhivipphanditaṃ diṭṭhisamyojanaṃ gāho paṭiggāho abhiniveso parāmāso kummaggo micchāpatho micchattaṃ titthāyatanāṃ vipariyāsaggāho¹ viparītaggāho vipallāsaggāho micchāgāho, ayāthāvakaśmiṃ yāthāvakanti gāho, yāvata dvāsaṭṭhi diṭṭhigatāni. Ayaṃ diṭṭhilepo.

So ubhantamabhiññāya, majjhe mantā na lippatīti so ubho ca ante majjhañca mantāya abhiññāya jānitvā tulayitvā tīrayitvā vibhāvayitvā vibhūtaṃ katvā na lippati na palippati na upalippati, alitto asaṃlitto anupalitto nikkhanto nissaṭo vippamutto visaññutto vimariyādikatena cetasā viharatīti so ubhantamabhiññāya, majjhe mantā na lippati.

Taṃ brūmi mahāpuriso mahāpuriso aggapuriso seṭṭhapuriso viṣeṭṭhapuriso pāmokkhapuriso uttamapuriso pavarapuriso taṃ brūmi taṃ kathemi taṃ bhaṇāmi taṃ dīpemi taṃ voharāmi.

Āyasmā Sāriputto² Bhagavantaṃ etadavoca “mahāpuriso mahāpuriso”ti bhante vuccati. Kittāvatā nu kho bhante mahāpuriso hotīti. Vimuttacittattā khvāhaṃ Sāriputta “mahāpuriso”ti vadāmi, avimuttacittattā no “mahāpuriso”ti vadāmi.

Kathañca Sāriputta vimuttacitto hoti. Idha Sāriputta bhikkhu ajjhantaṃ kāye kāyānupassī viharati ātāpī sampajāno satimā vineyya loke abhiññādomanassaṃ. Tassa kāye kāyānupassino viharato cittaṃ virajjati vimuccati anupādāya āsavehi. Vedanāsu. Citte. Dhammesu dhammānupassī viharati ātāpī sampajāno satimā vineyya loke abhiññādomanassaṃ. Tassa dhammesu dhammānupassino viharato cittaṃ virajjati vimuccati anupādāya āsavehi. Evaṃ kho Sāriputta bhikkhu vimuttacitto hoti, vimuttacittattā khvāhaṃ Sāriputta

1. Vipariyēsaggāho (bahūsu)

2. Passa Saṃ 3. 137 piṭṭhe.

“mahāpuriso”ti vadāmi. Avimuttacittattā no “mahāpuriso”ti vadāmīti taṃ brūmi mahāpurisoti.

So idha sibbinimaccagāti sibbinī vuccati taṇhā, yo rāgo sārāgo -pa-abhijjhā lobho akusalamūlaṃ. Yassesā sibbinī taṇhā pahīnā samucchinnā vūpasantā paṭipassaddhā abhappattikā ñāṇagginā daḍḍhā. So sibbinim taṇhaṃ accagā upaccagā atikkanto samatikkanto vītivattoti so idha sibbinimaccagā. Tenāha Bhagavā—

So ubhantamabhiññāya, majjhe mantā na lippati.

Taṃ brūmi mahāpurisoti, so idha sibbinimaccagāti.

Saha gāthāpariyosānā ye te brāhmaṇena saddhiṃ ekacchandā ekapayogā ekādhippāyā ekavāsanavāsītā, tesāṃ anekapāṇasahassānaṃ virajaṃ vītamalaṃ dhammacakkhuṃ udapādi “yaṃ kiñci samudayadhammaṃ, sabbaṃ taṃ nirodhadhammaṃ”ti. Tassa brāhmaṇassa anupādāya āsavehi cittaṃ vimucci. Saha arahattappattā ajīnajaṭāvākacīratidaṇḍakamaṇḍalukesā ca massū ca antarahitā. Bhaṇḍukāsāyavatthavasano saṅghāṭipattacīvaradharo anvatthapaṭipattiyā pañjaliko Bhagavantaṃ namassamāno nisinno hoti “sattā me bhante Bhagavā, sāvako hamasmī”ti.

Tissametteyyamāṇavapucchāniddeho dutiyo.

3. Puṇṇakamāṇavapucchāniddeho

12. Anejaṃ mūladassāvīṃ, (iccāyasmā Puṇṇako,)

Atthi pañhena āgamaṃ.

Kiṃ nissitā isayo manujā,

Khattiyā brāhmaṇā devatānaṃ.

Yaññamakappayimsu puthu'dha loke,

Pucchāmi taṃ Bhagavā brūhi metaṃ.

(1)

Anejaṃ mūladassāvīnti ejaṃ vuccati taṇhā, yo rāgo sārāgo -pa-abhijjhā lobho akusalamūlaṃ. Sā ejaṃ taṇhā Buddhassa Bhagavato

pahīnā ucchinnamūlā tālavatthukatā anabhāvaṃkatā āyatim
 anuppādadhammā. Tasmā Buddho anejo, ejaṃ pahīnattā anejo. Bhagavā
 lābhepi na iñjati, alābhepi na iñjati, yasepi na iñjati, ayasepi na iñjati,
 pasāmsāyapi na iñjati, nindāyapi na iñjati, sukhepi na iñjati, dukkhepi na
 iñjati na calati na vedhati nappavedhatīti anejaṃ. . **Mūladassāvī** Bhagavā
 mūladassāvī hetudassāvī nidānadassāvī sambhavadassāvī pabhavadassāvī
 samuṭṭhānadassāvī āhāradassāvī ārammaṇadassāvī paccayadassāvī
 samudayadassāvī.

Tiṇi akusalamūlāni, lobho akusalamūlaṃ, doso akusalamūlaṃ, moho
 akusalamūlaṃ.

Vuttaṃ hetam Bhagavatā—¹ tiṇimāni bhikkhave nidānāni kammānaṃ
 samudayāya. Katamāni tiṇi, lobho nidānaṃ kammānaṃ samudayāya, doso
 nidānaṃ kammānaṃ samudayāya, moho nidānaṃ kammānaṃ samudayāya.
 Na bhikkhave lobhajena kammaṃ dosajena kammaṃ mohajena kammaṃ
 devā paññāyanti, manussā paññāyanti, yā vā panaññāpi kāci sugatiyo. Atha
 kho bhikkhave lobhajena kammaṃ dosajena kammaṃ mohajena kammaṃ
 nirayo paññāyati, tiracchānayoṇi paññāyati, pettivisayo paññāyati. Yā vā
 panaññāpi kāci duggatiyo niraye tiracchānayoṇiyā pettivisaye
 attabhāvābhiniḥḥattiyā. Imāni tiṇi akusalamūlāni Bhagavā jānāti passati.
 Evampi Bhagavā mūladassāvī -pa- samudayadassāvī. Tiṇi kusalamūlāni,
 alobho kusalamūlaṃ, adoso kusalamūlaṃ, amoho kusalamūlaṃ.

Vuttaṃ hetam Bhagavatā—tiṇimāni -pa-. Na bhikkhave alobhajena
 kammaṃ adosajena kammaṃ amohajena kammaṃ nirayo paññāyati,
 tiracchānayoṇi paññāyati, pettivisayo paññāyati, yā vā panaññāpi kāci
 duggatiyo. Atha kho bhikkhave alobhajena kammaṃ adosajena kammaṃ
 amohajena kammaṃ devā paññāyanti, manussā paññāyanti, yā vā
 panaññāpi kāci sugatiyo deve ca manusse ca attabhāvābhiniḥḥattiyā. Imāni
 tiṇi kusalamūlāni Bhagavā jānāti passati. Evampi Bhagavā mūladassāvī
 -pa- samudayadassāvī.

1. Passa Am 1. 266 piṭṭhe.

Vuttaṃ hettaṃ Bhagavatā—ye keci bhikkhave dhammā akusalā akusalabhāgiyā akusalapakkhikā, sabbe te avijjāmūlakā avijjāsamosaṇā. Avijjā samugghātā sabbe te samugghātā gacchantīti Bhagavā jānāti passati. Evampi Bhagavā mūladassāvī -pa- samudayadassāvī.

Vuttaṃ hettaṃ Bhagavatā—ye keci bhikkhave dhammā kusalā kusalabhāgiyā kusalapakkhikā, sabbe te appamādamūlakā appamādasamosaṇā. Appamādo tesāṃ dhammānaṃ aggamaṃkhaṇāyati Bhagavā jānāti passati. Evampi Bhagavā mūladassāvī -pa- samudayadassāvī.

Atha vā Bhagavā jānāti passati “avijjā mūlaṃ saṅkhārānaṃ. Saṅkhārā mūlaṃ viññāṇassa. Viññāṇaṃ mūlaṃ nāmarūpassa. Nāmarūpaṃ mūlaṃ saḷāyatanassa. Saḷāyatanāṃ mūlaṃ phassa. Phasso mūlaṃ vedanāya. Vedanā mūlaṃ taṇhāya. Taṇhā mūlaṃ upādānassa. Upādānaṃ mūlaṃ bhavassa. Bhavo mūlaṃ jātiyā. Jāti mūlaṃ jarāmaṇassā”ti Bhagavā jānāti passati. Evampi Bhagavā mūladassāvī -pa- samudayadassāvī.

Atha vā Bhagavā jānāti passati “cakkhu mūlaṃ cakkhurogānaṃ. Sotaṃ mūlaṃ sotarogānaṃ. Ghānaṃ mūlaṃ ghānarogānaṃ. Jivhā mūlaṃ jivhārogaṇaṃ. Kāyo mūlaṃ kāyarogānaṃ. Mano mūlaṃ cetasikānaṃ dukkhānaṃ”ti Bhagavā jānāti passati. Evampi Bhagavā mūladassāvī hetudassāvī nidānadassāvī sambhavadassāvī pabhavadassāvī samuṭṭhānadassāvī āhāradassāvī ārammaṇadassāvī paccayadassāvī samudayadassāvīti anejaṃ mūladassāvī.

Iccāyasmā Puṇṇakoti iccāti padasandhi -pa- āyasmā Puṇṇako.

Atthi pañhena āgamanti pañhena atthiko āgatomhi¹, pañhaṃ pucchitukāmo āgatomhi, pañhaṃ sotukāmo āgatomhīti evampi atthi pañhena āgamaṃ. . Atha vā pañhatthikānaṃ pañhaṃ pucchitukāmānaṃ pañhaṃ sotukāmānaṃ āgamaṃ abhikkamaṃ upasaṅkamaṃ payirupāsanaṃ atthīti evampi atthi pañhena āgamaṃ. . Atha vā pañhāgamo tuyhaṃ atthi, tvampi pahu, visavī alamatto, mayā pucchitaṃ kathetuṃ visajjetuṃ, vahassetāṃ bhāranti² evampi atthi pañhena āgamaṃ.

1. Pañhatthikāma āgatā (bahūsu) passa Khu 7. 369 piṭṭhe.

2. Visajjetuṃ sandassetuṃ bhaṇituntī (Syā) vahassu + etaṃ.

Kim nissitā isayo manujāti kim nissitā āsitā allinā upagatā ajjhositā adhimuttā. **Isayoti** isināmakā ye keci isipabbajjāṃ pabbajitā ājīvakaṃ nigaṇṭhā jaṭilā tāpasā. **Manujāti** manussā vuccantīti kim nissitā isayo manujā.

Khattiyā brāhmaṇā devatānanti khattiyāti ye keci khattiyajātikā. **Brāhmaṇāti** ye keci bhovādikā. **Devatānanti** ājīvakasāvakānaṃ ājīvakaṃ devatā. Nigaṇṭhasāvakānaṃ nigaṇṭhā devatā. Jaṭilasāvakānaṃ jaṭilā devatā. Paribbājakasāvakānaṃ paribbājakā devatā. Aviruddhakasāvakānaṃ aviruddhakā¹ devatā. Hatthivatikānaṃ hatthī devatā. Assavatikānaṃ assā devatā. Govatikānaṃ gāvo devatā. Kukkuravatikānaṃ kukkurā devatā. Kākavatikānaṃ kākā devatā. Vāsudevavatikānaṃ vāsudevo devatā. Baladevatikānaṃ baladevo devatā. Puṇṇabhaddavatikānaṃ puṇṇabhaddo devatā. Maṇibhaddavatikānaṃ maṇibhaddo devatā. Aggivatikānaṃ aggi devatā. Nāgavatikānaṃ nāgā devatā. Supaṇṇavatikānaṃ supaṇṇā devatā. Yakkhavatikānaṃ yakkhā devatā. Asuravatikānaṃ asurā devatā. Gandhabbavatikānaṃ gandhabbā devatā. Mahārājavatikānaṃ mahārājāno devatā. Candavatikānaṃ cando devatā. Sūriyavatikānaṃ sūriyo devatā. Indavatikānaṃ indo devatā. Brahmavatikānaṃ brahmā devatā. Devavatikānaṃ devo devatā. Disāvatikānaṃ disā devatā. Ye yesaṃ dakkhiṇeyyā te tesāṃ devatāti khattiyabrāhmaṇā devatānaṃ.

Yaññamakappayimsu puthūdhā loketi yaññaṃ vuccati deyyadhammo cīvarapiṇḍapātasenāsanagilānapaccayabhesajjaparikkhāraṃ annaṃ pānaṃ vatthaṃ yānaṃ mālāgandhāvilepanaṃ² seyyāvasathapadīpeyyaṃ. **Yaññamakappayimsūti** yepi yaññaṃ esanti gavesanti pariyesanti cīvarapiṇḍapātasenāsanagilānapaccayabhesajjaparikkhāraṃ annaṃ pānaṃ vatthaṃ yānaṃ mālāgandhavilepanaṃ seyyāvasathapadīpeyyaṃ. Tepi yaññaṃ kappenti. Yepi yaññaṃ abhisāṅkhāronti cīvarapiṇḍapātasenāsanagilānapaccayabhesajjaparikkhāraṃ annaṃ pānaṃ -pa- seyyāvasathapadīpeyyaṃ. Tepi yaññaṃ kappenti. Yepi yaññaṃ denti yajanti pariccajanti cīvara piṇḍapāta senāsana gilāna paccaya bhesajja parikkhāraṃ annaṃ pānaṃ -pa-

1. Avaruddhakasāvakānaṃ avaruddhakā (Syā)

2. Mālāgandhaṃ vilepanaṃ (Syā) Khu 1. 240 piṭṭhe.

seyyāvasathapadīpeyyaṃ. Tepi yaññaṃ kappenti. . **Puthū**ti yaññaṃ vā ete puthū. Yaññayājakā¹ vā ete puthū. Dakkhiṇeyyā vā ete puthū. Kathaṃ yaññaṃ vā ete puthū. Bahukānaṃ ete yaññaṃ cīvarapiṇḍapātasenāsanagilānapaccayabhesajjaparikkhārā annaṃ pānaṃ vatthaṃ yānaṃ mālaṃ gandhaṃ vilepanaṃ seyyāvasathapadīpeyyaṃ. Evaṃ yaññaṃ vā ete puthū.

Kathaṃ yaññayājakā vā ete puthū. Bahukā ete yaññayājakā khattiyā ca brāhmaṇā ca vessā ca suddā ca gahaṭṭhā ca pabbajitā ca devā ca manussā ca. Evaṃ yaññayājakā vā ete puthū.

Kathaṃ dakkhiṇeyyā vā ete puthū. Bahukā ete dakkhiṇeyyā puthū samaṇabrāhmaṇā kapaṇaddhikavanibbakayācakā². Evaṃ dakkhiṇeyyā vā ete puthū. . **Idha loketi** manussaloketi yaññaṃakappayimsu puthūdha loke.

Pucchāmi taṃ Bhagavā brūhi metanti pucchāti tisso pucchā adiṭṭhajotanaṃ pucchā diṭṭhasaṃsandanā pucchā vimaticchedanaṃ pucchā. Katamā adiṭṭhajotanaṃ pucchā. Pakatiyā lakkhaṇaṃ aññātaṃ hoti adiṭṭhaṃ atulitaṃ atīritaṃ avibhūtaṃ avibhāvitaṃ, tassa ñāṇāya dassanāya tulanāya tīraṇāya vibhūtatthāya vibhāvanatthāya pañhaṃ pucchati. Ayaṃ adiṭṭhajotanaṃ pucchā.

Katamā diṭṭhasaṃsandanā pucchā. Pakatiyā lakkhaṇaṃ ñātaṃ hoti diṭṭhaṃ tulitaṃ tīritaṃ vibhūtaṃ vibhāvitaṃ. Aññehi paṇḍitehi saddhiṃ saṃsandanatthāya pañhaṃ pucchati. Ayaṃ diṭṭhasaṃsandanā pucchā.

Katamā vimaticchedanaṃ pucchā. Pakatiyā saṃsayapakkhando³ hoti vimatipakkhando dvelhakajāto “evaṃ nu kho, na nu kho, kiṃ nu kho, kathaṃ nu kho”ti. So vimaticchedanatthāya pañhaṃ pucchati. Ayaṃ vimaticchedanaṃ pucchā. Imā tisso pucchā.

Aparāpi tisso pucchā manussapucchā amanussapucchā nimmitapucchā. Katamā manussapucchā. Manussā Buddhaṃ Bhagavantaṃ upasaṅkamitvā pucchanti, bhikkhū pucchanti, bhikkhuniyo pucchanti, upāsakā pucchanti, upāsikāyo pucchanti,

1. Yaññayājakā (Syā)

2. ...vaṇibbakasāvaka (Syā) Khu 1. 240 piṭṭhe.

3. Saṃsayapakkhanno (Syā)

rājāno pucchanti, khattiyā pucchanti, brāhmaṇā pucchanti, vessā pucchanti, suddā pucchanti, gahaṭṭhā pucchanti, pabbajitā pucchanti, ayaṃ manussapucchā.

Katamā amanussapucchā. Amanussā Buddhaṃ Bhagavantaṃ upasaṅkamitvā pañhaṃ pucchanti, nāgā pucchanti, supaṇṇā pucchanti, yakkhā pucchanti, asurā pucchanti, gandhabbā pucchanti, mahārājāno pucchanti, indā pucchanti, brahmāno pucchanti, devatāyo pucchanti. Ayaṃ amanussapucchā.

Katamā nimmitapucchā. Yaṃ Bhagavā rūpaṃ abhinimmināti manomayaṃ sabbaṅgapaccaṅgaṃ ahīnindriyaṃ. So nimmito Buddhaṃ Bhagavantaṃ upasaṅkamitvā pañhaṃ pucchati. Bhagavā visajjeti¹. Ayaṃ nimmitapucchā. Imā tisso pucchā.

Aparāpi tisso pucchā attatthapucchā paratthapucchā ubhayatthapucchā. Aparāpi tisso pucchā diṭṭhadhammikattapucchā samparāyikatthapucchā paramatthapucchā. Aparāpi tisso pucchā anavajjatthapucchā nikkilesatthapucchā vodānatthapucchā. Aparāpi tisso pucchā atītapucchā anāgatapucchā paccuppannapucchā. Aparāpi tisso pucchā ajjhattapucchā bahiddhāpucchā ajjhatabahiddhāpucchā. Aparāpi tisso pucchā kusalapucchā akusalapucchā abyākatapucchā. Aparāpi tisso pucchā khandhapucchā dhātupucchā āyatanapucchā. Aparāpi tisso pucchā satipaṭṭhānapucchā sammappadhānapucchā iddhipādapucchā. Aparāpi tisso pucchā indriyapucchā balapucchā bojjhaṅgapucchā. Aparāpi tisso pucchā maggapucchā phalapucchā nibbānapucchā. **Pucchāmi tanti pucchāmi taṃ yācāmi taṃ ajjhesāmi taṃ pasādemī taṃ “kathayassu me”ti pucchāmi taṃ. Bhagavāti gāravādhivacanametāṃ -pa- sacchikā paññatti yadidaṃ Bhagavāti. Brūhimetanti brūhi ācikkhāhi desehi paññapehi paṭṭhapehi vivarāhi vibhajāhi uttānīkarohi pakāsehīti pucchāmi taṃ Bhagavā brūhi metāṃ. Tenāha so brāhmaṇo—**

Anejaṃ mūladassāviraṃ, (iccāyasmā Puṇṇako,)

Atthi pañhena āgamaṃ.

Kiṃ nissitā isayo manujā,

Khattiyā brāhmaṇā devatānaṃ.

Yaññamakappayimsu puthūdha loke,

Pucchāmi taṃ Bhagavā brūhi metanti.

1. Vissajjeti (Ka)

13. **Ye kecime isayo manujā, (Puṇṇakāti Bhagavā,)**

Khattiyā brāhmaṇā devatānaṃ.

Yaññamakappayimsu puthūdha loke,

Āsīsamānā Puṇṇaka itthattaṃ¹.

Jaraṃ sitā yaññamakappayimsu.

(2)

Ye kecime isayo manujāti ye kecīti sabbena sabbam sabbathā sabbam asesam nissesam pariyādiyanavacanametam ye kecīti. **Isayoti** isināmakā ye keci isipabbajjam pabbajitā ājīvakā nigaṇṭhā jaṭilā tāpasā. **Manujāti** manussā vuccantīti ye kecime isayo manujā, Puṇṇakāti Bhagavā.

Khattiyā brāhmaṇā devatānanti khattiyāti ye keci khattiyajātikā. **Brāhmaṇāti** ye keci bhovādikā. **Devatānanti** ājīvakasāvakanam ājīvakā devatā -pa-. Disāvaticānam disā devatā. Ye yesam dakkhiṇeyyā, te tesam devatāti khattiyā brāhmaṇā devatānam.

Yaññamakappayimsu puthūdha loketi yaññam vuccati deyyadhammo, cīvarapiṇḍapātasenāsanagilānapaccayabhesajjaparikkhāram annam pānam -pa- seyyāvasathapadīpeyyam. **Yaññamakappayimsūti** yepi yaññam esanti gavesanti pariyesanti -pa- seyyāvasathapadīpeyyam, tepi yaññam kappenti. **Puthūti** yaññā vā ete puthū, yaññayajakā vā ete puthū, dakkhiṇeyyā vā ete puthū -pa-. Evaṃ dakkhiṇeyyā vā ete puthū. **Idha loketi** manussaloketi yaññamakappayimsu puthūdha loke.

Āsīsamānā Puṇṇaka itthattanti āsīsamānāti rūpaṭṭilābham āsīsamānā saddapaṭṭilābham āsīsamānā gandhapaṭṭilābham āsīsamānā rasapaṭṭilābham āsīsamānā phoṭṭhabbapaṭṭilābham āsīsamānā puttapaṭṭilābham āsīsamānā dārapaṭṭilābham āsīsamānā dhanapaṭṭilābham āsīsamānā yasapaṭṭilābham āsīsamānā issariyapaṭṭilābham āsīsamānā khattiyamahāsālakule attabhāvapaṭṭilābham āsīsamānā

1. Itthataṃ (Syā), itthabhāvaṃ (Ka)

brāhmaṇamahāsālakule attabhāvapaṭilābhaṃ āsīsamānā
 gahapatimahāsālakule attabhāvapaṭilābhaṃ āsīsamānā Cātumahārājikesu¹
 devesu attabhāvapaṭilābhaṃ āsīsamānā Tāvatiṃsesu devesu. Yāmesu
 devesu. Tusitesu devesu. Nimmānaratīsu devesu. Paranimmitavasavattīsu
 devesu. Brahmakāyikesu devesu attabhāvapaṭilābhaṃ āsīsamānā icchamānā
 sādiyamānā patthayamānā pihayamānā abhijappamānāti āsīsamānā.

Puṇṇaka itthattanti ettha attabhāvābhiniḅbattim āsīsamānā ettha
 khattiyamahāsālakule attabhāvābhiniḅbattim āsīsamānā -pa-. Ettha
 brahmakāyikesu devesu attabhāvābhiniḅbattim āsīsamānā icchayamānā
 sādiyamānā patthayamānā pihayamānā abhijappamānāti āsīsamānā Puṇṇaka
 itthattaṃ.

Jaraṃ sitā yaññamakappayimsūti jarānissitā byādhinissitā maraṇanissitā
 sokaparidevadukkhadomanassupāyāsanissitā. Yadeva te jātinissitā, tadeva te
 jarānissitā. Yadeva te jarānissitā, tadeva te byādhinissitā. Yadeva te
 byādhinissitā, tadeva te maraṇanissitā. Yadeva te maraṇanissitā, tadeva te
 sokaparidevadukkhadomanassupāyāsanissitā. Yadeva te
 sokaparidevadukkhadomanassupāyāsanissitā, tadeva te gatinissitā. Yadeva te
 gatinissitā, tadeva te upapattinissitā. Yadeva te upapattinissitā, tadeva te
 paṭisandhinissitā. Yadeva te paṭisandhinissitā, tadeva te bhavanissitā.
 Yadeva te bhavanissitā, tadeva te saṃsāranissitā. Yadeva te saṃsāranissitā,
 tadeva te vaṭṭanissitā allīnā upagatā ajjhositā adhimuttāti jaraṃ sitā
 yaññamakappayimsu. Tenāha Bhagavā—

Ye kecime isayo manujā, (Puṇṇakāti Bhagavā,)

Khattiyā brāhmaṇā devatānaṃ.

Yaññamakappayimsu puthūdhā loke,

Āsīsamānā Puṇṇaka itthattaṃ.

Jaraṃ sitā yaññamakappayimsūti.

1. Cātummahārājikesu (Syā)

14. Ye kecime isayo manujā, (iccāyasmā Puṇṇāko,)

Khattiyā brahmaṇā devatānaṃ,

Yaññamakappayimsu puthūdhā loke,

Kaccisu te Bhagavā yaññapathe appamattā.

Atāru¹ jātiṇca jaraṇca mārisa,

Pucchāmi taṃ Bhagavā brūhi metaṃ.

(3)

Ye kecime isayo manujāti ye kecīti -pa-.

Kaccisu te Bhagavā yaññapathe appamattāti kaccisūti saṃsayapucchā vimatipucchā dvelhakupucchā anekasaṃsapucchā “evaṃ nu kho, na nu kho kiṃ nu kho, kathaṃ nu kho”ti kaccisu. **Teti** yaññayājaka vuccanti. **Bhagavāti** gāravādhivacanaṃ -pa- sacchikā paññatti, yadidaṃ Bhagavāti kaccisu te Bhagavā. . **Yaññapathe appamattāti** yaññoyeva vuccati yaññapatho. Yathā ariyamaggo ariyapatho devamaggo devapatho brahmamaggo brahmapatho. Evameva yaññoyeva vuccati yaññapatho. **Appamattāti** yaññapathe appamattā sakkaccakārino sātaccakārino aṭṭhitakārino anolīnavuttino anikkhittacchandaṃ anikkhittadhurā taccaritaṃ tabbahulā taggarukā tanninnā tapponā tappabbhārā tadadhimuttā tadadhipateyyāti tepi yaññapathe appamattā. Yēpi yaññaṃ esanti gavesanti pariyesanti cīvarapiṇḍapātaseṇāsanagilānapaccayabhesajjaparikkhāraṃ annaṃ pānaṃ -pa- seyyāvasathapadīpeyyaṃ sakkaccakārino -pa- tadadhipateyyā. Tepi yaññapathe appamattā. Yēpi yaññaṃ abhisankharonti cīvarapiṇḍapātaseṇāsanagilānapaccayabhesajjaparikkhāraṃ annaṃ pānaṃ -pa- seyyāvasathapadīpeyyaṃ sakkaccakārino -pa- tadadhipateyyā. Tepi yaññapathe appamattā. Yēpi yaññaṃ denti yajanti pariccajanti cīvarapiṇḍapātaseṇāsanagilānapaccayabhesajjaparikkhāraṃ annaṃ pānaṃ -pa- seyyāvasathapadīpeyyaṃ sakkaccakārino -pa- tadadhipateyyā. Tepi yaññapathe appamattāti kaccisu te Bhagavā yaññapathe appamattā.

Atāru jātiṇca jaraṇca mārisāti jarāmarāṇaṃ atarimsu uttarimsu patarimsu samatikkamimsu vītivattimsu. **Mārisāti** piyavacanaṃ garuvacanaṃ sagāravasappatissādhivacanametāṃ mārisāti atāru jātiṇca jaraṇca mārisa.

1. Atāruṃ (Si, Ka)

Pucchāmi taṃ Bhagavā brūhi metanti pucchāmi tanti pucchāmi taṃ yācāmi taṃ ajjhesāmi taṃ pasādemī taṃ kathayassu meti pucchāmi taṃ. **Bhagavāti** gāravādhivacanaṃ -pa- sacchikā paññatti, yadidaṃ Bhagavāti. **Brūhi metanti** brūhi ācikkhāhi desehi paññapehi paṭṭhapehi vivarāhi vibhajāhi uttānikarohi pakāsehīti pucchāmi taṃ Bhagavā brūhi metaṃ. Tenāha so brāhmaṇo—

Ye kecime isayo manujā, (iccāyasmā Puṇṇako,)
 Khattiyā brahmaṇā devatānaṃ.
 Yaññamakappayimsu puthūdha loke,
 Kaccisu te Bhagavā yaññapathe appamattā.
 Atāru jātiṅca jaraṅca mārisa,
 Pucchāmi taṃ Bhagavā brūhi me tanti.

15. **Āsīsanti¹ thomayanti abhijappanti juhanti, (Puṇṇakāti Bhagavā,) Kāmābhijappanti paṭicca lābhaṃ. Te yājayogā bhavarāgarattā, Nātarimsu jātijaranti brūmi. (4)**

Āsīsanti thomayanti abhijappanti juhantīti āsīsantīti rūpapaṭilābhaṃ āsīsanti. Saddapaṭilābhaṃ āsīsanti. Gandhapaṭilābhaṃ āsīsanti. Rasapaṭilābhaṃ āsīsanti. Phoṭṭhabbapaṭilābhaṃ āsīsanti. Puttapaṭilābhaṃ āsīsanti. Dārapaṭilābhaṃ āsīsanti. Dhanapaṭilābhaṃ āsīsanti. Yasapaṭilābhaṃ āsīsanti. Issariyapaṭilābhaṃ āsīsanti khattiyamahāsālakule attabhāvapaṭilābhaṃ āsīsanti. Brāhmaṇamahāsālakule. Gahapatimahāsālakule attabhāvapaṭilābhaṃ āsīsanti. Cātumahārājikesu devesu -pa-. Brahmakāyikesu devesu attabhāvapaṭilābhaṃ āsīsanti icchanti sādīyanti patthayanti pihayantīti āsīsanti.

Thomayantīti yaññaṃ vā thomenti phalaṃ vā thomenti dakkhiṇeyye vā thomenti. Kathaṃ yaññaṃ thomenti. Sucim dinnam² manāpaṃ dinnam paṇītam dinnam

1. Āsimsanti (Syā)

2. Piyam dinnam (Syā)

kālena dinnam kappiyam dinnam viceyya dinnam anavajjam dinnam abhiṇham dinnam dadam cittam pasāditanti thomenti kittenti vaṇṇenti pasamsanti. Evam yaññam thomenti.

Katham phalam thomenti. Ito nidānam rūpapaṭilābho bhavissati -pa-. Brahmakāyikesu devesu attabhāvapaṭilābho bhavissatīti thomenti kittenti vaṇṇenti pasamsanti evam phalam thomenti.

Katham dakkhiṇeyye thomenti. Dakkhiṇeyyā jātisampannā gottasampannā ajjhāyakā mantadharā tiṇṇam vedānam pāragū sanighaṇḍukeṭubhānam sākkharappabhedānam itihāsapañcamānam padakā veyyākaraṇā lokāyatamahāpurisalakkhaṇesu anavayāti, vītarāgā vā rāgavinayāya vā paṭipannā, vītadosā vā dosavinayāya vā paṭipannā, vītamohā vā mohavinayāya vā paṭipannā, saddhāsampannā sīlasampannā samādhisampannā paññāsampannā vimuttisampannā vimuttiñāṇadassanasampannāti thomenti kittenti vaṇṇenti pasamsanti, evam dakkhiṇeyye thomentīti āsīsanti thomayanti.

Abhijappantīti rūpapaṭilābham abhijappanti, saddapaṭilābham abhijappanti. Gandhapaṭilābham abhijappanti. Rasapaṭilābham abhijappanti -pa-. Brahmakāyikesu devesu attabhāvapaṭilābham abhijappantīti āsīsanti thomayanti abhijappanti. **Juhantīti** juhanti denti yajanti pariccajanti cīvarapiṇḍapātasenāsanagilānapaccayabhesajjaparikkhāram annam pānam vattham yānam mālāgandhavilepanam seyyāvasathapadīpeyyanti āsīsanti thomayanti abhijappanti juhanti. Puṇṇakāti Bhagavā.

Kāmābhijappanti paṭicca lābhanti rūpapaṭilābham paṭicca kāme abhijappanti saddapaṭilābham paṭicca kāme abhijappanti -pa-. Brahmakāyikesu devesu attabhāvapaṭilābham paṭicca kāme abhijappanti pajappantīti kāmābhijappanti paṭicca lābham.

Te yājayogā bhavarāgarattā, nātariṃsu jātijaranti brūmīti teti yaññayājakā vuccanti. **Yājayogāti** yājayogesū yuttā payuttā āyuttā samāyuttā taccarītā tabbahulā taggarukā tanninnā tappoṇā tappabbhārā tadadhimuttā tadadhipeyyāti te yājayogā. **Bhavarāgarattāti** bhavarāgo vuccati yo bhavesu bhavacchando bhavarāgo

bhavanandī bhavataṇhā bhavasineho bhavapariḷāho bhavamucchā
bhavajjhosānaṃ. Bhavarāgena bhavesu rattā giddhā gadhitā mucchitā
ajjhosannā laggā laggitā palibuddhāti te yājayogā bhavarāgarattā.

Nātarīmsu jātijaranti brūmīti te yājayogā bhavarāgarattā
jātijarāmarāṇaṃ nātarīmsu na uttarīmsu na patarīmsu na samatikkamīmsu
na vītivattīmsu jātijarāmarāṇā anikkhantā anissaṭṭhā anatikkantā
asamatikkantā avītivattā antojātijarāmarāṇe parivattanti. Antosaṃsārapathe
parivattanti. Jātiyā anugatā jarāya anusaṭṭhā byādhinā abhibhūtā marāṇena
abbhāhatā atāṇā aleṇā asaraṇā asaraṇībhūtāti brūmī ācikkhāmi desemi
paññapemi paṭṭhapemi vivarāmi vibhajāmi uttānīkaromi pakāsemīti te
yājayogā bhavarāgarattā, nātarīmsu jātijaranti brūmī. Tenāha Bhagavā—

Āsīsanti thomayanti abhijappanti juhanti, (Puṇṇakāti Bhagavā,)
Kāmā'bhijappanti paṭicca lābham.
Te yājayogā bhavarāgarattā,
Nātarīmsu jātijaranti brūmīti.

16. Te ce nātarīmsu yājayogā, (iccāyasmā Puṇṇako,)

Yaññehi jātiṇca jaraṇca mārisa.

Atha ko carahi devamanussaloke,

Atāri jātiṇca jaraṇca mārisa.

Pucchāmi taṃ Bhagavā brūhi metaṃ.

(5)

Te ce nātarīmsu yājayogāti te yaññayājakā yājayogā bhavarāgarattā
jātijarāmarāṇaṃ nātarīmsu na uttarīmsu na patarīmsu na samatikkamīmsu
na vītivattīmsu, jātijarāmarāṇā anikkhantā anissaṭṭhā anatikkantā
asamatikkantā avītivattā antojātijarāmarāṇe parivattanti. Antosaṃsārapathe
parivattanti. Jātiyā anugatā jarāya anusaṭṭhā byādhinā abhibhūtā marāṇena
abbhāhatā atāṇā aleṇā asaraṇā asaraṇībhūtāti te ce nātarīmsu yājayogā.

Iccāyasmā Puṇṇakoti iccāti padasandhi -pa- āyasmā Puṇṇako.

Yaññehi jātiñca jarañca mārisāti yaññehīti yaññehi pahūtehi yaññehi vividhehi yaññehi puthūhi. **Mārisāti** piyavacanaṃ garuvacanaṃ sagāravasappatissādhivacanametaṃ mārisāti yaññehi jātiñca jarañca mārisa.

Atha ko carahi devamanussaloke, atāri jātiñca jarañca mārisāti atha ko eso sadevake loke samārake sabrahmake sassamaṇabrāhmaṇiyā pajāya sadevamanussāya jātijarāmarañāṃ atari uttari patari samatikkami vītivattayi¹. **Mārisāti** piyavacanaṃ garuvacanaṃ sagāravasappatissādhivacanametaṃ mārisāti atha ko carahi devamanussaloke, atāri jātiñca jarañca mārisa.

Pucchāmi taṃ Bhagavā brūhi metanti pucchāmi tanti pucchāmi taṃ yācāmi taṃ ajjhesāmi taṃ pasāдеми taṃ, kathayassu metanti pucchāmi taṃ. **Bhagavāti** gāravādhivacanaṃ -pa- sacchikā paññatti, yadidaṃ Bhagavāti. **Brūhi metanti** brūhi ācikkhāhi desehi paññapehi paṭṭhapehi vivarāhi vibhajāhi uttānikarohi pakāsehīti pucchāmi taṃ Bhagavā brūhi metaṃ. Tenāha so brāhmaṇo—

Te ce nātarim̐su yājayogā, (iccāyasmā puṇṇako,)
Yaññehi jātiñca jarañca mārisa.
Atha ko carahi devamanussaloke,
Atāri jātiñca jarañca mārisa.
Pucchāmi taṃ Bhagavā brūhi metanti.

17. Saṅkhāya lokasmi² paroparāni, (Puṇṇakāti Bhagavā,)

Yassiñjitaṃ natthi kuhiñci loke.

Santo vidhūmo anīgho nirāso,

Atāri so jātijaranti brūmi.

(6)

Saṅkhāya lokasmi paroparānīti saṅkhā vuccati ñāṇaṃ. Yā paññā pajānanā -pa- amoho dhammavicayo sammādiṭṭhi. **Paroparānīti oraṃ** vuccati sakattabhāvo. **Param** vuccati parattabhāvo. Oraṃ vuccati sakarūpavedanāsāññāsankhāraviññāṇaṃ. Param vuccati pararūpavedanāsāññāsankhāra-

1. Vītivatti (Ka)

2. Lokasmiṃ (Syā, Ka)

viññāṇaṃ. Oraṃ vuccati cha ajjhattikāni āyatanāni. Paraṃ vuccati cha bāhirāni āyatanāni. Oraṃ vuccati manussaloko. Paraṃ vuccati devaloko. Oraṃ vuccati kāmadhātu. Paraṃ vuccati rūpadhātu arūpadhātu. Oraṃ vuccati kāmadhātu rūpadhātu. Paraṃ vuccati arūpadhātu. Saṅkhāya lokasmi paroparānīti paroparāni aniccato saṅkhāya, dukkhato. Rogato. Gaṇḍato -pa-. Nissaraṇato saṅkhāya jānitvā tulayitvā tīrayitvā vibhāvayitvā vibhūtaṃ katvāti saṅkhāya lokasmi paroparāni. **Puṇṇakāti Bhagavāti Puṇṇakāti** Bhagavā taṃ brāhmaṇaṃ nāmena ālapati. **Bhagavāti** gāravādhivacanametam -pa- yadidaṃ Bhagavāti Puṇṇakāti Bhagavā.

Yassiñjitaṃ natthi kuhiñci loketi yassāti arahato khīṇāsavassa. **Iñjitaṃ** tañhiñjitaṃ diṭṭhiñjitaṃ māniñjitaṃ kilesiñjitaṃ kāmiñjitaṃ. Yassime iñjitā natthi na santi na saṃvijjanti nupalabbhanti, pahīnā samucchinnā vūpasantā paṭipassaddhā abhabbuppattikā nāṇagginā daḍḍhā. **Kuhiñcīti** kuhiñci kismiñci katthaci ajjhattaṃ vā bahiddhā vā ajjhattabahiddhā vā. **Loketi** apāyaloke -pa- āyatanaloketi yassiñjitaṃ natthi kuhiñci loke.

Santo vidhūmo anīgho nirāso, atāri so jātijaranti brūmīti santoti rāgassa santattā santo. Dosassa. Mohassa. Kodhassa. Upanāhassa. Makkhassa -pa-. Sabbākusalābhisaṅkhārānaṃ santattā samitattā vūpasamitattā vijjhātattā¹ nibbutattā vigatattā paṭipassaddhattā santo upasanto vūpasanto nibbuto paṭipassaddhoti santo. **Vidhūmoti** kāyaduccaritaṃ vidhūmitaṃ vidhamitaṃ sositaṃ visositaṃ byantīkataṃ². Vacīduccaritaṃ. Manoduccaritaṃ vidhūmitaṃ vidhamitaṃ sositaṃ visositaṃ byantīkataṃ rāgo, doso, moho vidhūmito vidhamito sosito visosito byantīkato. Kodho. Upanāho. Makkho. Paḷāso. Issā. Macchariyaṃ. Māyā. Sāṭṭheyyaṃ. Thambho. Sārambho. Māno. Atimāno. Mado. Pamādo. Sabbe kilesā. Sabbe duccharitā. Sabbe darathā. Sabbe pariḷāhā. Sabbe santāpā. Sabbākusalābhisaṅkhārā vidhūmitā vidhamitā sositā visositā byantīkatā. Atha vā kodho vuccati dhūmo.

1. Nijjhātattā (Ka) Khu 7. 53 piṭṭhe.

2. Byantikataṃ (Ka)

Māno hi te brāhmaṇa khāribhāro,
 Kodho dhūmo bhasmani¹ mosavajjaṃ.
 Jivhā sujā hadayaṃ² jotiṭhānaṃ,
 Attā sudanto purisassa joti.

Api ca dasahākārehi kodho jāyati, “anattamaṃ me acari”ti kodho jāyati, “anattamaṃ me carati”ti kodho jāyati, “anattamaṃ me carissati”ti kodho jāyati. “Piyassa me manāpassa anattamaṃ acari. Anattamaṃ carati. Anattamaṃ carissati”ti kodho jāyati. “Appiyassa me amanāpassa attamaṃ acari. Attamaṃ carati. Attamaṃ carissati”ti kodho jāyati. Aṭṭhāne vā pana kodho jāyati. Yo evarūpo cittassa āghāto paṭighāto paṭighaṃ paṭivirodho kopo pakopo sampakopo doso padoso sampadoso cittassa byāpatti manopadoso kodho kujjhanā kujjhitattaṃ doso dussanā dussitattaṃ byāpatti byāpajjanā byāpajjitattaṃ virodho paṭivirodho caṇḍikkaṃ asuropo³ anattamanatā cittassa. Ayaṃ vuccati kodho.

Api ca kodhassa adhimattaparittatā veditabbā, atthi kañci⁴ kālaṃ kodho cittāvilakaraṇamatto hoti, na ca tāva mukhakulānavikulāno hoti. Atthi kañci kālaṃ kodho mukhakulānavikulānamatto hoti. Na ca tāva hanusañcopano hoti. Atthi kañci kālaṃ kodho hanusañcopanamatto hoti, na ca tāva pharusavācaṃ nicchāraṇo⁵ hoti. Atthi kañci kālaṃ kodho pharusavācaṃ nicchāraṇamatto hoti, na ca tāva disāvidisānuvilokano hoti. Atthi kañci kālaṃ kodho disāvidisānuvilokanamatto hoti, na ca tāva daṇḍasatthaparāmasano hoti. Atthi kañci kālaṃ kodho daṇḍasatthaparāmasanamatto hoti, na ca tāva daṇḍasattha-abbhukkiraṇo hoti. Atthi kañci kālaṃ kodho daṇḍasattha-abbhukkiraṇamatto hoti, na ca tāva daṇḍasattha-abhinipātano hoti. Atthi kañci kālaṃ kodho daṇḍasattha-abhinipātanamatto hoti,

1. Gammani (Syā)

2. Tapparassa (Syā)

3. Assuropo (Syā)

4. Kiñci (Ka) Khu 7. 165 piṭṭhe.

5. Pharusavācanicchāraṇo (Syā)

na ca tāva sambhañjanapalibhañjano hoti. Atthi kañci kālaṃ kodho sambhañjanapalibhañjanamatto hoti, na ca tāva aṅgamaṅga-apakaḍḍhano hoti. Atthi kañci kālaṃ kodho aṅgamaṅga-apakaḍḍhanamatto hoti, na ca tāva jīvitāvoropano¹ hoti. Atthi kañci kālaṃ kodho jīvitāvoropanamatto hoti, na ca tāva sabbacāgapariccāgāya saṅghito hoti. Yato kodho paraṃ puggalaṃ ghātetvā attānaṃ ghāteti. Ettāvatā kodho paramussadagato paramavepullapatto hoti. Yassa so hoti kodho pahīno samucchinnō vūpasanto paṭipassaddho abhabbuppattiko ñāṇagginā daḍḍho. So vuccati vidhūmo.

Kodhassa pahīnattā vidhūmo kodhavatthussa pariññātattā vidhūmo kodhahetussa pariññātattā vidhūmo kodhahetussa upacchinnattā vidhūmo. **Anīgho**ti rāgo nīgho, doso nīgho, moho nīgho, kodho nīgho, upanāho nīgho -pa-. Sabbākusalābhisankhārā nīghā, yassete nīghā pahīnā samucchinnā vūpasantā paṭipassaddhā abhabbuppattikā ñāṇagginā daḍḍhā, so vuccati anīgho.

Nirāsoti āsā vuccati taṇhā. Yo rāgo sārāgo -pa- abhijjhā lobho akusalamūlaṃ, yassesā āsā taṇhā pahīnā samucchinnā vūpasantā paṭipassaddhā abhabbuppattikā ñāṇagginā daḍḍhā, so vuccati nirāso. **Jāṭīti** yā tesāṃ tesāṃ sattānaṃ tamhi tamhi sattanikāye jāṭi sañjāṭi okkanti abhinibbatti khandhānaṃ pātubhāvo āyatanānaṃ paṭilābho. **Jarāṭi** yā tesāṃ tesāṃ sattānaṃ tamhi tamhi sattanikāye jarā jīraṇatā khaṇḍiccaṃ pāliccaṃ valittacatā āyuno saṃhāni indriyānaṃ paripāko. **Santo vidhūmo anīgho nirāso, atāri so jāṭijaranti brūmīti** yo santo ca vidhūmo ca anīgho ca nirāso ca, so jāṭijarāmarāṇaṃ atari uttari patari samatikkami vītivattayīti brūmi ācikkhāmi desemi paññapemi paṭṭhapemi vivarāmi vibhajāmi uttānīkaromi pakāsemīti santo vidhūmo anīgho nirāso, atāri so jāṭijaranti brūmi. Tenāha Bhagavā—

1. Jīvitapanāsaṇo (Syā) Khu 7. 166 piṭṭhe.

Saṅkhāya lokasmi paroparāni, (Puṇṇakāti Bhagavā,
 Yassiñjitaṃ natthi kuhiñci loke.
 Santo vidhūmo anīgho nirāso,
 Atāri so jātijaranti brūmīti.

Sahagāthāpariyosānā -pa- pañjaliko Bhagavantam namassamāno nisinno hoti “sathā me bhante Bhagavā, sāvako hamasmī”ti.

Puṇṇakamāṇavapucchāniddeho tatiyo.

4. Mettagūmaṇavapucchāniddeho

18. Pucchāmi taṃ Bhagavā brūhi me'tam, (iccāyasmā Mettagū,
 Maññāmi taṃ vedagū bhāvitattam.
 Kuto nu dukkhā samudāgatā ime,
 Ye keci lokasmi'manekarūpā. (1)

Pucchāmitam Bhagavā brūhi me'tanti pucchāmīti tisso pucchā adīṭṭhajotanā pucchā dīṭṭhasamsandanā pucchā vimaticchedanā pucchā. Katamā adīṭṭhajotanā pucchā, pakatiyā lakkhaṇam aññātam hoti adīṭṭham atulitam atīritam avibhūtam avibhāvitam, tassa ñāṇāya dassanāya tulanāya tīraṇāya vibhūtatthāya vibhāvanatthāya pañham pucchati, ayaṃ adīṭṭhajotanā pucchā.

Katamā dīṭṭhasamsandanā pucchā, pakatiyā lakkhaṇam ñātam hoti dīṭṭham tulitam tīritam vibhūtam vibhāvitam, aññehi paṇḍitehi saddhim samsandanatthāya pañham pucchati, ayaṃ dīṭṭhasamsandanā pucchā.

Katamā vimaticchedanā pucchā, pakatiyā samsayapakkhando hoti vimatipakkhando dvelhakajāto “evaṃ nu kho, na nu kho kiṃ nu kho katham nu kho”ti, so vimaticchedanatthāya pañham pucchati. Ayaṃ vimaticchedanā pucchā. Imā tisso pucchā.

Aparāpi tisso pucchā manussapucchā amanussapucchā nimmitapucchā. Katamā manussa pucchā, manussā Buddham Bhagavantam upasaṅkamtivā pañham pucchanti, bhikkhū pucchanti, bhikkhuniyo pucchanti, upāsakā pucchanti, upāsikāyo pucchanti, rājāno

pucchanti, khattiyā pucchanti, brāhmaṇā pucchanti, vessā pucchanti, suddā pucchanti, gahaṭṭhā pucchanti, pabbajitā pucchanti, ayaṃ manussapucchā.

Katamā amanussapucchā, amanussā Buddhaṃ Bhagavantam upasaṅkamitvā pañham pucchanti, nāgā pucchanti, supaṇṇā pucchanti, yakkhā pucchanti, asurā pucchanti, gandhabbā pucchanti, mahārājāno pucchanti, indā pucchanti, brahmā pucchanti, devā pucchanti, ayaṃ amanussapucchā.

Katamā nimmitapucchā, Bhagavā rūpaṃ abhinimmināti manomayaṃ sabbaṅgapaccaṅgaṃ ahīnindriyaṃ, so nimmito Buddhaṃ Bhagavantam upasaṅkamitvā pañham pucchati, Bhagavā visajjeti, ayaṃ nimmitapucchā. Imā tisso pucchā.

Aparāpi tisso pucchā attatthapucchā paratthapucchā ubhayatthapucchā. . Aparāpi tisso pucchā diṭṭhadhammikatthapucchā samparāyikatthapucchā paramatthapucchā. . Aparāpi tisso pucchā anavajjatthapucchā nikkilesatthapucchā vodānatthapucchā. . Aparāpi tisso pucchā atītapucchā anāgatapucchā paccuppannapucchā. . Aparāpi tisso pucchā ajjhattapucchā bahiddhāpucchā ajjhatabahiddhāpucchā. . Aparāpi tisso pucchā kusalapucchā akusalapucchā abyākatapucchā. . Arāpi tisso pucchā khandhapucchā dhātupucchā āyatanapucchā. . Aparāpi tisso pucchā satipaṭṭhānapucchā sammappadhānapucchā iddhipādapucchā. . Aparāpi tisso pucchā indriyapucchā balapucchā bojjhaṅgapucchā. . Aparāpi tisso pucchā maggapucchā phalapucchā nibbānapucchā.

Pucchāmi tanti pucchāmi taṃ yācāmi taṃ ajjhesāmi taṃ pasādemī taṃ “kathayassu me”ti pucchāmi taṃ. **Bhagavāti** gāravādhivacanametam -pasacchikā paññatti, yadidaṃ Bhagavāti. **Brūhi me tanti** brūhi ācikkhāhi desehi paññapehi paṭṭhapehi vivarāhi vibhajāhi uttānīkarohi pakāsehīti pucchāmi taṃ Bhagavā brūhi metam.

Iccāyasmā mettagūti iccāti padasandhi -pa- iccāyasmā mettagū.

Maññāmi taṃ vedagū bhāvitattanti vedagūti taṃ maññāmi, bhāvitattoti taṃ maññāmi evaṃ jānāmi evaṃ ājānāmi evaṃ paṭijānāmi evaṃ paṭivijjhāmi. **Vedagū bhāvitattoti** kathaṅca Bhagavā vedagū, **vedā** vuccanti catūsu maggesu nāṇaṃ paññā paññindriyaṃ paññābalaṃ -pa-dhammavicayasambojjhaṅgo

vīmasā vipassanā sammādiṭṭhi. Bhagavā tehi vedehi jātijarāmarañassa antagato antappatto koṭigato koṭippatto pariyantagato pariyantappatto vosānagato vosānappatto tānagato tānappatto leṇagato leṇappatto saraṇagato saraṇappatto abhayagato abhayappatto accutagato accutappatto amatagato amatappatto nibbānagato nibbānappatto. Vedānaṃ vā antagatoti vedagū. Vedehi vā antagatoti vedagū. Sattannaṃ vā dhammānaṃ viditattā vedagū. Sakkāyadiṭṭhi viditā hoti. Vicikicchā viditā hoti. Sīlabbataparāmāso vidito hoti. Rāgo doso moho māno vidito hoti. Veditāssa honti pāpakā akusalā dhammā saṃkilesikā ponobhavikā sadarā dukkhavipākā āyatim jātijarāmarañiyā.

Vedāni viceyya kevalāni, (Sabhiyāti Bhagavā,)

Samañānaṃ yānidhatthi¹ brāhmaṇānaṃ.

Sabbavedanāsu vītarāgo,

Sabbam vedamaticca vedagū soti.

Evam Bhagavā vedagū.

Kathaṃ Bhagavā bhāvitatto. Bhagavā bhāvitakāyo bhāvitasīlo bhāvitacitto bhāvitapañño bhāvitasatipaṭṭhāno bhāvitasammappadhāno bhāvita-iddhipādo bhāvita-indriyo bhāvitabalo bhāvitabojjhaṅgo bhāvitamaggo pahīnakilesa paṭividdhākuppo sacchikatanirodho. Dukkhaṃ tassa pariññātāṃ, samudayo pahīno, maggo bhāvito, nirodho sacchikato. Abhiññeyyaṃ abhiññātāṃ, pariññeyyaṃ pariññātāṃ, pahātabbaṃ pahīnaṃ, bhāvetabbaṃ bhāvitaṃ. Sacchikātabbaṃ sacchikataṃ. Aparitto mahanto gambhīro appameyyo duppariyogaḷho bahuratano sāgarūpamo² chaḷaṅgupekkhāya samannāgato hoti.

Cakkhunā rūpaṃ disvā neva sumano hoti na dummano. Upekkhako viharati sato sampajāno. Sotena saddaṃ sutvā. Ghānena gandhaṃ ghāyitvā. Jivhāya rasaṃ sāyitvā. Kāyena phoṭṭhabbaṃ phusitvā. Manasā

1. Yāni patthi (Syā), yāni atthi (Ka) Khu 1. 360 piṭṭhesu.

2. Sāgarasamo (Ka)

dhammaṃ viññāya neva sumano hoti na dummano. Upekkhako viharati sato sampajāno.

Cakkhunā rūpaṃ disvā manāpaṃ rūpaṃ nābhigijjhati nābhihaṃsati¹ na rāgaṃ janeti. Tassa ÷hitova kāyo hoti, ÷hitaṃ cittaṃ ajjhattaṃ susaṇḍhitaṃ suvimuttaṃ. Cakkhunā kho paneva rūpaṃ disvā amanāpaṃ na maṅku hoti appatiḍḍhitacitto² alīnamanaso³ abyāpannacetaso. Tassa ÷hitova kāyo hoti, ÷hitaṃ cittaṃ ajjhattaṃ susaṇḍhitaṃ suvimuttaṃ. Sotena saddaṃ sutvā. Ghānena gandhaṃ ghāyivā. Jivhāya rasaṃ sāyivā. Kāyena phoḍḍhabbaṃ phusivā. Manasā dhammaṃ viññāya manāpaṃ nābhigijjhati nābhihaṃsati na rāgaṃ janeti. Tassa ÷hitova kāyo hoti, ÷hitaṃ cittaṃ ajjhattaṃ susaṇḍhitaṃ suvimuttaṃ. Manasā yeva kho pana dhammaṃ viññāya amanāpaṃ na maṅku hoti appatiḍḍhitacitto alīnamanaso abyāpannacetaso. Tassa ÷hitova kāyo hoti, ÷hitaṃ cittaṃ ajjhattaṃ susaṇḍhitaṃ suvimuttaṃ.

Cakkhunā rūpaṃ disvā manāpāmanāpesu rūpesu ÷hitova kāyo hoti, ÷hitaṃ cittaṃ ajjhattaṃ susaṇḍhitaṃ suvimuttaṃ. Sotena saddaṃ sutvā -pa-. Manasā dhammaṃ viññāya manāpāmanāpesu dhammesu ÷hitova kāyo hoti ÷hitaṃ cittaṃ ajjhattaṃ susaṇḍhitaṃ suvimuttaṃ.

Cakkhunā rūpaṃ disvā rājanīye na rājjati. Dussanīye⁴ na dussati. Mohanīye na muyhati. Kopanīye na kuppati. Madanīye na majjati. Kilesanīye na kilissati. Sotena saddaṃ sutvā -pa-. Manasā dhammaṃ viññāya rājanīye na rājjati. Dussanīye na dussati. Mohanīye na muyhati. Kopanīye na kuppati. Madanīye na majjati. Kilesanīye na kilissati.

Diḍḍhe diḍḍhamatto, sute sutamatto, mute mutamatto, viññāte viññātamatto, diḍḍhe na limpati, sute na limpati, mute na limpati, viññāte na limpati, diḍḍhe anūpayo⁵ anapāyo anissito

1. Nābhipihayati (Syā) Khu 7. 186 piḍḍhe.

2. Appatiḍḍhīnacitto (Syā)

3. Ādinamanaso (Syā) Khu 7. 186 piḍḍhepi.

4. Dosanīye (Syā, ka) Khu 7. 186 piḍḍhepi.

5. Anupayo (Syā), anusayo (Ka) Khu 7. 187 piḍḍhe.

appaṭibaddho vippamutto visaññutto vimariyādikatena cetasā viharati. Sute. Mute. Viññāte anūpayo¹ anapāyo anissito appaṭibaddho vippamutto visaññutto vimariyādikatena cetasā viharati.

Samvījjati Bhagavato cakkhu, passati Bhagavā cakkhunā rūpaṃ, chandarāgo Bhagavato natthi, suvimuttacitto Bhagavā. Samvījjati Bhagavato sotaṃ, suṇāti Bhagavā sotena saddaṃ, chandarāgo Bhagavato natthi, suvimuttacitto Bhagavā. Samvījjati Bhagavato ghānaṃ, ghāyati Bhagavā ghānena gandhaṃ, chandarāgo Bhagavato natthi, suvimuttacitto Bhagavā. Samvījjati Bhagavato jivhā, sāyati Bhagavā jivhāya rasaṃ, chandarāgo Bhagavato natthi, suvimuttacitto Bhagavā. Samvījjati Bhagavato kāyo, phusati Bhagavā kāyena phoṭṭhabbaṃ, chandarāgo Bhagavato natthi, suvimuttacitto Bhagavā. Samvījjati Bhagavato mano, vijānāti Bhagavā manasā dhammaṃ, chandarāgo Bhagavato natthi, suvimuttacitto Bhagavā.

Cakkhu rūpārāmaṃ rūparataṃ rūpasammuditaṃ, taṃ Bhagavato² dantaṃ guttaṃ rakkhitaṃ saṃvutaṃ, tassa ca saṃvarāya dhammaṃ deseti. Sotaṃ saddārāmaṃ saddarataṃ. Ghānaṃ gandhārāmaṃ gandharataṃ. Jivhā rasārāmā rasaratā rāsasammuditā, sā Bhagavato dantā guttā rakkhitā saṃvutā, tassa ca saṃvarāya dhammaṃ deseti. Kāyo phoṭṭhabbārāmo phoṭṭhabbarato phoṭṭhabbasammudito. Mano dhammārāmo dhammarato dhammasammudito, so Bhagavato danto gutto rakkhito saṃvuto, tassa ca saṃvarāya dhammaṃ deseti.

“Dantaṃ nayanti samitiṃ, dantaṃ rājābhirūhati.

Danto seṭṭho manussesu, yo’tivākyaṃ titikkhati.

Varamassatarā dantā, ājānīyā ca³ sindhavā.

Kuñjarā ca⁴ mahānāgā, attadanto tato varam.

Na hi etehi yānehi, gaccheyya agataṃ disaṃ.

Yathā’ttanā sudantena, danto dantena gacchati.

1. Anupayo (Syā), anusayo (Ka) Khu 7. 187 piṭṭhe.

2. Bhagavatā (Syā) Khu 7. 187 piṭṭhe.

3. Ājānīyāva (Syā) Khu 1. 59 piṭṭhe.

4. Kuñjarāva (Syā)

Vidhāsu na vikampanti, vippamuttā punabbhavā.
 Dantabhūmiṃ anuppattā, te loke vijitāvino.
 Yassindriyāni bhāvitāni,
 Ajjhattañca bahiddhā ca sabbaloke.
 Nibbijjha imaṃ parañca lokam,
 Kālaṃ kaṅkhati bhāvito sa danto”ti¹.

Evam Bhagavā bhāvitattoti.

Maññāmi taṃ vedagū bhāvitattaṃ. Kuto nu dukkhā samudāgatā imeti kuto nūti saṃsayapucchā vimatipucchā dveḷhakupucchā anekasapucchā “evam nu kho, nanu kho, kiṃ nu kho, kathaṃ nu kho”ti kuto nu. **Dukkhāti** jātidukkhāṃ jarādukkhāṃ byādhidukkhāṃ maraṇadukkhāṃ sokaparidevadukkhadomanassupāyāsadukkhāṃ, byasanaṃ dukkhāṃ nerayikaṃ dukkhāṃ tiracchānayanikaṃ dukkhāṃ pettavisayikaṃ dukkhāṃ, mānusikaṃ dukkhāṃ gabbhokkantimūlakaṃ dukkhāṃ gabbhaṭṭhitimūlakaṃ dukkhāṃ gabbhavuṭṭhānamūlakaṃ dukkhāṃ jātassūpanibandhakaṃ dukkhāṃ jātassa parādheyyakaṃ dukkhāṃ, attūpakkamaṃ dukkhāṃ parūpakkamaṃ dukkhāṃ dukkhadukkhāṃ saṅkhāradukkhāṃ vipariṇāmadukkhāṃ, cakkhurogo sotarogo ghānarogo jivhārogo kāyarogo sīsarogo kaṇṇarogo mukharogo dantarogo kāso sāso piṇāso ḍaḥho jaro kucchirogo mucchā pakkhandikā sūlā visūcikā kuṭṭhaṃ gaṇḍo kilāso soso apamāro daddu kaṇḍu kacchu rakhasā vitacchikā lohitapittaṃ madhumeho aṃsā piḷakā bhagandalā pittasamuṭṭhānā ābādhā semhasamuṭṭhānā ābādhā vātasamuṭṭhānā ābādhā sannipātikā ābādhā utupariṇāmajā ābādhā visamaparihārajā ābādhā opakkamikā ābādhā kammavipākajā ābādhā sītaṃ uṇhaṃ jighacchā pipāsā uccāro passāvo ḍaṃsamakasavātātapasarīsapa-samphassaṃ dukkhāṃ, mātumaraṇaṃ dukkhāṃ pitumaraṇaṃ dukkhāṃ bhātumaraṇaṃ dukkhāṃ bhaginimaraṇaṃ dukkhāṃ puttumaraṇaṃ dukkhāṃ dhītumaraṇaṃ dukkhāṃ ñātibyasaṇaṃ dukkhāṃ rogabyasaṇaṃ dukkhāṃ bhogabyasaṇaṃ dukkhāṃ sīlabyasaṇaṃ dukkhāṃ diṭṭhibyasaṇaṃ dukkhāṃ, yesaṃ dhammānaṃ ādito samudāgamaṇaṃ paññāyati, atthaṅgamato nirodho paññāyati, kammaṇissito vipāko, vipākasannaṇissitaṃ kammaṇaṃ, nāmasannaṇissitaṃ rūpaṇaṃ,

1. Sudantoti (Syā) Khu 1. 358 piṭṭhe; Khu 7. 188 piṭṭhepi.

rūpasannissitaṃ nāmaṃ, jātiyā anugataṃ, jarāya anusaṭaṃ, byādhinā abhibhūtaṃ, maraṇena abbhāhataṃ, dukkhe patiṭṭhitaṃ, atāṇaṃ aleṇaṃ asaraṇaṃ asaraṇībhūtaṃ, ime vuccanti dukkhā. Ime dukkhā kuto samudāgatā kuto jātā kuto sañjātā kuto nibbattā kuto abhinibbattā kuto pātubhūtā, kiṃnidānā kiṃsamudayā kiṃjātikā kiṃpabhavāti imesaṃ dukkhānaṃ mūlaṃ pucchati, hetuṃ pucchati, nidānaṃ pucchati, sambhavaṃ pucchati, pabhavaṃ pucchati, samuṭṭhānaṃ pucchati, āhāraṃ pucchati, ārammaṇaṃ pucchati, paccayaṃ pucchati, samudayaṃ pucchati papucchati yāceti ajjhesati pasādetīti kuto nu dukkhā samudāgatā ime.

Ye keci lokasmi'manekarūpāti ye kecīti sabbena sabbam sabbathā sabbam asesam nissesam pariyādiyanavacanametam ye kecīti. **Lokasminti** apāyaloke manussaloke devaloke khandhaloke dhātuloke āyatanaloke. **Anekarūpāti** anekavidhā nānāppakārā dukkhāti ye keci lokasmi'manekarūpā. Tenāha so brāhmaṇo—

Pucchāmi taṃ Bhagavā brūhi me'taṃ, (iccāyasmā Mettagū,
Maññāmi taṃ vedagū bhāvitattaṃ.
Kuto nu dukkhā samudāgatā ime,
Ye keci lokasmi'manekarūpāti.

**19. Dukkhasa ve maṃ pabhavaṃ apucchasi, (Mettagūti Bhagavā,
Taṃ te pavakkhāmi yathā pajānaṃ.
Upadhinidānā pabhavanti dukkhā,
Ye keci lokasmi'manekarūpā. (2)**

Dukkhasa ve maṃ pabhavaṃ apucchasiti dukkhassāti jātidukkhasa jarādukkhasa byādhidukkhasa maraṇadukkhasa sokaparidevadukkhadomanassupāyāsadukkhasa. **Pabhavaṃ apucchasi**ti dukkhassa mūlaṃ pucchasi, hetuṃ pucchasi, nidānaṃ pucchasi, sambhavaṃ pucchasi, pabhavaṃ pucchasi, samuṭṭhānaṃ pucchasi, āhāraṃ pucchasi, ārammaṇaṃ pucchasi, paccayaṃ pucchasi, samudayaṃ pucchasi yācasi ajjhesasi pasādesīti dukkhassa ve maṃ pabhavaṃ apucchasi. **Mettagūti** Bhagavā taṃ brāhmaṇaṃ nāmena ālapati.

Bhagavāti gāravādhivacanametam -pa- sacchikā paññatti, yadidaṃ Bhagavāti mettagūti Bhagavā.

Tam te pavakkhāmi yathā pajānanti tanti dukkhassa mūlam pavakkhāmi, hetum pavakkhāmi, nidānam pavakkhāmi, sambhavam pavakkhāmi, pabhavam pavakkhāmi, samuṭṭhānam pavakkhāmi, āhāram pavakkhāmi, ārammaṇam pavakkhāmi, paccayam pavakkhāmi, samudayam pavakkhāmi ācikkhissāmi desessāmi paññapessāmi paṭṭhapessāmi vivarissāmi vibhajissāmi uttānīkarissāmi pakāsessāmīti tam te pavakkhāmi. **Yathā pajānanti yathā pajānanto ājānanto vijānanto paṭivijānanto paṭivijjhanto.** Na itihītiham na itikirāya na paramparāya na piṭakasampadāya¹ na takkahetu na nayahetu na ākāravarivittakkena na diṭṭhinijjhānakkhantiyā sāmam sayamabhiññātam attapaccakkhadhammam, tam kathayissāmīti tam te pavakkhāmi yathā pajānam.

Upadhinidānā pabhavanti dukkhāti upadhīti dasa upadhī, taṇhūpadhi, diṭṭhūpadhi, kilesūpadhi, kammūpadhi, duccharitūpadhi, āhārūpadhi, paṭighūpadhi, catasso upādinnadhātuyo upadhī, cha ajjhattikāni āyatanāni upadhī, cha viññāṇakāyā upadhī, sabbampi dukkham dukkhamanaṭṭhena² upadhī, ime vuccanti dasa upadhī. **Dukkhāti** jātidukkham jarādukkham byādhidukkham maraṇadukkham sokaparidevadukkhadomanassupāyāsa-dukkham nerayikam dukkham -pa- diṭṭhibyasanam dukkham. Yesam dhammanam ādito samudāgamanam paññāyati, atthaṅgamato nirodho paññāyati, kammassannissito vipāko, vipākasannissitam kammam, nāmasannissitam rūpam. Rūpasannissitam nāmam. Jātiyā anugataṃ jarāya anusaṭam, byādhinā abhibhūtam, maraṇena abbhāhataṃ, dukkhe patiṭṭhitaṃ atānam aleṇam asaraṇam asaraṇibhūtam. Ime vuccanti dukkhā. Ime dukkhā upadhinidānā upadhihetukā upadhipaccayā upadhikāraṇā honti pabhavanti sambhavanti jāyanti sañjāyanti nibbattanti pātubhavantīti upadhinidānā pabhavanti dukkhā.

Ye keci lokasmi'manekarūpāti ye kecīti sabbena sabbam sabbathā sabbam asesam nissesam pariyādiyanavacanametam ye kecīti. **Lokasminti** apāyaloke manussaloke devaloke khandhaloke

1. Na piṭakasampadānena (Ka) Khu 7. 280 piṭṭhe.

2. Dukkhaṭṭhena (Syā)

dhātuloke āyatanaloke. **Anekarūpāti** anekavidhā nānappakārā dukkhāti ye keci lokasmi'manekarūpā. Tenāha Bhagavā—

Dukkhasa ve maṃ pabhavaṃ apucchasi, (Mettaḡūti Bhagavā,
 Taṃ te pavakkhāmi yathā pajānaṃ.
 Upadhiniḡānā pabhavanti dukkhā.
 Ye keci lokasmi'manekarūpāti.

**20. Yo ve avidvā upadhiṃ karoti,
 Punappunaṃ dukkha'mupeti mando.
 Tasmā pajānaṃ upadhiṃ na kayirā,
 Dukkhasa jātipphavānupassī. (3)**

Yo ve avidvā upadhiṃ karotīti yoti yo yādiso yathāyutto yathāvihito yathāpakāro yaṃṡhānappatto yaṃdhammasamannāgato khattiyo vā brāhmaṇo vā vesso vā suddo vā gahaṡṡho vā pabbajito vā devo vā manusso vā. **Avidvāti** avijjāgato aññāṇī avibhāvī duppañño. **Upadhiṃ karotīti** taṡhūpadhiṃ karoti, diṡṡhūpadhiṃ karoti, kilesūpadhiṃ karoti, kammūpadhiṃ karoti, duccaritūpadhiṃ karoti, āhārūpadhiṃ karoti, paṡighūpadhiṃ karoti. Catasso upādinnadhātuyo upadhī karoti, cha ajjhattikāni āyatanāni upadhī karoti, cha viññāṇakāye upadhī karoti janeti saṡjaneti nibbatteti abhinibbattetīti avidvā upadhiṃ karoti.

Punappunaṃ dukkha'mupeti mandoti punappunaṃ jātidukkhaṃ jarādukkhaṃ byādhidukkhaṃ maraṇadukkhaṃ sokaparidevadukkha-
 domanassupāyāsadukkhaṃ eti samupeti upagacchati gaṡhāti parāmasati abhiniṡisatīti punappunaṃ dukkha'mupeti. **Mandoti** mando momuho avidvā avijjāgato aññāṇī avibhāvī duppañnoti punappunaṃ dukkha'mupeti mando.

Tasmā pajānaṃ upadhiṃ na kayirāti tasmāti taṡkāraṇā taṡhetu tappaccayā taṡnidānā etaṡ āḡīnavāṡsamppassamāno upadhīsūti tasmā. **Pajānanti** pajānanto ājānanto vijānanto paṡivijānanto paṡivijjhanto, “sabbe saṡkhārā aniccā”ti pajānanto ājānanto vijānanto paṡivijānanto

paṭivijjhanto, “sabbe saṅkhārā dukkhā”ti -pa- “sabbe dhammā anattā”ti -pa-. “Yaṃ kiñci samudayadhammaṃ, sabbaṃ taṃ nirodhadhammaṃ”ti pajānanto ājānanto vijānanto paṭivijānanto paṭivijjhanto. **Upadhiṃ na kayirāti** taṇhūpadhiṃ na kareyya, diṭṭhūpadhiṃ na kareyya, kilesūpadhiṃ na kareyya, duccharitūpadhiṃ na kareyya, āhārūpadhiṃ na kareyya, paṭighūpadhiṃ na kareyya, catasso upādinnadhātuyo upadhī na kareyya, cha ajjhattikāni āyatanāni upadhī na kareyya, cha viññāṇakāye upadhī na kareyya na jāneyya na sañjāneyya na nibbatteyya nābhinibbatteyyāti tasmā pajānaṃ upadhiṃ na kayirā.

Dukkhassāti jātidukkhassa jarādukkhassa byādhidukkhassa maraṇadukkhassa sokaparidevadukkhadomanassupāyāsadukkhassa. **Pabhavānupassīti** dukkhassa mūlānupassī hetānupassī nidānānupassī sambhavānupassī pabhavānupassī samuṭṭhānānupassī āhārānupassī ārammaṇānupassī paccayānupassī samudayānupassī. **Anupassanā** vuccati ñāṇaṃ. Yā paññā pajānanā -pa- amoho dhammavicayo sammādiṭṭhi. Imāya anupassanāya paññāya upeto hoti samupeto upāgato samupāgato upapanno samupapanno samannāgato, so vuccati anupassīti dukkhassa jātipphavānupassī. Tenāha Bhagavā—

Yo ve avidvā upadhiṃ karoti,
Punappunaṃ dukkha’ mupeti mando.
Tasmā pajānaṃ upadhiṃ na kayirā,
Dukkhassa jātipphavānupassīti.

21. Yaṃ taṃ apucchimha akittayī no,
Aññaṃ taṃ pucchāma tadinṅha brūhi.
Kathaṃ nu dhīrā vitaranti oghaṃ,
Jātiṃ jaraṃ sokapariddavaṇca.
Taṃ me Munī sādhu viyākarohi,
Tathā hi te vidito esa dhammo. (4)

Yaṃ taṃ apucchimha akittayī noti yaṃ taṃ apucchimha ayācimha ajjhesimha pasādimha. **Akittayī** noti kittitaṃ¹ pakittitaṃ ācikkhitaṃ desitaṃ

1. Akitti taṃ (Syā) evamādisesu padesu atītavibhattivasena. Khu 7. 217 piṭṭhe.

paññapitaṃ¹ paṭṭhapitaṃ vivaritaṃ vibhattaṃ uttānikataṃ pakāsitaṃ yaṃ taṃ apucchimha akittayā no.

Aññaṃ taṃ pucchāma tadin̄gha brūhīti aññaṃ taṃ pucchāma, aññaṃ taṃ yācāma, aññaṃ taṃ ajjesāma, aññaṃ taṃ pasādema, uttari taṃ pucchāma. **Tadin̄gha brūhīti** iṅgha brūhi ācikkhāhi desehi paññapehi paṭṭhapehi vivarāhi vibhajāhi uttānikarohi pakāsehīti aññaṃ taṃ pucchāma tadin̄gha brūhi.

Kathaṃ nu dhīrā vitaranti oghaṃ, jātiṃ jaraṃ sokapariddavañcāti kathaṃ nūti saṃsayapucchā vimatipucchā dveḷhakupucchā anekasapucchā, “evaṃ nu kho, nanu kho, kiṃ nu kho, kathaṃ nu kho”ti kathaṃ nu. **Dhīrāti** dhīrā paṇḍitā paññavanto buddhimanto ñāṇino vibhāvino medhāvino. **Oghanti** kāmoghaṃ bhavoghaṃ diṭṭhoghaṃ avijjoghaṃ. **Jāti**ti yā tesāṃ tesāṃ sattānaṃ tamhi tamhi sattanikāye jāti sañjāti okkanti nibbatti abhinibbatti khandhānaṃ pātubhāvo āyatanānaṃ paṭilābho. **Jarāti** yā tesāṃ tesāṃ sattānaṃ tamhi tamhi sattanikāye jarā jīraṇatā khaṇḍiccaṃ pāliccaṃ valittacatā āyuno saṃhāni indriyānaṃ paripāko. **Sokoti** ñātibyasanena vā phuṭṭhassa bhogabyasanena vā phuṭṭhassa rogabyasanena vā phuṭṭhassa sīlabyanena vā phuṭṭhassa diṭṭhibyanena vā phuṭṭhassa aññataraññatarena byasanena vā samannāgatassa aññataraññatarena dukkhadhammena vā phuṭṭhassa soko socanā socitattaṃ antosoko anto parisoko antoḍāho antopariḍāho cetaso pariḷhāyanā domanassaṃ sokasallaṃ. **Paridevoti** ñātibyasanena vā phuṭṭhassa bhogabyasanena vā phuṭṭhassa rogabyasanena vā phuṭṭhassa sīlabyanena vā phuṭṭhassa diṭṭhibyanena vā phuṭṭhassa aññataraññatarena byasanena vā samannāgatassa aññataraññatarena dukkhadhammena vā phuṭṭhassa ādevo paridevo ādevanā paridevanā ādevitattaṃ paridevitattaṃ vācā palāpo² vippalāpo lālappo lālappanā lālappitattaṃ³.

Kathaṃ nu dhīrā vitaranti oghaṃ, jātiṃ jaraṃ sokapariddavañcāti dhīrā kathaṃ oghaṃ jātiṃ jaraṃ sokaṃ paridevaṃ taranti uttaranti pataranti

1. Paññāpitaṃ (Ka)

2. Lāpo palāpo (Syā) Abhi 1. 105 piṭṭhepi.

3. Lālappāyanā lālappāyitattaṃ (bahūsu) Jarāsuttaniddesaṭṭhakathā oloketaḍḍhā.

samatikkamanti vītivattantīti kathaṃ nu dhīrā vitaranti oghaṃ, jātiṃ jaraṃ sokapariddavañca.

Taṃ me Munī sādhu viyākarohīti tanti yaṃ pucchāmi, yaṃ yācāmi, yaṃ ajjhesāmi, yaṃ pasāдеми. **Munīti** monaṃ vuccati ñāṇaṃ. Yā paññā pajānaṇā -pa- amoḥo dhammavicayo sammādiṭṭhi. Bhagavā tena ñāṇena samannāgato Muni monappatto. Tīṇi moneyyāni kāyamoneyyaṃ vacīmoneyyaṃ manomoneyyaṃ.

Katamaṃ kāyamoneyyaṃ, tividhānaṃ kāyaduccaritānaṃ pahānaṃ kāyamoneyyaṃ, tividhaṃ kāyasucaritaṃ kāyamoneyyaṃ, kāyārammaṇe ñāṇaṃ kāyamoneyyaṃ, kāyapariññā kāyamoneyyaṃ, pariññāsahagato maggo kāyamoneyyaṃ, kāye chandarāgassa pahānaṃ kāyamoneyyaṃ, kāyasaṅkhāranirodho catutthajjhānasamāpatti kāyamoneyyaṃ. Idaṃ kāyamoneyyaṃ.

Katamaṃ vacīmoneyyaṃ, catubbidhānaṃ vacīduccaritānaṃ pahānaṃ vacīmoneyyaṃ, catubbidhaṃ vacīsucaritaṃ vacīmoneyyaṃ, vācārammaṇe ñāṇaṃ vacīmoneyyaṃ, vācāpariññā vacīmoneyyaṃ, pariññāsahagato maggo vacīmoneyyaṃ, vācāya chandarāgassa pahānaṃ vacīmoneyyaṃ, vacīsaṅkhāranirodho dutiyajjhānasamāpatti vacīmoneyyaṃ. Idaṃ vacīmoneyyaṃ.

Katamaṃ manomoneyyaṃ, tividhānaṃ manoduccaritānaṃ pahānaṃ manomoneyyaṃ, tividhaṃ manosucaritaṃ manomoneyyaṃ, cittārammaṇe ñāṇaṃ manomoneyyaṃ, cittapariññā manomoneyyaṃ, pariññāsahagato maggo manomoneyyaṃ, citte chandarāgassa pahānaṃ manomoneyyaṃ, cittasaṅkhāranirodho saññāvedayitanirodhasamāpatti manomoneyyaṃ. Idaṃ manomoneyyaṃ.

Kāyamuniṃ vacīmuniṃ¹, manomunimanāsavaṃ.

Muniṃ moneyyasampannaṃ, āhu sabbappahāyinaṃ.

Kāyamuniṃ vacīmuniṃ, manomunimanāsavaṃ.

Muniṃ moneyyasampannaṃ, āhu ninhātapāpakanti.

1. Vācāmuniṃ (bahūsu) Khu 1. 234 piṭṭhe.

Imehi tīhi moneyyehi dhammehi samannāgatā, cha munino¹
 agāramunino anagāramunino sekhamunino² asekhamunino Paccekamunino
 Munimuninoti. Katame agāramunino, ye te agārikā diṭṭhapadā
 viññātasāsanā, ime agāramunino. . Katame anagāramunino, ye te pabbajitā
 diṭṭhapadā viññātasāsanā, ime anagāramunino. Satta sekhā sekhamunino.
 arahanto asekhamunino. Paccekasambuddhā Paccekamunino. Tathāgatā
 Arahanto Sammāsambuddhā Munimunino.

Na monena muni³ hoti, mūḷharūpo aviddasu.
 Yo ca tulaṃva paggayha, varamādāya paṇḍito.
 Pāpāni parivajjeti, sa munī tena so Muni.
 Yo munāti ubho loke, “Muni” tena pavuccati.
 Asatañca satañca ñatvā dhammaṃ,
 Ajjhattaṃ bahiddhā ca sabbaloke.
 Devamanussehi pūjanīyo⁴,
 Saṅgajālamaticca⁵ so Munīti.

Sādhu viyākarohīti taṃ sādhu ācikkhāhi desehi paññapehi paṭṭhapehi
 vivarāhi vibhajāhi uttānīkarohi pakāsehīti taṃ me munī sādhu viyākarohi.
Tathā hi te vidito esa dhammoti tathā hi te vidito tulito tīrito vibhūto
 vibhāvito esa dhammoti tathā hi te vidito esa dhammo. Tenāha so
 brāhmaṇo—

Yaṃ taṃ apucchimha akittayī no,
 Aññaṃ taṃ pucchāma tadiṅgha brūhi.
 Kathaṃ nu dhīrā vitaranti oghaṃ,
 Jātiṃ jaraṃ sokapariddavañca.
 Taṃ me Munī sādhu viyākarohi,
 Tathā hi te vidito esa dhammoti.

1. Munayo (Syā) Khu 7. 44 piṭṭhepi.

2. Sekkhamunino (Syā, Ka)

3. Muni (Syā, Ka) Khu 1. 51 piṭṭhe.

4. Pūjito (Syā, Ka) Khu 7. 45 piṭṭhepi.

5. Saṅgaṃ jālamaticca, Khu 1. 360 piṭṭhe.

22. Kittayissāmi te dhammaṃ, (Mettaḡūti Bhagavā),**Diṭṭhe dhamme anītihaṃ.****Yaṃ viditvā sato caraṃ, tare loke visattikaṃ. (5)**

Kittayissāmi te dhammanti dhammanti ādikalyāṇaṃ majjhekalyāṇaṃ pariyośānakalyāṇaṃ sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ cattāro satipaṭṭhāne cattāro sammappadhāne cattāro iddhipāde pañcindriyāni pañca balāni satta bojjhaṅge ariyaṃ aṭṭhaṅgikaṃ maggaṃ nibbānaṅca nibbānagāminiṅca paṭipadaṃ kittayissāmi ācikkhissāmi desessāmi paññapessāmi paṭṭhapessāmi vivarissāmi vibhajissāmi uttānīkarissāmi pakāsissāmīti kittayissāmi te dhammaṃ. **Mettaḡūti** Bhagavā taṃ brāhmaṇaṃ nāmena ālapati.

Diṭṭhe dhamme anītiḡanti diṭṭhe dhammeti diṭṭhe dhamme ñāte dhamme tulite dhamme tīrite dhamme vibhūte dhamme vibhāvite dhamme “sabbe saṅkhārā aniccā”ti -pa-. “Yaṃ kiñci samudayadhammaṃ, sabbaṃ taṃ nirodhadhammaṃ”ti diṭṭhe dhamme ñāte dhamme tulite dhamme tīrite dhamme vibhūte dhamme vibhāvite dhammeti evampi diṭṭhe dhamme kathayissāmi. . Atha vā dukkhe diṭṭhe dukkhaṃ kathayissāmi, samudaye diṭṭhe samudayaṃ kathayissāmi, magge diṭṭhe maggaṃ kathayissāmi, nirodhe diṭṭhe nirodhaṃ kathayissāmīti evampi diṭṭhe dhamme kathayissāmi. . Atha vā diṭṭhe dhamme sandiṭṭhikaṃ akālikaṃ ehipassikaṃ opaneyyikaṃ paccattaṃ veditabbaṃ viññūhīti evampi diṭṭhe dhamme kathayissāmīti diṭṭhe dhamme. **Anītiḡanti** na itihītihaṃ na itikirāya na paramparāya na piṭakasampadāya na takkaḡetu na nayahetu na ākāraparivitakkena na diṭṭhinijjhānakkhantiyā sāmaṃ sayamabhiññātaṃ attapaccakkhadhammaṃ, taṃ kathayissāmīti diṭṭhe dhamme anītihaṃ.

Yaṃ viditvā sato caranti yaṃ viditaṃ katvā tulayitvā tīrayitvā vibhāvayitvā vibhūtaṃ katvā, “sabbe saṅkhārā aniccā”ti viditaṃ katvā tulayitvā tīrayitvā vibhāvayitvā vibhūtaṃ katvā, “sabbe saṅkhārā dukkhā”ti -pa-. “Sabbe dhammā anattā”ti. “Yaṃ kiñci samudayadhammaṃ, sabbaṃ taṃ nirodhadhammaṃ”ti viditaṃ katvā tulayitvā tīrayitvā vibhāvayitvā vibhūtaṃ katvā. **Satoti** catūhi kāraṇehi sato, kāye kāyānupassanāsatiṭṭhānaṃ bhāvento sato -pa- so vuccati sato.

Caranti caranto viharanto iriyanto vattento pārento yapento yāpentoti yaṃ viditvā sato caram.

Tare loke visattikanti visattikā vuccati taṇhā. Yo rāgo sārāgo -pa-abhijjhā lobho akusalamūlaṃ. **Visattikā**ti kenaṭṭhena visattikā, visatāti visattikā, visālāti visattikā, visaṭāti visattikā, visamāti visattikā, visakkaṭīti visattikā, visamharatīti visattikā, visamvādikāti visattikā, visamūlāti visattikā, visaphalāti visattikā, visaparibhogāti visattikā, visālā vā pana sā taṇhā rūpe sadde gandhe rase phoṭṭhabbe kule gaṇe āvāse lābhe yase pasamsāya sukhe cīvare piṇḍapāte senāsane gilānapaccayabhesajjaparikkhāre kāmādhātuyā rūpadhātuyā arūpadhātuyā kāmabhava rūpabhava arūpabhava saññābhava asaññābhava nevasaññānāsaññābhava ekavokārabhave catuvokārabhave pañcavokārabhave atīte anāgate paccuppanne diṭṭhasutamutaviññātabbesu dhammesu visaṭā vitthatāti visattikā. **Loketi** apāyaloke manussaloke devaloke khandhaloke dhātuloke āyatanaloke. **Tare loke visattikanti** loke vesā visattikā¹, loke vetam visattikaṃ sato tareyya uttareyya patareyya samatikkameyya vīvatteyyāti tare loke visattikaṃ. Tenāha Bhagavā—

Kittayissāmi te dhammaṃ, (Mettaḡūti Bhagavā,)

Diṭṭhe dhamme anītihaṃ.

Yaṃ viditvā sato caram, tare loke visattikanti.

23. Tañcāhaṃ abhinandāmi, Mahesi dhamma'muttamaṃ.

Yaṃ viditvā sato caram, tare loke visattikaṃ. (6)

Tañcāhaṃ abhinandāmīti tanti tuyhaṃ vacanaṃ byappathaṃ² desanaṃ anusāsaṇaṃ anusiṭṭhaṃ³. **Nandāmīti** abhinandāmi modāmi anumodāmi icchāmi sādiyāmi yācāmi patthayāmi pihayāmi abhijappāmīti tañcāhaṃ abhinandāmi.

1. Yā sā loke visattikā (Syā) Kāmasuttaniddesaṭṭhakathā oloketabbā.

2. Byappathaṃ (Syā, Ka)

3. Desanaṃ anusandhiṃ (Syā)

Mahesi dhamma'muttamanti Mahesīti kiṃ Mahesi Bhagavā, mahantaṃ sīlakkhandhaṃ esī gavesī¹ pariyesīti Mahesi, mahantaṃ samādhikkhandhaṃ. Mahantaṃ paññākkhandhaṃ. Mahantaṃ vimuttikkhandhaṃ. Mahantaṃ vimuttiñāṇadassanakkhandhaṃ esī gavesī pariyesīti Mahesi. Mahato tamokāyassa padālanāṃ esī gavesī pariyesīti Mahesi, mahato vipallāsassa pabhedanaṃ esī gavesī pariyesīti Mahesi, mahato taṇhāsallassa abbaḥanaṃ² esī gavesī pariyesīti Mahesi, mahato diṭṭhisamghāṭassa viniveṭhanaṃ esī gavesī pariyesīti Mahesi, mahato mānadhajassa pātaṇaṃ esī gavesī pariyesīti Mahesi, mahato abhisāṅkhārassa vūpasamaṃ esī gavesī pariyesīti Mahesi, mahato oghassa nittharaṇaṃ esī gavesī pariyesīti Mahesi, mahato bhārassa nikkhepanaṃ esī gavesī pariyesīti Mahesi, mahato saṃsāraṇassa upacchedaṃ esī gavesī pariyesīti Mahesi, mahato santāpassa nibbānaṃ esī gavesī pariyesīti Mahesi, mahato pariḷāhassa paṭippassaddhaṃ esī gavesī pariyesīti Mahesi, mahato dhammadhajassa ussāpanaṃ esī gavesī pariyesīti Mahesi, mahante satipaṭṭhāne. Mahante sammappadhāne. Mahante iddhipāde. Mahantāni indriyāni. Mahantāni balāni. Mahante bojjhaṅge. Mahantaṃ ariyaṃ aṭṭhaṅgikaṃ maggaṃ. Mahantaṃ paramatthaṃ amataṃ nibbānaṃ esī gavesī pariyesīti Mahesi, mahesakkhehi sattehi esito gavesito pariyesito “kaḥaṃ Buddho, kaḥaṃ Bhagavā, kaḥaṃ Devadevo, kaḥaṃ Narāsabho”ti Mahesi. **Dhamma'muttamanti** dhammamuttamaṃ vuccati amataṃ nibbānaṃ. Yo so sabbasaṅkhārasamatho sabbūpadhipaṭṭinissaggo taṇhakkhayo virāgo nirodho nibbānaṃ. **Uttamanti** aggaṃ seṭṭhaṃ viṣeṭṭhaṃ pāmokkhaṃ uttamaṃ pavaraṃ dhammanti Mahesi dhamma'muttamaṃ.

Yaṃ viditvā sato caranti viditaṃ katvā tulayitvā tīrayitvā vibhāvayitvā vibhūtaṃ katvā, “sabbe saṅkhārā aniccā”ti viditaṃ katvā tulayitvā tīrayitvā vibhāvayitvā vibhūtaṃ katvā, “sabbe saṅkhārā dukkhā”ti -pa-. “Sabbe dhammā anattā”ti. “Yaṃ kiñci samudayadhammaṃ, sabbāṃ taṃ nirodhadhammaṃ”ti viditaṃ katvā tulayitvā tīrayitvā vibhāvayitvā vibhūtaṃ katvā. **Satoti** catūhi kāraṇehi sato, kāye

1. Esi gavesi (Syā) Khu 7. 266 piṭṭhe.

2. Abbūhanaṃ (bahūsu) abbūhaṃ (Sī-Ṭṭha)

kāyānupassanāsatiṭṭhānaṃ bhāvento sato. Vedanāsu. Cित्ते. Dhammesu dhammānupassanāsatiṭṭhānaṃ bhāvento sato -pa- so vuccati sato. **Caranti** caranto viharanto iriyanto vattento pārento yapento yāpentoti yaṃ viditvā sato caraṃ.

Tare loke visattikanti visattikā vuccati taṇhā. Yo rāgo sārāgo -pa- abhijjhā lobho akusalamūlaṃ. **Visattikāti** kenatṭhena visattikā -pa- visaṭṭā vitthatāti visattikā. **Loketi** apāyaloke -pa- āyatanaloke. **Tare loke visattikanti** loke vesā visattikā, loke vetaṃ visattikaṃ sato tareyya uttareyya patareyya samatikkameyya vītivatteyyāti tare loke visattikaṃ. Tenāha so brāhmaṇo—

Tañcāhaṃ abhinandāmi, Mahesi dhamma'muttamaṃ.
Yaṃ viditvā sato caraṃ, tare loke visattikanti.

24. Yaṃ kiñci sampajānāsi, (Mettaḡūti Bhagavā,) (7)

Uddhaṃ adho tiriyañcāpi majjhe.
Etesu nandiñca nivesanañca,
Panujja viññānaṃ bhava na tiṭṭhe.

Yaṃ kiñci sampajānāsīti yaṃ kiñci pajānāsi ājānāsi vijānāsi paṭivijānāsi paṭivijjasīti yaṃ kiñci sampajānāsi. **Mettaḡūti** Bhagavā taṃ brāhmaṇaṃ nāmena ālapati. **Bhagavāti** gāravādhivacanametam -pa- sacchikā paññatti, yadidaṃ Bhagavāti Mettaḡūti Bhagavā.

Uddhaṃ adho tiriyañcāpi majjheti uddhanti anāgataṃ¹. Adhoti atītaṃ. **Tiriyañcāpi majjheti** paccuppannaṃ. **Uddhanti** devaloko. **Adhoti** nirayaloko. **Tiriyañcāpi majjheti** manussaloko. Atha vā **uddhanti** kusalā dhammā. **Adhoti** akusalā dhammā. **Tiriyañcāpi majjheti** abyākataṃ dhammā. **Uddhanti** arūpadhātu. **Adhoti** kāmadhātu. **Tiriyañcāpi majjheti** rūpadhātu. **Uddhanti** sukhā vedanā. **Adhoti** dukkhā vedanā. **Tiriyañcāpi majjheti** adukkhamasukhā vedanā. **Uddhanti** uddhaṃ pādatalā.

1. Uddhaṃ vuccati anāgataṃ (Syā, Ka)

Adhoti adho kesamatthakā. **Tiriyañcāpi majjheti** vemajjheti uddham adho tiriyañcāpi majjhe.

Etesu nandiñca nivesanañca, panujja viññāṇam bhava na tiṭṭheti etesūti ācikkhitesu desitesu paññāpitesu paṭṭhapitesu vivaritesu vibhajitesu uttānikatesu pakāsitesu. **Nandī** vuccati taṇhā. Yo rāgo sārāgo -pa- abhijjhā lobho akusalamūlam. **Nivesananti** dve nivesanā, taṇhānivesanā ca diṭṭhinivesanā ca. **Katamā taṇhānivesanā, yāvata taṇhāsāṅkhātena -pa- ayaṃ taṇhānivesanā. Katamā diṭṭhinivesanā, vīsativatthukā sakkāyadiṭṭhi -pa- ayaṃ diṭṭhinivesanā.**

Panujja viññāṇanti puññābhisaṅkhārasahagatāṃ viññāṇaṃ apuññābhisaṅkhārasahagatāṃ viññāṇaṃ āneñjābhisaṅkhārasahagatāṃ viññāṇaṃ, etesu nandiñca nivesanañca abhisaṅkhārasahagatañca viññāṇaṃ nujja panujja nuda panuda jaha pajaha vinodehi byantikarohi anabhāvaṃ gamehīti etesu nandiñca nivesanañca, panujja viññāṇaṃ.

Bhave na tiṭṭheti bhavāti dve bhavā kammabhavo ca paṭisandhiko ca punabbhavo. Katamo kammabhavo, puññābhisaṅkhāro apuññābhisaṅkhāro āneñjābhisaṅkhāro, ayaṃ kammabhavo. Katamo paṭisandhiko punabbhavo, paṭisandhikā rūpaṃ vedanā saññā saṅkhārā viññāṇaṃ, ayaṃ paṭisandhiko punabbhavo. **Bhave na tiṭṭheti** nandiñca nivesanañca abhisaṅkhārasahagatāṃ viññāṇaṃ kammabhavañca paṭisandhikañca punabbhavaṃ pajahanto vinodento byantikaronto anabhāvaṃ gamento kammabhava na tiṭṭheyya, paṭisandhike punabbhava na tiṭṭheyya na santiṭṭheyyāti panujja viññāṇaṃ bhava na tiṭṭhe. Tenāha Bhagavā—

Yaṃ kiñci sampajānāsi, (Mettaḡūti Bhagavā,)

Uddham adho tiriyañcāpi majjhe.

Etesu nandiñca nivesanañca,

Panujja viññāṇam bhava na tiṭṭheti.

25. **Evamvihārī sato appamatto,
Bhikkhu caram hitvā mamāyitāni.
Jātim jaram sokapariddavañca,
Idheva vidvā pajaheyya dukkham.**

(8)

Evamvihārī sato appamattoti evamvihārīti nandiñca nivesanañca abhisankhārasahagataviññāṇaṇca kammabhavañca paṭisandhikañca punabbhavaṃ pajahanto vinodento byantikaronto anabhāvaṃ gamentoti evamvihārī. **Satoti** catūhi kāraṇehi sato, kāye kāyānupassanāsati paṭṭhānaṃ bhāvento -pa- so vuccati sato. **Appamattoti** sakkaccakārī sātaccakārī aṭṭhitakārī anolīnavuttiko¹ anikkhittacchando anikkhittadhuro appamatto kusalesu dhammesu “kathāham² aparipūraṃ vā sīlakkhandham paripūreyyaṃ, paripūraṃ vā sīlakkhandham tattha tattha paññāya anuggaṇheyyaṃ”ti yo tattha chando ca vāyāmo ca ussāho ca ussolhī ca appaṭivānī³ ca sati ca sampajaññañca ātappaṃ padhānaṃ adhiṭṭhānaṃ anuyogo appamatto appamādo kusalesu dhammesu. “Kathāham aparipūraṃ vā samādhikkhandham. Paññākkhandham. Vimuttikkhandham. Vimuttiññadassanakkhandham paripūreyyaṃ, paripūraṃ vā vimuttiññadassanakkhandham tattha tattha paññāya anuggaṇheyyaṃ”ti yo tattha chando ca vāyāmo ca ussāho ca ussolhī ca appaṭivānī ca sati ca sampajaññañca ātappaṃ padhānaṃ adhiṭṭhānaṃ anuyogo appamatto appamādo kusalesu dhammesu. “Kathāham aparīññātaṃ vā dukkham pari jāneyyaṃ, appahīne vā kilese pajaheyyaṃ, abhāvitaṃ vā maggaṃ bhāveyyaṃ, asacchikataṃ vā nirodham sacchikareyyaṃ”ti yo tattha chando ca vāyāmo ca ussāho ca ussolhī ca appaṭivānī ca sati ca sampajaññañca ātappaṃ padhānaṃ adhiṭṭhānaṃ anuyogo appamatto appamādo kusalesu dhammesūti evamvihārī sato appamatto.

Bhikkhu caraṃ hitvā mamāyitānīti bhikkhūti puthujjanakalyāṇako⁴ vā bhikkhu sekkho vā bhikkhu. **Caranti** caranto viharanto iriyanto vattento pārento yapento yāpento. **Mamattāti** dve mamattā taṇhāmamattañca diṭṭhimamattañca -pa- idaṃ taṇhāmamattaṃ -pa- idaṃ diṭṭhimamattaṃ. Taṇhāmamattaṃ pahāya diṭṭhimamattaṃ paṭinissajjitvā mamatte jahitvā cajitvā pajahitvā vinodetvā byantikaritvā anabhāvaṃ gametvāti bhikkhu caraṃ hitvā mamāyitāni.

1. Anolīnavuttiko (Ka) Khu 7. 45 piṭṭhe.

2. Kadāham (Syā)

3. Appaṭivāni (Ka) Khu 7. 45 piṭṭhe.

4. Kalyāṇaputhujjano (Syā), evamīdisesu ṭhānesu.

Jātiṃ jaraṃ sokapariddavaṇca, idheva vidvā pajaheyya dukkhanti jāti
yā tesam tesam sattānam -pa-. **Jaranti** yā tesam tesam sattānam -pa-. **Sokoti**
ñātibyasanena vā phutṭhassa -pa-. **Paridevoti** ñātibyasanena vā phutṭhassa
-pa-. **Idhāti** imissā diṭṭhiyā -pa-. Imasmim manussaloke. **Vidvāti** vijjāgato
ñāṇi vibhāvī medhāvī. **Dukkhanti** jātidukkham -pa-
domanassupāyāsadukkham. . **Jātiṃ jaraṃ sokapariddavaṇca, idheva vidvā**
pajaheyya dukkhanti vijjāgato ñāṇi vibhāvī medhāvī idheva jātiṇca jaraṇca
sokapariddavaṇca dukkhaṇca pajaheyya vinodeyya byantikareyya
anabhāvaṃ gameyyāti jātiṃ jaraṃ sokapariddavaṇca, idheva vidvā
pajaheyya dukkham. Tenāha Bhagavā—

Evamvihārī sato appamatto,
Bhikkhu caraṃ hitvā mamāyitāni.
Jātiṃ jaraṃ sokapariddavaṇca,
Idheva vidvā pajaheyya dukkhanti.

26. **Etā’bhinandāmi vaco Mahesino,**
Sukittitaṃ Gotama’nūpadhīkaṃ.
Addhā hi Bhagavā pahāsi dukkham,
Tathā hi te vidito esa dhammo.

(9)

Etā’bhinandāmi vaco Mahesinoti etanti tuyham vacanam byappatham
desanam anusāsanam anusitṭham nandāmi abhinandāmi modāmi anumodāmi
icchāmi sādiyāmi patthayāmi pihayāmi abhijappāmi. **Mahesinoti** kim
Mahesi Bhagavā, mahantaṃ silakkhandham esī gavesī pariyesīti Mahesi
-pa- “kham Narāsabho”ti Mahesīti etābhinandāmi vaco Mahesino.

Sukittitaṃ Gotamanūpadhīkanti sukittitanti sukittitaṃ su-ācikkhitaṃ
sudesitaṃ supaññapitaṃ supatṭhapitaṃ suvaritaṃ suvibhajitaṃ su-
uttānikataṃ supakāsitaṃ sukittitaṃ. **Gotamanūpadhīkanti** upadhī vuccanti
kilesā ca khandhā ca abhisankhārā ca. Upadhippahānam upadhivūpasamaṃ
upadhipaṭinissaggaṃ upadhipaṭipassaddham amataṃ nibbānanti sukittitaṃ
Gotamanūpadhīkaṃ.

Addhā hi Bhagavā pahāsi dukkhanti addhāti ekamsavacanaṃ nissamsayavacanaṃ nikkāṅkhāvacanaṃ advejjhavacanaṃ adveḷhakavacanaṃ nirodhavacanaṃ apaṇṇakavacanaṃ avatthāpanavacanametaṃ addhāti. **Bhagavāti** gāravādhivacanametaṃ -pasacchikā paññatti, yadidaṃ Bhagavāti. **Pahāsi dukkhanti** jātidukkhāṃ jarādukkhāṃ byādhidukkhāṃ maraṇadukkhāṃ sokaparidevadukkhadomanassupāyāsadukkhāṃ pahāsi pajahi vinodesi byantīkarosi anabhāvaṃ gamesīti addhā hi Bhagavā pahāsi dukkhāṃ.

Tathā hi te vidito esa dhammoti tathā hi te vidito tulito tīrito vibhūto vibhāvito esa dhammoti tathā hi te vidito esa dhammo. Tenāha so brāhmaṇo—

Etā'bhinandāmi vaco Mahesino,
Sukittitaṃ Gotama'nūpadhīkaṃ.
Addhā hi Bhagavā pahāsi dukkhāṃ,
Tathā hi te vidito esa dhammoti.

27. **Te cāpi nūnappajaheyyu dukkhāṃ,
Ye tvaṃ munī aṭṭhitaṃ ovadeyya.
Taṃ taṃ namassāmi samecca nāgaṃ,
Appeva maṃ Bhagavā aṭṭhitaṃ ovadeyya.** (10)

Te cāpi nūnappajaheyyu dukkhanti te cāpīti khattiyā ca brāhmaṇā ca vessā ca suddā ca gahaṭṭhā ca pabbajitā ca devā ca manussā ca. **Pajaheyyu dukkhanti** jātidukkhāṃ jarādukkhāṃ byādhidukkhāṃ maraṇadukkhāṃ sokaparideva dukkhadomanassupāyāsadukkhāṃ pajaheyyuṃ vinodeyyuṃ byantīkareyyuṃ anabhāvaṃ gameyyunti te cāpi nūnappajaheyyu dukkhāṃ.

Ye tvaṃ munī aṭṭhitaṃ ovadeyyāti yeti khattiye ca brāhmaṇe ca vesse ca sudde ca gahaṭṭhe ca pabbajite ca deve ca manusse ca. **Tvanti** Bhagavantāṃ bhaṇāti. **Munīti** monaṃ vuccati nāṇaṃ -pa- saṅgajālamaticca so Muni. **Aṭṭhitaṃ ovadeyyāti** aṭṭhitaṃ ovadeyya, sakkaccaṃ ovadeyya, abhiṇṇaṃ ovadeyya, punappunaṃ ovadeyya anusāseyyāti ye tvaṃ munī aṭṭhitaṃ ovadeyya.

Taṃ taṃ namassāmi samecca nāganti tanti Bhagavantāṃ bhaṇāti. **Namassāmīti** kāyena vā namassāmi, vācāya vā namassāmi, cittena vā namassāmi,

anvatthapaṭipattiyā vā namassāmi, dhammānudhammapaṭipattiyā vā namassāmi sakkaromi garuṃ karomi¹ mānemi pūjemi. **Sameccāti** samecca abhisamecca samāgantvā abhisamāgantvā sammukhā taṃ namassāmi. **Nāganti** nāgo ca Bhagavā, āgūṃ na karotīti nāgo, na gacchatīti nāgo, na āgacchatīti nāgo, kathaṃ Bhagavā āgūṃ na karotīti nāgo. Āgu vuccati pāpakā akusalā dhammā saṃkilesikā ponobhavigā sadarā dukkhavipākā āyatim jātijarāmarañiyā.

Āgūṃ na karoti kiñci loke, (Sabhiyāti Bhagavā,
Sabbasamyoge² visajja bandhanāni.
Sabbattha na sajjatī vimutto,
Nāgo tādi pavuccate tathattāti.

Evam Bhagavā āgūṃ na karotīti nāgo.

Kathaṃ Bhagavā na gacchatīti nāgo, Bhagavā na chandāgatim gacchati, na dosāgatim gacchati, na mohāgatim gacchati, na bhayāgatim gacchati, na rāgavasena gacchati, na dosavasena gacchati, na mohavasena gacchati, na mānavasena gacchati, na diṭṭhivasena gacchati, na uddhaccavasena gacchati, na vicikicchāvasena gacchati, na anusayavasena gacchati, na vaggehi dhammehi yāyati nīyati³ vuyhati saṃharīyati. Evam Bhagavā na gacchatīti nāgo.

Kathaṃ Bhagavā na āgacchatīti nāgo, sotāpattimaggena ye kilesā pahīnā, te kilese na puneti na pacceti na paccāgacchati. Sakadāgāmimaggena. Anāgāmimaggena. Arahattamaggena ye kilesā pahīnā, te kilese na puneti na pacceti na paccāgacchati. Evam Bhagavā na āgacchatīti nāgoti taṃ taṃ namassāmi samecca nāga.

Appeva maṃ Bhagavā aṭṭhitam ovadeyyāti appeva maṃ Bhagavā aṭṭhitam ovadeyya, sakkaccam ovadeyya, abhiñham ovadeyya, punappunam ovadeyya, anusāseyyāti appeva maṃ Bhagavā aṭṭhitam ovadeyya. Tenāha so brāhmaṇo—

1. Garukaromi (Syā) 2. Sabbayoge (Ka) Khu 1. 359 piṭṭhe. 3. Nīyati (Syā, Ka)

Te cāpi nūnappajaheyyu dukkhaṃ.
 Ye tvaṃ munī aṭṭhitaṃ ovadeyya.
 Taṃ taṃ namassāmi samecca nāgaṃ,
 Appeva maṃ Bhagavā aṭṭhitaṃ ovadeyyāti.

28. Yaṃ brāhmaṇaṃ vedagu'mābhijaññā,
Akiñcanaṃ kāmabhava asattaṃ.
Addhā hi so oghamimaṃ atāri,
Tiṇṇo ca pāraṃ akhilo akañkho. (11)

Yaṃ brāhmaṇaṃ vedagumābhijaññāti brāhmaṇoti sattannaṃ dhammānaṃ bāhitattā brāhmaṇo, sakkāyadiṭṭhi bāhitā hoti, vicikicchā bāhitā hoti, sīlabbataparāmāso bāhito hoti, rāgo bāhito hoti, doso bāhito hoti, moho bāhito hoti, māno bāhito hoti, bāhitāssa honti pāpakā akusalā dhammā saṅkilesikā ponobhavikā sadarā dukkhavipākā āyatiraṃ jātijarāmarañiyā.

Bāhitvā sabbapāpakāni, (Sabhiyāti Bhagavā,) Vimalo sādhusamāhito ṭhitatto.
 Saṃsāramaticca kevalī so,
 Asito¹ tādi pavuccate sa brahmā.

Vedagūti vedo vuccati catūsu maggesu ñāṇaṃ -pa- sabbaṃ vedamaticca vedagū soti. **Abhijaññāti** abhijāneyya ājāneyya vijāneyya paṭivijāneyya paṭivijjheyāti yaṃ brāhmaṇaṃ vedagumābhijaññā.

Akiñcanaṃ kāmabhava asattanti akiñcananti rāgakiñcanaṃ dosakiñcanaṃ mohakiñcanaṃ mānakiñcanaṃ diṭṭhikiñcanaṃ kilesakiñcanaṃ duccaritakiñcanaṃ. Yassete kiñcanā pahīnā samucchinnā vūpasantā paṭipassaddhā abhabbuppattikā ñāṇagginā dadḍhā, so vuccati akiñcano. **Kāmāti** uddānato dve kāmā vatthukāmā ca kilesakāmā ca -pa-. Ime vuccanti vatthukāmā -pa-. Ime vuccanti kilesakāmā. **Bhavāti** dve bhavā kammabhavo ca paṭisandhiko ca

1. Anissito (Syā) Khu 1. 358 piṭṭhe

punabbhavo -pa- ayaṃ paṭisandhiko punabbhavo. . **Akiñcanaṃ kāmabhava asattanti** akiñcanaṃ puggalaṃ kāmabhava ca asattaṃ alaggaṃ alaggitaṃ apalibuddhaṃ nikkhantaṃ nissaṭṭaṃ vip̐pamuttaṃ visaññuttaṃ vimariyādikatena cetasā viharantanti akiñcanaṃ kāmabhava asattaṃ.

Addhā hi so oghamimaṃ atārīti addhāti ekaṃsavacanaṃ -pa- avatthāpanavacanametam̐ addhāti. **Oghanti** kāmoghaṃ bhavoghaṃ diṭṭhoghaṃ avijjoghaṃ. **Atārīti** uttari patari samatikkami vītivattayīti addhā hi so oghamimaṃ atāri.

Tiṇṇo ca pārāṃ akhilo akañkhoti tiṇṇoti kāmoghaṃ tiṇṇo, bhavoghaṃ tiṇṇo, diṭṭhoghaṃ tiṇṇo, avijjoghaṃ tiṇṇo, saṃsārapathaṃ tiṇṇo uttiṇṇo nitthiṇṇo¹ atikkanto samatikkanto vītivatto. So vutthavāso² ciññacaraṇo gataddho gatadiso gatakoṭiko pālita brahmacariyo uttamadiṭṭhippatto bhāvitamaggo, pahīnakilesa paṭividdhākuppo sacchikatanirodho, dukkhaṃ tassa pariññātaṃ, samudayo pahīno, maggo bhāvito, nirodho sacchikato, abhiññeyyaṃ abhiññātaṃ, pariññeyyaṃ pariññātaṃ, pahātabbaṃ pahīnaṃ, bhāvetabbaṃ bhāvitaṃ, sacchikātabbaṃ sacchikataṃ. So ukkhittapaligho saṃkiṇṇaparikkho abbulhesiko niraggaḷo ariyo pannaddhajo pannabhāro visaññutto pañcaṅgavippahīno chaḷaṅgasamannāgato ekārakkho caturāpasseno paṇuṇṇapaccekasacco³ samavayasaṭṭhesano anāvīlisaṅkappo passaddhakāyasaṅkhāro suvimuttacitto suvimuttapañño kevalī vusitavā uttamapuriso paramapuriso paramapattippatto, so neva ācināti na apacināti apacinitvā ṭhito, neva pajahati na upādiyati pajahitvā ṭhito, neva visineti na ussineti visinetvā ṭhito, neva vidhūpeti na sandhūpeti vidhūpetvā ṭhito, asekkhena sīlakkhandhena samannāgatattā ṭhito, asekkhena samādhikkhandhena. Paññākkhandhena. Vimuttikkhandhena. Vimuttiññādadassanakkhandhena samannāgatattā ṭhito, saccaṃ sampaṭipādayitvā⁴ ṭhito, ejaṃ samatikkamitvā ṭhito, kilesaggim̐ pariyaḍiyitvā ṭhito, aparigamanatāya ṭhito, kathaṃ⁵ samādāya ṭhito, vimuttiṭṭhisevanatāya

1. Nittiṇṇo (Syā)

2. Vuṭṭhavāso (Syā) Khu 7. 16 piṭṭhepi.

3. Paṇuṇṇapaccekasacco (Ka)

4. Paṭipādayitvā (Syā)

5. Kaṭaṃ (Syā) Kāmasuttaniddeśaṭṭhakathā oloketabbā.

ṭhito, mettāya pārisuddhiyā ṭhito, karuṇāya. Muditāya. Upekkhāya pārisuddhiyā ṭhito, accantapārisuddhiyā ṭhito, atammayatāya¹ pārisuddhiyā ṭhito, vimuttattā ṭhito, santussitattā ṭhito, khandhāpariyante ṭhito, dhātupariyante ṭhito, āyatanāpariyante ṭhito, gatipariyante ṭhito, upapattipariyante ṭhito, paṭisandhipariyante ṭhito, bhavāpariyante ṭhito, saṃsārapariyante ṭhito, vaṭṭāpariyante ṭhito, antimabhavā ṭhito, antime samussayo ṭhito, antimadehadharo arahā.

Tassāyaṃ pacchimako bhavo, carimoyaṃ samussayo.

Jātimaraṇasaṃsāro, natthi tassa punabbhavoti.

Tiṇṇo ca pāraṇti pāraṇti vuccati amataṃ nibbānaṃ. Yo so sabbasaṅkhārasamatho sabbūpadhipaṭṭinissaggo taṇhakkhāyo virāgo nirodho nibbānaṃ, so pāragato pārapatto antagato antappatto koṭigato koṭippatto pariyaṇtagato pariyaṇtappatto vosāṇagato vosāṇappatto tāṇagato tāṇappatto leṇagato leṇappatto saraṇagato saraṇappatto abhayagato abhayappatto accutagato accutappatto amatagato amatappatto nibbānagato nibbānappatto. So vutthavāso ciṇṇacaraṇo -pa- jātimaraṇasaṃsāro natthi tassa punabbhavoti tiṇṇo ca pāraṇti.

Akhiloti rāgo khilo, doso khilo, moho khilo, kodho khilo, upanāho khilo -pa- sabbākusalābhisaṅkhārā khilā. Yassete khilā pahīnā samucchinā vūpasantā paṭipassaddhā abhabbuppattikā ñāṇagginā daḍḍhā, so vuccati akhilo. **Akaṅkhoti** dukkhe kaṅkhā, dukkhasamudaye kaṅkhā, dukkhanirodhe kaṅkhā, dukkhanirodhagāminiyā paṭipadāya kaṅkhā, pubbante kaṅkhā, aparante kaṅkhā, pubbantāparante kaṅkhā, idappaccayatāpaṭiccasamuppannesu dhammesu kaṅkhā, yā evarūpā kaṅkhā kaṅkhāyanā kaṅkhāyittamā vimati vicikicchā dveḷhakaṃ dvedhāpatho saṃsāro anekaṃsaggāho āsappanā parisappanā apariyogāhanā chambhitattamā cittassa manovilekko, yassete kaṅkhā pahīnā samucchinā vūpasantā paṭipassaddhā abhabbuppattikā ñāṇagginā daḍḍhā,

1. Akammaññatāya (Syā)

so vuccati akaṅkhoti tiṅṅo ca pāraṃ akhilo akaṅkho. Tenāha Bhagavā—

Yaṃ brāhmaṇaṃ vedagumābhijaññā,
Akiñcanaṃ kāmabhava asattaṃ.
Addhā hi so oghamimaṃ atāri,
Tiṅṅo ca pāraṃ akhilo akaṅkhoti.

29. Vidvā ca yo vedagū naro idha,
Bhavābhava saṅgamimaṃ visajja.
So vītataṅho anīgho nirāso,
Atāri so jātijaranti brūmi.

(12)

Vidvā ca yo vedagū naro idhāti vidvāti vijjāgato ñāṇī vibhāvī medhāvī.
Yoti yo yādiso -pa- manusso vā. **Vedagū**ti vedo vuccati catūsu maggesu
ñāṇaṃ. Paññā paññindriyaṃ paññābalaṃ dhammavicayasambojjhaṅgo
vīmaṃsā vipassanā sammādiṭṭhi¹. Tehi vedehi jātijarāmaṇassa antagato
antappatto koṭigato koṭippatto pariyantagato pariyantappatto vosānagato
vosānappatto tāṇagato tāṇappatto leṇagato leṇappatto saraṇagato
saraṇappatto abhayagato abhayappatto accutagato accutappatto amatagato
amatappatto nibbānagato nibbānappatto. Vedānaṃ vā antagatoti vedagū,
vedehi vā antagatoti vedagū, sattannaṃ vā dhammānaṃ viditattā vedagū,
sakkāyadiṭṭhi viditā hoti. Vicikicchā. Sīlabbataparāmāso. Rāgo. Doso.
Moho. Māno vidito hoti, viditāssa honti pāpakā akusalā dhammā
saṃkilesikā ponobhavikā sadarā dukkhavipākā āyatim jātijarāmaṇiyā.

Vedāni viceyya kevalāni, (Sabhiyāti Bhagavā,
Samaṇānaṃ yānīdhatthi brāhmaṇānaṃ.
Sabbavedanāsu vītarāgo,
Sabbānaṃ vedamaticca vedagū so.

1. Ñāṇaṃ -pa- sabbavedamaticca vedagū soti (Syā) passa Khu 7. 158 piṭṭhe.

Naroti satto naro mānavo poso puggalo jīvo jāgu¹ jantu indagu² manujo. **Idhāti** imissā diṭṭhiyā -pa- imasmim manussaloketi vidvā ca yo vedagū naro idha.

Bhavābhavave saṅgamimam visajjāti bhavābhaveti bhavābhavave kammabhavave punabbhavave kāmabhavave, kammabhavave kāmabhavave punabbhavave rūpabhavave, kammabhavave rūpabhavave punabbhavave arūpabhavave, kammabhavave arūpabhavave punabbhavave punappunabhavave, punappunagatiyā punappuna-upapattiyā punappunapaṭisandhiyā punappuna-attabhāvābhiniḅbattiyā. **Saṅgāti** satta saṅgā rāgasāṅgo dosasaṅgo mohasaṅgo mānasaṅgo diṭṭhisāṅgo kilesasaṅgo duccharitasāṅgo. **Visajjāti** saṅge vosajjetvā vā visajja. Atha vā saṅge bandhe vibandhe ābandhe lagge laggite palibuddhe bandhane phoṭayitvā³ vā visajja. Yathā yānam vā vayham vā ratham vā sakaṭam vā sandamānikam vā sajjam visajjam karonti vikopenti, evameva te saṅge vosajjetvā vā visajja. Atha vā saṅge bandhe vibandhe ābandhe lagge laggite palibuddhe bandhane phoṭayitvā vā visajjāti bhavābhavave saṅgamimam visajja.

So vītataṅho anīgho nirāso, atāri so jātijaranti brūmīti taṅhāti rūpataṅhā -pa- dhammataṅhā. Yassesā taṅhā pahīnā samucchinnā vūpasantā paṭipassaddhā abhabbuppattikā nāṅagginā daḍḍhā, so vuccati vītataṅho vigatataṅho cattataṅho vantataṅho muttataṅho pahīnataṅho paṭinissaṭṭhataṅho, vītarāgo cattarāgo pahīnarāgo paṭinissaṭṭharāgo nicchāto nibbuto sītibhūto sukhappaṭisaṁvedī brahmabhūtena attanā viharatīti so vītataṅho. **Anīghoti** rāgo nīgho, doso nīgho, moho nīgho, kodho nīgho, upanāho nīgho -pa- sabbākusalābhisaṅkhārā nīghā. Yassete nīghā pahīnā samucchinnā vūpasantā paṭipassaddhā abhabbuppattikā nāṅagginā daḍḍhā, so vuccati anīgho. **Nirāsoti** āsā vuccati taṅhā. Yo rāgo sārāgo -pa- abhijjhā lobho akusalamūlam. Yassesā āsā taṅhā pahīnā samucchinnā vūpasantā paṭipassaddhā abhabbuppattikā nāṅagginā daḍḍhā, so vuccati nirāso. **Jātīti** yā tesam tesam sattānam -pa- āyatanānam paṭilābho. **Jarāti** yā tesam tesam

1. Jātu (Syā)

2. Indagū (Syā)

3. Mocayitvā (Syā)

sattānaṃ -pa- indriyānaṃ paripāko. Ayaṃ vuccati jarā. **So vītataṇho anīgho nirāso, atāri so jātijaranti brūmīti** yo so vītataṇho anīgho ca nirāso ca, so kho jātijarāmarāṇaṃ atari uttari patari samatikkami vītivattayīti brūmi ācikkhāmi desemi paññapemi paṭṭhapemi vivarāmi vibhajāmi uttānīkaromi pakāsemīti so vītataṇho anīgho nirāso, atāri so jātijaranti brūmi. Tenāha Bhagavā—

Vidvā ca yo vedagū naro idha,
Bhavābhava saṅgamimaṃ visajja.
So vītataṇho anīgho nirāso,
Atāri so jātijaranti brūmīti.

Saha gāthāpariyosānā -pa- “Sattā me bhante Bhagavā, sāvakohamasmī”ti.

Mettaḡmāṇavapucchānidheso catuttho.

5. Dhotakamāṇavapucchānidhesa

30. Pucchāmi taṃ Bhagavā brūhi me'taṃ, (iccāyasmā Dhotako,)
Vācābhikaṅkhāmi Mahesi tuyhaṃ.
Tava sutvāna nigghosaṃ, sikkhe nibbānamattano. (1)

Pucchāmi taṃ Bhagavā brūhi me'tanti pucchāmīti tisso pucchā aditṭhajotanā pucchā diṭṭhasaṃsandanā pucchā vimaticchedanā pucchā -pa-. Imā tisso pucchā -pa- nibbānapucchā. **Pucchāmi tanti** pucchāmi taṃ, yācāmi taṃ, ajjhesāmi taṃ, pasādemī taṃ, “kathayassu me”ti pucchāmi taṃ. **Bhagavāti** gāravādhivacanametam -pa- sacchikā paññatti, yadidaṃ Bhagavāti. **Brūhi metanti** brūhi ācikkhāhi desehi paññapehi paṭṭhapehi vivarāhi vibhajāhi uttānīkarohi pakāsehīti pucchāmi taṃ Bhagavā brūhi me'taṃ.

Iccāyasmā Dhotakoti iccāti padasandhi -pa-. **Āyasmāti** piyavacanam garuvacanam sagāravasappatissādhivacanametam āyasmāti. **Dhotakoti**

tassa brāhmaṇassa nāmaṃ saṅkhā samaññā paññatti vohāro nāmaṃ
nāmakammaṃ nāmadheyyaṃ nirutti byañjanaṃ abhilāpoti iccāyasmā
Dhotako.

Vācābhikaṅkhāmi Mahesi tuyhanti tuyhaṃ vacanaṃ byappathaṃ
desanaṃ anusāsaṇaṃ anusiṭṭhaṃ kaṅkhāmi abhikaṅkhāmi icchāmi sādiyāmi
patthayāmi pihayāmi abhijappāmi. **Mahesīti** kiṃ Mahesi Bhagavā,
mahantaṃ sīlakkhandhaṃ eṣi gavesi pariyesīti Mahesi -pa-. “Kahaṃ
Narāsabho”ti Mahesīti vācābhikaṅkhāmi Mahesi tuyhaṃ.

Tava sutvāna nigghosanti tuyhaṃ vacanaṃ byappathaṃ desanaṃ
anusāsaṇaṃ anusiṭṭhaṃ sutvā suṇitvā uggahetvā upadhārayitvā
upalakkhayitvāti tava sutvāna nigghosaṃ.

Sikkhe nibbānamattanoti sikkhāti tisso sikkhā adhisīlasikkhā
adhicittasikkhā adhipaññāsikkhā -pa- ayaṃ adhipaññāsikkhā.
nibbānamattanoti attano rāgassa nibbāpanāya, dosassa nibbāpanāya,
mohassa nibbāpanāya, kodhassa nibbāpanāya, upanāhassa nibbāpanāya -pa-
sabbākusalābhisaṅkhārānaṃ samāya upasamāya vūpasamāya nibbāpanāya
paṭinissaggāya paṭipassaddhiyā adhisīlampi sikkheyya, adhicittampi
sikkheyya, adhipaññampi sikkheyya, imā tisso sikkhāyo āvajjanto
sikkheyya, jānanto sikkheyya, passanto sikkheyya, paccavekkhanto
sikkheyya, cittaṃ padahanto sikkheyya, saddhāya adhimuccanto sikkheyya,
vīriyaṃ paggaṇhanto sikkheyya, satim upaṭṭhapento sikkheyya, cittaṃ
samādahanto sikkheyya, paññāya pajānanto sikkheyya, abhiññeyyaṃ
abhijānanto sikkheyya, pariññeyyaṃ pari jānanto sikkheyya, pahātabbaṃ
pajahanto sikkheyya, bhāvetabbaṃ bhāvento sikkheyya, sacchikātabbaṃ
sacchikaronto sikkheyya ācareyya samācareyya samādāya vatteyyāti sikkhe
nibbānamattano. Tenāha so brāhmaṇo—

Pucchāmi taṃ Bhagavā brūhi metaṃ, (iccāyasmā Dhotako,)

Vācābhikaṅkhāmi Mahesi tuyhaṃ.

Tava sutvāna nigghosaṃ, sikkhe nibbānamattanoti.

31. Tenahātappaṃ karohi, (Dhotakāti Bhagavā.)**Idheva nipako sato.****Ito sutvāna nigghosaṃ, sikkhe nibbānamattano. (2)**

Tenahātappaṃ karohīti ātappaṃ karohi, ussāhaṃ karohi, ussoḷhiṃ karohi, thāmaṃ karohi, dhitiṃ karohi, vīriyaṃ karohi, chandaṃ janehi sañjanehi upaṭṭhapehi samuṭṭhapehi nibbattehi abhinibbattehīti tenahātappaṃ karohi.

Dhotakāti Bhagavā taṃ brāhmaṇaṃ nāmena ālapati. **Bhagavāti** gāravādhivacanametam -pa- sacchikā paññatti, yadidaṃ Bhagavāti Dhotakāti Bhagavā.

Idheva nipako satoti idhāti imissā diṭṭhiyā imissā khantiyā imissā ruciyā imasmiṃ ādāye imasmiṃ dhamme imasmiṃ vinaye imasmiṃ dhammavinaye imasmiṃ pāvacane imasmiṃ brahmacariye imasmiṃ Satthusāsane imasmiṃ attabhāve imasmiṃ manussaloke. **Nipakoti** nipako paṇḍito paññavā buddhimā ñāṇī vibhāvī medhāvī. **Satoti** catūhi kāraṇehi sato, kāye kāyānupassanāsati paṭṭhānaṃ bhāvento sato -pa- so vuccati satoti idheva nipako sato.

Ito sutvāna nigghosanti ito mayhaṃ vacanaṃ byappathaṃ desanaṃ anusāsanaṃ anusiṭṭhaṃ sutvā suṇitvā uggaṇhitvā upadhārayitvā upalakkhayitvāti ito sutvāna nigghosaṃ.

Sikkhe nibbānamattanoti sikkhāti tisso sikkhā adhisīlasikkhā adhicittasikkhā adhipaññāsikkhā -pa- ayaṃ adhipaññāsikkhā. nibbānamattanoti attano rāgassa nibbāpanāya, dosassa nibbāpanāya, mohassa nibbāpanāya, kodhassa nibbāpanāya, upanāhassa nibbāpanāya -pa- sabbākusalābhisaṅkhārānaṃ samāya upasamāya vūpasamāya nibbāpanāya paṭinissaggāya paṭipassaddhiyā adhisīlampi sikkheyya, adhicittampi sikkheyya, adhipaññampi sikkheyya, imā tisso sikkhāyo āvajjanto sikkheyya, jānanto sikkheyya -pa- sacchikātabbaṃ sacchikaronto sikkheyya

ācareyya samācareyya, samādāya vatteyyāti sikkhe nibbānamattano. Tenāha Bhagavā—

Tenahātappam karohi, (Dhotakāti Bhagavā,)
Idheva nipako sato.
Ito sutvāna nigghosaṃ, sikkhe nibbānamattanoti.

**32. Passāmahaṃ devamanussaloke,
Akiñcanaṃ brāhmaṇamiriyamānaṃ.
Taṃ taṃ namassāmi Samantacakkhu,
Pamuñca maṃ Sakka katharīkathāhi. (3)**

Passāmahaṃ devamanussaloketi devāti tayo devā sammutidevā upapattidevā visuddhidevā. Katame sammutidevā. Sammutidevā vuccanti rājāno ca rājakumārā ca deviyo ca, ime vuccanti sammutidevā. Katame upapattidevā, upapattidevā vuccanti Cātumahārājikā devā Tāvatisā devā yāmā devā Tusitā devā Nimmānaratī devā Paranimmitavasavattī devā brahmakāyikā devā, ye ca devā taduttari¹, ime vuccanti upapattidevā. Katame visuddhidevā, visuddhidevā vuccanti Tathāgatasāvaka arahanto khīṇāsavā, ye ca Paccekabuddhā, ime vuccanti visuddhidevā. Bhagavā sammutidevānañca upapattidevānañca visuddhidevānañca devo ca Atidevo ca Devātidevo ca Sīhasīho Nāganāgo Gaṇigaṇī Munimunī Rājarājā. **Passāmahaṃ devamanussaloketi** manussaloke devaṃ passāmi, atidevaṃ passāmi, devātidevaṃ passāmi dakkhāmi olokemi nijjhāyāmi upaparikkhāmīti passāmahaṃ devamanussaloke.

Akiñcanaṃ brāhmaṇamiriyamānanti akiñcananti rāgakiñcanaṃ dosakiñcanaṃ mohakiñcanaṃ mānakiñcanaṃ diṭṭhikiñcanaṃ kilesakiñcanaṃ duccaritakiñcanaṃ, te kiñcanā Buddhassa Bhagavato pahīnā ucchinnamūlā tālavatthukatā anabhāvaṃkatā āyatim anuppādadhammā, tasmā Buddho akiñcano. **Brāhmaṇoti** Bhagavā sattanaṃ dhammānaṃ bāhitattā brāhmaṇo, sakkāyadiṭṭhi bāhitā hoti, vicikicchā bāhitā hoti, sīlabbataparāmāso bāhito hoti, rāgo bāhito hoti, doso

1. Tatrūpari (Syā)

bāhito hoti, moho bāhito hoti, māno bāhito hoti, bāhitāssa honti pāpakā akusalā dhammā saṅkilesikā ponobhaviḱā sadarā dukkhavipākā āyatim jātijarāmarañiyā.

Bāhitvā sabbapāpakāni, (Sabhiyāti Bhagavā,
Vimalo sādhusamāhito ʒhitatto.
Saṁsāramaticca kevalī so,
Asito tādi pavuccate sa brahmāti.

Iriyamānanti carantaṁ viharantaṁ iriyantaṁ vattentaṁ pāleṁtaṁ yapentaṁ yāpentaṁ akiñcanaṁ brāhmaṇamiriyamānaṁ.

Taṁ taṁ namassāmi Samantacakkhūti tanti Bhagavantaṁ bhaṇati. **Namassāmīti** kāyena vā namassāmi, vācāya vā namassāmi, cittena vā namassāmi, anvatthapaṭipattiyā vā namassāmi, dhammānudhammapaṭipattiyā vā namassāmi sakkaromi garuṁ karomi mānemi pūjemi. **Samantacakkhūti** Samantacakkhu vuccati sabbaññutaññaṁ. Bhagavā sabbaññutaññaṇena upeto samupeto upāgato samupāgato upapanno samupapanno samannāgato.

“Na tassa addiṭṭhamidhatthi¹ kiñci,
Atha aviññātamajānitabbaṁ.
Sabbāṁ abhiññāsi yadatthi neyyaṁ,
Tathāgato tena Samantacakkhū”ti.

Taṁ taṁ namassāmi Samantacakkhu.

Pamuñca maṁ Sakka kathaṁkathāhīti Sakkāti Sakko, Bhagavā Sakyakulā pabbajitotipi Sakko. Atha vā aḍḍho² mahaddhano dhanavātipi Sakko. Tassimāni dhanāni. Seyyathidaṁ, saddhādhanāṁ sīladhanāṁ hiridhanāṁ ottappadhanāṁ sutadhanāṁ cāgadhanāṁ paññādhanāṁ satipaṭṭhānadhanāṁ sammappadhānadhanāṁ iddhipādadhanāṁ indriyadhanāṁ baladhanāṁ bojjhaṅgadhanāṁ maggadhanāṁ phaladhanāṁ nibbānadhanāṁ, imehi anekavidhehi dhanaratanehi aḍḍho mahaddhano dhanavātipi Sakko. Atha vā Sakko pahu visavī alamatto sūro Vīro vikkanto abhīrū acchambhī anutrāsī apalāyī pahīnabhayabheravo vigatalomahaṁsotipi

1. Adiṭṭhamidhatthi (Syā, Ka) Khu 7. 280 piṭṭhepi.

2. Addho (Syā, Ka)

Sakko. Kathaṃkathā vuccati vicikicchā, dukkhe kaṅkhā dukkhasamudaye kaṅkhā dukkhanirodhe kaṅkhā dukkhanirodhagāminiyā paṭipadāya kaṅkhā pubbante kaṅkhā aparante kaṅkhā pubbantāparante kaṅkhā idappaccayatāpaṭiccasamuppannesu dhammesu kaṅkhā, yā evarūpā kaṅkhā kaṅkhāyanā kaṅkhāyitattaṃ vimati vicikicchā dveḷhakaṃ dvedhāpatho saṃsayo anekaṃsaggāho āsappanā parisappanā apariyogāhanā chambhitattaṃ cittassa manovilekho. **Pamuñca maṃ Sakka kathaṃkathāhīti** muñca maṃ pamuñca maṃ mocehi maṃ pamocehi maṃ uddhara maṃ samuddhara maṃ vuṭṭhāpehi maṃ kathaṃkathāsallatoti pamuñca maṃ Sakka kathaṃkathāhi. Tenāha so brāhmaṇo—

Passāmahaṃ devamanussaloke,
Akiñcanaṃ brāhmaṇamiriyamānaṃ.
Taṃ taṃ namassāmi Samantacakkhu,
Pamuñca maṃ Sakka kathaṃkathāhīti.

**33. Nāhaṃ sahissāmi pamocanāya,
Kathaṃkathim Dhotaka kañci loke.
Dhammañca seṭṭhaṃ ājānamāno,
Evaṃ tuvaṃ oghamimaṃ taresi. (4)**

Nāhaṃ sahissāmi¹ pamocanāyāti nāhaṃ taṃ sakkomi muñcituṃ pamuñcituṃ mocetuṃ pamocetuṃ uddharituṃ samuddharituṃ vuṭṭhāpetuṃ samuvuṭṭhāpetuṃ kathaṃkathāsallatoti, evampi nāhaṃ sahissāmi pamocanāya. . Atha vā na ihāmi na samihāmi na ussahāmi na vāyamāmi na ussāhaṃ karomi na ussolhiṃ karomi na thāmaṃ karomi na dhitim karomi na vīriyaṃ karomi na chandaṃ janemi na sañjanemi na nibbattemi na abhinibbattemi assaddhe puggale acchandike kusīte hīnavīriye appaṭipajjamāne dhammadesanāyāti, evampi nāhaṃ sahissāmi pamocanāya. . Atha vā natthañño koci mocetā, te yadi moceyyuṃ, sakena thāmena sakena balena sakena vīriyena sakena parakkamena sakena purisathāmena sakena purisabalena sakena purisavīriyena sakena purisaparakkamena attanā

1. Samihāmi (Ka)

sammāpaṭipadaṃ anulomapaṭipadaṃ apaccanīkaṭipadaṃ
anvatthapaṭipadaṃ dhammānudhammapaṭipadaṃ paṭipajjamānā moceyyunti,
evampi nāhaṃ sahiṣṣāmi pamocanāya.

Vuttañhetam̐ Bhagavatā—so vata Cunda attanā palipapalipanno param̐
palipapalipannaṃ uddharissatīti netam̐ ṭhānam̐ vijjati, so vata Cunda attanā
adanto avinīto aparinibbuto param̐ damessati vinessati parinibbāpessatīti
netam̐ ṭhānam̐ vijjatīti, evampi nāhaṃ sahiṣṣāmi pamocanāya. Vuttañhetam̐
Bhagavatā—

“Attanā hi¹ kataṃ pāpaṃ, attanā saṃkilissati.
Attanā akataṃ pāpaṃ, attanāva visujjhati.
Suddhī asuddhi paccattaṃ, nāñño aññaṃ visodhaye”ti.

Evampi nāhaṃ sahiṣṣāmi pamocanāya.

Vuttañhetam̐ Bhagavatā—evameva kho brāhmaṇa tiṭṭhateva nibbānaṃ,
tiṭṭhati nibbānagāmimaggo, tiṭṭhāmaṃ samādapetā, atha ca pana mama
sāvakaṃ mayā evaṃ ovadiyamānā evaṃ anusāsiyamānā appekacce
accantaniṭṭhaṃ nibbānaṃ ārādhenti, ekacce nārādhentīti, ettha kyāhaṃ
brāhmaṇa karomi, maggakkhāyī brāhmaṇa Tathāgato maggaṃ Buddho
ācikkhati attanā paṭipajjamānā mucceyyunti², evampi nāhaṃ sahiṣṣāmi
pamocanāya.

Kathamkathim̐ Dhotaka kañci loketi kathamkathim̐ puggalam̐
sakaṅkham̐ sakhilam̐ sadvelhakaṃ savicikiccham̐. **Kañcīti** kañci khattiyam̐
vā brāhmaṇam̐ vā vessam̐ vā suddam̐ vā gahaṭṭham̐ vā pabbajitam̐ vā devam̐
vā manussam̐ vā. **Loketi** apāyaloke -pa- āyatanaloketi kathamkathim̐
Dhotaka kañci loke.

Dhammañca seṭṭham̐ ājānamānoti dhammam̐ seṭṭham̐ vuccati amataṃ
nibbānaṃ. Yo so sabbasaṅkhārasamatho sabbūpadhipaṭinissaggo
taṇhakkhayo virāgo nirodho nibbānaṃ. **Seṭṭhanti** aggam̐ seṭṭham̐ viseṭṭham̐
pāmokkham̐ uttamaṃ pavaram̐ dhammam̐ ājānamāno vijānamāno
paṭivijānamāno paṭivijjamānoti dhammañca seṭṭham̐ ājānamāno.

1. Attanāva (bahūsu) Khu 1. 38 piṭṭhe.

2. Muñceyyunti (Syā)

Evam tuvaṃ oghamimaṃ taresīti evaṃ kāmoghaṃ bhavoghaṃ dīṭṭhogaṃ avijjogaṃ tareyyāsi uttareyyāsi patareyyāsi samatikkameyyāsi vīvatteyyāsīti evaṃ tuvaṃ oghamimaṃ taresi. Tenāha Bhagavā—

Nāhaṃ sahiṣṣāmi pamocanāya,
Kathaṃkathim Dhotaka kañci loke.
Dhammañca seṭṭhaṃ ājānamāno,
Evaṃ tuvaṃ oghamimaṃ taresīti.

34. Anusāsa brahme karuṇāyamāno,
Vivekadhammaṃ yamaṃ vijaññaṃ.
Yathāhaṃ ākāsova¹ abyāpajjamāno²,
Idheva santo asito careyyaṃ. (5)

Anusāsa brahme karuṇāyamānoti anusāsa brahme anuggaṇha brahme anukampa brahmeti anusāsa brahme. **Karuṇāyamānoti** karuṇāyamāno anudayamāno³ anurakkhamāno anuggaṇhamāno anukampamānoti anusāsa brahme karuṇāyamāno.

Vivekadhammaṃ yamaṃ vijaññaṃ vivekadhammaṃ vuccati amataṃ nibbānaṃ. Yo so sabbasaṅkhārasamatho sabbūpadhipaṭinissaggo taṇhakkhayo virāgo nirodho nibbānaṃ. **Yamaṃ vijaññaṃ** yamaṃ jāneyyaṃ ājāneyyaṃ vijāneyyaṃ paṭivijāneyyaṃ paṭivijjheyyaṃ adhigaccheyyaṃ phasseyyaṃ sacchikareyyanti vivekadhammaṃ yamaṃ vijaññaṃ.

Yathāhaṃ ākāsova abyāpajjamānoti yathā ākāso a pajjati na gaṇhati⁴ na bajjati na palibajjati, evaṃ apajjamāno agaṇhamāno⁴ abajjhamāno apalibajjhamānoti evampi ākāsova abyāpajjamāno. Yathā ākāso na rajjati lākhāya vā haliddiyā⁵ vā nīliya⁶ vā mañjetṭhāya vā, evaṃ arajjamāno adussamāno amuyhamāno akilissamānoti⁷ evampi ākāsova abyāpajjamāno. Yathā ākāso

1. Ākāso ca (Syā)

2. Abyāpajjhamāno (Syā)

3. Anuddayamāno (bahūsu)

4. Natthi ... Syā...potthake.

5. Haliddena (Syā)

6. Nīlena (Syā)

7. Akiliyamāno (Syā)

na kuppāti na byāpajjati na patilīyati¹ na paṭihaññati, evaṃ akuppamāno abyāpajjamāno appatilīyamāno appaṭihaññamāno appaṭihatamānoti evampi ākāsova abyāpajjamāno.

Idheva santo asito careyyanti idheva santoti idheva santo idheva samāno idheva nisinno samāno imasmiṃyeva āsane nisinno samāno imissāyeva parisāya nisinno samānoti evampi idheva santo. . Atha vā idheva santo upasanto vūpasanto nibbuto paṭippassaddhoti evampi idheva santo. **Asitoti** dve nissayā taṇhānissayo ca diṭṭhinissayo ca -pa- ayaṃ taṇhānissayo -pa- ayaṃ diṭṭhinissayo. Taṇhānissayaṃ pahāya, diṭṭhinissayaṃ paṭinissajjitvā, cakkhuṃ anissito, sotaṃ anissito, ghānaṃ anissito, jivhaṃ anissito, kāyaṃ anissito, manaṃ anissito, rūpe. Sadde. Gandhe. Rase. Phoṭṭhabbe. Dhamme. Kulaṃ. Gaṇaṃ. Āvāsaṃ. Lābhaṃ. Yasaṃ. Pasaṃsaṃ. Sukhaṃ. Cīvaraṃ. Piṇḍapātaṃ. Senāsanaṃ. Gilānapaccayabhesajjaparikkhāraṃ. Kāmadhātuṃ. Rūpadhātuṃ. Arūpadhātuṃ. Kāmaḥbhavaṃ. Rūpaḥbhavaṃ. Arūpaḥbhavaṃ. Saññāḥbhavaṃ. Asaññāḥbhavaṃ. Nevasaññānāsaññāḥbhavaṃ. Ekavokāraḥbhavaṃ. Catuvokāraḥbhavaṃ. Pañcavokāraḥbhavaṃ. Atītaṃ. Anāgataṃ. Paccuppannaṃ. Diṭṭhasutamutaviññātabbe² dhamme asito anissito anallīno anupagato anajjhosito anadhimutto nikkhanto nissaṭṭho³ vippamutto viśāmyutto vimariyādikatena cetasaṃ. **Careyyanti** careyyaṃ vihareyyaṃ iriyeyyaṃ vatteyyaṃ yaṭṭeyyaṃ yāpeyyanti idheva santo asito careyyaṃ. Tenāha so brāhmaṇo—

Anusāsa brahme karuṇāyamāno,
Vivekadhammaṃ yamaḥaṃ vijaññaṃ.
Yathāhaṃ ākāsova abyāpajjamāno,
Idheva santo asito careyyanti.

35. Kittayissāmi te santiṃ, (Dhotakāti Bhagavā,)

Diṭṭhe dhamme anītihaṃ.

Yaṃ viditvā sato caraṃ, tare loke visattikaṃ.

(6)

1. Patiṭṭhiyati (Ka)

2. Diṭṭhaṃ, sutam, mutam, viññātam, sabbe. Khu 7. 103 piṭṭhe, 189 piṭṭhepi passitabbaṃ.

3. Nissaṭṭho (Syā)

Kittayissāmi te santinti rāgassa santim, dosassa santim, mohassa santim, kodhassa santim, upanāhassa. Makkhassa. Paḷāsassa. Issāya. Macchariyassa. Māyāya. Sāṭheyyassa. Thambhassa. Sārambhassa. Mānassa. Atimānassa. Madassa. Pamādassa. Sabbakilesānaṃ. Sabbaduccaritānaṃ. Sabbadarathānaṃ. Sabbapariḷāhānaṃ. Sabbasantāpānaṃ. Sabbākusalābhisankhārānaṃ santim upasantiṃ vūpasantiṃ nibbutiṃ paṭippassaddhiṃ kittayissāmi pakittayissāmi ācikkhissāmi desessāmi paññapessāmi paṭṭhapessāmi vivarissāmi vibhajissāmi uttānīkarissāmi pakāsissāmīti kittayissāmi te santim.

Dhotakāti Bhagavāti Dhotakāti Bhagavā taṃ brāhmaṇaṃ nāmena ālapati. Bhagavāti gāravādhivacanametāṃ -pa- sacchikā paññatti, yadidaṃ Bhagavāti Dhotakāti Bhagavā.

Diṭṭhe dhamme anītiḥanti diṭṭhe dhammeti diṭṭhe dhamme ñāte dhamme tulite dhamme tīrite dhamme vibhūte dhamme vibhāvite dhamme “sabbe saṅkhārā aniccā”ti -pa-. “Yaṃ kiñci samudayadhammaṃ, sabbaṃ taṃ nirodhadhammaṃ”ti diṭṭhe dhamme ñāte dhamme tulite dhamme tīrite dhamme vibhāvite dhamme vibhūte dhammeti evampi diṭṭhe dhamme. . Atha vā dukkhe diṭṭhe dukkhaṃ kathayissāmi, samudaye diṭṭhe samudayaṃ kathayissāmi, magge diṭṭhe maggaṃ kathayissāmi, nirodhe diṭṭhe nirodhaṃ kathayissāmīti evampi diṭṭhe dhamme. . Atha vā sandiṭṭhikaṃ akālikaṃ ehipassikaṃ opaneyyikaṃ¹ paccattaṃ veditabbaṃ viññūhīti evampi diṭṭhe dhamme. **Anītiḥanti** na itihītihaṃ na itikirāya na paramparāya na piṭakasampadāya na takkahetu na nayahetu na ākāraparivitakkena na diṭṭhinijjhānakkhantiyā sāmaṃ sayamabhiññātaṃ attapaccakkhadhammaṃ, taṃ kathayissāmīti diṭṭhe dhamme anītihaṃ.

Yaṃ viditvā sato caranti yaṃ viditaṃ katvā tulayitvā tīrayitvā vibhāvayitvā vibhūtaṃ katvā, “sabbe saṅkhārā aniccā”ti viditaṃ katvā tulayitvā tīrayitvā vibhāvayitvā vibhūtaṃ katvā, “sabbe saṅkhārā dukkhā”ti -pa-. “Sabbe dhammā anattā”ti -pa-. “Yaṃ kiñci samudayadhammaṃ, sabbaṃ taṃ nirodhadhammaṃ”ti viditaṃ katvā tulayitvā tīrayitvā vibhāvayitvā vibhūtaṃ

1. Opanayikaṃ (Syā, Ka)

katvā. **Satoti** catūhi kāraṇehi sato, kāye kāyānupassanāsatiṭṭhānaṃ bhāvento sato -pa- so vuccati sato. **Caranti** caranto viharanto iriyanto vattento pārento yapento yāpentoti yaṃ viditvā sato caraṃ.

Tare loke visattikanti visattikā vuccati taṇhā. Yo rāgo sārāgo -pa- abhijjhā lobho akusalamūlaṃ. **Visattikāti** kenaṭṭhena visattikā -pa- visaṭṭā vitthatāti visattikā. **Loketi** apāyaloke -pa- āyatanaloke. **Tare loke visattikanti** loke vesā visattikā, loke vetam visattikaṃ sato tareyya uttareyya patareyya samatikkameyya vīvatteyyāti tare loke visattikaṃ. Tenāha Bhagavā—

Kittayissāmi te santim, (Dhotakāti Bhagavā,)

Diṭṭhe dhamme anītihaṃ.

Yaṃ viditvā sato caraṃ, tare loke visattikanti.

36. Tañcāhaṃ abhinandāmi, Mahesi santi'muttamaṃ.

Yaṃ viditvā sato caraṃ, tare loke visattikaṃ. (7)

Tañcāhaṃ abhinandāmīti tanti tuyhaṃ vacanaṃ byappathaṃ desanaṃ anusāsanaṃ anusīṭṭhaṃ nandāmi abhinandāmi modāmi anumodāmi icchāmi sādiyāmi patthayāmi pihayāmi abhijappāmīti tañcāhaṃ abhinandāmi.

Mahesi santi'muttamanti Mahesīti kiṃ Mahesi Bhagavā, mahantaṃ sīlakkhandhaṃ esī gavesī pariyesīti Mahesi, mahantaṃ samādhikkhandhaṃ -pa- “kahaṃ Narāsabho”ti Mahesi. **Santi'muttamanti** santi vuccati amataṃ nibbānaṃ. Yo so sabbasaṅkhārasamatho sabbūpadhipaṭinissaggo taṇhakkhayo virāgo nirodho nibbānaṃ. **Uttamanti** aggaṃ seṭṭhaṃ viseṭṭhaṃ pāmokkhaṃ uttamaṃ pavaranti Mahesi santi'muttamaṃ.

Yaṃ viditvā sato caranti yaṃ viditaṃ katvā -pa- “sabbe saṅkhārā aniccā”ti viditaṃ katvā tulayitvā tīrayitvā vibhāvayitvā vibhūtaṃ katvā, “sabbe saṅkhārā dukkhā”ti. “Sabbe dhammā anattā”ti -pa-. “Yaṃ kiñci samudayadhammaṃ, sabbaṃ taṃ nirodhadhammaṃ”ti viditaṃ katvā tulayitvā tīrayitvā

vibhāvayitvā vibhūtaṃ katvā. **Satoti** catūhi kāraṇehi sato, kāye kāyānupassanāsati paṭṭhānaṃ bhavento sato -pa- so vuccati sato. **Caranti** caranto -pa- Yāpentoti yaṃ viditvā sato caraṃ.

Tare loke visattikanti visattikā vuccati taṇhā. Yo rāgo sārāgo -pa- abhijjhā lobho akusalamūlaṃ. **Visattikāti** kenaṭṭhena visattikā -pa- visaṭṭā vitthatāti visattikā. **Loketi** apāyaloke -pa- āyatanaloke. **Tare loke visattikanti** loke vesā visattikā, loke vetaṃ visattikaṃ sato tareyyaṃ uttareyyaṃ -pa- vītivatteyyanti tare loke visattikaṃ. Tenāha so brāhmaṇo—

Tañcāhaṃ abhinandāmi, Mahesi santi'muttamaṃ.

Yaṃ viditvā sato caraṃ, tare loke visattikanti.

37. Yaṃ kiñci sampajānāsi, (Dhotakāti Bhagavā,)

Uddhaṃ adho tiriyañcāpi majjhe.

Etaṃ viditvā saṅgoti loke,

Bhavābhavāya mākāsi taṇhaṃ. (8)

Yaṃ kiñci sampajānāsīti yaṃ kiñci sampajānāsi ājānāsi paṭivijānāsi paṭivijhasīti yaṃ kiñci sampajānāsi. **Dhotakāti Bhagavāti Dhotakāti** Bhagavā taṃ brāhmaṇaṃ nāmena ālapati. **Bhagavāti** gāravādhivacanametam -pa- sacchikā paññatti, yadidaṃ Bhagavāti Dhotakāti Bhagavā.

Uddhaṃ adho tiriyañcāpi majjheti uddhanti anāgataṃ. **Adhoti** atītaṃ. **Tiriyañcāpi majjheti** paccuppannaṃ. **Uddhanti** devaloko. **Adhoti** apāyaloko. **Tiriyañcāpi majjheti** manussaloko. Atha vā **uddhanti** kusalā dhammā. **Adhoti** akusalā dhammā. **Tiriyañcāpi majjheti** abyākataṃ dhammā. **Uddhanti** arūpadhātu. **Adhoti** kāmādhātu. **Tiriyañcāpi majjheti** rūpadhātu. **Uddhanti** sukhā vedanā. **Adhoti** dukkhā vedanā. **Tiriyañcāpi majjheti** adukkhamasukhā vedanā. **Uddhanti** uddhaṃ pādatalā.

Adhoti adho kesamatthakā. **Tiriyañcāpi majjheti** vemajjheti uddham adho tiriyañcāpi majjhe.

Etaṃ viditvā saṅgoti loketi saṅgo eso, lagganam etaṃ, bandhanam etaṃ, palibodho esoti ña tvā jānitvā tulayitvā tīrayitvā vibhāvayitvā vibhūtam katvāti etaṃ viditvā saṅgoti loke.

Bhavābhavāya mākāsi taṇhanti taṇhāti rūpataṇhā saddataṇhā -pa-dhammataṇhā. **Bhavābhavāyāti** bhavābhavāya kammabhavāya punabbhavāya kāmabhavāya, kammabhavāya kāmabhavāya punabbhavāya rūpabhavāya, kammabhavāya rūpabhavāya punabbhavāya arūpabhavāya, kammabhavāya arūpabhavāya punabbhavāya punappunabbhavāya, punappunagatiyā punappuna-upapattiyā punappunapaṭisandhiyā punappuna-attabhāvābhiniḅbattiyā taṇham mākāsi mā janesi mā sañjanesi mā nibbattesi mābhiniḅbattesi, pajaha vinodehi byantikarohi anabhāvam gamehīti bhavābhavāya mākāsi taṇhanti. Tenāha Bhagavā—

Yaṃ kiñci sampajānāsi, (Dhotakāti Bhagavā.)

Uddham adho tiriyañcāpi majjhe.

Etaṃ viditvā saṅgoti loke,

Bhavābhavāya mākāsi taṇhanti.

Saha gāthāpariyosānā -pa- “Satthā me bhante Bhagavā, sāvako hamasmī”ti.

Dhotakamāṇavapucchāniddeso pañcamao.

6. Upasīvamāṇavapucchāniddesa

38. Eko ahaṃ Sakka mahantamoghaṃ, (iccāyasmā Upasīvo,)

Anissito no visahāmi tāritum.

Āramaṇam¹ brūhi Samantacakkhu,

Yaṃ nissito oghamimaṃ tareyyaṃ.

(1)

1. Āramaṇam (Ka)

Eko ahaṃ Sakka mahantamoghanti ekoti puggalo vā me dutiyo natthi, dhammo vā me dutiyo natthi, yaṃ vā puggalaṃ nissāya, dhammaṃ vā nissāya mahantaṃ kāmoghaṃ bhavoghaṃ diṭṭhoghaṃ avijjoghaṃ tareyyaṃ uttareyyaṃ patareyyaṃ samatikkameyyaṃ vītivatteyyanti. **Sakkā**ti Sakko, Bhagavā Sakyakulā pabbajitotipi Sakko. Atha vā aḍḍho mahaddhano dhanavātipi Sakko. Tassimāni dhanāni. Seyyathidaṃ, saddhādhanam sīladhanam hiridhanam ottappadhanam sutadhanam cāgadhanam paññādhanam satipaṭṭhānadhanam -pa- nibbānadhanam. Imehi anekehi dhanaratanehi aḍḍho mahaddhano dhanavātipi Sakko. Atha vā Sakko pahu visavī alamatto sūro Vīro vikkanto abhīrū achambhī anutrāsī apalāyī, pahīnabhayabheravo vigatalomahaṃsotipi Sakkoti eko ahaṃ Sakka mahantamogham.

Iccāyasmā Upasīvoti iccāti padasandhi -pa-. **Āyasmāti** piyavacanam -pa-. **Upasīvoti** tassa brāhmaṇassanāmaṃ -pa- abhilāpoti iccāyasmā Upasīvo.

Anissito no visahāmi tāritunti anissitoti puggalaṃ vā anissito dhammaṃ vā anissito no visahāmi na ussahāmi na sakkomi na paṭibalo. Mahantaṃ kāmoghaṃ bhavoghaṃ diṭṭhoghaṃ avijjoghaṃ taritum uttaritum pataritum samatikkamitum vītivattitunti anissito no visahāmi tāritum.

Ārammaṇam brūhi Samantacakkhūti ārammaṇam ālambaṇam nissayaṃ upanissayaṃ brūhi ācikkhāhi desehi paññapehi paṭṭhapehi vivarāhi vibhajāhi uttānīkarohi pakāsehi. **Samantacakkhūti** Samantacakkhu vuccati sabbaññutaññaṃ. Bhagavā tena sabbaññutaññaṇena upeto samupeto upāgato samupāgato upapanno samupapanno samannāgato.

Na tassa adiṭṭhamidhatthi kiñci,
Atho aviññātamajānitabbaṃ.
Sabbam abhiññāsi yadatthi neyyam,
Tathāgato tena Samantacakkhūti.

Ārammaṇam brūhi Samantacakkhu.

Yaṃ nissito oghamimaṃ tareyyanti yaṃ nissitoti yaṃ puggalaṃ vā
nissito dhammaṃ vā nissito mahantaṃ kāmoghaṃ bhavoghaṃ diṭṭhoghaṃ
avijjoghaṃ tareyyaṃ uttareyyaṃ patareyyaṃ samatikkameyyaṃ
vītivatteyyanti yaṃ nissito oghamimaṃ tareyyanti. Tenāha so brāhmaṇo—

Eko ahaṃ Sakka mahantamoghaṃ, (iccāyasmā Upasīvo,)

Anissito no visahāmi tārituṃ.

Ārammaṇaṃ brūhi Samantacakkhu,

Yaṃ nissito oghamimaṃ tareyyanti.

39. Ākiñcaññaṃ pekkhamāno satimā, (Upasīvāti Bhagavā,)

Natthīti nissāya tarassu oghaṃ.

Kāme pahāya virato kathāhi,

Taṇhakkhayaṃ nattamahā'bhīpassa¹. (2)

Ākiñcaññaṃ pekkhamāno satimāti so brāhmaṇo pakatiyā
ākiñcaññāyatanasamāpattim lābhīyeva nissayaṃ na jānāti “ayaṃ me
nissayo”ti. Tassa Bhagavā nissayañca ācikkhati uttariñca niyyānāpathaṃ.
Ākiñcaññāyatanasamāpattim sato samāpajjitvā tato vuṭṭhahitvā tattha jāte
cittacetāsike dhamme aniccato pekkhamāno, dukkhato. Rogato. Gaṇḍato.
Sallato. Aghato. Ābādhato. Parato. Palokato. Ītito. Upaddavato. Bhayato.
Upasaggato. Calato. Pabhaṅgato. Addhuvato. Atāṇato. Aleṇato. Asaraṇato.
Asaraṇībhūto. Rittato. Tucchato. Suññato. Anattato. Ādīnavato.
Vipariṇāmadhammato. Asārakato. Aghamūlato. Bhavato. Vibhavato.
Sāsavato. Saṅkhatato. Mārāmisato. Jātidhammato. Jarādhammato.
Byādhidhammato. Maraṇadhammato.
Sokaparidevadukkhadomanassupāyāsadhammato. Samudayadhammato.
Atthaṅgamato. Assādato. Ādīnavato. Nissaraṇato pekkhamāno dakkhamāno
olokayamāno nijjhāyamāno upaparikkhamāno.

1. Rattamahābhīpassa (Syā) passa Abhidhānaganthe Abyayavagge.

Satimāti yā sati anussati paṭissati -pa- sammāsati, ayaṃ vuccati sati. Imāya satiyā upeto hoti -pa- samannāgato. So vuccati satimāti ākiñcaññaṃ pekkhamāno satimā.

Upasīvāti Bhagavāti Upasīvāti Bhagavā taṃ brāhmaṇaṃ nāmena ālapati. **Bhagavāti** gāravādhivacanametam -pa- sacchikā paññatti, yadidaṃ Bhagavāti Upasīvāti Bhagavā.

Natthīti nissāya tarassu oghanti “natthi kiñcī”ti ākiñcaññāyatanasamāpatti. Kimkāraṇā “natthi kiñcī”ti ākiñcaññāyatanasamāpatti, viññāṇaṅcāyatanasamāpattiṃ sato samāpajjitvā tato vuṭṭhahitvā taññeva viññāṇaṃ abhāveti vibhāveti antaradhāpeti “natthi kiñcī”ti passati, taṃkāraṇā “natthi kiñcī”ti ākiñcaññāyatanasamāpattiṃ nissāya upanissāya ālambaṇaṃ karitvā kāmoghaṃ bhavoghaṃ diṭṭhoghaṃ avijjoghaṃ tarassu uttarassu patarassu samatikkamassu vītivattassūti natthīti nissāya tarassu oghaṃ.

Kāme pahāya virato kathāhīti kāmāti uddānato dve kāmā vatthukāmā ca kilesakāmā ca -pa-. Ime vuccanti vatthukāmā -pa-. Ime vuccanti kilesakāmā. **Kāme pahāyāti** vatthukāme pariḷānitvā kilesakāme pahāya pajahitvā vinodetvā byantikaritvā anabhāvaṃ gametvāti kāme pahāya. **Virato kathāhīti** kathaṃkathā vuccati vicikicchā. Dukkhe kaṅkhā -pa- chambhitattaṃ cittassa manovilekha, kathaṃkathāya ārato virato paṭivirato nikkhanto nissaṇṇo vipparamutto visaññutto vimariyādikatena cetasā viharatīti evampi virato kathāhi. . Atha vā dvattimsāya tiracchānakathāya ārato virato paṭivirato nikkhanto nissaṇṇo vipparamutto visaññutto vimariyādikatena cetasā viharatīti evampi virato kathāhīti kāme pahāya virato kathāhi.

Taṇhakkhayaṃ nattamahā’bhipassāti taṇhāti rūpaṇhā -pa- dhammataṇhā. **Nattam** vuccati ratti. **Ahoti** divaso. Rattiṅca divā ca taṇhakkhayaṃ rāgakkhayaṃ dosakkhayaṃ mohakkhayaṃ gatikkhayaṃ upapattikkhayaṃ paṭisandhikkhayaṃ bhavakkhayaṃ

saṃsārakkhayaṃ vaṭṭakkhayaṃ passa abhipassa dakkha olokaya nijjhāya
upaparikkhāti taṇhakkhayaṃ nattamahā’bhipassa. Tenāha Bhagavā—

Ākiñcaññaṃ pekkhamāno satimā, (Upasīvāti Bhagavā,
Natthīti nissāya tarassu oghaṃ.
Kāme pahāya virato kathāhi,
Taṇhakkhayaṃ nattamahā’bhipassāti.

40. Sabbesu kāmesu yo vītarāgo, (iccāyasmā Upasīvo,)

Ākiñcaññaṃ nissito hitvā maññaṃ.

Saññāvimokkhe paramedhimutto,

Tiṭṭhe nu so tattha anānuyāyī.(3)

Sabbesu kāmesu yo vītarāgoti sabbesūti sabbena sabbam sabbathā
sabbam asesam nissesam pariyādiyanavacanametam sabbesūti. **Kāmesūti**
kāmāti uddānato dve kāmā vatthukāmā ca kilesakāmā ca -pa-. Ime vuccanti
vatthukāmā -pa-. Ime vuccanti kilesakāmā. Sabbesu kāmesu yo vītarāgoti
sabbesu kāmesu yo vītarāgo vīgatarāgo cattarāgo vantarāgo muttarāgo
pahīnarāgo paṇissatṭharāgo vikkhambhanatoti sabbesu kāmesu yo vītarāgo.

Iccāyasmā Upasīvoti iccāti padasandhi -pa-. **Āyasmāti** piyavacanam
-pa-. **Upasīvoti** tassa brāhmaṇassa nāmam -pa- abhilāpoti iccāyasmā
Upasīvo.

Ākiñcaññaṃ nissito hitvā maññanti heṭṭhimā cha samāpattiyo hitvā
cajivā pariccajivā atikkamivā samatikkamivā vītivattivā
ākiñcaññāyatanasamāpattim nissito allīno upagato samupagato ajjhosito
adhimuttoti ākiñcaññaṃ nissito hitvā maññaṃ.

Saññāvimokkhe paramedhimuttoti saññāvimokkhā vuccanti satta
saññāsamāpattiyo. Tāsam saññāsamāpattīnam
ākiñcaññāyatanasamāpattivimokkho¹ aggo ca seṭṭho ca viṣeṭṭho ca
pāmokkho ca uttamo ca pavaro ca, parame agge seṭṭhe viṣeṭṭhe pāmokkhe
uttame

1. Vimokkhā (Ka) evamaññesu padesu bahuvacanena.

pavare adhimuttivimokkhena adhimutto tatrādhimutto tadadhimutto
taccarito tabbahulo taggaruko tanninno tappoṇo tappabbhāro tadadhimutto
tadadhipateyyoti saññāvimokkhe paramedhimutto.

Tiṭṭhe nu so tattha anānuyāyīti tiṭṭhe nūti saṃsayapucchā vimatipucchā
dveḷhakupucchā anekasaṃsapucchā “evaṃ nu kho, nanu kho, kiṃ nu kho,
kathaṃ nu kho”ti tiṭṭhe nu. **Tatthāti** ākiñcaññāyatane. **Anānuyāyīti**
anānuyāyī aviccamāno¹ avigacchamāno anantaradhāyamāno
aparihāyamāno. . Atha vā arajjamāno adussamāno amuyhamāno
akilissamānoti tiṭṭhe nu so tattha anānuyāyī. Tenāha so brāhmaṇo—

Sabbesu kāmesu yo vītarāgo, (iccāyasmā Upasīvo,
Ākiñcaññāṃ nissito hitvā maññāṃ.
Saññāvimokkhe paramedhimutto,
Tiṭṭhe nu so tattha anānuyāyīti.

41. **Sabbesu kāmesu yo vītarāgo, (Upasīvāti Bhagavā,**

Ākiñcaññāṃ nissito hitvā maññāṃ.

Saññāvimokkhe paramedhimutto,

Tiṭṭheyya so tattha anānuyāyī.

(4)

Sabbesu kāmesu yo vītarāgoti sabbesūti sabbena sabbam sabbathā
sabbam asesam nissesam pariyādiyanavacanametam sabbesūti. **Kāmesūti**
kāmāti uddānato dve kāmā vatthukāmā ca kilesakāmā ca -pa-. Ime vuccanti
vatthukāmā -pa-. Ime vuccanti kilesakāmā. **Sabbesu kāmesu yo vītarāgoti**
sabbesu kāmesu yo vītarāgo -pa- paṇinissaṭṭharāgo vikkhambhanatoti
sabbesu kāmesu yo vītarāgo.

Upasīvāti Bhagavāti Upasīvāti Bhagavā tam brāhmaṇam nāmena
ālapati. **Bhagavāti** gāravādhivacanametam -pa- sacchikā paññatti, yadidaṃ
Bhagavāti Upasīvāti Bhagavā.

1. Avedhamāno (Syā)

Ākiñcaññaṃ nissito hitvā maññaṃ heṭṭhimā cha samāpattiyo hitvā
cajītvā pariccajītvā atikkamītvā samatikkamītvā vītivattītvā
ākiñcaññaṃyatanasamāpattim nissito allīno upagato samupagato ajjhositō
adhimuttoti ākiñcaññaṃ nissito hitvā maññaṃ.

Saññāvimokkhe paramedhimuttoti saññāvimokkhā vuccanti satta
saññāsamāpattiyo. Tāsaṃ saññāsamāpattīnaṃ
ākiñcaññaṃyatanasamāpattivimokkho aggo ca seṭṭho ca viseṭṭho ca pāmokkho
ca uttamo ca pavaro ca, parame agge seṭṭhe viseṭṭhe pāmokkhe uttame
pavare adhimuttivimokkhena adhimutto tatrādhimutto tadadhimutto -pa-
tadadhipateyyoti saññāvimokkhe paramedhimutto.

Tiṭṭhaya so tattha anānuyāyīti tiṭṭheyāti tiṭṭheyya
saṭṭhikappasahassāni. **Tatthāti** ākiñcaññaṃyatanē. **Anānuyāyīti** anānuyāyī
aviccamāno avigacchamāno anantaradhāyamāno aparihāyamāno. . Atha vā
arajjamāno adussamāno amuyhamāno akilissamānoti tiṭṭheyya so tattha
anānuyāyī. Tenāha Bhagavā—

Sabbesu kāmesu yo vītarāgo, (Upasīvāti Bhagavā,)
Ākiñcaññaṃ nissito hitvā maññaṃ.
Saññāvimokkhe paramedhimutto,
Tiṭṭheyya so tattha anānuyāyīti.

42. **Tiṭṭhe ce so tattha anānuyāyī,**
Pūgampi vassāni¹ Samantacakkhu.
Tattheva so sītisiyā vimutto,
Cavetha viññāṇaṃ tathāvidhassa. (5)

Tiṭṭhe ce so tattha anānuyāyīti sace so tiṭṭheyya saṭṭhikappasahassāni.
Tatthāti ākiñcaññaṃyatanē. **Anānuyāyīti** anānuyāyī aviccamāno
avigacchamāno anantaradhāyamāno aparihāyamāno. Atha vā arajjamāno
adussamāno amuyhamāno akilissamānoti tiṭṭhe ce so tattha anānuyāyī.

1. Vassānaṃ (Syā, Ka)

Pūgampi vassāni Samantacakkhūti pūgampi vassānīti pūgampi vassāni bahūni vassāni¹ bahūni vassasatāni bahūni vassasahassāni bahūni vassasatasahassāni bahūni kappāni bahūni kappasatāni bahūni kappasahassāni bahūni kappasatasahassāni. **Samantacakkhūti** Samantacakkhu vuccati sabbaññutaññaṇaṃ -pa- Tathāgato tena Samantacakkhūti pūgampi vassāni Samantacakkhu.

Tattheva so sītisiyā vimutto, cavetha viññāṇaṃ tathāvidhassāti tattheva so sītibhāvamanuppatto nicco dhuvo sassato avipariṇāmadhammo sassatisamaṃ tatheva tiṭṭheyya. Atha vā tassa viññāṇaṃ caveyya ucchijjeyya nasseyya vinasseyya na bhaveyyāti punabbhavapaṭisandhiviññāṇaṃ nibbatteyya kāmadhātuyā vā rūpadhātuyā vā arūpadhātuyā vāti ākiñcaññāyatanam samāpannessa sassatañca ucchedañca pucchati. Udāhu tattheva anupādisesāya nibbānadhātuyā parinibbāyeyya. Atha vā tassa viññāṇaṃ caveyya puna paṭisandhiviññāṇaṃ nibbatteyya kāmadhātuyā vā rūpadhātuyā vā arūpadhātuyā vāti ākiñcaññāyatanam upapannassa parinibbānañca paṭisandhiñca pucchati. **Tathāvidhassāti** tathāvidhassa tādissassa tassaṅghitassa tappakārassa tappaṭibhāgassa ākiñcaññāyatanam upapannassāti tattheva so sītisiyā vimutto, cavetha viññāṇaṃ tathāvidhassa. Tenāha so brāhmaṇo—

Tiṭṭhe ce so tattha anānuyāyī,
Pūgampi vassāni Samantacakkhu.
Tattheva so sītisiyā vimutto,
Cavetha viññāṇaṃ tathāvidhassāti.

43. Acci yathā vātavegena khittā, (Upasīvāti Bhagavā,)

Atthaṃ paleti na upeti saṅkhaṃ.

Evaṃ munī nāmakāyā vimutto,

Atthaṃ paleti na upeti saṅkhaṃ.

(6)

Acci yathā vātavegena khittāti acci vuccati jālasikhā. **Vātāti** puratthimā vātā pacchimā vātā uttarā vātā dakkhiṇā vātā sarajā vātā arajā vātā sītā vātā uṇhā vātā parittā vātā

1. Bahunnam vassānam (Syā)

adhimattā vātā¹ verambhavātā pakkhavātā supaṇṇavātā tālapaṇṇavātā vidhūpanavātā. **Vātavegena khittāti** vātavegena khittā² ukkhittā nunnā panunnā khambhitā vikkhambhitāti acci yathā vātavegena khittā. **Upasīvāti Bhagavāti Upasīvāti** Bhagavā taṃ brāhmaṇaṃ nāmena ālapati. **Bhagavāti** gāravādhi vacanametaṃ -pa- sacchikā paññatti, yadidaṃ Bhagavāti Upasīvāti Bhagavā.

Atthaṃ paleti na upeti saṅkhanti atthaṃ paletīti atthaṃ paleti, atthaṃ gameti, atthaṃ gacchati nirujjhati vūpasamati paṭippassambhati. **Na upeti saṅkhanti** saṅkhaṃ³ na upeti, uddeśaṃ na upeti, gaṇanaṃ na upeti, paṇṇattim na upeti, “puratthimaṃ vā disaṃ gatā, pacchimaṃ vā disaṃ gatā, uttaraṃ vā disaṃ gatā, dakkhiṇaṃ vā disaṃ gatā, uddhaṃ vā gatā, adho vā gatā, tiriyaṃ vā gatā, vidisaṃ vā gatā”ti, so hetu natthi, paccayo natthi, kāraṇaṃ natthi, yena saṅkhaṃ gaccheyyāti atthaṃ paleti na upeti saṅkhaṃ.

Evaṃ munī nāmakāyā vimuttoti evanti opammasampañipādanaṃ. **Munīti** monaṃ vuccati ñāṇaṃ -pa- saṅgajālamaticca so Muni. **Nāmakāyā vimuttoti** so Muni pakatiyā pubbeva rūpakāyā vimutto. Tadaṅgaṃ samatikkamā⁴ vikkhambhanappahānena pahīno. Tassa munino bhavantaṃ āgamma cattāro ariyamaggā paṭiladdhā honti, catunnaṃ ariyamaggānaṃ paṭiladdhattā nāmakāyo ca rūpakāyo ca pariññātā honti. Nāmakāyassa ca rūpakāyassa ca pariññātattā nāmakāyā ca rūpakāyā ca mutto vimutto suvimutto accanta-anupādāvimokkhenāti evaṃ munī nāmakāyā vimutto.

Atthaṃ paleti na upeti saṅkhanti atthaṃ paletīti anupādisesāya nibbānadhātuyā parinibbāyati. **Na upeti saṅkhanti** anupādisesāya nibbānadhātuyā parinibbuto saṅkhaṃ na upeti, uddeśaṃ na upeti, gaṇanaṃ na upeti, paṇṇattim na upeti “khattiyo”ti vā “brāhmaṇo”ti vā “vesso”ti vā “suddo”ti vā “gahaṭṭho”ti vā “pabbajito”ti vā “devo”ti vā “manusso”ti vā “rūpī”ti vā “arūpī”ti vā “saññī”ti vet “asaññī”ti vā “nevasaññīnāsaññī”ti vā, so hetu natthi, paccayo natthi, kāraṇaṃ

1. Kālavātā (Ka) 2. Khittaṃ (Syā) evamaññesu padesu niggahītantavasena.
 3. Amukaṃ nāma disaṃ gatoti saṅkhaṃ (Syā)
 4. Tadaṅgaṃ samatikkamma (Ka)

natthi, yena saṅkhaṃ gaccheyyāti atthaṃ paleti na upeti saṅkhaṃ. Tenāha Bhagavā—

Acci yathā vātavegena khittā, (Upasīvāti Bhagavā,)

Atthaṃ paleti na upeti saṅkhaṃ.

Evam Munī nāmakāyā vimutto,

Atthaṃ paleti na upeti saṅkhanti.

44. Atthaṅgato so uda vā so natthi,

Udāhu ve sassatiyā arogo.

Taṃ me Munī sādhu viyākarohi,

Tathā hi te vidito esa dhammo.

(7)

Atthaṅgato so uda vā so natthīti so atthaṅgato udāhu natthi so niruddho ucchinno vinaṭṭhoti atthaṅgato so uda vā so natthi.

Udāhu ve sassatiyā arogoti udāhu nicco dhuvo sassato avipariṇāmadhammo sassatisamaṃ tatheva tiṭṭheyāti udāhu ve sassatiyā arogo.

Taṃ me munī sādhu viyākarohīti tanti yaṃ pucchāmi, yaṃ yācāmi, yaṃ ajjhesāmi, yaṃ pasādemī. Munīti monaṃ vuccati nāṇaṃ -pa-saṅgajālamaticca so Muni. Sādhu viyākarohīti sādhu ācikkhāhi desehi paññāpehi paṭṭhāpehi vivarāhi vibhajāhi uttānīkarohi pakāsehīti taṃ me munī sādhu viyākarohi.

Tathā hi te vidito esa dhammoti tathā hi te vidito tulito tīrito vibhūto vibhāvito esa dhammoti, tathā hi te vidito esa dhammo. Tenāha so brāhmaṇo—

Atthaṅgato so uda vā so natthi,

Udāhu ve sassatiyā arogo.

Taṃ me Munī sādhu viyākarohi,

Tathā hi te vidito esa dhammoti.

45. Atthaṅgatassa na pamāṇa'matthi, (Upasīvāti Bhagavā,)**Yena nam vajjuṃ taṃ tassa natthi.****Sabbesu dhammesu samūhatesu,****Samūhatā vādapathāpi sabbe.****(8)**

Atthaṅgatassa na pamāṇa'matthī atthaṅgatassa anupādisesāya nibbānadhātuyā parinibbutassa rūpapamāṇaṃ natthi. Vedanāpamāṇaṃ natthi. Saññāpamāṇaṃ natthi. Saṅkhārapamāṇaṃ natthi. Viññāpamāṇaṃ natthi na sati na saṃvijjati nupalabbhati pahīnaṃ samucchinaṃ vūpasantaṃ paṭippassaddhaṃ abhabbuppattikaṃ ṇāṇagginā daḍḍhanti atthaṅgatassa na pamāṇa'matthi. **Upasīvāti Bhagavāti Upasīvāti** Bhagavā taṃ brāhmaṇaṃ nāmena ālapati. **Bhagavāti** gāravādhivacanametam -pasacchikā paññatti, yadidaṃ Bhagavāti Upasīvāti Bhagavā.

Yena nam vajjuṃ taṃ tassa natthī yena taṃ rāgena¹ vadeyyuṃ. Yena dosena vadeyyuṃ. Yena mohena vadeyyuṃ. Yena mānena vadeyyuṃ. Yāya diṭṭhiyā vadeyyuṃ. Yena uddhaccena vadeyyuṃ. Yāya vicikicchāya vadeyyuṃ. Yehi anusayehi vadeyyuṃ “ratto”ti vā “duṭṭho”ti vā “mūlho”ti vā “vinibaddho”ti vā “parāmaṭṭho”ti vā “vikkhepagato”ti vā “aniṭṭhaṅgato”ti² vā “thāmagato”ti vā, te abhisāṅkhārā pahīnā, abhisāṅkhārānaṃ pahīnattā gatiyā yena taṃ vadeyyuṃ “nerayiko”ti vā “tiracchānayaniko”ti vā “pettivisayiko”ti vā “manusso”ti vā “devo”ti vā “rūpī”ti vā “arūpī”ti vā “saññī”ti vā “asaññī”ti vā “nevasaññīnāsaññī”ti vā, so hetu natthi, paccayo natthi, kāraṇaṃ natthi. Yena vadeyyuṃ katheyyuṃ bhaṇeyyuṃ dīpeyyuṃ vohareyyunti yena nam vajjuṃ taṃ tassa natthi.

Sabbesu dhammesu samūhatesūti sabbesu dhammesu sabbesu khandhesu sabbesu āyatanesu sabbāsu dhātūsu sabbāsu gatīsu sabbāsu upapattīsu sabbāsu paṭisandhīsu sabbesu bhavesu sabbesu saṃsāresu sabbesu vaṭṭesu ūhatesu samūhatesu uddhatesu samuddhatesu uppāṭitesu samuppāṭitesu pahīnesu samucchinesu vūpasantesu paṭippassaddhesu abhabbuppattikesu ṇāṇagginā daḍḍhesūti sabbesu dhammesu samūhatesu.

1. Yena rāgena (Syā, Ka) Khu 7. 192 piṭṭhe.

2. Anīṭṭhā gatoti (Ka)

Samūhatā vādapathāpi sabbeti vādapathā vuccanti kilesā ca khandhā ca abhisankhārā ca. Tassa vādā ca vādapathā ca adhivacanāni ca adhivacanapathā ca nirutti ca niruttipathā ca paññatti ca paññattipathā ca ūhatā samūhatā uddhatā samuddhatā uppāṭitā samuppāṭitā pahīnā samucchinnā vūpasantā paṭippassaddhā abhabbuppattikā ñāṇagginā daḍḍāti samūhatā vādapathāpi sabbe. Tenāha Bhagavā—

Atthaṅgatassa na pamāṇamatthi, (Upasīvāti Bhagavā,
Yena naṃ vajjuṃ taṃ tassa natthi.
Sabbesu dhammesu samūhatesu,
Samūhatā vādapathāpi sabbeti.

Saha gāthāpariyosānā ye te brāhmaṇena saddhiṃ -pa- pañjaliko namassamāno nisinno hoti “Sathā me bhante Bhagavā, sāvako hamasmī”ti.

Upasīvamāṇavapucchāniddeso chaṭṭho.

7. Nandamāṇavapucchāniddesa

46. “Santi loke munayo”, (iccāyasmā Nando,)

Janā vadanti tayidaṃ kathamsu.

Ñāṇūpapannaṃ Muni no vadanti,

Udāhu ve jīvitenu papannaṃ¹.

(1)

Santi loke Munayoti santīti santi saṃvijjanti atthi upalabbhanti. **Loketi** apāyaloke -pa- āyatanaloke. **Munayoti** Munināmakā ājīvakā nigaṇṭhā jaṭilā tāpasā (devā loke munayoti sañjānanti, na ca te munayo)²ti santi loke munayo. **Iccāyasmā Nandoti iccāti** padasandhi -pa-. **Āyasmāti** piyavacanaṃ -pa-. **Nandoti** tassa brāhmaṇassa nāmaṃ -pa- abhilāpoti iccāyasmā Nando.

1. Jīvikenūpapannaṃ (Syā)

2. () Etthantare pāṭhā natthi Syā-potthake.

Janā vadanti tayidaṃ kathaṃsūti janāti khattiyā ca brāhmaṇā ca vessā ca suddā ca gahaṭṭhā ca pabbajitā ca devā ca manussā ca. **Vadantīti** kathenti bhaṇanti dīpayanti voharanti. **Tayidaṃ kathaṃsūti** saṃsayapucchā vimatipucchā dveḷḷhakapucchā anekasapucchā “evaṃ nu kho, na nu kho, kiṃ nu kho, kathaṃ nu kho”ti janā vadanti tayidaṃ kathaṃsu.

Ñāṇūpapannaṃ Muni no vadantīti aṭṭha samāpattiñāṇena vā pañcābhiññāṇāṇena vā upetaṃ samupetaṃ upāgataṃ samupāgataṃ upapannaṃ samupapannaṃ samannāgataṃ Muninā vadanti kathenti bhaṇanti dīpayanti voharantīti ñāṇūpapannaṃ Muni no vadanti.

Udāhu ve jīvitenupapannanti udāhu anekavividha-atiparamadukkara-kārikalūkhajīvitānuyogena upetaṃ samupetaṃ upāgataṃ samupāgataṃ upapannaṃ samupapannaṃ samannāgataṃ Muninā vadanti kathenti bhaṇanti dīpayanti voharantīti udāhu ve jīvitenupapannaṃ. Tenāha so brāhmaṇo—

Santi loke munayo, (iccāyasmā Nando,)

Janā vadanti tayidaṃ kathaṃsu.

Ñāṇūpapannaṃ Muni no vadanti,

Udāhu ve jīvitenupapannanti.

47. Na diṭṭhiyā na sutiyā na ñāṇena,

Munīdha Nanda kusalā vadanti.

Visenikatvā¹ anīghā nirāsā,

Caranti ye te munayoti brūmi.

(2)

Na diṭṭhiyā na sutiyā na ñāṇenāti na diṭṭhiyāti na diṭṭhasuddhiyā. Na sutiyāti na sutasuddhiyā. Na ñāṇenāti nāpi aṭṭhasamāpattiñāṇena nāpi pañcābhiññāṇāṇena nāpi micchāñāṇenāti na diṭṭhiyā na sutiyā na ñāṇena.

Munīdha Nanda kusalā vadantīti kusalāti ye te khandhakusalā dhātukusalā āyatanakusalā paṭiccasamuppādakusalā satipaṭṭhānakusalā sammappadhānakusalā iddhipādakusalā indriyakusalā balakusalā

1. Visenimkatvā (Ka) Khu 7. 135 piṭṭhe.

bojjhaṅgakusalā maggakusalā phalakusalā nibbānakusalā diṭṭhasuddhiyā vā
sutasuddhiyā vā aṭṭhasamāpattiñāṇena vā pañcābhiññāṇāṇena vā
micchāñāṇena vā diṭṭhena vā sutena vā upetaṃ samupetaṃ upāgataṃ
samupāgataṃ upapannaṃ samupapannaṃ samannāgataṃ Muniraṃ na vadanti
na kathenti na bhaṇanti na dīpayanti na voharantīti Munīdha Nanda kusalā
vadanti.

Visenikatvā anīghā nirāsā, caranti ye te munayoti brūmīti senā vuccati
mārasenā, kāyaduccaritaṃ mārasenā, vacīduccaritaṃ mārasenā,
manoduccaritaṃ mārasenā, rāgo mārasenā, doso mārasenā, moho mārasenā,
kodho. Upanāho. Makkho. Paḷāso. Issā. Macchariyaṃ. Māyā. Sāṭheyyaṃ.
Thambho. Sārambho. Māno. Atimāno. Mado. Pamādo. Sabbe kilesā. Sabbe
duccaritā. Sabbe darathā. Sabbe pariḷāhā. Sabbe santāpā.
Sabbākusalābhisankhārā mārasenā. Vuttañhetāṃ Bhagavatā—

Kāmā te paṭhamā senā, dutiyā arati vuccati.
Tatiyā khuppipāsā te, catutthī taṇhā pavuccati.
Pañcamaṃ thinamiddhaṃ te, chaṭṭhā bhīrū pavuccati.
Sattamī vicikicchā te, makkho thambho te aṭṭhamo.
Lābho siloko sakkāro,
Micchāladdho ca yo yaso.
Yo cattānaṃ samukkaṃse, pare ca avajānāti.
Esā namuci te senā¹, kaṇhassābhīppahārīnī.
Na naṃ asūro jināti, jetvā ca labhate sukhanti.

Yato catūhi ariyamaggehi sabbā ca mārasenā sabbe ca paṭisenikarā²
kilesā jītā ca parājītā ca bhaggā vippluggā³ parammukhā, tena vuccanti
visenikatvā. **Anīghā**ti rāgo nīgho. Doso nīgho. Moho nīgho. Kodho nīgho.
Upanāho nīgho -pa- sabbākusalābhisankhārā nīghā, yesaṃ ete nīghā pahīnā
samucchinnā vūpasantā paṭippassaddhā abhabbuppattikā ñāṇagginā daḍḍhā.
Te vuccanti anīghā.

1. Esā te namuci senā (Syā, Ka) Khu 1. 343 piṭṭhe.

2. Visenimkatvā (Ka) Khu 7. 135 piṭṭhe.

3. Vippluggatā (Syā), passa Khu 7. 74 piṭṭhe.

Nirāsāti āsā vuccati taṇhā, yo rāgo sārāgo -pa- avijjā lobho akusalamūlaṃ. Yesaṃ esā āsā taṇhā pahīnā samucchinnā vūpasantā paṭippassaddhā abhappattikā nāṇagginā daḍḍhā. Te vuccanti nirāsā arahanto khīṇāsavā. **Visenikatvā anīghā nirāsā, caranti ye te munayoti brūmīti** ye te visenikatvāva anīghā ca nirāsā ca caranti viharanti iriyanti vattenti pārenti yapenti yāpentī. Te loke munayoti brūmi ācikkhāmi desemi paññapemi paṭṭhapemi vivarāmi vibhajāmi uttānikaromi pakāsemīti visenikatvā anīghā nirāsā, caranti ye te munayoti brūmi. Tenāha Bhagavā—

Na diṭṭhiyā na sutiyā na nāṇena,
Munīdha Nanda kusalā vadanti.
Visenikatvā anīghā nirāsā,
Caranti ye te munayoti brūmīti.

48. Ye kecime samaṇabrāhmaṇāse, (iccāyasmā Nando,)

Diṭṭhassutenāpi vadanti suddhiṃ.

Sīlabbatenāpi vadanti suddhiṃ,

Anekarūpena vadanti suddhiṃ.

Kaccissu te Bhagavā tattha yatā carantā,

Atāru jātiṇca jaraṇca mārisa.

Pucchāmi taṃ Bhagavā brūhi metaṃ.

(3)

Ye kecime samaṇabrāhmaṇāseti ye kecīti sabbena sabbāṃ sabbathā sabbāṃ asesāṃ nissesāṃ pariyādiyanavacanametāṃ ye kecīti. **Samaṇā**ti ye keci ito bahiddhā pabbajjūpagatā paribbājakasamāpannā. **Brāhmaṇā**ti ye keci bhovādīkāti ye kecime samaṇabrāhmaṇāse. **Iccāyasmā Nandoti iccā**ti padasandhi -pa-. **Āyasmā**ti piyavacanāṃ -pa-. **Nandoti** tassa brāhmaṇassa nāmaṃ -pa- abhilāpoti iccāyasmā Nando.

Diṭṭhassutenāpi vadanti suddhinti diṭṭhenapi suddhiṃ visuddhiṃ parisuddhiṃ, muttīṃ vimuttīṃ parimuttīṃ vadanti kathenti bhaṇanti dīpayanti voharanti. Sutenapi suddhiṃ visuddhiṃ parisuddhiṃ, muttīṃ vimuttīṃ parimuttīṃ vadanti kathenti bhaṇanti

dīpayanti voharanti. Diṭṭhassutenapi suddhim visuddhim parisuddhim, muttim vimuttim parimuttim vadanti kathenti bhaṇanti dīpayanti voharantīti diṭṭhassutenāpi vadanti suddhim.

Sīlabbatenāpi vadanti suddhinti sīlenapi suddhim visuddhim parisuddhim, muttim vimuttim parimuttim vadanti kathenti bhaṇanti dīpayanti voharanti. Vatenapi suddhim visuddhim parisuddhim, muttim vimuttim parimuttim vadanti kathenti bhaṇanti dīpayanti voharanti. Sīlabbatenāpi suddhim visuddhim parisuddhim, muttim vimuttim parimuttim vadanti kathenti bhaṇanti dīpayanti voharantīti sīlabbatenāpi vadanti suddhim.

Anekarūpena vadanti suddhinti anekavidhakotūhalamaṅgalena¹ suddhim visuddhim parisuddhim, muttim vimuttim parimuttim vadanti kathenti bhaṇanti dīpayanti voharantīti anekarūpena vadanti suddhim.

Kaccissu te Bhagavā tattha yatā carantāti kaccissūti saṃsayapucchā vimatipucchā dvelhakapucchā anekasaṃsapucchā “evaṃ nu kho, na nu kho, kiṃ nu kho, kathaṃ nu kho”ti kaccissu. **Teti** diṭṭhigatikā. **Bhagavāti** gāravādhivacanametam -pa- sacchikā paññatti, yadidaṃ Bhagavāti kaccissu te Bhagavā. **Tattha yatā carantāti tathāti** sakāya diṭṭhiyā sakāya khantiyā sakāya ruciyā sakāya laddhiyā. **Yatāti** yattā paṭiyattā² guttā gopitā rakkhitā saṃvutā. **Carantāti** carantā viharantā iriyantā vattentā pālentā yapentā yāpentāti kaccissu te Bhagavā tattha yatā carantā.

Atāru jātiṅca jaraṅca mārisāti jātijarāmarañam atarimsu uttarimsu patarimsu samatikkamimsu vītivattimsu. **Mārisāti** piyavacanam garuvacanam sagāravasappatissādhivacanametam mārisāti atāru jātiṅca jaraṅca mārisa.

Pucchāmi taṃ Bhagavā brūhi metanti pucchāmi tanti pucchāmi taṃ, yācāmi taṃ, ajjhesāmi taṃ, “kathayassu me”ti pucchāmi taṃ. **Bhagavāti** -pa- sacchikā paññatti, yadidaṃ Bhagavāti. **Brūhi metanti** brūhi ācikkhāhi desehi

1. Anekavidhavatta kutūhalamaṅgalena (Syā)

2. Yatā paṭiyatā (Syā)

paññapehi paṭṭhapehi vivarāhi vibhajāhi uttānīkarohi pakāśehīti pucchāmi taṃ Bhagavā brūhi metaṃ. Tenāha so brāhmaṇo—

Ye kecime samaṇabrāhmaṇāse, (iccāyasmā Nando,)
 Diṭṭhassutenāpi vadanti suddhim.
 Sīlabbatenāpi vadanti suddhim,
 Anekarūpena vadanti suddhim.
 Kaccissu te Bhagavā tattha yatā carantā,
 Atāru jātiṅca jaraṅca mārisa.
 Puccāmi taṃ Bhagavā brūhi metanti.

49. Ye kecime samaṇabrāhmaṇāse, (Nandāti Bhagavā,) (4)

Diṭṭhassutenāpi vadanti suddhim.
 Sīlabbatenāpi vadanti suddhim,
 Anekarūpena vadanti suddhim.
 Kiñcāpi te tattha yatā caranti,
 Nātarīmsu jātijaranti brūmi.

Ye kecime samaṇabrāhmaṇāseti ye kecīti sabbena sabbam sabbathā sabbam asesam nissesam pariyādiyanavacanametam ye kecīti. **Samaṇāti** ye keci ito bahiddhā pabbajjūpagatā paribbājakasamāpannā. **Brāhmaṇāti** ye keci bhovādīkāti ye kecime samaṇabrāhmaṇāse. **Nandāti Bhagavāti Nandāti** Bhagavā taṃ brāhmaṇam nāmena ālapati. **Bhagavāti** gāravādhivacanametam -pa- sacchikā paññatti, yadidaṃ Bhagavāti Nandāti Bhagavā.

Diṭṭhassutenāpi vadanti suddhinti diṭṭhenapi suddhim visuddhim parisuddhim, muttīm vimuttīm parimuttīm vadanti kathenti bhaṇanti dīpayanti voharanti. Sutenapi suddhim -pa- diṭṭhassutenapi suddhim visuddhim parisuddhim, muttīm vimuttīm parimuttīm vadanti kathenti bhaṇanti dīpayanti voharantīti diṭṭhassutenāpi vadanti suddhim.

Sīlabbatenāpi vadanti suddhinti sīlenapi suddhim visuddhim parisuddhim, muttīm vimuttīm parimuttīm vadanti kathenti bhaṇanti dīpayanti voharanti. Vatenapi suddhim -pa- voharanti. Sīlabbatenāpi suddhim visuddhim parisuddhim, muttīm vimuttīm

parimuttiṃ vadanti kathenti bhaṇanti dīpayanti voharantīti sīlabbatenāpi vadanti suddhiṃ.

Anekarūpena vadanti suddhinti anekavidhakotūhalamaṅgalena suddhiṃ visuddhiṃ parisuddhiṃ, muttiṃ vimuttiṃ parimuttiṃ vadanti kathenti bhaṇanti dīpayanti voharantīti anekarūpena vadanti suddhiṃ.

Kiñcāpi te tattha yatā carantīti kiñcāpīti padasandhi padasaṃsaggo padapāripūrī akkharasamavāyo byañjanasiliṭṭhatā padānupubbatāpetam kiñcāpīti. **Teti** diṭṭhigatikā. **Tatthāti** sakāya diṭṭhiyā sakāya khantiyā sakāya ruciyā sakāya laddhiyā. **Yatāti** yattā paṭiyattā guttā gopitā rakkhitā saṃvutā. **Carantīti** caranti viharanti iriyanti vattenti pārenti yapenti yāpentīti kiñcāpi te tattha yatā caranti.

Nātarīmsu jātijaranti brūmīti jātijarāmarañam na tarīmsu na uttarīmsu na patarīmsu na samatikkamīmsu na vītivattīmsu, jātijarāmarañā anikkhantā anissaṭā anatikkantā asamatikkantā avītivattā, antojātijarāmarañe parivattenti, antosaṃsārapathe parivattenti, jātiyā anugatā, jarāya anusaṭā, byādhinā abhibhūtā, marañena abbhāhatā atāṇā aḷeṇā asaraṇā asaraṇībhūtāti brūmi ācikkhāmi desemi paññapemi paṭṭhapemi vivarāmi vibhajāmi uttānīkaromi pakāsemīti nātarīmsu jātijaranti brūmi. Tenāha Bhagavā—

Ye kecime samaṇabrāhmaṇāse, (Nandāti Bhagavā,)

Diṭṭhassutenāpi vadanti suddhiṃ.

Sīlabbatenāpi vadanti suddhiṃ,

Anekarūpena vadanti suddhiṃ.

Kiñcāpi te tattha yatā caranti,

Nātarīmsu jātijaranti brūmīti.

50. Ye kecime samaṇabrāhmaṇāse, (iccāyasmā Nando,)

Diṭṭhassutenāpi vadanti suddhiṃ.

Sīlabbatenāpi vadanti suddhiṃ,

Anekarūpena vadanti suddhiṃ.

**Te ce Munī brūsi anoghatīṇṇe,
Atha ko carahi devamanussaloke.
Atāri jātiṇca jaraṇca mārisa,
Pucchāmi taṃ Bhagavā brūhi metaṃ.** (5)

Ye kecime samaṇabrāhmaṇāseti ye kecīti sabbena sabbam sabbathā sabbam asesam nissesam pariyādiyanavacanametam ye kecīti. **Samaṇāti** ye keci ito bahiddhā pabbajjūpagatā paribbājakasamāpannā. **Brāhmaṇāti** ye keci bhovādikāti ye kecime samaṇabrāhmaṇāse. **Iccāyasmā Nandoti iccāti** padasandhi -pa- iccāyasmā Nando.

Diṭṭhassutenāpi vadanti suddhinti diṭṭhenapi suddhim visuddhim parisuddhim, muttim vimuttim parimuttim vadanti kathenti bhaṇanti dīpayanti voharanti. Sutenāpi suddhim -pa- diṭṭhassutenāpi suddhim visuddhim parisuddhim, muttim vimuttim parimuttim vadanti kathenti bhaṇanti dīpayanti voharantīti diṭṭhassutenāpi vadanti suddhim.

Sīlabbatenāpi vadanti suddhinti sīlenāpi suddhim visuddhim parisuddhim, muttim vimuttim parimuttim vadanti kathenti bhaṇanti dīpayanti voharanti. Vatenāpi suddhim -pa- voharanti. Sīlabbatenāpi suddhim visuddhim parisuddhim, muttim vimuttim parimuttim vadanti kathenti bhaṇanti dīpayanti voharantīti sīlabbatenāpi vadanti suddhim.

Anekarūpena vadanti suddhinti anekavidhakotūhalamaṅgalena suddhim visuddhim parisuddhim, muttim vimuttim parimuttim vadanti kathenti bhaṇanti dīpayanti voharantīti anekarūpena vadanti suddhim.

Te ce munī brūsi anoghatīṇṇeti te ceti diṭṭhigatike. **Munīti** monam vuccati ṇāṇam -pa- saṅgajālamaticca so Muni. **Brūsi anoghatīṇṇeti** kāmogham bhavogham diṭṭhogham avijjogham atīṇṇe anatikkante asamatikkante avīvatte, antojāti jarāmaraṇe parivattente, antosamsārapathe parivattente, jātiyā anugate, jarāya anusaṭṭe, byādhinā abhibhūte, maraṇena abbhāhate atāṇe aleṇe asaraṇe asaraṇibhūte. **Brūsīti** brūsi ācikkhasi desesi paññapesi paṭṭhapesi

vivarasi vibhajasi uttānīkarosi pakāsesīti te ce Munī brūsi anoghatiṇṇe.

Atha ko carahi devamanussaloke, atāri jātiñca jarañca mārisāti atha ko eso sadevake loke samārake sabrahmake sassamaṇabrāhmaṇiyā pajāya sadevamanussāya jātijarāmarañam atari uttari patari samatikkami vītivattayi. **Mārisāti** piyavacanam garuvacanam sagāravasappatissādhivacanametam mārisāti atha ko carahi devamanussaloke, atāri jātiñca jarañca mārisa.

Pucchāmi tam Bhagavā brūhi metanti pucchāmi tanti pucchāmi tam, yācāmi tam, ajjhesāmi tam, pasādemi tam. **Bhagavāti** gāravādhivacanametam -pa- sacchikā paññatti, yadidam Bhagavāti. **Brūhi metanti** brūhi ācikkhāhi desehi paññapehi paṭṭhapehi vivarāhi vibhajāhi uttānīkarohi pakāsehīti pucchāmi tam Bhagavā brūhi metam. Tenāha so brāhmaṇo—

Ye kecime samaṇabrāhmaṇāse, (iccāyasmā Nando,)

Diṭṭhassutenāpi vadanti suddhim.

Sīlabbatenāpi vadanti suddhim,

Anekarūpena vadanti suddhim.

Te ce Munī brūsi anoghatiṇṇe,

Atha ko carahi devamanussaloke.

Atāri jātiñca jarañca mārisa,

Pucchāmi tam Bhagavā brūhi metanti.

51. **Nāham sabbe samaṇabrāhmaṇāse, (Nandāti Bhagavā,)**

Jātijarāya nivutāti brūmi.

Ye sīdha diṭṭham va sutam mutam vā,

Sīlabbataṃ vāpi pahāya sabbam.

Anekarūpampi pahāya sabbam,

Taṇham pariññāya anāsavāse¹.

Te ve narā oghatiṇṇāti brūmi.

(6)

1. Anāsavā ye (Syā, Ka)

Nāhaṃ sabbe samaṇabrāhmaṇāse, Nandāti Bhagavā. Jātijarāya nivutāti brūmīti nāhaṃ Nanda sabbe samaṇabrāhmaṇā jātijarāya āvutā nivutā ovutā pihitā paṭicchannā paṭikujjitāti vadāmi. Atthi te samaṇabrāhmaṇā. Yesaṃ jāti ca jarāmaraṇaṇca pahīnā ucchinnamūlā tālavatthukatā anabhāvaṃkatā āyatim anuppādadhamaṃti brūmi ācikkhāmi desemi paññapemi paṭṭhapemi vivarāmi vibhajāmi uttānīkaromi pakāsemīti nāhaṃ sabbe samaṇabrāhmaṇāse. Nandāti Bhagavā jātijarāya nivutāti brūmi.

Ye sīdha diṭṭham va sutam mutam vā, sīlabbatam vāpi pahāya sabbanti ye sabbā diṭṭhasuddhiyo pahāya jahitvā pajahitvā vinodetvā byantikarivā anabhāvaṃ gametvā. Ye sabbā sutasuddhiyo pahāya -pa-. Ye sabbā mutasuddhiyo pahāya. Ye sabbā diṭṭhasutamutasuddhiyo pahāya. Ye sabbā sīlasuddhiyo pahāya. Ye sabbā vatasuddhiyo pahāya. Ye sabbā sīlabbatasuddhiyo pahāya jahitvā pajahitvā vinodetvā byantikarivā anabhāvaṃ gametvāti ye sīdha diṭṭham va sutam mutam vā, sīlabbatam vāpi pahāya sabbam.

Anekarūpampi pahāya sabbanti anekavidhakotūhalamaṅgalena suddhim visuddhim parisuddhim, muttim vimuttim parimuttim pahāya jahitvā pajahitvā vinodetvā byantikarivā anabhāvaṃ gametvāti anekarūpampi pahāya sabbam.

Taṇham pariññāya anāsavā se, te ve narā oghatiṇṇāti brūmīti taṇhāti rūpataṇhā saddataṇhā gandhataṇhā rasataṇhā phoṭṭhabbataṇhā dhammataṇhā. **Taṇham pariññāyāti** taṇham tīhi pariññāhi parijānitvā ñātapariññāya tīraṇapariññāya pahānapariññāya. Katamā ñātapariññā, taṇham jānāti¹ “ayaṃ rūpataṇhā, ayaṃ saddataṇhā, ayaṃ gandhataṇhā, ayaṃ rasataṇhā, ayaṃ phoṭṭhabbataṇhā, ayaṃ dhammataṇhā”ti jānāti passati. Ayaṃ ñātapariññā.

Katamā tīraṇapariññā, evaṃ ñātam katvā taṇham tīreti aniccato. Dukkato. Rogato. Gaṇḍato -pa- Nissaraṇato tīreti. Ayaṃ tīraṇapariññā.

1. Pajānāti (Syā) parijānāti (Ka) Khu 7. 40 piṭṭhepi.

Katamā pahānapariññā, evaṃ tīrayitvā taṇhaṃ pajahati vinodeti byantīkaroti anabhāvaṃ gameti. Vuttañhetam Bhagavatā—yo bhikkhave taṇhāya chandarāgo, tam pajahatha. Evaṃ sā taṇhā pahīnā bhavissati ucchinnamūlā tālāvattthukatā anabhāvaṃkatā āyatim anuppādadhammā. Ayaṃ pahānapariññā. . **Taṇhaṃ pariññāyāti** taṇhaṃ imāhi tīhi pariññāhi pariḷānitvā. **Anāsavāti** cattāro āsavā kāmāsavo bhavāsavo diṭṭhāsavo avijjāsavo. Yesam ime āsavā pahīnā ucchinnamūlā tālāvattthukatā anabhāvaṃkatā āyatim anuppādadhammā. Te vuccanti anāsavā arahanto khīṇāsavā. Taṇhaṃ pariññāya anāsavā.

Te ve narā oghatiṇṇāti brūmīti ye taṇhaṃ pariññāya anāsavā. Te kāmoghaṃ tiṇṇā, bhavoghaṃ tiṇṇā, diṭṭhoghaṃ tiṇṇā, avijjoghaṃ tiṇṇā, sabbasaṃsārapathaṃ tiṇṇā uttiṇṇā nitthiṇṇā atikkantā samatikkantā vītivattāti brūmi ācikkhāmi desemi paññapemi paṭṭhapemi vivarāmi vibhajāmi uttānīkaromi pakāsemīti taṇhaṃ pariññāya anāsavāse, te ve narā oghatiṇṇāti brūmi. Tenāha Bhagavā—

Nāhaṃ sabbe samaṇabrāhmaṇāse, (Nandāti Bhagavā,
 Jātījarāya nivutāti brūmi.
 Ye sīdha diṭṭhaṃ va sutam mutam vā,
 Sīlabbatam vāpi pahāya sabbam.
 Anekarūpampi pahāya sabbam,
 Taṇhaṃ pariññāya anāsavāse.
 Te ve narā oghatiṇṇāti brūmīti.

52. Etā'bhinandāmi vaco Mahesino,
 Sukittitam Gotama'nūpadhīkam.
 Ye sīdha diṭṭhaṃ va sutam mutam vā,
 Sīlabbatam vāpi pahāya sabbam.
 Anekarūpampi pahāya sabbam,
 Taṇhaṃ pariññāya anāsavāse.
 Ahampi te oghatiṇṇāti brūmi.

(7)

Etā’bhinandāmi vaco Mahesinoti etanti tuyhaṃ vacanaṃ byappatham̐ desanaṃ anusāsanam̐ anusiṭṭham̐ nandāmi abhinandāmi modāmi anumodāmi icchāmi sādīyāmi patthayāmi pihayāmi abhijappāmi. **Mahesinoti** kiṃ Mahesi Bhagavā. Mahantaṃ sīlakkhandham̐ eṣi gavesi pariyesīti Mahesi -pa- “kahaṃ Narāsabho”ti Mahesīti etābhinandāmi vaco Mahesino.

Sukittitaṃ Gotama’nūpadhīkanti sukittitanti sukittitaṃ su-ācikkhitaṃ¹ sudesitaṃ supaññapitaṃ supaṭṭhāpitaṃ suvivaṭam̐ suvibhattam̐ su-uttānikataṃ supakāsitaṃ. **Gotama’nūpadhīkanti** upadhī vuccanti kilesā ca khandhā ca abhisāṅkhārā ca. Upadhippahānam̐ upadhivūpasamaṃ upadhinissaggaṃ upadhipaṭṭippassaddham̐ amataṃ nibbānanti sukittitaṃ Gotama’nūpadhīkaṃ.

Ye sīdha diṭṭham̐ va sutam̐ mutam̐ vā, sīlabbatam̐ vāpi pahāya sabbanti ye sabbā diṭṭhasuddhiyo pahāya jahitvā pajahitvā vinodetvā byantīkaritvā anabhāvaṃ gametvā. Ye sabbā sutasuddhiyo -pa-. Ye sabbā mutasuddhiyo. Ye sabbā diṭṭhasutam̐ mutasuddhiyo. Ye sabbā sīlasuddhiyo. Ye sabbā vatasuddhiyo. Ye sabbā sīlabbatasuddhiyo pahāya jahitvā pajahitvā vinodetvā byantīkaritvā anabhāvaṃ gametvāti ye sīdha diṭṭham̐ va sutam̐ mutam̐ vā, sīlabbatam̐ vāpi pahāya sabbam̐.

Anekarūpampi pahāya sabbanti anekavidhakotūhalamaṅgalena suddhiṃ visuddhiṃ parisuddhiṃ, muttiṃ vimuttiṃ parimuttiṃ pahāya jahitvā pajahitvā vinodetvā byantīkaritvā anabhāvaṃ gametvāti anekarūpampi pahāya sabbam̐.

Taṇham̐ pariññāya anāsavāse, ahampi te oghatiṇṇāti brūmīti taṇhāti rūpataṇhā, saddataṇhā, gandhataṇhā, rasataṇhā, phoṭṭhabbataṇhā, dhammataṇhā. **Taṇham̐ pariññāyāti** taṇham̐ tīhi pariññāhi pariññitvā ñātapariññāya tīraṇapariññāya² pahānapariññāya. Katamā ñātapariññā, taṇham̐ jānāti “ayaṃ rūpataṇhā, ayaṃ saddataṇhā, ayaṃ gandhataṇhā, ayaṃ rasataṇhā, ayaṃ phoṭṭhabbataṇhā, ayaṃ dhammataṇhā”ti jānāti passati. Ayaṃ ñātapariññā.

Katamā tīraṇapariññā, evaṃ ñātam̐ katvā taṇham̐ tīreti³ aniccato dukkhato rogato gaṇḍato sallato aghato ābādhato

1. Svācikkhitaṃ (Ka)

2. Tīraṇapariññāya (Syā)

3. Tīreti (Syā)

parato palokato itīto upaddavato bhayato upasaggato calato pabhaṅguto
 addhuvato atāṇato aleṇato asaraṇato asaraṇībhūto rittato tucchato suñṇato
 anattato ādīnavato vipariṇāmadhammato asārakato aghamūlato vadhakato
 vibhavato sāsavato saṅkhatato mārāmisato jātidhammato jarādhammato
 byādhidhammato maraṇadhammato sokaparidevadukkhadomanassupāyāsa-
 dhammato saṅkilesadhammato samudayato atthaṅgamato assādato
 ādīnavato nissaraṇato tūreti. Ayaṃ tīraṇapariññā.

Katamā pahānapariññā, evaṃ tīrayitvā taṇhaṃ pajahati vinodeti
 byantīkaroti anabhāvaṃ gameti. Ayaṃ pahānapariññā.

Taṇhaṃ pariññāyāti taṇhaṃ imāhi tīhi pariññāhi parijānitvā. **Anāsavāti**
 cattāro āsavā kāmāsavo bhavāsavo diṭṭhāsavo avijjāsavo. Yesaṃ ime āsavā
 pahīnā ucchinnamūlā tālavatthukatā anabhāvaṃkatā āyatim
 anuppādadhammā. Te vuccanti anāsavā. arahanto khīṇāsavā. **Taṇhaṃ**
pariññāya anāsavāse, ahampi te oghatiṇṇāti brūmīti ye taṇhaṃ pariññāya
 anāsavā, ahampi te kāmoghaṃ tiṇṇā, bhavoghaṃ tiṇṇā, diṭṭhoghaṃ tiṇṇā,
 avijjoghaṃ tiṇṇā, sabbasamsārapathaṃ tiṇṇā uttiṇṇā nitthiṇṇā atikkantā
 samatikkantā vītivattāti brūmi vadāmīti taṇhaṃ pariññāya anāsavāse,
 ahampi te oghatiṇṇāti brūmi. Tenāha so brāhmaṇo—

Etā'bhinandāmi vaco Mahesino,
 Sukittitaṃ Gotama'nūpadhīkaṃ.
 Ye sīdha diṭṭhaṃ va suttaṃ mutaṃ vā,
 Sīlabbataṃ vāpi pahāya sabbaṃ.
 Anekarūpampi pahāya sabbaṃ.
 Taṇhaṃ pariññāya anāsavāse.
 Ahampi te oghatiṇṇāti brūmīti.

Nandamāṇavapucchāniddeso sattamo.

8. Hemakamāṇavapucchāniddesa

53. Ye me pubbe viyākaṃsu, (iccāyasmā Hemako,)

Huraṃ Gotamasāsanā.

Iccāsi iti bhavissati, sabbaṃ taṃ itihītihaṃ.

Sabbaṃ taṃ takkavaḍḍhanaṃ, nāhaṃ tattha abhiramiṃ. (1)

Ye me pubbe viyākaṃsūti yo ca Bāvarī brāhmaṇo ye caññe tassa ācariyā, te sakaṃ diṭṭhiṃ sakaṃ khantiṃ sakaṃ ruciṃ sakaṃ laddhiṃ sakaṃ ajjhāsayaṃ sakaṃ adhippāyaṃ byākaṃsu ācikkhiṃsu desayimsu paññapimsu paṭṭhapimsu vivariṃsu vibhajimsu uttānī-akaṃsu pakāsesunti ye me pubbe viyākaṃsu. **Iccāyasmā Hemakoti iccāti** padasandhi -pa-padānupubbatāpetam iccāti. **Āyasmāti** piyavacanam -pa-. **Hemakoti** tassa brāhmaṇassa nāmaṃ -pa- abhilāpoti iccāyasmā Hemako.

Huraṃ Gotamasāsanāti huraṃ Gotamasāsanā param Gotamasāsanā pure Gotamasāsanā paṭhamataram Gotamasāsanā Buddhasāsanā Jinasāsanā Tathāgatasāsanā¹ Arahantasāsanāti huraṃ Gotamasāsanā.

Iccāsi iti bhavissatīti evaṃ kira āsi, evaṃ kira bhavissatīti iccāsi iti bhavissati.

Sabbaṃ taṃ itihītihaṃti sabbaṃ taṃ itihītihaṃ itikirāya paramparāya piṭakasampadāya takkahetu nayahetu ākāraparivitakkena diṭṭhinijjhānakkhantiyā na sāmaṃ sayamabhiññātam na attapaccakkhadhammaṃ kathayimsūti sabbaṃ taṃ itihītihaṃ.

Sabbaṃ taṃ takkavaḍḍhanaṃti sabbaṃ taṃ takkavaḍḍhanaṃ vitakkavaḍḍhanaṃ saṅkappavaḍḍhanaṃ kāmavitakkavaḍḍhanaṃ byāpādavittakkavaḍḍhanaṃ vihimsāvitakkavaḍḍhanaṃ ñātivittakkavaḍḍhanaṃ janapadavitakkavaḍḍhanaṃ amarāvitakkavaḍḍhanaṃ parānudayatāpaṭisaṃyuttavitakkavaḍḍhanaṃ lābhasakkārasiloka-paṭisaṃyuttavitakkavaḍḍhanaṃ anavaññattipaṭisaṃyuttavitakkavaḍḍhanaṃti sabbaṃ taṃ takkavaḍḍhanaṃ.

1. Tathāgatasāsanā devasāsanā (Ka)

Nāhaṃ tattha abhiraminti nāhaṃ tattha abhiramiṃ na vindiṃ nādhigacchiṃ na paṭilabhinti nāhaṃ tattha abhiramiṃ. Tenāha so brāhmaṇo—

Ye me pubbe viyākaṃsu, (iccāyasmā Hemako,)

Huraṃ Gotamasāsanā.

Iccāsi iti bhavissati, sabbaṃ taṃ itihītihaṃ.

Sabbaṃ taṃ takkavaḍḍhanaṃ, nāhaṃ tattha abhiraminti.

54. Tvañca me dhammamakkhāhi, taṇhānigghātanam Muni.
Yaṃ viditvā sato caram, tare loke visattikam. (2)

Tvañca me dhammamakkhāhīti tvanti Bhagavantaṃ bhaṇati. **dhammamakkhāhīti dhammanti** ādikalyāṇaṃ majjhakalyāṇaṃ pariyośānakalyāṇaṃ sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ cattāro satipaṭṭhāne cattāro sammappadhāne cattāro iddhipāde pañcendriyāni pañca balāni satta bojjhaṅge ariyaṃ aṭṭhaṅgikam maggaṃ nibbānañca nibbānagāminiñca paṭipadaṃ akkhāhi ācikkhāhi desehi paññapehi paṭṭhapehi vivarāhi vibhajāhi uttānīkarohi pakāsehīti tvañca me dhammamakkhāhi.

Taṇhānigghātanam Munīti taṇhāti rūpataṇhā -pa- dhammataṇhā. Taṇhānigghātanam taṇhāpahānam taṇhāvūpasamaṃ taṇhāpaṭinissaggaṃ taṇhāpaṭippassaddhiṃ amataṃ nibbānam. **Munīti** monaṃ vuccati ñāṇaṃ -pa- saṅgajālamaticca so Munīti taṇhānigghātanam Muni.

Yaṃ viditvā sato caranti yaṃ viditaṃ katvā tulayitvā tīrayitvā vibhāvayitvā vibhūtaṃ katvā. “Sabbe saṅkhārā aniccā”ti viditaṃ katvā tulayitvā tīrayitvā vibhāvayitvā vibhūtaṃ katvā. “Sabbe saṅkhārā dukkhā”ti -pa-. “Sabbe dhammā anattā”ti. “Yaṃ kiñci samudayadhammaṃ, sabbaṃ taṃ nirodhadhammaṃ”ti viditaṃ katvā tulayitvā tīrayitvā vibhāvayitvā vibhūtaṃ katvā. **Satoti** catūhi kāraṇehi sato, kāye kāyānupassanāsatiṭṭhānaṃ bhāvento sato -pa- so vuccati sato. **Caranti** caranto viharanto iriyanto vattento pārento yapento yāpentoti yaṃ viditvā sato caram.

Tare loke visattikanti visattikā vuccati taṇhā. Yo rāgo sārāgo -pa- abhihijhā lobho akusalamūlaṃ, **Visattikāti**

kenaṭṭhena visattikā -pa- visaṭā vitthatāti visattikā. **Loketi** apāyaloke manussaloke devaloke, khandhaloke dhātuloke āyatanaloke. **Tare loke visattikanti** loke vesā visattikā, loke vetam̐ visattikam̐ sato tareyyam̐ uttareyyam̐ patareyyam̐ samatikkameyyam̐ vīvatteyyanti tare loke visattikam̐. Tenāha so brāhmaṇo—

Tvañca me dhammamakkhāhi, taṇhānigghātanam̐ Muni.

Yam̐ viditvā sato caram̐, tare loke visattikanti.

55. Idha diṭṭhasutamutaviññātesu, piyarūpesu Hemaka.

Chandarāgavinodanam̐, nibbānapadamaccutam̐. (3)

Idha diṭṭhasutamutaviññātesūti diṭṭhanti **cakkhunā diṭṭham̐**. Sutanti sotena sutam̐. Mutanti **ghānena ghāyitam̐, jivhāya sāyitam̐, kāyena phuṭṭham̐**. Viññātanti **manasā viññātanti idha diṭṭhasutamutaviññātesu**.

Piyarūpesu Hemakāti kiñca loke piyarūpaṃ sātārūpaṃ, cakkhu¹ loke piyarūpaṃ sātārūpaṃ. Sotam̐ loke. Ghānam̐ loke. Jivhā loke. Kāyo loke. Mano loke piyarūpaṃ sātārūpaṃ. Rūpā loke piyarūpaṃ sātārūpaṃ. Saddā loke. Gandhā loke. Rasā loke. Phoṭṭhabbā loke. Dhammā loke piyarūpaṃ sātārūpaṃ. Cakkhuviññānam̐ loke piyarūpaṃ sātārūpaṃ. Sotaviññānam̐ loke piyarūpaṃ sātārūpaṃ. Ghānaviññānam̐ loke. Jivhāviññānam̐ loke. Kāyaviññānam̐ loke. Manoviññānam̐ loke piyarūpaṃ sātārūpaṃ. Cakkhusamphasso loke. Sotasamphasso loke. Ghānasamphasso loke. Jivhāsamphasso loke. Kāyasamphasso loke. Manosamphasso loke piyarūpaṃ sātārūpaṃ. Cakkhusamphassajā vedanā loke piyarūpaṃ sātārūpaṃ. Sotasamphassajā vedanā. Ghānasamphassajā vedanā. Jivhāsamphassajā vedanā. Kāyasamphassajā vedanā. Manosamphassajā vedanā loke piyarūpaṃ sātārūpaṃ. Rūpasaññā loke. Saddasaññā loke. Gandhasaññā loke. Rasasaññā loke. Phoṭṭhabbasaññā loke. Dhammasaññā loke piyarūpaṃ sātārūpaṃ.

1. Cakkhum̐ (Syā, Ka)

Rūpasañcetanā loke. Saddasañcetanā loke. Gandhasañcetanā loke.
 Rasasañcetanā loke. Phoṭṭhabbasañcetanā loke. Dhammasañcetanā loke
 piyarūpaṃ sātārūpaṃ. Rūpataṇhā loke. Saddataṇhā loke. Gandhataṇhā loke.
 Rasataṇhā loke. Phoṭṭhabbataṇhā loke. Dhammataṇhā loke piyarūpaṃ
 sātārūpaṃ. Rūpavitakko loke. Saddavitakko loke. Gandhavitakko loke.
 Rasavitakko loke. Phoṭṭhabbavitakko loke. Dhammavitakko loke piyarūpaṃ
 sātārūpaṃ. Rūpavicāro loke piyarūpaṃ sātārūpaṃ. Saddavicāro loke.
 Gandhavicāro loke. Rasavicāro loke. Phoṭṭhabbavicāro loke. Dhammavicāro
 loke piyarūpaṃ sātārūpanti piyarūpesu Hemaka.

Chandarāgavinodananti chandarāgoti yo kāmesu kāmaccando
 kāmarāgo kāmanandī kāmataṇhā kāmāsineho kāmapariḷāho kāmamucchā
 kāmajjhosānaṃ kāmogho kāmayogo kāmupādānaṃ
 kāmaccandanīvaraṇaṃ. **Chandarāgavinodananti** chandarāgappahānaṃ
 chandarāgavūpasamaṃ chandarāgapaṭinissaggaṃ
 chandarāgapaṭippassaddhaṃ amataṃ nibbānanti chandarāgavinodanaṃ.

Nibbānapadamaccutanti nibbānapadaṃ tāṇapadaṃ leṇapadaṃ
 saraṇapadaṃ abhayapadaṃ. **Accutanti** niccaṃ dhuvāṃ sassataṃ
 avipariṇāmadhammanti nibbānapadamaccutaṃ. Tenāha Bhagavā—

Idha diṭṭhasutamutaviññātesu, piyarūpesu Hemaka.
 Chandarāgavinodanaṃ, nibbānapadamaccutanti.

56. Etadaññāya ye satā, diṭṭhadhammābhiniibbutā.

Upasantā ca te sadā, tiṇṇā loke visattikaṃ. (4)

Etadaññāya ye satāti etanti amataṃ nibbānaṃ. Yo so
 sabbasaṅkhārasamatho sabbūpadhipaṭinissaggo taṇhakkhayo virāgo nirodho
 nibbānaṃ. **Aññāyāti** aññāya jānitvā tulayitvā tīrayitvā vibhāvayitvā
 vibhūtaṃ katvā. “Sabbe saṅkhārā aniccā”ti aññāya jānitvā tulayitvā tīrayitvā
 vibhāvayitvā vibhūtaṃ katvā. “Sabbe saṅkhārā dukkhā”ti. “Sabbe dhammā
 anattā”ti -pa-. “Yaṃ kiñci samudayadhammaṃ, sabbaṃ taṃ
 nirodhadhammaṃ”ti aññāya jānitvā tulayitvā tīrayitvā

vibhāvayitvā vibhūtaṃ katvā. **Yeti** arahanto khīṇāsavā. **Satāti** catūhi kāraṇehi satā. Kāye kāyānupassanāsati paṭṭhānaṃ bhāvitattā satā -pa- te vuccanti satāti etadaññāya ye satā.

Diṭṭhadhammābhinibbutāti diṭṭhadhammāti diṭṭhadhammā ñātadhammā tulitadhammā tīritadhammā vibhūtaḍhammā vibhāvitadhammā. “Sabbe saṅkhārā aniccā”ti diṭṭhadhammā -pa-. “Yaṃ kiñci samudayadhammaṃ, sabbaṃ taṃ nirodhadhammaṃ”ti diṭṭhadhammā ñātadhammā tulitadhammā tīritadhammā vibhūtaḍhammā vibhāvitadhammā. **Abhinibbutāti** rāgassa nibbāpitattā nibbutā. Dosassa nibbāpitattā nibbutā. Mohassa nibbāpitattā nibbutā. Kodhassa. Upānāhassa -pa- sabbākusalābhisaṅkhārānaṃ santattā samitattā vūpasamitattā nijjhātattā nibbutattā vigatattā paṭippassaddhattā santā upasantā vūpasantā nibbutā paṭippassaddhāti diṭṭhadhammābhinibbutā.

Upasantā ca te sadāti upasantāti rāgassa upasamitattā nibbāpitattā upasantā. Dosassa. Mohassa. Kodhassa. Upānāhassa -pa- sabbākusalābhisaṅkhārānaṃ santattā samitattā vūpasamitattā nijjhātattā nibbutattā vigatattā paṭippassaddhattā santā upasantā vūpasantā nibbutā paṭippassaddhāti upasantā. **Teti** arahanto kK. **Sadāti** sadā sabbakālaṃ niccakālaṃ dhuvakālaṃ satataṃ samitaṃ abbokiṇṇaṃ poṅkhānupoṅkhaṃ udakūmikajātaṃ avīci santati sahitaṃ phassitaṃ purebhattaṃ pacchābhattaṃ purimayāmaṃ majjhimayāmaṃ pacchimayāmaṃ kāḷe juṇhe vasse hemante gimhe purime vayokhandhe majjhime vayokhandhe pacchime vayokhandheti upasantā ca te sadā.

Tiṇṇā loke visattikanti visattikā vuccati taṇhā. Yo rāgo sārāgo -pa- abhijjhā lobho akusalamūlaṃ. **Visattikāti** kenatṭhena visattikā -pa- visaṭā vitthatāti visattikā. **Loketi** apāyaloke -pa- āyatanaloke. **Tiṇṇā loke visattikanti** loke vesā visattikā, loke vetāṃ visattikaṃ tiṇṇā uttiṇṇā nitthiṇṇā atikkantā samatikkantā vitivattāti tiṇṇā loke visattikaṃ. Tenāha Bhagavā—

Etadaññāya ye satā, diṭṭhadhammābhiniibbutā.

Upasantā ca te sadā, tiṇṇā loke visattikanti.

Saha gāthāpariyosānā -pa- “Satthā me bhante Bhagavā,
sāvako hamasmī”ti.

Hemakamaṇavapucchāniddeso aṭṭhamo.

9. Todeyyamāṇavapucchāniddesa

57. **Yasmim kāmā na vasanti, (iccāyasmā Todeyyo,)**

Taṇhā yassa na vijjati.

Kathamkathā ca yo tiṇṇo,

Vimokkho tassa kīdiso.

(1)

Yasmim kāmā na vasantīti yasmim kāmā na vasanti na samvasanti na āvasanti na parivasantīti yasmim kāmā na vasanti. **Iccāyasmā Todeyyoti iccāti** padasandhi -pa- padānupubbatāpetam iccāti. **Āyasmāti** piyavacanam -pa-. **Todeyyoti** tassa brāhmaṇassa nāmam -pa- abhilāpoti iccāyasmā Todeyyo.

Taṇhā yassa na vijjatīti taṇhā yassa natthi na sati na samvijjati nupalabbhati nāṇagginā daḍḍhāti taṇhā yassa na vijjati.

Kathamkathā ca yo tiṇṇoti kathamkathā ca yo tiṇṇo uttiṇṇo nitthiṇṇo atikkanto samatikkanto vītivattoti kathamkathā ca yo tiṇṇo.

Vimokkho tassa kīdisoti vimokkho tassa kīdiso kiṃsaṇṭhito kiṃpakāro kiṃpaṭibhāgo icchitabboti vimokkham pucchātīti vimokkho tassa kīdiso. Tenāha so brāhmaṇo—

Yasmim kāmā na vasanti, (iccāyasmā Todeyyo,)

Taṇhā yassa na vijjati.

Kathamkathā ca yo tiṇṇo,

Vimokkho tassa kīdisoti.

58. **Yasmiṃ kāmā na vasanti, (Todeyyāti Bhagavā,)**

Tañhā yassa na vijjati.

Kathaṃkathā ca yo tiṇṇo,

Vimokkho tassa nā'paro. (2)

Yasmiṃ kāmā na vasantīti yasminti yasmiṃ puggale arahante khīṇāsave. **Kāmāti** uddānato dve kāmā vatthukāmā ca kilesakāmā ca -pa-. Ime vuccanti vatthukāmā -pa-. Ime vuccanti kilesakāmā. **Yasmiṃ kāmā na vasantīti** yasmiṃ kāmā na vasanti na samvasanti na āvasanti na parivasantīti yasmiṃ kāmā na vasanti.

Todeyyāti Bhagavāti Todeyyāti Bhagavā taṃ brāhmaṇaṃ nāmena ālapati. **Bhagavāti** gāravādhivacanametam -pa- sacchikā paññatti, yadidaṃ Bhagavāti Todeyyāti Bhagavā.

Tañhā yassa na vijjatīti tañhāti rūpataṇhā saddataṇhā gandhataṇhā rasataṇhā phoṭṭhabbataṇhā dhammataṇhā. **Yassāti** arahato khīṇāsavassa. **Tañhā yassa na vijjatīti** tañhā yassa natthi na atthi na samvijjati nupalabbhati, pahīnā samucchinnā vūpasantā paṭippassaddhā abhabbuppattikā nāṇagginā daḍḍhāti tañhā yassa na vijjati.

Kathaṃkathā ca yo tiṇṇoti kathaṃkathā vuccati vicikicchā. Dukkhe kaṅkhā -pa- chambhitattam cittassa manovilekko. **Yoti** yo so araham khīṇāsavo. **Kathaṃkathā ca yo tiṇṇoti** kathaṃkathā ca yo tiṇṇo uttiṇṇo nitthiṇṇo atikkanto samatikkanto vītivattoti kathaṃkathā ca yo tiṇṇo.

Vimokkho tassa nā'paroti natthi tassa aparo vimokkho. Yena vimokkhena vimucceyya vimutto so. Kataṃ tassa vimokkhena karaṇīyanti vimokkho tassa nā'paro. Tenāha Bhagavā—

Yasmiṃ kāmā na vasanti, (Todeyyāti Bhagavā,)

Tañhā yassa na vijjati.

Kathaṃkathā ca yo tiṇṇo,

Vimokkho tassa nā'paroti.

59. Nirāsaso so uda āsasāno,
 Paññānavā so uda paññakappī.
 Munim aham Sakka yathā vijaññam,
 Tam me viyācikkha Samantacakkhu. (3)

Nirāsaso so uda āsasānoti nittaṅho so, udāhu sataṅho rūpe āsīsati¹.
 Sadde. Gandhe. Rase. Phoṭṭhabbe. Kulaṃ. Gaṇaṃ. Āvāsaṃ. Lābhaṃ.
 Yasaṃ. Pasaṃsaṃ. Sukhaṃ. Cīvaraṃ. Piṇḍapātaṃ. Senāsaṃ.
 Gilānapaccayabhesajjaparikkhāraṃ. Kāmadhātuṃ. Rūpadhātuṃ.
 Arūpadhātuṃ. Kāmaḥvaṃ. Rūpaḥvaṃ. Arūpaḥvaṃ. Saññāḥvaṃ.
 Asaññāḥvaṃ. Nevasaññānāsaññāḥvaṃ. Ekavokāraḥvaṃ.
 Catuvokāraḥvaṃ. Pañcavokāraḥvaṃ. Atītaṃ. Anāgataṃ.
 Paccuppannaṃ. Diṭṭhasutamutaviññātabbe dhamme āsīsati sādiyati pattheti
 piheti abhijappatīti nirāsaso so uda āsasāno.

Paññānavā so uda paññakappīti paññānavā soti paṇḍito paññavā
 buddhimā ñāṇī vibhāvī medhāvī. **Uda paññakappīti** udāhu
 aṭṭhasamāpattiñāṇena vā pañcābhiññāṇena vā micchāñāṇena vā
 taṇhākappaṃ vā diṭṭhikappaṃ vā kappeti janeti sañjaneti nibbatteti
 abhinibbattetīti paññānavā so uda paññakappī.

Munim aham Sakka yathā vijaññanti Sakkāti Sakko, Bhagavā
 Sakyakulā pabbajitotipi Sakko. Atha vā aḍḍho mahaddhano dhanavātipi
 Sakko. Tassimāni dhanāni. Seyyathidaṃ, saddhādhanam sīladhanam
 hiridhanam ottappadhanam sutadhanam cāgadhanam paññādhanam
 satipaṭṭhānadhanam sammappadhānadhanam iddhipādadhanam
 indriyadhanam baladhanam bojjaṅgadhanam maggadhanam phaladhanam
 nibbānadhananti, tehi anekavidhehi dhanaratanehi aḍḍho mahaddhano
 dhanavātipi Sakko. Atha vā pahu visavī alamatto sūro Vīro vikkanto abhīrū
 acchambhī anutrāsī apalāyī pahīnabhayabheravo vīgatalomahaṃsotipi
 Sakko. **Munim aham Sakka yathā vijaññanti** Sakka yathāham Munim
 jāneyyam ājāneyyam vijāneyyam paṭivijāneyyam paṭivijjheyanti Munim
 aham Sakka yathā vijaññam.

1. Āsimsati (Syā)

Taṃ me viyācikkha Samantacakkhūti tanti yaṃ pucchāmi, yaṃ yācāmi, yaṃ ajjhesāmi, yaṃ pasādemi. **Viyācikkhāti** ācikkhāhi desehi paññapehi paṭṭhapehi vivarāhi vibhajāhi uttānīkarohi pakāsehi. **Samantacakkhūti** Samantacakkhu vuccati sabbaññutaññaṇaṃ -pa- Tathāgato tena Samantacakkhūti taṃ me viyācikkha Samantacakkhu. Tenāha so brāhmaṇo—

Nirāsaso so uda āsasāno,
Paññāṇavā so uda paññakappī.
Muniṃ ahaṃ Sakka yathā vijaññaṃ,
Taṃ me viyācikkha Samantacakkhūti.

60. Nirāsaso so na ca āsasāno,
Paññāṇavā so na ca paññakappī.
Evampi Todeyya Muniṃ vijāna,
Akiñcanaṃ kāmabhava asattaṃ. (4)

Nirāsaso so na ca āsasānoti nittaṇho so, na so sataṇho rūpe nāsīsati. Sadde. Gandhe -pa- diṭṭhasutamutaviññātabbe dhamme nāsīsati na icchatī na sādiyati na pattheti na piheti nābhijappaṭṭi nirāsaso so na ca āsasāno.

Paññāṇavā so na ca paññakappīti paññāṇavāti paṇḍito paññavā buddhimā ñāṇī vibhāvī medhāvī. **Na ca paññakappīti** aṭṭhasamāpattiñāṇena vā pañcābhiññāṇena vā micchāñāṇena vā taṇhākappaṃ vā na kappeti diṭṭhikappaṃ vā na kappeti na janeti na sañjaneti na nibbatteti nābhiniabbatteti paññāṇavā so na ca paññakappī.

Evampi Todeyya Muniṃ vijānāti Munīti monaṃ vuccati ñāṇaṃ -pa- saṅgajālamaticca so Muni. **Evampi Todeyya Muniṃ vijānāti** Todeyya evaṃ Muniṃ jāna paṭijāna paṭivijāna paṭivijjhāti evampi Todeyya Muniṃ vijāna.

Akiñcanaṃ kāmabhava asattanti akiñcananti rāgakiñcanaṃ dosakiñcanaṃ mohakiñcanaṃ mānakiñcanaṃ diṭṭhikiñcanaṃ kilesakiñcanaṃ duccharitakiñcanaṃ. Yassetāni¹

1. Yassete (Syā)

kiñcanāni¹ pahīnāni samucchinnāni vūpasantāni paṭippassaddhāni abhabbuppattikāni nāṇagginā daḍḍhāni. So vuccati akiñcano. **Kāmāti** uddānato dve kāmā vatthukāmā ca kilesakāmā ca -pa-. Ime vuccanti vatthukāmā -pa-. Ime vuccanti kilesakāmā. **Bhavāti** dve bhavā kammabhavo ca paṭisandhiko ca punabbhavo -pa- ayaṃ paṭisandhiko punabbhavo.

Akiñcanam kāmabhava asattanti akiñcanam puggalam kāme ca bhava ca asattam alaggaṃ alaggitam apalibuddham nikkhantam nissaṭam vippamuttam visaññuttam vimariyādikatena cetasā viharantanti akiñcanam kāmabhava asattam. Tenāha Bhagavā—

Nirāsaso so nā ca āsasāno,
Paññāṇavā so na ca paññakappī.
Evampi Todeyya Munim vijāna,
Akiñcanam kāmabhava asattanti.

Saha gāthāpariyosānā -pa- “Satthā me bhante Bhagavā, sāvako hamasmī”ti.

Todeyyamāṇavapucchāniddeho navamo.

10. Kappamāṇavapucchāniddeho

61. Majjhe sarasmim tiṭṭhatam, (iccāyasmā Kappo,)

Oghe jāte mahabbhaye.

Jarāmaccuparetānam, dīpaṃ pabrūhi mārisa.

Tvañca me dīpamakkhāhi, yathāyidaṃ nāparaṃ siyā. (1)

Majjhe sarasmim tiṭṭhatanti saro vuccati saṃsāro āgamanam gamanam gamanāgamanam kālam gati bhavābhavo cuti ca upapatti ca nibbatti ca bhedo ca jāti ca jarā ca maraṇaṇca. Saṃsārassa purimāpi koṭi na paññāyati, pacchimāpi koṭi na paññāyati. Majjheva saṃsāre sattā ṭhitā patiṭṭhitā allinā upagatā ajjhositā adhimuttā.

1. Kiñcanā (Syā)

Katham saṃsārassa purimā koṭi na paññāyati, ettakā jātiyo vaṭṭam vatti, tato param na vattatīti hevaṃ natthi, evampi saṃsārassa purimā koṭi na paññāyati. Ettakāni jātisatāni vaṭṭam vatti, tato param na vattatīti hevaṃ natthi, evampi saṃsārassa purimā koṭi na paññāyati. Ettakāni jātisahassāni vaṭṭam vatti, tato param na vattatīti hevaṃ natthi, evampi saṃsārassa purimā koṭi na paññāyati. Ettakāni jātisatasahassāni vaṭṭam vatti, tato param na vattatīti hevaṃ natthi, evampi saṃsārassa purimā koṭi na paññāyati. Ettakā jātiyo vaṭṭam vatti, tato param na vattatīti hevaṃ natthi, evampi saṃsārassa purimā koṭi na paññāyati. Ettakāni jātiyoṭisatāni vaṭṭam vatti, tato param na vattatīti hevaṃ natthi, evampi saṃsārassa purimā koṭi na paññāyati. Ettakāni jātiyoṭisahasassāni vaṭṭam vatti, tato param na vattatīti hevaṃ natthi, evampi saṃsārassa purimā koṭi na paññāyati. Ettakāni jātiyoṭisatasahassāni vaṭṭam vatti, tato param na vattatīti hevaṃ natthi, evampi saṃsārassa purimā koṭi na paññāyati.

Ettakāni vassāni vaṭṭam vatti, tato param na vattatīti hevaṃ natthi, evampi saṃsārassa purimā koṭi na paññāyati. Ettakāni vassasatāni vaṭṭam vatti, tato param na vattatīti hevaṃ natthi, evampi saṃsārassa purimā koṭi na paññāyati. Ettakāni vassasahassāni vaṭṭam vatti, tato param na vattatīti hevaṃ natthi, evampi saṃsārassa purimā koṭi na paññāyati. Ettakāni vassasatasahassāni vaṭṭam vatti, tato param na vattatīti hevaṃ natthi, evampi saṃsārassa purimā koṭi na paññāyati. Ettakāni vassasahasassāni vaṭṭam vatti, tato param na vattatīti hevaṃ natthi, evampi saṃsārassa purimā koṭi na paññāyati. Ettakāni vassasahasassāni vaṭṭam vatti, tato param na vattatīti hevaṃ natthi, evampi saṃsārassa purimā koṭi na paññāyati. Ettakāni vassasahasassāni vaṭṭam vatti, tato param na vattatīti hevaṃ natthi, evampi saṃsārassa purimā koṭi na paññāyati. Ettakāni vassasahasassāni vaṭṭam vatti, tato param na vattatīti hevaṃ natthi, evampi saṃsārassa purimā koṭi na paññāyati. Ettakāni vassasahasassāni vaṭṭam vatti, tato param na vattatīti hevaṃ natthi, evampi saṃsārassa purimā koṭi na paññāyati.

Ettakāni kappāni vaṭṭam vatti, tato param na vattatīti hevaṃ natthi, evampi saṃsārassa purimā koṭi na paññāyati. Ettakāni kappasatāni

vaṭṭaṃ vatti, tato paraṃ na vattaṭṭi hevaṃ natthi, evampi saṃsārassa purimā koṭi na paññāyati. Ettakāni kappasahassāni vaṭṭaṃ vatti, tato paraṃ na vattaṭṭi hevaṃ natthi, evampi saṃsārassa purimā koṭi na paññāyati. Ettakāni kappasahasahassāni vaṭṭaṃ vatti, tato paraṃ na vattaṭṭi hevaṃ natthi, evampi saṃsārassa purimā koṭi na paññāyati. Ettakāni kappakoṭiyo vaṭṭaṃ vatti, tato paraṃ na vattaṭṭi hevaṃ natthi, evampi saṃsārassa purimā koṭi na paññāyati. Ettakāni kappakoṭisatāni vaṭṭaṃ vatti, tato paraṃ na vattaṭṭi hevaṃ natthi, evampi saṃsārassa purimā koṭi na paññāyati. Ettakāni kappakoṭisahasahassāni vaṭṭaṃ vatti, tato paraṃ na vattaṭṭi hevaṃ natthi. Evampi saṃsārassa purimā koṭi na paññāyati. Ettakāni kappakoṭisatasahassāni vaṭṭaṃ vatti, tato paraṃ na vattaṭṭi hevaṃ natthi, evampi saṃsārassa purimā koṭi na paññāyati.

Vuttaṃ hettaṃ Bhagavatā—anamataggoyaṃ bhikkhave saṃsāro pubbā koṭi na paññāyati avijjānīvaraṇānaṃ sattānaṃ taṇhāsamyojanānaṃ sandhāvataṃ saṃsarataṃ. Evaṃ dīgharattaṃ kho bhikkhave dukkhaṃ paccanubhūtaṃ tibbaṃ paccanubhūtaṃ byasanaṃ paccanubhūtaṃ kaṭasī vadḍhitā¹, yāvañcidaṃ bhikkhave alameva sabbasaṅkhāresu nibbindituṃ, alaṃ virajjituṃ, alaṃ vimuccitunti evampi saṃsārassa purimā koṭi na paññāyati.

Kathaṃ saṃsārassa pacchimā koṭi na paññāyati. Ettakā jātiyo vaṭṭaṃ vattissati, tato paraṃ na vattissatṭi hevaṃ natthi, evampi saṃsārassa pacchimā koṭi na paññāyati. Ettakāni jātisatāni. Ettakāni jātisahassāni. Ettakāni jātisahasahassāni -pa-. Ettakā jātikoṭiyo. Ettakāni jātikoṭisatāni. Ettakāni jātikoṭisahasahassāni. Ettakāni jātikoṭisatasahasahassāni. Ettakāni vassāni. Ettakāni vassāsātāni. Ettakāni vassasahasahassāni. Ettakāni vassasahasahassāni. Ettakāni vassakoṭiyo. Ettakāni vassakoṭisatāni. Ettakāni vassakoṭisahasahassāni. Ettakāni vassakoṭisatasahasahassāni. Ettakāni kappāni. Ettakāni kappasātāni. Ettakāni kappasahasahassāni. Ettakāni kappasahasahassāni. Ettakāni kappakoṭiyo. Ettakāni

1. Kaṭasīvavadḍhitāṃ (Syā) passa Saṃ 1. 387 piṭṭhe.

kappakoṭṭisatāni. Ettakāni kappakoṭṭisahassāni. Ettakāni kappakoṭṭisatasahassāni vaṭṭaṃ vattissati. Tato paraṃ na vattissatīti hevaṃ natthi, evampi saṃsārassa pacchimā koṭṭi na paññāyati. Evampi saṃsārassa purimāpi koṭṭi na paññāyati, pacchimāpi koṭṭi na paññāyati. Majjheva saṃsāre sattā ṭhitā patitṭhitā allinā upagatā ajjhositā adhimuttāti majjhe sarasmiṃ tiṭṭhataṃ. **Iccāyasmā Kappoti iccāti** padasandhi -pa-. **Āyasmāti** piyavacanaṃ -pa-. **Kappoti** tassa brāhmaṇassa nāmaṃ -pa- abhilāpoti iccāyasmā Kappo.

Oghe jāte mahabbhayeti kāmoghe bhavoghe diṭṭhoghe avijjoghe jāte sañjāte nibbatte abhinibbatte pātubhūte. **Mahabbhayeti** jātibhaye jarābhaye byādhibhaye maraṇabhayeti oghe jāte mahabbhaye.

Jarāmaccuparetānanti jarāya phuṭṭhānaṃ paretānaṃ samohitānaṃ samannāgatānaṃ. Maccunā phuṭṭhānaṃ paretānaṃ samohitānaṃ samannāgatānaṃ, jātiyā anugātānaṃ jarāya anusaṭānaṃ byādhinā abhibhūtānaṃ maraṇena abbhāhatānaṃ atāṇānaṃ aleṇānaṃ asaraṇānaṃ asaraṇibhūtānanti jarāmaccuparetānaṃ.

Dīpaṃ pabrūhi mārisāti dīpaṃ tāṇaṃ leṇaṃ saraṇaṃ gatim parāyanaṃ¹ brūhi ācikkhāhi desehi paññapehi paṭṭhapehi vivarāhi vibhajāhi uttānīkarohi pakāsehi. **Mārisāti** piyavacanaṃ garuvacanaṃ saḡaravasappatissādhivacanaṃetaṃ mārisāti dīpaṃ pabrūhi mārisa.

Tvaṅca me dīpamakkhāhīti tvanti Bhagavantaṃ bhaṇāti. **Dīpamakkhāhīti** dīpaṃ tāṇaṃ leṇaṃ saraṇaṃ gatim parāyanaṃ akkhāhi ācikkhāhi desehi paññapehi paṭṭhapehi vivarāhi vibhajāhi uttānīkarohi pakāsehīti tvaṅca me dīpamakkhāhi.

Yathāyidaṃ nāparaṃ siyāti yathayidaṃ dukkhaṃ idheva nirujjheyya vūpasameyya atthaṃ gaccheyya paṭippassambheyya, punapaṭṭisandhikaṃ dukkhaṃ na nibbatteyya, kāmadhātuyā vā rūpadhātuyā vā arūpadhātuyā vā kāmabhaye vā rūpabhaye

1. Gatiparāyanaṃ (Syā) evamuparipi.

vā arūpabhavā vā saññābhavā vā asaññābhavā vā nevasaññānāsaññābhavā
vā ekavokārabhavā vā catuvokārabhavā vā pañcavokārabhavā vā punagatiyā
vā upapattiyā vā paṭisandhiyā vā bhavā vā saṃsāre vā vaṭṭe vā na jāneyyā
na sañjāneyyā na nibbatteyyā nābhinibbatteyyā idheva nirujjheyya
vūpasameyyā atthaṃ gaccheyya paṭippassambhēyyāti yathāyidaṃ nāparam
siyā. Tenāha so brāhmaṇo—

Majjhe sarasmiṃ tiṭṭhataṃ, (iccāyasmā Kappo,)

Oghe jāte mahabbhaye.

Jarāmaccuparetānaṃ, dīpaṃ pabrūhi mārisa.

Tvaṅca me dīpamakkhāhi, yathāyidaṃ nāparam siyāti.

62. Majjhe sarasmiṃ tiṭṭhataṃ, (Kappāti Bhagavā,)

Oghe jāte mahabbhaye.

Jarāmaccuparetānaṃ, dīpaṃ pabrūmi Kappa te. (2)

Majjhe sarasmiṃ tiṭṭhataṃti saro vuccati saṃsāro āgamaṇaṃ gamaṇaṃ
gamaṇāgamaṇaṃ kālaṃ gati bhavābhavo cuti ca upapatti ca nibbatti ca
bhedo ca jāti ca jarā ca maraṇaṅca. Saṃsārassa purimāpi koṭi na paññāyati,
pacchimāpi koṭi na paññāyati. Majjheva saṃsāre sattā ṭhitā patiṭṭhitā allīnā
upagatā ajjhositā adhimuttā.

Kathaṃ saṃsārassa purimā koṭi na paññāyati -pa-. Evaṃ saṃsārassa
purimā koṭi na paññāyati. Kathaṃ saṃsārassa pacchimā koṭi na paññāyati
-pa-. Evaṃ saṃsārassa pacchimā koṭi na paññāyati. Evaṃ saṃsārassa
purimāpi koṭi na paññāyati, pacchimāpi koṭi na paññāyati. Majjheva
saṃsāre sattā ṭhitā patiṭṭhitā allīnā upagatā ajjhositā adhimuttāti majjhe
sarasmiṃ tiṭṭhataṃ. **Kappāti Bhagavāti Kappāti Bhagavā** taṃ brāhmaṇaṃ
nāmena ālapati. **Bhagavāti** gāravādhivacanametam -pa- sacchikā paññatti,
yadidaṃ Bhagavāti Kappāti Bhagavā.

Oghe jāte mahabbhayeti kāmoghe bhavoghe diṭṭhoghe avijjoghe jāte
sañjāte nibbatte abhinibbatte pātubhūte. **Mahabbhayeti** jātibhaye jarābhaye
byādhibhaye maraṇabhaye oghe jāte mahabbhaye.

Jarāmaccuparetānanti jarāya phuṭṭhānaṃ paretānaṃ samohitānaṃ samannāgatānaṃ. Maccunā phuṭṭhānaṃ paretānaṃ samohitānaṃ samannāgatānaṃ jātiyā anugatānaṃ jarāya anusaṭānaṃ byādhiṇā abhibhūtānaṃ maraṇena abbhāhatānaṃ atāṇānaṃ aleṇānaṃ asaraṇānaṃ asaraṇibhūtānanti jarāmaccuparetānaṃ.

Dīpaṃ pabrūmi Kappa teti dīpaṃ tāṇaṃ leṇaṃ saraṇaṃ gatiṃ parāyanaṃ brūmi ācikkhāmi desemi paññapemi paṭṭhapemi vivarāmi vibhajāmi uttānikaromi pakāsemīti dīpaṃ pabrūmi Kappa te. Tenāha Bhagavā—

Majjhe sarasmiṃ tiṭṭhataṃ, (Kappāti Bhagavā,)

Oghe jāte mahabbhaye.

Jarāmaccuparetānaṃ, dīpaṃ pabrūmi kappa teti.

63. Akiñcanaṃ anādānaṃ, etaṃ dīpaṃ anāparaṃ.

Nibbānaṃ iti naṃ brūmi, jarāmaccuparikkhayaṃ. (3)

Akiñcanaṃ anādānanti kiñcananti rāgakiñcanaṃ dosakiñcanaṃ mohakiñcanaṃ mānakiñcanaṃ diṭṭhikiñcanaṃ kilesakiñcanaṃ duccharitakiñcanaṃ, kiñcanappahānaṃ kiñcanavūpasamaṃ¹ kiñcanapaṭinissaggaṃ² kiñcanapaṭippassaddhiṃ amataṃ nibbānanti akiñcanaṃ. **Anādānanti ādānaṃ** vuccati taṇhā. Yo rāgo sārāgo -pa- abhijjhā lobho akusalamūlaṃ, ādānappahānaṃ ādānavūpasamaṃ ādānapaṭinissaggaṃ ādānapaṭippassaddhiṃ amataṃ nibbānanti akiñcanaṃ anādānaṃ.

Etaṃ dīpaṃ anāparanti etaṃ dīpaṃ tāṇaṃ leṇaṃ saraṇaṃ gatiṃ parāyanaṃ. **Anāparanti** tamhā paro añño dīpo natthi, atha kho so evaṃ dīpo aggo ca seṭṭho ca viseṭṭho ca pāmokkho ca uttamo ca pavaro cāti etaṃ dīpaṃ anāparaṃ.

Nibbānaṃ iti naṃ brūmīti vānaṃ vuccati taṇhā. Yo rāgo sārāgo -pa- abhijjhā lobho akusalamūlaṃ, vānappahānaṃ vānavūpasamaṃ vānapaṭinissaggaṃ vānapaṭippassaddhiṃ amataṃ nibbānaṃ. **Itīti** padasandhi padasaṃsaggo padapāripūrī akkharasamavāyo byañjanasiliṭṭhatā padānupubbatāpetāṃ itīti.

1. Kiñcanavūpasamo (Syā) evamīdisesu ṭhānesu.

2. Kiñcanapaṭinissaggo (Syā)

Brūmīti brūmi ācikkhāmi desemi paññapemi paṭṭhapemi vivarāmi vibhajāmi uttānīkaromi pakāsemīti nibbānaṃ iti naṃ brūmi.

Jarāmaccuparikkhayanti jarāmaraṇassa pahānaṃ vūpasamaṃ paṭinissaggaṃ paṭippassaddhiṃ amataṃ nibbānanti jarāmaccuparikkhayaṃ. Tenāha Bhagavā—

Akiñcanaṃ anādānaṃ, etaṃ dīpaṃ anāparaṃ,
Nibbānaṃ iti naṃ brūmi, jarāmaccuparikkhayanti.

64. Etadaññāya ye satā, diṭṭhadhammābhiniibbutā.

Na te māravasānugā, na te mārassa paddhagū¹. (4)

Etadaññāya ye satāti etanti amataṃ nibbānaṃ. Yo so sabbasaṅkhārasamatho sabbūpadhipaṭinissaggo taṇhakkhayo virāgo nirodho nibbānaṃ. **Aññāyāti** aññāya jānitvā tulayitvā tīrayitvā vibhāvayitvā vibhūtaṃ katvā, “sabbe saṅkhārā aniccā”ti -pa-. “Yaṃ kiñci samudayadhammaṃ, sabbaṃ taṃ nirodhadhammaṃ”ti aññāya jānitvā tulayitvā tīrayitvā vibhāvayitvā vibhūtaṃ katvā. **Yeti** arahanto khīṇāsavā. **Satāti** catūhi kāraṇehi satā, kāye kāyānupassānāsati paṭṭhānaṃ bhāventā² satā -pa- te vuccanti satāti etadaññāya ye satā.

Diṭṭhadhammābhiniibbutāti diṭṭhadhammāti diṭṭhadhammā ñātadhammā tulitadhammā tīritadhammā vibhūtadhammā vibhāvitadhammā. **Abhiniibbutāti** rāgassa nibbāpitattā nibbutā, dosassa -pa- sabbākusalābhisaṅkhārānaṃ santattā samitattā vūpasamitattā nijjhātattā nibbutattā paṭippassaddhattā santā upasantā vūpasantā nibbutā paṭippassaddhāti diṭṭhadhammābhiniibbutā.

Na te māravasānugāti māroti yo so māro kaṇho adhipati antagū namuci pamattabandhu. **Na te māravasānugāti** na te mārassa vase vattanti, nāpi māro tesu vasaṃ vatteti, te mārañca mārapakkhañca mārapāsañca mārabalīsañca³ mārāmisañca māravisañca māranivāsañca māragocarañca mārabandhanañca abhibhuyya abhibhavitvā ajjhottharivā pariyādiyitvā madditvā caranti viharanti iriyanti vattenti pārenti yapenti yāpentīti na te māravasānugā.

1. Paṭṭhagū (Syā, Ka)

2. Bhāvitattā (Ka)

3. Mārabalīsañca (Ka)

Na te mārassa paddhagūti na te mārassa paddhā paddhacarā¹ paricārikā siyā, Buddhassa te Bhagavato paddhā paddhacarā paricārikā siyāti na te mārassa paddhagū. Tenāha Bhagavā—

Etadaññāya ye satā, diṭṭhadhammābhiniḅbutā.

Na te māravasānugā, na te mārassa paddhagūti.

Saha gāthāpariyosānā -pa- “Satthā me bhante Bhagavā, sāvakohamasmī”ti.

Kappamāṇavapucchāniddeśo dasamo.

11. Jatukaṇṇimāṇavapucchāniddeśa

65. Sutvānaḅam Vīra akāmakāmiḅ, (iccāyasmā Jatukaṇṇi,)

Oghātigaḅ puṭṭhumakāmamāgamaḅ.

Santipadaḅ brūhi sahajanetta,

Yathātacchaḅ Bhagavā brūhi me'taḅ. (1)

Sutvānaḅam Vīra akāmakāminti sutvā suṇitvā uggahetvā upadhāretvā upalakkhayitvā “itipi so Bhagavā Arahaḅ -pa- Buddhō Bhagavā”ti sutvānaḅam. **Vīranti** Vīro, Bhagavā vīriyavāti Vīro, pahūti Vīro, visavīti Vīro, alamattoti Vīro, sūroti Vīro, vikkanto abhīrū acchambhī anutrāsī apalāyī pahīnabhayaḅheravo vigatalomahaḅsoti Vīro.

Virato idha sabbapāpakehi,

Nirayadukkhaḅ aticca vīriyavāso².

So vīriyavā padhānavā,

Vīro tādi pavuccate tathattāti.

Sutvānaḅam Vīra. . **Akāmakāminti** **kāmāti** uddānato dve kāmā vatthukāmā ca kilesakāmā ca -pa-. Ime vuccanti vatthukāmā -pa-. Ime vuccanti kilesakāmā. Buddhassa Bhagavato vatthukāmā pariññātā, kilesakāmā pahīnā, vatthukāmānaḅ pariññātattā kilesakāmānaḅ

1. Paṭṭhā paṭṭhacarā (Syā, Ka)

2. Viriyavā (Syā) Khu 1. 360 piṭṭhepi.

pahīnattā Bhagavā na kāme kāmeti, na kāme pattheti, na kāme piheti, na kāme abhijappati. Ye kāme kāmenti, kāme patthenti, kāme pihenti, kāme abhijappanti, te kāmakāmino rāgarāgino saññāsaññino, Bhagavā na kāme kāmeti, na kāme pattheti, na kāme piheti, na kāme abhijappati, tasmā Buddho akāmo nikkāmo cattaḱāmo vantaḱāmo muttakāmo pahīnaḱāmo paṭinissaṭṭhaḱāmo vītarāgo vigatarāgo cattaṛāgo vantaṛāgo muttarāgo pahīnaṛāgo paṭinissaṭṭhaṛāgo nicchāto nibbuto sītibhūto sukhappaṭisaṃvedī brahmabhūtena attanā viharatīti sutvānahaṃ Vīra akāmakāmiṃ.

Iccāyasmā Jatukaṇṇīti iccāti padasandhi -pa- padānupubbatāpetam iccāti. **Āyasmāti** piyavacanam sagāravasappatisādhivacanametam āyasmāti. **Jatukaṇṇīti** tassa brāhmaṇassa gottam saṅkhā samaññā paññatti vohāroti iccāyasmā Jatukaṇṇi.

Oghātigam puṭṭhumakāmamāgamanti oghātiganti oghātigam ogham atikkantam samatikkantam vītivattanti oghātigam. **Puṭṭhanti puṭṭhum** pucchitum yāciturum ajjhesiturum pasādetum. **Akāmamāgamanti** akāmam puṭṭhum nikkāmam cattaḱāmam vantaḱāmam muttakāmam pahīnaḱāmam paṭinissaṭṭhaḱāmam vītarāgam vigatarāgam cattaṛāgam vantaṛāgam muttarāgam pahīnaṛāgam paṭinissaṭṭhaṛāgam āgamhā āgatamhā upāgatamhā sampattamhā tayā saddhim samāgatamhāti oghātigam puṭṭhumakāmamāgamam.

Santipadam brūhi sahanettāti santīti ekena ākārena santipi santipadampi¹ taṃyeva amataṃ nibbānam. Yo so sabbasaṅkhārasamatho sabbūpadhipaṭinissaggo taṇhakkhayo virāgo nirodho nibbānam. Vuttam hetam Bhagavatā—santametam padam, paṇītametam padam, yadidam sabbasaṅkhārasamatho sabbūpadhipaṭinissaggo taṇhakkhayo virāgo nirodho nibbānanti. Athāparenākārena ye dhammā santādhigamāya santiphusanāya santisacchikiriyāya samvattanti. Seyyathidam, cattāro satipaṭṭhānā cattāro sammappadhānā cattāro iddhipādā pañcindriyāni pañca balāni satta bojjhaṅgā

1. Santipadanti (Ka)

ariyo aṭṭhaṅgiko maggo, ime vuccanti santipadā. Santipadaṃ tāṇapadaṃ leṇapadaṃ saraṇapadaṃ abhayapadaṃ accutapadaṃ amatapadaṃ nibbānapadaṃ brūhi ācikkhāhi desehi paññapehi paṭṭhapehi vivarāhi vibhajāhi uttānikarohi pakāsehi. **Sahajanettāti nettam** vuccati sabbaññutaññānam. Buddhassa Bhagavato nettañca jinabhāvo ca bodhiyā mūle apubbaṃ acarimaṃ ekasmiṃ khaṇe uppanno tasmā Buddho sahanettoti santipadaṃ brūhi sahanetta.

Yathātacchaṃ Bhagavā brūhi me'tanti yathātacchaṃ vuccati amataṃ nibbānaṃ -pa- nirodho nibbānaṃ. **Bhagavāti** gāravādhivacanaṃ -pa- sacchikā paññatti, yadidaṃ Bhagavāti. **Brūhi metanti** brūhi ācikkhāhi -pa- pakāsehīti yathātacchaṃ Bhagavā brūhi me'tam. Tenāha so brāhmaṇo—

Sutvānaṃ Vīra akāmakāmiṃ, (iccāyasmā Jatukaṇṇi)
Oghātiṃ puṭṭhumakāmaṃgamaṃ.
Santipadaṃ brūhi sahanetta,
Yathātacchaṃ Bhagavā brūhi me'tanti.

66. Bhagavā hi kāme abhibhuyya iriyati,

Ādiccova pathaviṃ tejī tejasā.

Parittapaññassa me Bhūripañño,

Ācikkha dhammaṃ yamaṃ vijaññaṃ.

Jātijarāya idha vippahānaṃ.

(2)

Bhagavā hi kāme abhibhuyya iriyatīti **Bhagavāti** gāravādhivacanaṃ -pa- sacchikā paññatti, yadidaṃ Bhagavāti. **Kāmāti** uddānato dve kāmā vatthukāmā ca kilesakāmā ca -pa-. Ime vuccanti vatthukāmā -pa-. Ime vuccanti kilesakāmā. Bhagavā vatthukāme parijānitvā kilesakāme pahāya abhibhuyya abhibhavitvā ajjhottharivā pariyādiyivā carati viharati iriyati vatteti pāleti yapeti yāpetīti Bhagavā hi kāme abhibhuyya iriyati.

Ādiccova pathaviṃ tejī tejasāti ādicco vuccati sūriyo¹. Pathavī vuccati jagatī². Yathā sūriyo tejī tejena samannāgato

1. Suriyo (Syā)

2. Jarā (Syā)

pathaviṃ abhibhuyya abhibhavitvā ajjhottharivā pariyādiyivā santāpayivā sabbaṃ ākāśagataṃ tamagataṃ abhivihacca andhakāraṃ vidhamitvā ālokaṃ dassayitvā ākāse antalikkhe gaganapathe¹ gacchati. Evameva Bhagavā ñāṇatejī ñāṇatejena samannāgato sabbaṃ abhisankhārasamudayaṃ -pa-kilesatamaṃ avijjandhakāraṃ vidhamitvā ñāṇālokaṃ dassetvā vatthukāme pari jānitvā kilesakāme pahāya abhibhuyya abhibhavitvā ajjhottharivā pariyādiyivā madditvā carati viharati iriyati vatteti pāleti yapeti yāpetī ādiccova pathaviṃ tejī tejasā.

Parittapaññaṃ me Bhūripaññaṃ ahamasmi parittapaññaṃ omakapaññaṃ lāmakapaññaṃ chatukkapaññaṃ. Tvampi mahāpaññaṃ puthupaññaṃ hāsapaññaṃ javanapaññaṃ tikkhapaññaṃ nibbedhikapaññaṃ. Bhūri vuccati pathavī. Bhagavā tāya pathavisamāya paññāya vipulāya vitthatāya samannāgatoti parittapaññaṃ me Bhūripaññaṃ.

Ācikkha dhammaṃ yamaṃ vijaññanti dhammanti ādikalyāṇaṃ majjhakalyāṇaṃ pariyosānakalyāṇaṃ sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ cattāro satipaṭṭhāne -pa-nibbānaṃca nibbānagāminiṃca paṭipadaṃ ācikkhāhi desehi paññapehi paṭṭhapehi vivarāhi vibhajāhi uttānikarohi pakāsehi. **Yamaṃ vijaññanti** yamaṃ jāneyyaṃ ajāneyyaṃ vijāneyyaṃ paṭijāneyyaṃ paṭivijjheyyaṃ adhigaccheyyaṃ phasseyyaṃ sacchikareyyanti ācikkha dhammaṃ yamaṃ vijaññaṃ.

Jātijarāya idha vipphānanti idheva jātijarāya maraṇassa pahānaṃ vūpasamaṃ paṇissaggaṃ paṭippassaddhiṃ amataṃ nibbānanti jātijarāya idha vipphānaṃ. Tenāha so brāhmaṇ—

Bhagavā hi kāme abhibhuyya iriyati,
 Ādiccova pathaviṃ tejī tejasā.
 Parittapaññaṃ me Bhūripaññaṃ,
 Ācikkha dhammaṃ yamaṃ vijaññaṃ.
 Jātijarāya idha vipphānanti.

1. Gamanapathe (Syā) Aṭṭhakathā oloketabbā.

67. Kāmesu vinaya gedhaṃ (Jatukaṇṇīti Bhagavā,)**Nekkhammaṃ daṭṭhu khemato.****Uggahitaṃ nirattaṃ vā, mā te vijjittha kiñcanaṃ. (3)**

Kāmesu vinaya gedhanti kāmāti uddānato dve kāmā vatthukāmā ca kilesakāmā ca -pa-. Ime vuccanti vatthukāmā -pa-. Ime vuccanti kilesakāmā. **Gedhanti** gedho vuccati taṇhā. Yo rāgo sārāgo -pa- abhiḥhā lobho akusalamūlaṃ. **Kāmesu vinaya gedhanti** kāmesu gedhaṃ vinaya paṭivīnaya pajaha vinodehi byantikarohi anabhāvaṃ gamehīti kāmesu vinaya gedhaṃ. **Jatukaṇṇīti** Bhagavā taṃ brāhmaṇaṃ gottena ālapati. **Bhagavāti** gāravādhivacanametāṃ -pa- sacchikā paññatti, yadidaṃ Bhagavāti Jatukaṇṇīti Bhagavā.

Nekkhammaṃ daṭṭhu khematoti nekkhammanti sammāpaṭipadaṃ anulomapaṭipadaṃ apaccanīkapaṭipadaṃ anvatthapaṭipadaṃ dhammānudhammapaṭipadaṃ sīlesu paripūrakāritaṃ indriyesu guttadvārataṃ bhojane mattaññutaṃ jāgariyānuyogaṃ satisampajaññaṃ cattāro satipaṭṭhāne cattāro sammappadhāne cattāro iddhipāde pañcindriyāni pañca balāni satta bojjhaṅge ariyaṃ aṭṭhaṅgikaṃ maggaṃ nibbānaṃca nibbānagāminiṃca paṭipadaṃ khemato tāṇato leṇato saraṇato saraṇībhūtaṃ abhayato accutato amatato nibbānato daṭṭhuṃ passivā tulayitvā tīrayitvā vibhāvayitvā vibhūtaṃ katvāti nekkhammaṃ daṭṭhu khemato.

Uggahitaṃ nirattaṃ vāti uggahitanti taṇhāvasena diṭṭhivasena gahitaṃ parāmaṭṭhaṃ abhinivīṭṭhaṃ ajjhositāṃ adhimuttaṃ. **Nirattaṃ vāti** nirattaṃ vā muñcitabbaṃ vijahitabbaṃ vinoditabbaṃ byantikātabbaṃ anabhāvaṃ gametabbanti uggahitaṃ nirattaṃ vā.

Mā te vijjittha kiñcananti rāgakiñcanaṃ dosaḥkiñcanaṃ mohakiñcanaṃ mānakiñcanaṃ diṭṭhikiñcanaṃ kilesakiñcanaṃ duccharitakiñcanaṃ. Idaṃ kiñcanaṃ¹ tuyhaṃ mā vijjittha mā pavijjittha mā samvijjittha pajaha vinodehi byantikarohi anabhāvaṃ gamehīti mā te vijjittha kiñcanaṃ. Tenāha Bhagavā—

1. Ime kiñcanā (Ka)

Kāmesu vinaya gedham, (Jatukaṇṇīti Bhagavā,
Nekkhammaṃ daṭṭhu khemato.
Uggahitaṃ nirattaṃ vā, mā te vijjittha kiñcanaṃti.

68. Yaṃ pubbe taṃ visosehi, pacchā te māhu kiñcanaṃ.

Majjhe ce no gahessasi, upasanto carissasi. (4)

Yaṃ pubbe taṃ visosehīti atīte saṅkhāre ārabba ye kilesā uppajjeyyūṃ, te kilese sosehi visosehi sukkhāpehi visukkhāpehi abījaṃ karoḥi pajaha vinodehi byantīkaroḥi anabhāvaṃ gamehīti evampi yaṃ pubbe taṃ visosehi. . Atha vā ye atītā kammābhisaṅkhārā avipakkavipākā, te kammābhisaṅkhāre sosehi visosehi sukkhāpehi visukkhāpehi abījaṃ¹ karoḥi pajaha vinodehi byantīkaroḥi anabhāvaṃ gamehīti evampi yaṃ pubbe taṃ visosehi.

Pacchā te māhu kiñcanaṃti pacchā vuccati anāgate saṅkhāre ārabba rāgakiñcanaṃ dosakiñcanaṃ mohakiñcanaṃ mānakiñcanaṃ diṭṭhikiñcanaṃ kilesakiñcanaṃ duccharitakiñcanaṃ, idaṃ kiñcanaṃ tuyhaṃ mā ahu mā ahosi mā janesi² mā sañjanesi mābhiniḃbattesī pajaha vinodehi byantīkaroḥi anabhāvaṃ gamehīti pacchā te māhu kiñcanaṃ.

Majjhe ce no gahessasīti majjhe vuccati paccuppannaṃ rūpaṃ vedanā saññā saṅkhārā viññāṇaṃ, paccuppanne saṅkhāre taṇhāvasena diṭṭhivasena na gahessasi na gaṇhissasi na parāmasissasi na nandissasi nābhinandissasi na ajjhossasi, abhinandanaṃ abhivadaṇaṃ ajjhosānaṃ gāhaṃ parāmāsaṃ abhinivesaṃ pajahissasi vinodessasi byantīkarissasi anabhāvaṃ gamessasīti majjhe ce no gahessasi.

Upasanto carissasīti rāgassa upasamitattā upasanto carissasi, dosassa -pa- sabbākusalābhisaṅkhārānaṃ santattā samitattā upasamitattā vūpasamitattā nijjhātattā nibbutattā vigatattā paṭippassaddhattā santo upasanto vūpasanto nibbuto paṭippassaddho carissasi viharissasi

1. Avījaṃ (Syā)

2. Mā janehi (Syā) tathāvasesesu dvīsu padesupi.

iriyissasi vattissasi pālessasi yapessasi yāpessasīti upasanto carissasi.

Tenāha Bhagavā—

Yaṃ pubbe taṃ visosehi, pacchā te māhu kiñcanaṃ.

Majjhe ce no gahessasi, upasanto carissasīti.

69. Sabbaso nāmarūpasmim, vītagedhassa brāhmaṇa.

Āsavāssa na vijjanti, yehi maccuvasaṃ vaje. (5)

Sabbaso nāmarūpasmim, vītagedhassa brāhmaṇāti sabbasoti sabbena sabbam sabbathā sabbam asesam nissesam pariyādiyanavacanametam sabbasoti. **Nāmantī** cattāro arūpino khandhā. **Rūpanti** cattāro ca mahābhūtā catunnaṅca mahābhūtānaṃ upādāya rūpaṃ. Gedho vuccati taṅhā. Yo rāgo sārāgo -pa- abhihā lobho akusalamūlam. **Sabbaso nāmarūpasmim, vītagedhassa brāhmaṇāti** sabbaso nāmarūpasmim vītagedhassa vigatagedhassa cattagedhassa vantagedhassa muttagedhassa pahīnagedhassa paṭinissaṭṭhagedhassa, vītarāgassa vigatarāgassa cattarāgassa vantarāgassa muttarāgassa pahīnarāgassa paṭinissaṭṭharāgassāti sabbaso nāmarūpasmim, vītagedhassa brāhmaṇa.

Āsavāssa na vijjantīti āsavāti cattāro āsavā kāmāsavo bhavāsavo diṭṭhāsavo avijjāsavo. **Assāti** arahato khīṇāsavassa. **Na vijjantīti** ime āsavā tassa natthi na santi na saṃvijjanti nupalabbhanti, pahīnā samucchinnā vūpasantā paṭippassaddhā abhabbuppattikā ñāṇagginā daḍḍhāti āsavāssa na vijjanti.

Yehi maccuvasaṃ vajeti yehi āsavehi maccuno vā vasaṃ gaccheyya, maraṇassa vā vasaṃ gaccheyya, mārapakkhassa vā vasaṃ gaccheyya, te āsavā tassa natthi na santi na saṃvijjanti nupalabbhanti, pahīnā samucchinnā vūpasantā paṭippassaddhā abhabbuppattikā ñāṇagginā daḍḍhāti yehi maccuvasaṃ vaje. Tenāha Bhagavā—

Sabbaso nāmarūpasmim, vītagedhassa brāhmaṇa.

Āsavāssa na vijjanti, yehi maccuvasaṃ vajeti.

Saha gāthāpariyosānā -pa- “Satthā me bhante Bhagavā,
sāvakoḥamasmī”ti.

Jātukaṇṇimāṇavapucchāniddeśo ekādasamo.

12. Bhadrāvudhamāṇavapucchāniddeśa

70. Okañjaham taṇhacchidam anejam, (iccāyasmā Bhadrāvudho,
Nandiñjaham oghatiṇṇam vimuttam.
Kappañjaham abhiyāce sumedham,
Sutvāna nāgassa apanamissanti¹ ito. (1)

Okañjaham taṇhacchidam anejanti okañjahanti rūpadhātuyā yo chando
yo rāgo yā nandī yā taṇhā ye upayupādānā² cetaso
adhiṭṭhānābhinivesānusayā, te Buddhassa Bhagavato pahīnā ucchinnamūlā
tālāvatthukatā anabhāvaṃkatā āyatim anuppādadhammā. Tasmā Buddho
okañjaho. Vedanādhātuyā. Saññādhātuyā. Saṅkhāradhātuyā. Viññādhātuyā
yo chando yo rāgo yā nandī yā taṇhā ye upayupādānā cetaso
adhiṭṭhānābhinivesānusayā, te Buddhassa Bhagavato pahīnā ucchinnamūlā
tālāvatthukatā anabhāvaṃkatā āyatim anuppādadhammā, tasmā Buddho
okañjaho.

Taṇhacchidanti taṇhāti rūpatañhā -pa- dhammatañhā, sā taṇhā
Buddhassa Bhagavato chinnā ucchinnā samucchinnā vūpasantā
paṭippassaddhā abhabbuppattikā ñāṇagginā daḍḍhā, tasmā Buddho
taṇhacchido. Anejoti ejā vuccati taṇhā, yo rāgo sārāgo -pa- abhijjhā lobho
akusalamūlam. Sā ejā taṇhā Buddhassa Bhagavato pahīnā ucchinnamūlā
tālāvatthukatā anabhāvaṃkatā āyatim anuppādadhammā, tasmā Buddho
anejo. Ejāya pahīnattā anejo. Bhagavā lābhēpi na iñjati, alābhēpi na iñjati,
yasepi na iñjati, ayasepi na iñjati, pasamsāyapi na iñjati, nindāyapi na iñjati,
sukhēpi na iñjati, dukkhēpi na iñjati na calati na vedhati na pavedhati na
sampavedhatīti tasmā Buddho

1. Apagamissanti (Ka)

2. Upāyupādānā (Ka)

anejoti okañjaham taṇhacchidam anejam. **Iccāyasmā Bhadrāvudhoti iccāti** padasandhi -pa-. **Āyasmāti** piyavacanam -pa-. **Bhadrāvudhoti** tassa brāhmaṇassa nāmam -pa- abhilāpoti iccāyasmā Bhadrāvudho.

Nandiñjaham oghatiṇṇam vimuttanti nandī vuccati taṇhā. Yo rāgo sārāgo -pa- abhijjhā lobho akusalamūlam, sā nandī sā taṇhā Buddhassa Bhagavato pahīnā ucchinnamūlā tālāvattthukatā anabhāvamkatā āyatim anuppādadhama, tasmā Buddho nandiñjiho. **Oghatiṇṇanti** Bhagavā kāmogham tiṇṇo, bhavogham tiṇṇo, diṭṭhogham tiṇṇo, avijjogham tiṇṇo, sabbasaṃsārapatham tiṇṇo uttiṇṇo nitthiṇṇo atikkanto samatikkanto vītivatto, so vutthavāso ciṇṇacaraṇo -pa- jātimaraṇasaṃsāro, natthi tassa punabbhavoti nandiñjaham oghatiṇṇam. **Vimuttanti** Bhagavato rāgā cittam muttam vimuttam suvimuttam. Dosā cittam. Mohā cittam -pa- sabbākusalābhisaṅkhārehi cittam muttam vimuttam suvimuttanti nandiñjaham oghatiṇṇam vimuttam.

Kappañjaham abhiyāce sumedhanti kappāti dve kappā taṇhākappo ca diṭṭhikappo ca -pa- ayaṃ taṇhākappo -pa- ayaṃ diṭṭhikappo. Buddhassa Bhagavato taṇhākappo pahīno, diṭṭhikappo paṭinissaṭṭho, taṇhākappassa pahīnattā, diṭṭhikappassa paṭinissaṭṭhattā, tasmā Buddho kappañjaho. **Abhiyāceti** yācāmi abhiyācāmi ajjhesāmi sādīyāmi patthayāmi pihayāmi jappāmi abhijappāmi. Sumedhā vuccati paññā, yā paññā pajānanā -pa- amoho dhammavicayo sammādiṭṭhi. Bhagavā imāya medhāya paññāya upeto samupeto upāgato samupāgato upapanno samupapanno samannāgato, tasmā Buddho Sumedhoti kappañjaham abhiyāce sumedham.

Sutvāna nāgassa apanamissanti itoti nāgassāti nāgo, Bhagavā āgum na karotīti nāgo, na gacchatīti nāgo, na āgacchatīti nāgo -pa-. Evaṃ Bhagavā na gacchatīti nāgo. **Sutvāna nāgassa apanamissanti itoti** tuyham vacanam byappatham desanam anusāsanam anusittham sutvā suṇitvā uggahetvā upadhārayitvā upalakkhayitvā ito apanamissanti vajjissanti pakkamissanti disāvidisam gamissantīti sutvāna nāgassa apanamissanti ito. Tenāha so brāhmaṇo—

Okañjahaṃ taṇhacchidaṃ anejaṃ, (iccāyasmā Bhadrāvudho,
 Nandiñjahaṃ oghatiṇṇaṃ vimuttaṃ.
 Kappañjahaṃ abhiyāce sumedhaṃ,
 Sutvāna nāgassa apanamissanti itoti.

71. **Nānājanā janapadehi saṅgatā,**
Tava Vīra vākyaṃ abhikaṅkhamānā.
Tesaṃ tuvaṃ sādhu viyākarohi,
Tathā hi te vidito esa dhammo. (2)

Nānājanā janapadehi saṅgatāti nānājanāti khattiyā ca brāhmaṇā ca
 vessā ca suddā ca gahaṭṭhā ca pabbajitā ca devā ca manussā ca. **Janapadehi**
saṅgatāti Aṅgā ca Magadhā ca Kalingā ca Kāsiyā ca Kosalā ca Vajjiyā ca
 Mallā ca Cetiyamhā ca¹ Vaṃsā ca Kurumhā ca Pañcālā ca Macchā ca
 Surasenā ca Assakā ca Avantiyā ca Yonā² ca Kambojā ca. **Saṅgatāti** saṅgatā
 samāgatā samohitā sannipatitāti nānājanā janapadehi saṅgatā.

Tava Vīra vākyaṃ abhikaṅkhamānāti Vīrāti Vīro, Bhagavā vīriyavāti
 Vīro, pahūti Vīro, visavīti Vīro, alamattoti Vīro, vigatalomahaṃsotipi Vīro.

Virato idha sabbapāpakehi,
 Nirayadukkhaṃ aticca vīriyavāso.
 So vīriyavā padhānavā,
 Vīro tādi pavuccate tathattāti.

Tava Vīra vākyaṃ abhikaṅkhamānāti tuyhaṃ vacanaṃ byappathaṃ
 desanaṃ anusāsanāṃ anusitṭhaṃ. **Abhikaṅkhamānāti** abhikaṅkhamānā
 icchamānā sādiyamānā patthayamānā pihayamānā abhijappamānāti tava
 Vīra vākyaṃ abhikaṅkhamānā.

Tesaṃ tuvaṃ sādhu viyākarohīti tesanti tesaṃ khattiyānaṃ
 brāhmaṇānaṃ vessānaṃ suddānaṃ gahaṭṭhānaṃ pabbajitānaṃ devānaṃ
 manussānaṃ. **Tuvanti** Bhagavantaṃ bhaṇāti. **Sādhu viyākarohīti** sādhu
 ācikkhāhi

1. Cetiyamhā ca sāgaramhā ca (Syā)

2. Yonakā (Ka) Khu 7. 120 piṭṭhepi.

desehi paññapehi paṭṭhapehi vivarāhi vibhajāhi uttānikarohi pakāsehīti
tesaṃ tuvaṃ sādhu viyākarohi.

Tathā hi te vidito esa dhammoti tathā hi te vidito tulito tīrito vibhūto
vibhāvito esa dhammoti tathā hi te vidito esa dhammo. Tenāha so
brāhmaṇo—

Nānājanā janapadehi saṅgatā,
Tava Vīra vākyam abhikaṅkhamānā.
Tesaṃ tuvaṃ sādhu viyākarohi,
Tathā hi te vidito esa dhammoti.

72. **Ādānataṇhaṃ vinayetha sabbam, (Bhadrāvudhāti Bhagavā),**
Uddham adho tiriyañcāpi majjhe.
Yaṃ yañhi lokasmimupādiyanti,
Teneva māro anveti jantum. (3)

Ādānataṇhaṃ vinayetha sabbanti ādānataṇhaṃ vuccati rūpataṇhā -pa-
ādānataṇhāti kimkāraṇā vuccati ādānataṇhā, tāya taṇhāya rūpaṃ ādiyanti
upādiyanti gaṇhanti parāmasanti abhinivisanti. Vedanam. Saññam. Saṅkhāre.
Viññānam. Gatim. Upapattim. Paṭisandhim. Bhavam. Saṃsāram. Vaṭṭam
ādiyanti upādiyanti gaṇhanti parāmasanti abhinivisanti, taṅkāraṇā vuccati
ādānataṇhā. **Ādānataṇhaṃ vinayetha sabbanti** sabbam ādānataṇham
vinayeyya paṭivinayeyya pajaheyya vinodeyya byantikareyya anabhāvaṃ
gameyyāti ādānataṇhaṃ vinayetha sabbam, **Bhadrāvudhāti Bhagavāti**
Bhadrāvudhāti Bhagavā taṃ brāhmaṇam nāmena ālapati. **Bhagavāti**
gāravādhivacanametam -pa- sacchikā paññatti, yadidaṃ Bhagavāti
Bhadrāvudhāti Bhagavā.

Uddham adho tiriyañcāpi majjheti uddhanti anāgataṃ. **Adhoti** atītam.
Tiriyañcāpi majjheti paccuppannam. **Uddhanti** devaloko. **Adhoti** nirayaloko.
Tiriyañcāpi majjheti manussaloko. Atha vā **uddhanti** kusalā dhammā.
Adhoti akusalā dhammā. **Tiriyañcāpi majjheti** abyākatā dhammā. **Uddhanti**
arūpadhātu. **Adhoti** kāmadhātu. **Tiriyañcāpi majjheti** rūpadhātu. **Uddhanti**
sukhā vedanā. **Adhoti** dukkhā vedanā. **Tiriyañcāpi majjheti**
adukkhamasukhā vedanā. **Uddhanti** uddham pādatalā.

Adhoti adho kesamatthakā. **Tiriyañcāpi majjheti** vemajjheti uddham adho tiriyañcāpi majjhe.

Yaṃ yañhi lokasmimupādiyantiti yaṃ yaṃ rūpagataṃ vedanāgataṃ saññāgataṃ saṅkhāragataṃ viññāṇagataṃ ādiyanti upādiyanti gaṇhanti parāmasanti abhinivisanti. **Lokasminti** apāyaloke -pa- āyatanaloketi yaṃ yañhi lokasmimupādiyanti.

Teneva māro anveti jantunti teneva kammābhisāṅkhāravasena paṭisandhiko khandhamāro dhātumāro āyatanamāro gatimāro upapattimāro paṭisandhimāro bhavamāro saṃsāramāro vaṭṭamāro anveti anugacchati anvāyiko hoti. **Jantunti** sattaṃ janam naram māṇavam¹ posam puggalam jīvam jāguṃ jantum indaguṃ manujanti teneva māro anveti jantum. Tenāha Bhagavā—

Ādānataṇham vinayetha sabbam, (Bhadrāvudhāti Bhagavā,)

Uddham adho tiriyañcāpi majjhe.

Yaṃ yañhi lokasmimupādiyanti,

Teneva māro anveti jantunti.

73. **Tasmā pajānam na upādiyetha,**
Bhikkhu sato kiñcanam sabbaloke.
Ādānasatte iti pekkhamāno,
Pajam imam maccudheyye visattam. (4)

Tasmā pajānam na upādiyethāti tasmāti tasmā taṅkāraṇā taṅhetu tappaccayā taṅnidānā etaṃ ādīnavam sampassamāno ādānataṇhāyāti tasmā. **Pajānanti** jānanto pajānanto ājānanto vijānanto paṭivijānanto paṭivijjhanto “sabbe saṅkhārā aniccā”ti -pa-. “Yaṃ kiñci samudayadhammam, sabbam taṃ nirodhadhamman”ti jānanto pajānanto ājānanto vijānanto paṭivijānanto paṭivijjhanto. **Na upādiyethāti** rūpam nādiyeyya na upādiyeyya na gaṇheyya na parāmaseyya nābhiniviseyya. Vedanam. Saññam. Saṅkhāre. Viññānam, gatim, upapattim, paṭisandhim, bhavam. Saṃsāram. Vaṭṭam nādiyeyya na upādiyeyya na gaṇheyya na parāmaseyya nābhiniviseyyāti tasmā pajānam na upādiyetha.

1. Māṇavam (Syā)

Bhikkhu sato kiñcanaṃ sabbaloketi bhikkhūti puthujjanakalyāṇako vā bhikkhu, sekkho vā bhikkhu. **Satoti** catūhi kāraṇehi sato, kāye kāyānupassanāsati paṭṭhānaṃ bhāvento sato -pa- so vuccati satoti bhikkhu sato. **Kiñcananti** kiñci rūpagataṃ vedanāgataṃ saññāgataṃ saṅkhāragataṃ viññāṇagataṃ. **Sabbaloketi** sabba-apāyaloke sabbamanussaloke sabbadevaloke sabbakhandhaloke sabbadhātuloke sabba-āyatanaloketi bhikkhu sato kiñcanaṃ sabbaloke.

Ādānasatte iti pekkhamānoti ādānasattā vuccanti ye rūpaṃ ādiyanti upādiyanti gaṇhanti parāmasanti abhinivisanti. Vedanaṃ. Saññaṃ. Saṅkhāre. Viññāṇaṃ. Gatiṃ. Upapattiṃ. Paṭisandhiṃ. Bhavaṃ. Saṃsāraṃ. Vaṭṭaṃ ādiyanti upādiyanti gaṇhanti parāmasanti abhinivisanti. **Itīti** padasandhi -pa- padānupubbatāpetāṃ itīti. **Pekkkhamānoti** pekkhamāno dakkhamāno dissamāno passamāno olokayamāno nijjhāyamāno upaparikkhamānoti ādānasatte iti pekkhamāno.

Pajāṃ imañ maccudheyye visattanti pajāti sattādhivacanaṃ. Maccudheyya vuccanti kilesā ca khandhā ca abhisāṅkhārā ca, pajā maccudheyye māradheyye maraṇadheyye sattā visattā āsattā laggā laggitā palibuddhā, yathā bhittikhile vā nāgadante vā bhaṇḍaṃ sattaṃ visattaṃ āsattaṃ laggāṃ laggitaṃ palibuddhaṃ, evameva pajā maccudheyye māradheyye maraṇadheyye sattā visattā āsattā laggā laggitā palibuddhāti pajāṃ imañ maccudheyye visattaṃ. Tenāha Bhagavā—

Tasmā pajānaṃ na upādiyetha,
 Bhikkhu sato kiñcanaṃ sabbaloke.
 Ādānasatte iti pekkhamāno,
 Pajāṃ imañ maccudheyye visattanti.

Saha gāthāpariyosānā -pa- “Sattā me bhante Bhagavā,
 sāvako hamasmī”ti.

Bhadrāvudhamāṇavapucchāniddeśo dvādasamo.

13. Udayamāṇavapucchāniddesa

74. Jhāyīm virajamāsīnaṃ, (iccāyasmā Udayo,)

Katakiccaṃ anāsavaṃ.

Pāraguṃ sabbadhammānaṃ, atthi pañhena āgamaṃ.

Aññāvimokkhaṃ pabrūhi¹, avijjāya pabhedanaṃ. (1)

Jhāyīm virajamāsīnanti jhāyinti jhāyī, Bhagavā paṭhamenapi jhānena jhāyī, dutiyenapi jhānena jhāyī, tatiyenapi jhānena jhāyī, catutthenapi jhānena jhāyī, savitakkasavicārenapi jhānena jhāyī, avitakkavicāramattenapi jhānena jhāyī, avitakka-avicārenapi jhānena jhāyī, sappītikenapi jhānena jhāyī, nippītikenapi jhānena jhāyī, sātasahagatenapi jhānena jhāyī, upekkhāsahagatenapi jhānena jhāyī, suññatenapi jhānena jhāyī, animittenapi jhānena jhāyī, appaṇihitenapi jhānena jhāyī, lokiyenapi jhānena jhāyī, lokuttarenapi jhānena jhāyī, jhānarato ekattamanuyutto sadatthagarakoti jhāyīm. **Virajanti** rāgo rajo, doso rajo, moho rajo, kodho rajo, upanāho rajo -pa- sabbākusalābhisaṅkhārā rajā, te rajā Buddhassa Bhagavato pahīnā ucchinnamūlā tālavatthukatā anabhāvaṃkatā āyatim anuppādadhammā, tasmā Buddho arajo virajo nirajo rajāpagato rajavippahīno rajavippayutto sabbarajavīvatto.

Rāgo rajo na ca pana reṇu vuccati,

Rāgassetam adhivacanaṃ rajoti.

Etaṃ rajaṃ vippajahitvā² Cakkhumā,

Tasmā Jino vigatarajoti vuccati.

Doso rajo na ca pana reṇu vuccati,

Dosassetam adhivacanaṃ rajoti.

Etaṃ rajaṃ vippajahitvā Cakkhumā,

Tasmā Jino vigatarajoti vuccati.

1. Saṃbrūhi (Syā)

2. Paṭivinoditvā (Ka) Khu 7. 406 piṭṭhepi.

Moho rajo na ca pana reṇu vuccatī,
 Mohassetam̄ adhivacanam̄ rajoti.
 Etaṁ rajam̄ vippajahitvā Cakkhumā,
 Tasmā Jino vigatarajoti vuccatīti.

Virajam̄. . **Āsīnanti** nisinno Bhagavā pāsāṇake cetiyeti āsīno.

Nagassa¹ passe āsīnam̄, Munim̄ dukkhassa pāragum̄.
 Sāvakā payirupāsanti, tevijjā maccuhāyīnoti—

Evampi Bhagavā āsīno. . Atha vā Bhagavā
 sabbossukkapatippassaddhattā āsīno vutthavāso ciṇṇacaraṇo -pa-
 jātimaraṇasamsāro, natthi tassa punabbhavoti evampi Bhagavā āsīnoti
 jhāyīm̄ virajamāsīnam̄.

Iccāyasmā Udayoti iccāti padasandhi -pa-. **Āyasmāti** piyavacanam̄ -pa-
Udayoti tassa brāhmaṇassa nāmam̄ -pa- abhilāpoti iccāyasmā Udayo.

Katakiccam̄ anāsavanti Buddhassa Bhagavato kiccākiccam̄
 karaṇīyākaraṇīyam̄ pahīnam̄ ucchinnamūlam̄ tālāvatthukatam̄
 anabhāvaṁkatam̄ āyatīm̄ anuppādadhammam̄, tasmā Buddho katakicco.

Yassa ca visatā² natthi, chinnaśotassa bhikkhuno.
 Kiccākiccappahīnassa, pariḷāho na vijjatīti.

Katakiccam̄ anāsavanti āsavāti cattāro āsavā kāmāsavo bhavāsavo
 diṭṭhāsavo avijjāsavo, te āsavā Buddhassa Bhagavato pahīnā ucchinnamūlā
 tālāvatthukatā anabhāvaṁkatā āyatīm̄ anuppādadhammā, tasmā Buddho
 anāsavoti katakiccam̄ anāsavam̄.

Pāragum̄ sabbadhammānanti Bhagavā sabbadhammānam̄
 abhiññāpāragū pariññāpāragū pahānapāragū bhāvanāpāragū
 sacchikiriyāpāragū samāpattipāragū. Abhiññāpāragū sabbadhammānam̄,
 pariññāpāragū sabbadukkhānam̄, pahānapāragū sabbakilesānam̄,
 bhāvanāpāragū catunnam̄ maggānam̄, sacchikiriyāpāragū nirodhassa,
 samāpattipāragū sabbasamāpattīnam̄. So vasippatto pāramippatto ariyasim̄
 sīlasim̄,

1. Nagarassa (Ka)

2. Yassa paripatā (Syā) passa Khu 1. 390 piṭṭhe.

vasippatto pāramippatto ariyasmiṃ samādhismiṃ, vasippatto pāramippatto ariyāya paññāya, vasippatto pāramippatto ariyāya vimuttiyā. So pāragato pārapatto antagato antappatto koṭigato koṭippatto pariyantagato pariyantappatto vosānagato vosānappatto tāṇagato tāṇappatto leṇagato leṇappatto saraṇagato saraṇappatto abhayagato abhayappatto accutagato accutappatto amatagato amatappatto nibbānagato nibbānappatto, so vutthavāso ciṅṇacaraṇo -pa- jātimaraṇasaṃsāro, natthi tassa punabbhavoti pāraguṃ sabbadhammānaṃ.

Atthi pañhena āgamanti pañhena atthiko āgatomhi, pañhaṃ pucchitukāmo āgatomhi, pañhaṃ sotukāmo āgatomhīti evampi atthi pañhena āgamaṃ. Atha vā pañhatthikānaṃ pañhaṃ pucchitukāmānaṃ pañhaṃ sotukāmānaṃ āgamaṃ abhikkamaṃ upasaṅkamaṃ payirupāsanaṃ atthīti evampi atthi pañhena āgamaṃ. Atha vā pañhāgamo tuyhaṃ atthi, tvampi pahu, visavī alamatto mayā pucchitaṃ kathetuṃ visajjetuṃ vahassetāṃ bhāraṃti evampi atthi pañhena āgamaṃ.

Aññāvimokkhaṃ pabrūhīti aññāvimokkho vuccati arahattavimokkho, arahattavimokkhaṃ pabrūhi ācikkhāhi desehi paññapehi paṭṭhapehi vivarāhi vibhajāhi uttānīkarohi pakāsehīti aññāvimokkhaṃ pabrūhi.

Avijjāya pabhedananti avijjāya bhedaṃ pabhedanaṃ pahānaṃ vūpasamaṃ paṇinissaggaṃ paṭippassaddhaṃ amataṃ nibbānanti avijjāya pabhedanaṃ. Tenāha so brāhmaṇo—

Jhāyīṃ virajamāsīnaṃ, (iccāyasmā Udayo,)

Katakiccaṃ anāsavaṃ.

Pāraguṃ sabbadhammānaṃ, atthi pañhena āgamaṃ.

Aññāvimokkhaṃ pabrūhi, avijjāya pabhedananti.

75. Pahānaṃ kāmaccchandānaṃ, (Udayāti Bhagavā),

Domanassāna cūbhayaṃ.

Thinassa¹ ca panūdanaṃ, kukkuccānaṃ nivāraṇaṃ. (2)

Pahānaṃ kāmaccchandānanti chandoti yo kāmesu kāmaccchando kāmārāgo kāmanandī kāmataṇhā kāmāsineho kāmapiṇṇā kāmapiṇṇāho kāmamucchā kāmajjhosaṇaṃ kāmogho kāmāyogo kāmupādānaṃ kāmaccchandānīvaraṇaṃ. **Pahānaṃ kāmaccchandānanti** kāmaccchandānaṃ pahānaṃ vūpasamaṃ paṭinissaggaṃ paṭippassaddhiṃ amataṃ nibbānanti pahānaṃ kāmaccchandānaṃ. **Udayāti Bhagavāti Udayāti** Bhagavā taṃ brāhmaṇaṃ nāmena ālapati. **Bhagavāti** gāravādhivacanametāṃ -pa- sacchikā paññatti, yadidaṃ Bhagavāti Udayāti Bhagavā.

Domanassāna cūbhayanti domanassāti yaṃ cetasikaṃ asātaṃ, cetasikaṃ dukkhaṃ cetosamphassaṃ asātaṃ dukkhaṃ vedayitaṃ, cetosamphassaṃ asātaṃ dukkhā vedanā. **Domanassāna cūbhayanti** kāmaccchandassa ca domanassassa ca ubhinnaṃ pahānaṃ vūpasamaṃ paṭinissaggaṃ paṭippassaddhiṃ amataṃ nibbānanti domanassāna cūbhayaṃ.

Thinassa ca panūdananti thinanti yā cittassa akalyatā akammaññatā olīyaṇā sallīyaṇā līnā līyaṇā līyitattaṃ thināṃ thīyaṇā² thiyitattaṃ cittassa. **Panūdananti** thinassa ca panūdanaṃ pahānaṃ vūpasamaṃ paṭinissaggaṃ paṭippassaddhiṃ amataṃ nibbānanti thinassa ca panūdanaṃ.

Kukkuccānaṃ nivāraṇanti kukkuccanti hatthakukkuccampi kukkuccaṃ, pādakukkuccampi kukkuccaṃ, hatthapādakukkuccampi kukkuccaṃ, akappiye kappiyasaññitā, kappiye akappiyasaññitā, avajje vajjasaññitā, vaje avajjasaññitā, yaṃ evarūpaṃ kukkuccaṃ kukkuccāyaṇā kukkuccāyitattaṃ cetaso vipphaṇṇāro manovilekko, idaṃ vuccati kukkuccaṃ. Api ca dvīhi kāraṇehi uppajjati kukkuccaṃ cetaso vipphaṇṇāro manovilekko katattā ca akatattā ca. Kathaṃ katattā ca akatattā ca uppajjati kukkuccaṃ cetaso vipphaṇṇāro manovilekko, “kataṃ me kāyaduccaritaṃ, akataṃ me kāyasucaritaṃ”ti uppajjati kukkuccaṃ cetaso vipphaṇṇāro

1. Thinassa (Syā)

2. Thināṃ thīyaṇā (Syā)

manovilekho, “kataṃ me vacīduccaritaṃ, akataṃ me vacīsucaritaṃ”ti -pa- “kataṃ me manoduccaritaṃ, akataṃ me manosucaritaṃ”ti -pa- “kato me pāṇātipāto, akatā me pāṇātipātā veramaṇī”ti -pa- “kataṃ me adinnādānaṃ, akatā me adinnādānā veramaṇī”ti -pa- “kato me kāmesumicchācāro, akatā me kāmesumicchācārā veramaṇī”ti -pa- “kato me musāvādo, akatā me musāvādā veramaṇī”ti -pa- “katā me pisuṇā vācā¹, akatā me pisuṇāya vācāya veramaṇī”ti -pa- “katā me pharusā vācā, akatā me pharusāya vācāya veramaṇī”ti -pa- “kato me samphappalāpo, akatā me samphappalāpā veramaṇī”ti -pa- “katā me abhijjhā, akatā me anabhijjhā”ti -pa- “kato me byāpādo, akato me abyāpādo”ti -pa- “katā me micchādiṭṭhi, akatā me sammādiṭṭhi”ti uppajjati kukkuccaṃ cetaso vippaṭṭisāro manovilekho, evaṃ katattā ca akatattā ca uppajjati kukkuccaṃ cetaso vippaṭṭisāro manovilekho.

Atha vā “sīlesu’ mhi aparipūrakārī”ti uppajjati kukkuccaṃ cetaso vippaṭṭisāro manovilekho, “indriyesu’ mhi aguttadvāro”ti. “Bhojane amattaññumhī”ti. “Jāgariyaṃ ananuyuttomhī”ti. “Na satisampajañña samannāgatomhī”ti. “Abhāvitā me cattāro satipaṭṭhānā”ti. “Cattāro sammappadhānā”ti. “Cattāro iddhipādā”ti. “Pañcindriyānī”ti. “Pañca balānī”ti. “Satta bojjhaṅgā”ti. “Ariyo aṭṭhaṅgiko maggo”ti. “Dukkhaṃ me aparīññātaṃ. Samudayo me appahīno. Maggo me abhāvito. Nirodho me asacchikato”ti uppajjati kukkuccaṃ cetaso vippaṭṭisāro manovilekho.

Kukkuccānaṃ nivāraṇanti kukkuccānaṃ āvaraṇaṃ nīvaraṇaṃ pahānaṃ upasamaṃ vūpasamaṃ paṭinissaggaṃ paṭippassaddhiṃ amataṃ nibbānanti kukkuccānaṃ nivāraṇaṃ. Tenāha Bhagavā—

Pahānaṃ kāmacchandānaṃ, (Udayāti Bhagavā,)

Domanassāna cūbhayaṃ.

Thinassa ca panūdanaṃ, kukkuccānaṃ nivāraṇanti.

1. Pisuṇāvācā (Ka)

76. Upekkhāsatisaṃsuddhaṃ, dhammatakkapurejvaṃ.**Aññāvimokkhaṃ pabrūmi, avijjāya pabhedanaṃ. (3)**

Upekkhāsatisaṃsuddhanti upekkhāti yā catutthe jhāne upekkhā upekkhanā ajjhupekkhanā cittasamatā¹ cittappassaddhatā majjhataṭṭhā cittaṭṭhā. **Satīti** yā catutthe jhāne upekkhā ārabhasati anussati -pa-sammāsati. **Upekkhāsatisaṃsuddhanti** catutthe jhāne upekkhā ca satī ca suddaṃ honti visuddhā saṃsuddhā parisuddhā pariyodātā anaṅgaṇā vigatūpakkilesā mudubhūtā kammaniyaṃ ʾhitā āneṇjappattāti upekkhāsatisaṃsuddhaṃ.

Dhammatakkapurejavanti dhammatakkavuccati sammāsaṅkappo, so ādīto hoti, purato hoti, pubbaṅgamo hoti aññāvimokkhasatī evampi dhammatakkapurejvaṃ. Atha vā dhammatakkavuccati sammādiṭṭhi, sā ādīto hoti, purato hoti, pubbaṅgamo hoti aññāvimokkhasatī evampi dhammatakkapurejvaṃ. Atha vā dhammatakkavuccati catunnaṃ maggānaṃ pubbhāgavipassanā, sā ādīto hoti, purato hoti, pubbaṅgamo hoti aññāvimokkhasatī evampi dhammatakkapurejvaṃ.

Aññāvimokkhaṃ pabrūmīti aññāvimokkhaṃ vuccati arahattavimokkhaṃ, arahattavimokkhaṃ pabrūmi ācikkhāmi desemi paññapemi paṭṭhapemi vivarāmi vibhajāmi uttānīkaromi pakāsemīti aññāvimokkhaṃ pabrūmi.

Avijjāya pabhedananti avijjāti dukkhe aññāṇaṃ -pa- avijjā moho akusalamūlaṃ. **Pabhedananti** avijjāya pabhedanaṃ pahānaṃ vūpasamaṃ paṭinissaggaṃ paṭippassaddhiṃ amataṃ nibbānanti avijjāya pabhedanaṃ. Tenāha Bhagavā—

Upekkhāsatisaṃsuddhaṃ, dhammatakkapurejvaṃ.

Aññāvimokkhaṃ pabrūmi, avijjāya pabhedananti.

77. Kiṃsu saṃyojano loko, kiṃsu tassa vicāraṇaṃ.**Kissassa vippahānena, nibbānaṃ iti vuccati. (4)**

1. Cittasamatho (Syā) Khu 7. 402 piṭṭhepi.

Kiṃsu saṃyojano lokoti lokassa saṃyojanaṃ lagganaṃ bandhanaṃ upakkilesa, kena loko yutto payutto āyutto samāyutto laggo laggito palibuddhoti kiṃsu saṃyojano loko.

Kiṃsu tassa vicāraṇanti kiṃsu tassa cāraṇaṃ vicāraṇaṃ paṭivicāraṇaṃ, kena loko carati vicarati paṭivicaratīti kiṃsu tassa vicāraṇaṃ. **Kissassa vipphānena, nibbānaṃ iti vuccatīti** kissassa vipphānena vūpasamena paṭinissaggena paṭippassaddhiyā nibbānaṃ iti vuccati pavuccati kathīyati bhaṇīyati dīpīyati voharīyatīti kissassa vipphānena, nibbānaṃ iti vuccati. Tenāha so brāhmaṇo—

Kiṃsu saṃyojano loko, kiṃsu tassa vicāraṇaṃ.

Kissassa vipphānena, nibbānaṃ iti vuccatīti.

78. Nandisaṃyojano loko, vitakkassa vicāraṇā.

Taṇhāya vipphānena, nibbānaṃ iti vuccati. (5)

Nandisaṃyojano lokoti Nandī vuccati taṇhā. Yo rāgo sārāgo -pa-abhihjhā lobho akusalamūlaṃ, ayaṃ vuccati nandī. Yā nandī lokassa saṃyojanaṃ lagganaṃ bandhanaṃ upakkilesa, imāya nandiyā loko yutto payutto āyutto samāyutto laggo laggito palibuddhoti nandisaṃyojano loko.

Vitakkassa vicāraṇāti vitakkāti nava vitakkā kāmavitakko byāpādavitakko vihiṃsāvitakko ñātivitakko janapadavitakko amarāvitakko parānudayatāpaṭisaṃyutto vitakko lābhasakkārasilokapaṭisaṃyutto vitakko anavaññattipaṭisaṃyutto vitakko, ime vuccanti nava vitakkā. Ime nava vitakkā lokassa cāraṇā vicāraṇā paṭivicāraṇā, imehi navahi vitakkehi loko carati vicarati paṭivicaratīti vitakkassa vicāraṇā

Taṇhāya vipphānena, nibbānaṃ iti vuccatīti taṇhāti rūpataṇhā -padhammataṇhā. **Taṇhāya vipphānena, nibbānaṃ iti vuccatīti** taṇhāya vipphānena vūpasamena paṭinissaggena paṭippassaddhiyā nibbānaṃ iti vuccati pavuccati kathīyati bhaṇīyati dīpīyati voharīyatīti taṇhāya vipphānena, nibbānaṃ iti vuccati. Tenāha Bhagavā—

Nandisaṃyojano loko, vitakkassa vicāraṇā.
Taṇhāya vippahānena, nibbānaṃ iti vuccatīti.

79. Kathaṃ satassa carato, viññāṇaṃ uparujjhati.

Bhagavantaṃ puṭṭhumāgamā, taṃ suṇoma vaco tava. (6)

Kathaṃ satassa caratoti kathaṃ satassa sampajānassa carato viharato iriyato vattayato pālayato yapayato yāpayatoti kathaṃ satassa carato.

Viññāṇaṃ uparujjhatīti viññāṇaṃ nirujjhati vūpasammata atthaṃ gacchati paṭippassambhatīti viññāṇaṃ uparujjhati.

Bhagavantaṃ puṭṭhumāgamāti Buddhaṃ Bhagavantaṃ puṭṭhum pucchitum yāciturū ajjhesiturū pasādetum āgamhā āgatamhā upāgatamhā sampattamhā tayā saddhiṃ samāgatamhāti Bhagavantaṃ puṭṭhumāgamā.

Taṃ suṇoma vaco tavāti tanti tuyhaṃ vacanaṃ byappathaṃ desanaṃ anusāsaṇaṃ anusitthaṃ suṇoma uggaṇhāma dhārema upadhārema upalakkhemāti taṃ suṇoma vaco tava. Tenāha so brāhmaṇo—

Kathaṃ satassa carato, viññāṇaṃ uparujjhati.
Bhagavantaṃ puṭṭhumāgamā, taṃ suṇoma vaco tavāti.

80. Ajjhataṇca bahiddhā ca, vedanaṃ nābhinandato.

Evaṃ satassa carato, viññāṇaṃ uparujjhati. (7)

Ajjhataṇca bahiddhā ca, vedanaṃ nābhinandatoti ajjhataṃ vedanāsu vedanānupassī viharanto vedanaṃ nābhinandati nābhivadati na ajjhoseti¹, abhinandanaṃ abhivadaṇaṃ ajjhosānaṃ gāhaṃ parāmāsaṃ abhinivesaṃ pajahati vinodeti byantīkaroti anabhāvaṃ gameti. Bahiddhā vedanāsu vedanānupassī viharanto vedanaṃ nābhinandati nābhivadati na ajjhoseti, abhinandanaṃ abhivadaṇaṃ ajjhosānaṃ gāhaṃ parāmāsaṃ abhinivesaṃ pajahati vinodeti byantīkaroti anabhāvaṃ gameti. Ajjhatabahiddhā vedanāsu vedanānupassī viharanto vedanaṃ nābhinandati nābhivadati na ajjhoseti, abhinandanaṃ

1. Na ajjhosāya tiṭṭhati (Syā)

abhivadanam ajjhosānam gāham parāmāsam abhinivesam pajahati vinodeti byantīkaroti anabhāvaṃ gameti. Ajjhataṃ samudayadhammānupassī vedanāsu vedanānupassī¹ viharanto vedanam nābhinandati nābhivadati na ajjhoseti, abhinandanam abhivadanam ajjhosānam gāham parāmsam abhinivesam pajahati vinodeti byantīkaroti anabhāvaṃ gameti. Ajjhataṃ vayadhammānupassī vedanāsu vedanānupassī viharanto -pa-. Ajjhataṃ samudayavayadhammānupassī vedanāsu vedanānupassī viharanto -pa-. Bahiddhā samudayadhammānupassī vedanāsu vedanānupassī viharanto vedanam nābhinandati nābhivadati na ajjhoseti, abhinandanam abhivadanam ajjhosanam gāham parāmāsam abhinivesam pajahati vinodeti byantīkaroti anabhāvaṃ gameti. Bahiddhā vayadhammānupassī vedanāsu vedanānupassī viharanto -pa-. Bahiddhā samudayavayadhammānupassī vedanāsu vedanānupassī viharanto -pa-. Ajjhatabahiddhā samudayadhammānupassī vedanāsu vedanānupassī viharanto -pa-. Ajjhatabahiddhā vayadhammānupassī vedanāsu vedanānupassī viharanto -pa-. Ajjhatabahiddhā samudayavayadhammānupassī vedanāsu vedanānupassī viharanto vedanam nābhinandati nābhivadati na ajjhoseti, abhinandanam abhivadanam ajjhosānam gāham parāmāsam abhinivesam pajahati vinodeti byantīkaroti anabhāvaṃ gameti. Imehi dvādasahi ākārehi vedanāsu vedanānupassī viharanto -pa- anabhāvaṃ gameti.

Atha vā vedanam aniccato passanto vedanam nābhinandati nābhivadati na ajjhoseti, abhinandanam abhivadanam ajjhosānam gāham parāmāsam abhinivesam pajahati vinodeti byantīkaroti anabhāvaṃ gameti. Vedanam dukkhato rogato gaṇḍato sallato aghato ābādhato -pa- nissaraṇato passanto vedanam nābhinandati nābhivadati na ajjhoseti, abhinandanam abhivadanam ajjhosānam gāham parāmāsam abhinivesam pajahati vinodeti byantīkaroti anabhāvaṃ gameti. Imehi cattālīsāya² ākārehi vedanāsu vedanānupassī viharanto vedanam nābhinandati nābhivadati na ajjhoseti, abhinandanam abhivadanam ajjhosānam gāham parāmāsam abhinivesam pajahati vinodeti byantīkaroti anabhāvaṃ gametīti ajjhatañca bahiddhā ca, vedanam nābhinandato.

1. Idam padam natthi Syā-potthake.

2. Dvācattālīsāya (Syā)

Evam satassa caratoti evam satassa sampajānassa carato viharato iriyato vattayato pālayato yapayato yāpayatoti evam satassa carato.

Viññānam uparujjhatīti puññābhisaṅkhārasahagataṃ viññānam apuññābhisaṅkhārasahagataṃ viññānam āneñjābhisaṅkhārasahagataṃ viññānam nirujjhati vūpasammata atthaṃ gacchati paṭippassambhatīti viññānam uparujjhati. Tenāha Bhagavā—

Ajjhattaṅca bahiddhā ca, vedanaṃ nābhinandato.

Evam satassa carato, viññānam uparujjhatīti.

Saha gāthāpariyosānā -pa- “Satthā me bhante Bhagavā, sāvakohamasmi”ti.

Udayamāṇavapucchāniddeśo terasamo.

14. Posālamāṇavapucchāniddeśa

81. Yo atītaṃ ādisati, (iccāyasmā Posālo,)

Anejo chinnaśāsayo.

Pāraguṃ¹ sabbadhammānaṃ, atthi pañhena āgamaṃ. (1)

Yo atītaṃ ādisatīti yoti yo so Bhagavā Sayambhū anācariyako pubbe ananussutesu dhammesu sāmaṃ saccāni abhisambujjhi, tattha ca Sabbaññutaṃ patto, balesu ca vasībhāvaṃ. **Atītaṃ ādisatīti** Bhagavā attano ca paresaṅca atītampi ādisati, anāgatampi ādisati, paccuppannampi ādisati.

Kathaṃ Bhagavā attano atītaṃ ādisati, Bhagavā attano atītaṃ ekampi jātiṃ ādisati, dvepi jātiyo ādisati, tissopi jātiyo ādisati, catassopi jātiyo ādisati, pañcapi jātiyo ādisati, dasapi jātiyo ādisati, vīsampi jātiyo ādisati, timsampi jātiyo ādisati, cattālīsampi jātiyo

1. Pāragū (Syā, Ka)

ādisati, paññāsampi jātiyo ādisati, jātisatampi. Jātisahassampi. Jātisatasahassampi. Anekepi samvaṭṭakappe. Anekepi vivaṭṭakappe. Anekepi samvaṭṭavivaṭṭakappe ādisati, amutrāsīm evaṃnāmo evaṃgotto evaṃvaṇṇo evamāhāro evaṃsukhadukkhappaṭisaṃvedī evamāyupariyanto so tato cuto amutra udapādim, tatrāpāsīm “evaṃnāmo evaṃgotto evaṃvaṇṇo evamāhāro evaṃsukhadukkhappaṭisaṃvedī evamāyupariyanto, so tato cuto idhūpapanno”ti iti sākāraṃ sa-uddesaṃ anekavihitāṃ pubbenivāsaṃ ādisati. Evaṃ Bhagavā attano atītaṃ ādisati.

Kathaṃ Bhagavā paresaṃ atītaṃ ādisati, Bhagavā paresaṃ atītaṃ ekampi jātiṃ ādisati, dvepi jātiyo ādisati -pa-. Anekepi samvaṭṭavivaṭṭakappe ādisati, amutrāsi evaṃnāmo evaṃgotto evaṃvaṇṇo evamāhāro evaṃsukhadukkhappaṭisaṃvedī evamāyupariyanto, so tato cuto amutra udapādi, tatrāpāsi “evaṃnāmo evaṃgotto evaṃvaṇṇo evamāhāro evaṃsukhadukkhappaṭisaṃvedī evamāyupariyanto, so tato cuto idhūpapanno”ti iti sākāraṃ sa-uddesaṃ anekavihitāṃ pubbenivāsaṃ ādisati. Evaṃ Bhagavā paresaṃ atītaṃ ādisati.

Bhagavā pañca jātakasatāni bhāsanto attano ca paresaṃca atītaṃ ādisati, Mahāpadānīyasuttantaṃ¹ bhāsanto attano ca paresaṃca atītaṃ ādisati, Mahāsudassanīyasuttantaṃ bhāsanto attano ca paresaṃca atītaṃ ādisati, Mahāgovindīyasuttantaṃ bhāsanto attano ca paresaṃca atītaṃ ādisati, Māghadevīyasuttantaṃ bhāsanto attano ca paresaṃca ādisati.

Vuttaṃ hetāṃ Bhagavatā—atītaṃ kho Cunda addhānaṃ ārabha Tathāgatassa satānusāriṇāṇaṃ² hoti, so yāvatakaṃ ākaṅkhati, tāvatakaṃ anussarati. Anāgataṃca kho Cunda. Paccuppannaṃca kho Cunda addhānaṃ ārabha Tathāgatassa bodhijaṃ ṇāṇaṃ uppajjati “ayamantimā jāti, natthidāni punabbhavo”ti.

1. Mahādhaniyasuttaṃ (Syā)

2. Satānussariyaṇāṇaṃ (Ka) passa Dī 3. 111 piṭṭhe.

Indriyaparopariyattañāṇaṃ¹ Tathāgatassa Tathāgatabalaṃ, sattānaṃ āsayānusayañāṇaṃ Tathāgatassa Tathāgatabalaṃ, yamakapāṭihīre ñāṇaṃ² Tathāgatassa Tathāgatabalaṃ, mahākaruṇāsamāpattiyā ñāṇaṃ Tathāgatassa Tathāgatabalaṃ, sabbaññutañāṇaṃ Tathāgatassa Tathāgatabalaṃ, anāvaraṇañāṇaṃ Tathāgatassa Tathāgatabalaṃ, sabbattha asaṅgamappaṭihatamanāvaraṇañāṇaṃ Tathāgatassa Tathāgatabalaṃ. Evaṃ Bhagavā attano ca paresaṅca atītampi ādisati, anāgatampi ādisati, paccuppannampi ādisati ācikkhati deseti paññapeti paṭṭhapeti vivarati vibhajati uttānikaroti pakāsetīti yo atītaṃ ādisati.

Iccāyasmā Posāloti iccāti padasandhi -pa-. **Āyasmāti** piyavacanaṃ -pa-. **Posāloti** tassa brāhmaṇassa nāmaṃ -pa- abhilāpoti iccāyasmā Posālo.

Anejo chinnaśamsayoti eja vuccati taṇhā. Yo rāgo sārāgo -pa- abhijjhā lobho akusalamūlaṃ. Sā eja taṇhā Buddhassa Bhagavato pahīnā ucchinnaṃ tālāvattukataṃ anabhāvaṃkataṃ āyatim anuppādadhammā, tasmā Buddho anejo. Ejāya pahīnattā anejo, Bhagavā lābhēpi na iñjati -pa- dukkhepi na iñjati na calati na vedhati nappavedhati na sampavedhatīti anejo. **Chinnaśamsayoti** śamsayo vuccati vicikicchā. Dukkhe kaṅkhā -pa- chambhitattaṃ cittassa manovilekko, so śamsayo Buddhassa Bhagavato pahīno chinno ucchinno samucchinno vūpasanto paṭinissaggo paṭippassaddho abhabbuppattiko ñāṇagginā daḍḍho, tasmā Buddho chinnaśamsayoti anejo chinnaśamsayo.

Pāraguṃ sabbadhammānanti Bhagavā sabbadhammānaṃ abhiññāpāragū pariññāpāragū pahānapāragū bhāvanāpāragū sacchikiriyāpāragū samāpattipāragū. Abhiññāpāragū sabbadhammānaṃ -pa- jātimaraṇasaṃsāro, natthi tassa punabbhavoti pāragū sabbadhammānaṃ.

Atthi pañhena āgamanti pañhena atthiko āgatomhi -pa- vahassetam bhāranti atthi pañhena āgamaṃ. Tenāha so brāhmaṇo—

1. Indriyaparopariyattiñāṇaṃ (Ka) Aṭṭhakathā oloketabbā.

2. Yamakapāṭihiriyāñāṇaṃ (Syā)

Yo atītaṃ ādisati, (iccāyasmā Posālo,)

Anejo chinnasaṃsayo.

Pāraguṃ sabbadhammānaṃ, atthi pañhena āgamanti.

82. Vibhūtarūpasaññissa, sabbakāyappahāyino.

Ajjhattaṅca bahiddhā ca, natthi kiñcīti passato.

Ñāṇaṃ Sakkā'nupucchāmi, kathaṃ neyyo tathāvidho. (2)

Vibhūtarūpasaññissāti katamā rūpasaññā, rūpāvacarasaṃpattim samāpannassa vā upapannassa vā diṭṭhadhammasukhavihārissa vā saññā sañjānaṇā sañjānitattam, ayaṃ rūpasaññā. **Vibhūtarūpasaññissāti** catasso arūpasamāpattiyo paṭiladdhassa¹ rūpasaññā vibhūtā honti vigatā atikkantā samatikkantā vītivattāti vibhūtarūpasaññissa.

Sabbakāyappahāyinoti sabbo tassa paṭisandhiko rūpakāyo pahīno, tadaṅgasamatikkamā vikkhambhanappahānena pahīno tassa rūpakāyoti sabbakāyappahāyino.

Ajjhattaṅca bahiddhā ca, natthi kiñcīti passatoti natthi kiñcīti ākiñcaññāyatanasamāpatti. Kim kāraṇā “natthi kiñcī”ti ākiñcaññāyatanasamāpatti. Yaṃ viññāṇaṇcāyatanasamāpattim sato samāpajjitvā tato vuṭṭhahitvā taññeva viññāṇaṃ abhāveti vibhāveti antaradhāpeti, “natthi kiñcī”ti passati, taṃkāraṇā “natthi kiñcī”ti ākiñcaññāyatanasamāpattīti ajjhattaṅca bahiddhā ca, natthi kiñcīti passato.

Ñāṇaṃ Sakkā'nupucchāmi Sakkāti Sakko, Bhagavā Sakyakulā pabbajitotipi Sakko -pa- pahīnabhayabheravo vigatalomahaṃsotipi Sakko. **Ñāṇaṃ Sakkā'nupucchāmi**ti tassa ñāṇaṃ pucchāmi, paññaṃ pucchāmi, sambuddhaṃ pucchāmi. Kīdisaṃ kim saṅghitaṃ kimpakāraṃ kimpaṭibhāgaṃ ñāṇaṃ icchitabbanti ñāṇaṃ Sakkā'nupucchāmi.

Kathaṃ neyyo tathāvidhoti kathaṃ so netabbo vinetabbo anunetabbo paññāpetabbo nijjhāpetabbo pekkhetabbo pasādetabbo, kathaṃ tena² uttari ñāṇaṃ uppādetabbaṃ. **Tathāvidhoti** tathāvidho

1. Lābhissa (Syā)

2. Kathamassa (Syā)

tādiso tassaṅghito tappakāro tappaṭibhāgo, yo so
ākiñcaññāyatanasamāpattilābhīti katham̐ neyyo tathāvidho. Tenāha so
brāhmaṇo—

Vibhūtarūpasaññissa, sabbakāyappahāyino.
Ajjhattaṅca bahiddhā ca, natthi kiñcīti passato.
Ñāṇam̐ Sakkā'nupucchāmi, katham̐ neyyo tathāvidhoti.

83. Viññāṇaṭṭhitiyo sabbā, (Posālāti Bhagavā,)

Abhijānam̐ Tathāgato.

Tiṭṭhantamenam̐ jānāti, dhimuttam̐ tapparāyaṇam̐. (3)

Viññāṇaṭṭhitiyo sabbāti Bhagavā abhisankhāravasena catasso viññāṇaṭṭhitiyo jānāti, paṭisandhivasena satta viññāṇaṭṭhitiyo jānāti. Katham̐ Bhagavā abhisankhāravasena catasso viññāṇaṭṭhitiyo jānāti, vuttam̐ hetam̐ Bhagavatā—rūpupayam̐¹ vā bhikkhave viññāṇam̐ tiṭṭhamānam̐ tiṭṭheyya², rūpārammaṇam̐ rūpappatiṭṭham̐ nandūpasecanam̐ vuddhim̐ virūḷhim̐ vepullam̐ āpajjeyya. Vedanupayam̐ vā bhikkhave -pa-. Saññupayam̐ vā bhikkhave -pa-. Sañkhārupayam̐ vā bhikkhave viññāṇam̐ tiṭṭhamānam̐ tiṭṭheyya, sañkhārārammaṇam̐ sañkhārappatiṭṭham̐ nandūpasecanam̐ vuddhim̐ virūḷhim̐ vepullam̐ āpajjeyyā³ti, evam̐ Bhagavā abhisankhāravasena catasso viññāṇaṭṭhitiyo jānāti.

Katham̐ Bhagavā paṭisandhivasena satta viññāṇaṭṭhitiyo jānāti, vuttam̐ hetam̐ Bhagavatā—santi bhikkhave sattā nānattakāyā nānattasaññino, seyyathāpi manussā ekacce ca devā ekacce ca vinipātikā, ayam̐ paṭhamā viññāṇaṭṭhiti.

Santi bhikkhave sattā nānattakāyā ekattasaññino, seyyathāpi devā brahmakāyikā paṭhamābhiniḍḍattā, ayam̐ dutiyā viññāṇaṭṭhiti.

Santi bhikkhave sattā ekattakāyā nānattasaññino, seyyathāpi devā ābhassarā, ayam̐ tatiyā viññāṇaṭṭhiti.

1. Rūpūpāyam̐ (Syā, Ka) passa Saṃ 2. 43 piṭṭhe.

2. Tiṭṭhati (Syā, Ka)

Santi bhikkhave sattā ekattakāyā ekattasaññino, seyyathāpi devā subhakiṇhā, ayam catutthī¹ viññāṇaṭṭhiti.

Santi bhikkhave sattā sabbaso rūpasaññānaṃ samatikkamā paṭighasaññānaṃ atthaṅgamā nānattasaññānaṃ amanasikārā “ananto ākāso”ti ākāsaṇācāyatanūpagā, ayam pañcamī² viññāṇaṭṭhiti.

Santi bhikkhave sattā sabbaso ākāsaṇācāyatanāṃ samatikkamma “anantaṃ viññāṇaṇ”ti viññāṇaṇcāyatanūpagā, ayam chaṭṭhī³ viññāṇaṭṭhiti.

Santi bhikkhave sattā sabbaso viññāṇaṇcāyatanāṃ samatikkamma “natthi kiñci”ti ākiñcaññāyatanūpagā, ayam sattamī⁴ viññāṇaṭṭhiti. Evaṃ Bhagavā paṭisandhivasena satta viññāṇaṭṭhitiyo jānātīti viññāṇaṭṭhitiyo sabbā.

Posālāti Bhagavāti Posālāti Bhagavā taṃ brāhmaṇaṃ nāmena ālapati. **Bhagavāti** gāravādhivacanametam -pa- sacchikā paññatti, yadidaṃ Bhagavāti Posālāti Bhagavā.

Abhijānaṃ Tathāgato **abhijānanti** abhijānanto vijānanto paṭivijānanto paṭivijjhanto Tathāgato. Vuttaṃ hetam Bhagavatā⁵ atītañcepi kho Cunda hoti abhūtaṃ atacchaṃ anattasaññitaṃ, na taṃ Tathāgato byākaroti. Atītañcepi Cunda hoti bhūtaṃ tacchaṃ anattasaññitaṃ, tampi Tathāgato na byākaroti. Atītañcepi kho Cunda hoti bhūtaṃ tacchaṃ anattasaññitaṃ, tatra kālaññū Tathāgato hoti tasseva pañhassa veyyākaraṇāya. Anāgatañcepi Cunda hoti -pa-. Paccuppannañcepi Cunda hoti abhūtaṃ atacchaṃ anattasaññitaṃ, na taṃ Tathāgato byākaroti. Paccuppannaṃ cepi Cunda hoti bhūtaṃ tacchaṃ anattasaññitaṃ, tampi Tathāgato na byākaroti. Paccuppannañcepi Cunda hoti bhūtaṃ tacchaṃ anattasaññitaṃ, tatra kālaññū Tathāgato hoti tassa pañhassa veyyākaraṇāya. Iti kho Cunda atītānāgatapaccuppannesu dhammesu Tathāgato kālavādī bhūtavādī atthavādī dhammavādī vinayavādī, tasmā “Tathāgato”ti vuccati.

Yam kho Cunda sadevakassa lokassa samārakassa sabrahmakassa sassamaṇabrāhmaṇiyā pajāya sadevamanussāya diṭṭhaṃ sutam mutam viññātaṃ pattam

1. Catutthā (Syā) passa Am 2. 428 piṭṭhe.

3. Chaṭṭhā (Syā)

4. Sattamā (Syā)

2. Pañcamā (Syā)

5. Passa Dī 3. 111 piṭṭhe.

pariyesitaṃ anuvicaritaṃ manasā, sabbaṃ taṃ Tathāgatenā abhisambuddhaṃ, tasmā “Tathāgato”ti vuccati. Yañca Cunda rattiṃ Tathāgato anuttaraṃ sammāsambodhiṃ abhisambujjhati, yañca rattiṃ anupādisesāya nibbānadhātuyā parinibbāyati, yaṃ etasmim̐ antare bhāsati lapati niddisati. Sabbaṃ taṃ tatheva hoti no aññathā, tasmā “Tathāgato”ti vuccati. Yathāvādī Cunda Tathāgato tathākārī, yathākārī tathāvādī, iti yathāvādī tathākārī, yathākārī tathāvādī, tasmā “Tathāgato”ti vuccati. Sadevake Cunda loke samārake sabrahmake sassamaṇabrāhmaṇiyā pajāya sadevamanussāya Tathāgato abhibhū anabhibhūto aññadatthudaso vasavatthī, tasmā “Tathāgato”ti vuccatīti abhijānaṃ Tathāgato.

Tiṭṭhantamenam̐ jānātīti Bhagavā idhatthaññeva¹ jānāti kammābhisaṅkhāravasena “ayaṃ puggalo kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjissatī”ti. Bhagavā idhatthaññeva jānāti kammābhisaṅkhāravasena “ayaṃ puggalo kāyassa bhedaṃ paraṃ maraṇā tiracchānayoṇim̐ upapajjissatī”ti. Bhagavā idhatthaññeva jānāti kammābhisaṅkhāravasena “ayaṃ puggalo kāyassa bhedaṃ paraṃ maraṇā pettivisayaṃ upapajjissatī”ti. Bhagavā idhatthaññeva jānāti kammābhisaṅkhāravasena “ayaṃ puggalo kāyassa bhedaṃ paraṃ maraṇā manussesu upapajjissatī”ti. Bhagavā idhatthaññeva jānāti kammābhisaṅkhāravasena “ayaṃ puggalo suppaṭipanno kāyassa bhedaṃ paraṃ maraṇā sugatiṃ saggam̐ lokam̐ upapajjissatī”ti.

Vuttaṃ hetam̐ Bhagavatā—idha panāham̐ Sāriputta ekaccaṃ puggalam̐ evam̐ cetasā ceto paricca pajānāmi “tathāyaṃ puggalo paṭipanno, tathā ca iriyati, tañca maggam̐ samārūḷho, yathā kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjissatī”ti.

Idha panāham̐ Sāriputta ekaccaṃ puggalam̐ evam̐ cetasā ceto paricca pajānāmi “tathāyaṃ puggalo paṭipanno, tathā ca iriyati, tañca maggam̐ samārūḷho, yathā kāyassa bhedaṃ paraṃ maraṇā tiracchānayoṇim̐ upapajjissatī”ti.

1. Idhatthaññeva (Syā)

Idha panāhaṃ Sāriputta ekaccaṃ puggalaṃ evaṃ cetasā ceto paricca pajānāmi “tathāyaṃ puggalo paṭipanno, tathā ca iriyati, tañca maggaṃ samārūḷho, yathā kāyassa bhedaṃ paraṃ maraṇā pettivisayaṃ upapajjissatī”ti.

Idha panāhaṃ Sāriputta ekaccaṃ puggalaṃ evaṃ cetasā ceto paricca pajānāmi “tathāyaṃ puggalo paṭipanno, tathā ca iriyati, tañca maggaṃ samārūḷho, yathā kāyassa bhedaṃ paraṃ maraṇā manussesu uppajjissatī”ti.

Idha panāhaṃ Sāriputta ekaccaṃ puggalaṃ evaṃ cetasā ceto paricca pajānāmi “tathāyaṃ puggalo paṭipanno, tathā ca iriyati, tañca maggaṃ samārūḷho, yathā kāyassa bhedaṃ paraṃ maraṇā sugatiṃ saggaṃ lokam upapajjissatī”ti.

Idha panāhaṃ Sāriputta ekaccaṃ puggalaṃ evaṃ cetasā ceto paricca pajānāmi “tathāyaṃ puggalo paṭipanno, tathā ca iriyati, tañca maggaṃ samārūḷho, yathā āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme sayam abhiññā sacchikatvā upasampajja viharatī”ti tiṭṭhantameṇaṃ jānāti.

Dhimuttaṃ tapparāyaṇanti dhimuttanti ākiñcaññāyatanam dhimuttanti vimokkhena dhimuttaṃ tatrādhimuttaṃ tadadhimuttaṃ tadādhipeyyam. Atha vā Bhagavā jānāti “ayaṃ puggalo rūpādhimutto saddādhimutto gandhādhimutto rasādhimutto phoṭṭhabbādhimutto kulādhimutto gaṇādhimutto āvāsādhimutto lābhādhimutto yasādhimutto pasamsādhimutto sukhādhimutto cīvarādhimutto piṇḍapātādhimutto senāsanādhimutto gilānapaccayabhesajjaparikkhārādhimutto Suttantādhimutto Vinayādhimutto Abhidhammādhimutto āraññakaṅgādhimutto piṇḍapātikaṅgādhimutto paṃsukūlikaṅgādhimutto tecīvarikaṅgādhimutto sapaḍānacārikaṅgādhimutto khalupacchābhattikaṅgādhimutto nesajjikaṅgādhimutto yathāsanthatikaṅgādhimutto paḥhamajjhānādhimutto dutiyajjhānādhimutto tatiyajjhānādhimutto catutthajjhānādhimutto ākāsānañcāyatanasamāpattādhimutto viññāṇañcāyatanasamāpattādhimutto ākiñcaññāyatanasamāpattādhimutto nevasaññānāsaññāyatanasamāpattādhimutto”ti dhimuttaṃ.

Tapparāyaṇanti ākiñcaññāyatanamayam tapparāyaṇam
kammaaparāyaṇam vipākaparāyaṇam kammagarukam paṭisandhigarukam.
Atha vā Bhagavā jānāti “ayam puggalo rūparāyaṇo -pa-
nevasaññānāsaññāyatanasamāpattiparāyaṇo”ti dhimuttam tapparāyaṇam.
Tenāha Bhagavā—

Viññāṇaṭṭhitiyo sabbā, (Posālāti Bhagavā,
Abhijānam Tathāgato.
Tiṭṭhantamenam jānāti, dhimuttam tapparāyaṇanti.

84. Ākiñcaññāsambhavam nātvā, nandisaṃyojanam iti.
Evametam abhiññāya, tato tattha vipassati.
Etam nāṇam tatham tassa, brāhmaṇassa vusīmato. (4)

Ākiñcaññāsambhavam nātvāti ākiñcaññāsambhavoti vuccati
ākiñcaññāyatanasamvattaniko kammābhisaṅkhāro,
ākiñcaññāyatanasamvattanikam kammābhisaṅkhāram ākiñcaññāsambhavoti
nātvā, laggananti nātvā, bandhananti nātvā, palibodhoti nātvā jānitvā
tulayitvā tīrayitvā vibhāvayitvā vibhūtam katvāti ākiñcaññāsambhavam
nātvā.

Nandisaṃyojanam itīti nandisaṃyojanam vuccati arūparāgo,
arūparāgena tam kammam laggam laggitam palibuddham arūparāgam
nandisaṃyojananti nā tvā, laggananti nā tvā, bandhananti nā tvā, palibodhoti
nā tvā jānitvā tulayitvā tīrayitvā vibhāvayitvā vibhūtam katvā. **Itīti**
padasandhi padasamsaggo padapāripūrī akkharasamavāyo byañjanasiliṭṭhatā
padānupubbatāpetam itīti nandisaṃyojanam iti.

Evametam abhiññāyāti evam etam abhiññāya jānitvā tulayitvā tīrayitvā
vibhāvayitvā vibhūtam katvāti evametam abhiññāya.

Tato tattha vipassatīti tatthāti ākiñcaññāyatanam samāpajjitvā tato
vuṭṭhahitvā tattha jāte cittacetāsike dhamme aniccato vipassati, dukkhato
vipassati, rogato -pa- nissaraṇato vipassati dakkhati oloketi nijjhāyati
upaparikkhatīti tato tattha vipassati.

Etam nāṇam tatham tassāti etam nāṇam taccham bhūtam yāthāvam
aviparītam tassāti etam nāṇam tatham tassa.

Brāhmaṇassa vusīmatoti brāhmaṇoti sattannaṃ dhammānaṃ bāhitattā brāhmaṇo -pa- asito tādi pavuccate sa brahmāti. **Brāhmaṇassa vusīmatoti** puthujjanakalyāṇaṃ upādāya satta sekkhā appattassa pattiyā anadhigatassa adhigamāya asacchikatassa sacchikiriyāya vasanti saṃvasanti āvasanti parivasanti, arahā vusitavā katakaraṇīyo ohitabhāro anuppattasadattho parikkhīṇabhavasāmyojano sammadaññā vimutto, so vutthavāso ciṇṇacaraṇo -pa- jātimaraṇasaṃsāro, natthi tassa punabbhavoti brāhmaṇassa vusīmato. Tenāha Bhagavā—

Ākiñcaññāsambhavaṃ ña tvā, nandisaṃyojanaṃ iti.
Evametaṃ abhiññāya, tato tattha vipassati.
Etaṃ ñāṇaṃ tathaṃ tassa, brāhmaṇassa vusīmatoti.

Saha gāthāpariyosānā -pa- “Satthā me bhante Bhagavā, sāvakohamasmī”ti.

Posālamāṇavapucchāniddeso cuddasamo.

15. Mogharājamāṇavapucchāniddesa

85. Dvāhaṃ Sakkaṃ apucchissam, (iccāyasmā Mogharājā,)

Na me byākāsi Cakkhumā.

Yāvatatiyañca devīsi¹,

Byākarotīti me sutam.

(1)

Dvāhaṃ Sakkaṃ apucchissanti so brāhmaṇo dvikkhattuṃ Buddhaṃ Bhagavantaṃ pañhaṃ apucchi, tassa Bhagavā pañhaṃ puṭṭho na byākāsi “tadantarā² imassa brāhmaṇassa indriyaparipāko bhavissatī”ti. **Sakkanti** Sakko, Bhagavā Sakyakulā pabbajitotipi Sakko. Atha vā aḍḍho mahaddhano dhanavātipi Sakko. Tassimāni dhanāni. Seyyathidaṃ, saddhādhanam sīladhanam hiridhanam ottappadhanam sutadhanam cāgadhanam paññādhanam satipaṭṭhānadhanam sammappadhānadhanam iddhipādadhanam indriyadhanam baladhanam bojjhaṅgadhanam maggadhanam phaladhanam nibbānadhanam. Imehi anekavidhehi dhanaratanehi aḍḍho mahaddhano dhanavātipi Sakko. Atha vā

1. Devisi (Syā)

2. Cakkhusamanantarā (Syā)

Sakko pahu visavī alamatto sūro Vīro vikkanto abhīrū acchambhī anutrāsī apalāyī pahīnabhayabheravo vigatalomahaṃsotipi Sakko. **Dvāhaṃ Sakkam apucchissanti dvāhaṃ Sakkam apucchissam ayācissam ajjhesissam pasādayissanti dvāhaṃ Sakkam apucchissam.**

Iccāyasmā Mogharājāti iccāti padasandhi -pa-. Āyasmāti piyavacanam -pa-. Mogharājāti tassa brāhmaṇassa nāmam -pa- abhilāpoti iccāyasmā Mogharājā.

Na me byākāsi Cakkhumāti na me byākāsīti na me byākāsi na ācikkhi na desesi na paññapesi na paṭṭhapesi na vivari na vibhaji na uttānī-akāsi na pakāsesi. **Cakkhumāti** Bhagavā pañcahi cakkhūhi Cakkhumā, maṃsacakkhunāpi Cakkhumā, dibbacakkhunāpi¹ Cakkhumā, paññācakkhunāpi Cakkhumā, Buddhacakkhunāpi Cakkhumā, samantacakkhunāpi Cakkhumā.

Katham Bhagavā maṃsacakkhunāpi Cakkhumā. Maṃsacakkhumhi Bhagavato pañca vaṇṇā saṃvijjanti nīlo ca vaṇṇo pītako ca vaṇṇo lohitalo ca vaṇṇo kaṇho ca vaṇṇo odāto ca vaṇṇo. Yattha ca akkhiḷomāni patiṭṭhitāni, taṃ nīlaṃ hoti sunīlaṃ pāsādikaṃ dassaneyyam umāpupphasamānaṃ². Tassa parato pītakaṃ hoti supītakaṃ suvaṇṇavaṇṇaṃ pāsādikaṃ dassaneyyam kaṇikārapupphasamānaṃ, ubhato ca akkhikūṭāni Bhagavato lohitaṅkāni honti sulohitaṅkāni pāsādikaṃ dassaneyyāni indagopakasamānāni. Majjhe kaṇhaṃ hoti sukaṇhaṃ alūkhaṃ siniddhaṃ pāsādikaṃ dassaneyyam addāriṭṭhakaṃ samānaṃ³. Tassa parato odātaṃ hoti su-odātaṃ setaṃ paṇḍaraṃ pāsādikaṃ dassaneyyam osadhitāraṅkasamānaṃ. Tena Bhagavā pākatikena maṃsacakkhunā attabhāvapariyāpanna purimasucaritakammābhiniḷbattena samantā yojanaṃ passati divā ceva rattiṃ ca. Yadā hi caturaṅgasamannāgato andhakāro hoti, sūriyo ca atthaṅgato⁴ hoti, kāḷapakkho ca uposatho hoti, tibbo ca vanasaṅgo hoti, mahā ca kāḷamegho⁵ abbhūṭṭhito hoti. Evarūpe caturaṅgasamannāgate andhakāre

1. Dibbena cakkhunāpi (Ka) 2. Ummārapupphasamānaṃ (Syā) Khu 7. 276 piṭṭhepi.
 3. Aḷāriṭṭhakaṃ samānaṃ (Syā) 4. Atthaṅgamito (Syā, Ka)
 5. Akāḷamegho (Syā, Ka) passa Khu 7. 276 piṭṭhe.

samantā yojanaṃ passati, natthi so kuṭṭo vā kavāṭo vā pākāro vā pabbato vā gaccho vā latā vā āvaraṇaṃ rūpānaṃ dassanāya. Ekaṃ ce tilaphalaṃ nimittaṃ katvā tilavāhe pakkhipeyya, taṃyeva tilaphalaṃ uddhareyya. Evaṃ parisuddhaṃ Bhagavato pākatikaṃ maṃsacakkhu. Evaṃ Bhagavā maṃsacakkhunāpi Cakkhumā.

Kathaṃ Bhagavā dibbena cakkhunāpi Cakkhumā, Bhagavā dibbena cakkhunā visuddhena atikkantamānusakena satte passati cavamāne upapajjamāne hīne paṇīte suvaṇṇe dubbaṇṇe sugate duggate, yathākammūpage satte pajānāti “ime vata bhonto sattā kāyaduccaritena samannāgatā vacīduccaritena samannāgatā manoduccaritena samannāgatā ariyānaṃ upavādakā micchādiṭṭhikā micchādiṭṭhikammasamādānā, te kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapannā, ime vā pana bhonto sattā kāyasucaritena samannāgatā vacīsucaritena samannāgatā manosucaritena samannāgatā ariyānaṃ anupavādakā sammādiṭṭhikā sammādiṭṭhikammasamādānā, te kāyassa bhedaṃ paraṃ maraṇā sugatiṃ saggaṃ lokaṃ upapannā”ti iti dibbena cakkhunā visuddhena atikkantamānusakena satte passati cavamāne upapajjamāne hīne paṇīte suvaṇṇe dubbaṇṇe sugate duggate, yathākammūpage satte pajānāti. Ākaṅkhamāno ca Bhagavā ekampi lokadhātuṃ passeyya, dvepi lokadhātuyo passeyya, tissopi lokadhātuyo passeyya, catassopi lokadhātuyo passeyya, pañcapi lokadhātuyo passeyya, dasapi lokadhātuyo passeyya, vīsampi lokadhātuyo passeyya, timsampi lokadhātuyo passeyya, cattālīsampi lokadhātuyo passeyya, paññāsampi lokadhātuyo passeyya, satampi lokadhātuyo passeyya, sahasimpi cūḷanikaṃ lokadhātuṃ passeyya, dvisahasimpi majjhimikaṃ lokadhātuṃ passeyya, tisahasimpi lokadhātuṃ passeyya, mahāsahasimpi¹ lokadhātuṃ passeyya, yāvatakaṃ vā² pana ākaṅkheyya, tāvatakaṃ passeyya. Evaṃ parisuddhaṃ Bhagavato dibbacakkhu. Evaṃ Bhagavā dibbena cakkhunāpi Cakkhumā.

1. Tisahassiṃ mahāsahasimpi (Ka)

2. Yāvata (Sī, Ka)

Katham̄ Bhagavā paññācakkhunāpi Cakkhumā, Bhagavā mahāpañño puthupañño javanapañño hāsapañño tikkhapañño nibbedhikapañño paññāpabhedakusalo pabhinnañño adhigatapaṭisambhidappatto catuvesārajappatto dasabaladhārī purisāsabho purisasīho purisanāgo purisājañño purisadhorayho anantañño anantatejo anantayaso aḍḍho mahaddhano dhanavā netā vinetā anunetā paññāpetā nijjhāpetā pekkhetā pasādetā. So hi Bhagavā anuppanassa maggassa uppādetā, asañjātassa maggassa sañjanetā, anakkhātassa maggassa akkhātā, maggaññū maggavidū maggakovido maggānugā ca pana etarahi sāvakā viharanti pacchā samannāgatā.

So hi Bhagavā jānam̄ jānāti, passam̄ passati, cakkubhūto ñāṇabhūto dhammabhūto brahmabhūto vattā pavattā atthassa ninnetā amatassa dātā dhammassāmī¹ Tathāgato. Natthi tassa Bhagavato aññātam̄ adiṭṭham̄ aviditam̄ asacchikam̄ aphasitam̄² paññāya, atītam̄ anāgam̄ paccuppanam̄³ upādāya sabbe dhammā sabbākārena Buddhassa Bhagavato ñāṇamukhe āpātham̄ āgacchanti. Yam̄ kiñci neyyam̄ nāma atthi jānitabbam̄⁴ attattho vā parattho vā ubhayattho vā diṭṭhidhammiko vā attho samparāyiko vā attho uttāno vā attho gambhīro vā attho gulho vā attho paṭicchanno vā attho neyyo vā attho nīto vā attho anavajjo vā attho nikkilesso vā attho vodāno vā attho paramattho vā attho⁵, sabbam̄ tam̄ anto Buddhañāṇe parivattati, sabbam̄ kāyakammam̄ Buddhassa Bhagavato ñāṇānuparivatti, sabbam̄ vacīkammam̄ ñāṇānuparivatti, sabbam̄ manokammam̄ ñāṇānuparivatti. Atīte Buddhassa Bhagavato appaṭihatam̄ ñāṇam̄. Anāgate appaṭihatam̄ ñāṇam̄, paccuppanne appaṭihatam̄ ñāṇam̄. Yāvatakam̄ neyyam̄ tāvatakam̄ ñāṇam̄. Yāvatakam̄ ñāṇam̄ tāvatakam̄ neyyam̄. Neyyapariyantikam̄ ñāṇam̄, ñāṇapariyantikam̄ neyyam̄, neyyam̄ atikkamitvā ñāṇam̄ nappavattati, ñāṇam̄ atikkamitvā neyyapatho natthi. Aññamaññapariyantatṭhāyino te dhammā, yathā dvinnam̄ samuggapaṭalānam̄ sammāphusitānam̄ heṭṭhimam̄ samuggapaṭalānam̄

1. Dhammasāmī (Syā, Ka)

2. Aphasitam̄ (Syā, Ka)

3. Atītānāgatapaccuppannam̄ (Syā)

4. Atthi dhammam̄ jānitabbam̄ (Ka)

5. Paramattho vā attho (Ka)

uparimaṃ nātivattati. Uparimaṃ samuggapaṭalaṃ heṭṭhimaṃ nātivattati. Aññaṃaññaṃpariyantaṭṭhāyino. Evameva Buddhassa Bhagavato neyyaṅca ñāṇaṅca aññaṃaññaṃpariyantaṭṭhāyino. Yāvatakaṃ neyyaṃ tāvatakaṃ ñāṇaṃ. Yāvatakaṃ ñāṇaṃ tāvatakaṃ neyyaṃ. Neyyapariyantikaṃ ñāṇaṃ, ñāṇapariyantikaṃ neyyaṃ. Neyyaṃ atikkamivā ñāṇaṃ nappavattati, ñāṇaṃ atikkamivā neyyapatho natthi. Aññaṃaññaṃpariyantaṭṭhāyino te dhammā. Sabbadhammesu Buddhassa Bhagavato ñāṇaṃ pavattati. Sabbe dhammā Buddhassa Bhagavato āvajjanapaṭibaddhā ākaṅkhaṭibaddhā manasikārapaṭibaddhā cittuppādapāṭibaddhā. Sabbasattesu Buddhassa Bhagavato ñāṇaṃ pavattati. Sabbesaṃ ca sattānaṃ Bhagavā āsayaṃ jānāti, anusayaṃ jānāti, caritaṃ jānāti, adhimuttiṃ jānāti, apparajakkhe mahārajakkhe tikkhindriye mudindriye svākāre dvākāre suviññāpaye duviññāpaye bhabbābhabbe satte jānāti. Sadevako loko samārako sabrahmako sassamaṇabrāhmaṇi pajā sadevamanussā antobuddhañāṇe parivattati.

Yathā ye keci macchakacchapā antamaso timitiṅgalaṃ¹ upādāya automahāsamudde parivattanti. Evameva sadevako loko samārako loko sabrahmako loko sassamaṇabrāhmaṇi pajā sadevamanussā antobuddhañāṇe parivattati. . Yathā ye keci pakkhī antamaso garuḷaṃ venateyyaṃ upādāya ākāssa padese parivattanti. Evameva yepi te Sāriputtasamā paññāya samannāgatā, tepi Buddhañāṇassa padese parivattanti. Buddhañāṇaṃ devamanussānaṃ paññaṃ pharivā abhibhavivā tiṭṭhati.

Yepi te khattiyapaṇḍitā brāhmaṇapaṇḍitā gahapatipaṇḍitā samaṇapaṇḍitā nipuṇā kataparappavādā vāavedhirūpā vobhindantā² maññe caranti paññāgatena diṭṭhigatāni, te pañhe abhisankharivā abhisankharivā Tathāgataṃ upasaṅkamivā pucchanti gūḷhāni ca paṭicchannāni. Kathitā visajjitā ca te pañhā Bhagavatā³ honti niddiṭṭhakāraṇā. Upakkhittakā ca te Bhagavato sampajjanti. Atha kho Bhagavāva tattha atirocati. Yadidaṃ paññāyāti, evaṃ Bhagavā paññācakkhunāpi Cakkhumā.

1. Timitiṅgalaṃ (Ka)

2. Te bhindantā (Syā, Ka)

3. Bhagavato (Ka)

Katham̐ Bhagavā Buddhacakkhunāpi Cakkhumā, Bhagavā Buddhacakkhunā lokam̐ volokento¹ addasa satte apparajakkhe mahārajakkhe tikkhindriye mudindriye svākāre dvākāre suviññāpaye duviññāpaye appekacce paralokavajjabhayadassāvino² viharante. Seyyathāpi nāma uppaliniyam̐ vā paduminiyam̐ vā puṇḍarīkiniyam̐ vā appekaccāni uppalāni vā padumāni vā puṇḍarīkāni vā udake jātāni udake samvaḍḍhāni udakānuggatāni antonimuggaposīni³, appekaccāni uppalāni vā padumāni vā puṇḍarīkāni vā udake jātāni udake samvaḍḍhāni samodakam̐ t̐hitāni, appekaccāni uppalāni vā padumāni vā puṇḍarīkāni vā udake jātāni udake samvaḍḍhāni udakā accuggamma tiṭṭhanti anupalittāni udakena. Evamevam̐ Bhagavā Buddhacakkhunā lokam̐ volokento addasa satte apparajakkhe mahārajakkhe tikkhindriye mudindriye svākāre dvākāre suviññāpaye duviññāpaye appekacce paralokavajjabhayadassāvino viharante. Jānāti Bhagavā “ayam̐ puggalo rāgacarito, ayam̐ dosacarito, ayam̐ mohacarito, ayam̐ vitakkacarito, ayam̐ saddhācarito, ayam̐ nāṇacarito”ti. Rāgacaritassa Bhagavā puggalassa asubhakatham̐ katheti. Dosacaritassa Bhagavā puggalassa mettābhāvanam̐ ācikkhati. Mohacaritassa Bhagavā puggalassa uddese paripucchāya kālena dhammassavane kālena dhammasākacchāya garusamvāse niveseti. Vitakkacaritassa Bhagavā puggalassa ānāpānassatiṃ ācikkhati. Saddhācaritassa Bhagavā puggalassa pasādanīyam̐ nimittam̐ ācikkhati Buddhasubodhim̐⁴ dhammasudhammatam̐ samghasuppaṭipattim̐ sīlāni ca attano. Nāṇacaritassa Bhagavā puggalassa vipassanānimittam̐ ācikkhati aniccākāram̐ dukkhākāram̐ anattākāram̐.

“Sele yathā pabbatamuddhaniṭṭhito,
Yathāpi passe janatam̐ samantato.
Tathūpamam̐ dhammamayam̐ Sumedha,
Pāsādamāruyha Samantacakkhu.
Sokāvatiṇṇam̐⁵ janatamapetasoko,
Avekkhassu jātijarābhibhūtan”ti.

1. Olokento (Ka)

2. Para...dassāvino (Ka)

3. Antonimuggaposīni (Ka)

4. Buddhasubuddhatam̐ (Ka)

5. Sokāvakiṇṇam̐ (Syā)

Evam̄ Bhagavā Buddhacakkhunāpi Cakkhumā.

Katham̄ Bhagavā Samantacakkhunāpi Cakkhumā, **Samantacakkhu** vuccati sabbaññutañāṇam̄, Bhagavā sabbaññutañāṇena upeto samupeto upāgato samupāgato upapanno samupapanno samannāgato.

“Na tassa addiṭṭhamidhatthi kiñci,
Atho aviññātamajānitabban̄.
Sabban̄ abhiññāsi yadatthi neyyam̄,
Tathāgato tena Samantacakkhū”ti.

Evam̄ Bhagavā Samantacakkhunāpi Cakkhumāti na me byākāsi Cakkhumā.

Yāvatiyañca devīsi, byākarotīti me sutanti yāvatiyam̄ Buddho sahadhammikaṃ pañham̄ puṭṭho byākaroti no saṃsāretīti¹ evam̄ mayā uggahitaṃ, evam̄ mayā upadhāritaṃ, evam̄ mayā upalakkhitaṃ. **Devīsīti** Bhagavā ceva isi cāti devīsi, yathā rājā pabbajitā vuccanti rājisayo, brāhmaṇā pabbajitā vuccanti brāhmaṇisayo, evameva Bhagavā ceva isi cāti devīsi.

Atha vā Bhagavā pabbajitotipi **isi**, mahantaṃ sīlakkhandham̄ esī gavesī pariyesītipi isi, mahantaṃ samādhikkhandham̄ -pa- mahantaṃ paññākkhandham̄. Mahantaṃ vimuttikkhandham̄. Mahantaṃ vimuttiñāṇadassanakkhandham̄ esī gavesī pariyesītipi isi, mahato tamokāyassa padālanam̄ esī gavesī pariyesītipi isi, mahato vipallāsassa pabhedanam̄ esī gavesī pariyesītipi isi, mahato taṇhāsallassa abbahanam̄. Mahato diṭṭhisāṅghāṭassa viniveṭhanam̄. Mahato mānaddhajassa papātanam̄. Mahato abhisāṅkhārassa vūpasamam̄. Mahato oghassa nittharanam̄. Mahato bhārassa nikkhepanam̄. Mahato saṃsāravaṭṭassa upacchedam̄. Mahato santāpassa nibbāpanam̄. Mahato pariḷāhassa paṭippassaddhim̄. Mahato dhammaddhajassa ussāpanam̄ esī gavesī pariyesītipi isi, mahante satipaṭṭhāne. Mahante sammappadhāne. Mahantāni indriyāni. Mahantāni balāni. Mahante bojjaṅge. Mahantaṃ ariyam̄ aṭṭhaṅgikaṃ maggam̄. Mahantaṃ paramattham̄ amataṃ nibbānam̄ esī gavesī pariyesītipi isi, Mahesakkhehi vā sattehi esito gavesito pariyesito

1. Sampāyatīti (Syā)

“Kahaṃ Buddho, kahaṃ Bhagavā, kahaṃ Devadevo, kahaṃ Narāsabho”ti pi isīti yāvataṭṭhiyaṅca devīsī, byākarotīti me sutanti. Tenāha so brāhmaṇo—

Dvāhaṃ Sakkaṃ apucchissāṃ, (iccāyasmā Mogharājā,
Na me byākāsi Cakkhumā.
Yāvataṭṭhiyaṅca devīsī,
Byākarotīti me sutanti.

86. **Ayaṃ loko paro loko,
Brahmaloko sadevako.
Diṭṭhiṃ te nābhijānāti,
Gotamassa yasassino.** (2)

Ayaṃ loko paro lokoti ayaṃ lokoti manussaloko. **Paro lokoti** manussalokaṃ ṭhapetvā sabbo paro lokoti ayaṃ loko paro loko.

Brahmaloko sadevakoti sadevako loko samārako sabrahmako sassamaṇabrāhmaṇī pajā sadevamanussāti brahmaloko sadevako.

Diṭṭhiṃ te nābhijānātiti tuyhaṃ diṭṭhiṃ khantiṃ ruciṃ laddhiṃ ajjhāsayaṃ adhippāyaṃ loko na jānāti, “ayaṃ evaṃdiṭṭhiko evaṃkhantiko evaṃruciko evaṃladdhiko evaṃajjhāsayo evaṃadhippāyo”ti na jānāti na passati na dakkhati nādhigacchati na vindati na paṭilabhatīti diṭṭhiṃ te nābhijānāti.

Gotamassa yasassinoti Bhagavā yasappattoti yasassī. Atha vā Bhagavā sakkato garukato mānito pūjito apacito lābhī cīvarapiṇḍapātasenāsanagilāna-paccayabhesajjaparikkhārānantipi yasassīti Gotamassa yasassino. Tenāha so brāhmaṇo—

Ayaṃ loko paro loko,
Brahmaloko sadevako.
Diṭṭhiṃ te nābhijānāti,
Gotamassa yasassinoti.

87. Evaṃ abhikkanta dassāvīm, atthi pañhena āgamaṃ.

Kathaṃ lokaṃ avekkhantaṃ, maccurājā na passati. (3)

Evaṃ abhikkantadassāvinti evaṃ abhikkantadassāvīm aggadassāvīm seṭṭhadassāvīm viseṭṭhadassāvīm pāmokkhadassāvīm uttamadassāvīm paramadassāvinti evaṃ abhikkantadassāvīm.

Atthi pañhena āgamanti pañhena atthiko āgatomhi -pa- vahassetam bhāranti evampi atthi pañhena āgamaṃ.

Kathaṃ lokaṃ avekkhantanti kathaṃ lokaṃ avekkhantaṃ paccavekkhantaṃ tulayantaṃ tīrayantaṃ vibhāvayantaṃ vibhūtaṃ karontanti kathaṃ lokaṃ avekkhantaṃ.

Maccurājā na passatīti maccurājā na passati na dakkhati nādhigacchati na vindati na paṭilabhatīti maccurājā na passati. Tenāha so brāhmaṇo—

Evaṃ abhikkantadassāvīm, atthi pañhena āgamaṃ.

Kathaṃ lokaṃ avekkhantaṃ, maccurājā na passatīti.

88. Suññato lokaṃ avekkhassu, Mogharāja sadā sato.

Attānudiṭṭhiṃ ūhacca, evaṃ maccutaro siyā.

Evaṃ lokaṃ avekkhantaṃ, maccurājā na passati. (4)

Suññato lokaṃ avekkhassūti lokoti nirayaloko tiracchānaloko pettivisayaloko manussaloko devaloko khandhaloko dhātuloko āyatanaloko ayaṃ loko paro loko brahmaloko sadevako¹. Aññataro bhikkhu Bhagavantaṃ etadavoca “loko loko”ti bhante vuccati, kittāvatā nu kho bhante “loko”ti vuccatīti. Lujjatīti kho bhikkhu tasmā “loko”ti vuccati. Kiñca lujjati. Cakkhu kho bhikkhu lujjati, rūpā lujjanti, cakkhuviññāṇaṃ lujjati, cakkhusamphasso lujjati, yampidaṃ² cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā, tampi lujjati. Sotaṃ lujjati, gandhā lujjanti -pa- kāyo

1. Sadevako loko (Ka)

2. Yamidaṃ (Ka) passa Saṃ 2. 278 piṭṭhe.

lujjati, phoṭṭhabbā lujjanti. Mano lujjati, dhammā lujjanti, manoviññāṇaṃ lujjati, manosamphasso lujjati, yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā, tampi lujjati. Lujjatīti kho bhikkhu tasmā “loko”ti vuccati.

Suññato lokam avekkhassūti dvīhi kāraṇehi suññato lokam avekkhati avasiyapavattasallakkhaṇavasena¹ vā tucchasaṅkhārasamanupassanāvasena vā. Kathaṃ avasiyapavattasallakkhaṇavasena suññato lokam avekkhati— rūpe vaso na labbhati. Vedanāya vaso na labbhati. Saññāya vaso na labbhati. Saṅkhāresu vaso na labbhati. Viññāṇe vaso na labbhati. Vuttañhetam Bhagavatā²—rūpaṃ bhikkhave anattā, rūpañca hidaṃ bhikkhave attā abhavissa, nayidaṃ rūpaṃ ābādhāya saṃvatteyya, labbhettha ca rūpe “evaṃ me rūpaṃ hotu, evaṃ me rūpaṃ mā ahoṣī”ti. Yasmā ca kho bhikkhave rūpaṃ anattā, tasmā rūpaṃ ābādhāya saṃvattati. Na ca labbhati rūpe “evaṃ me rūpaṃ hotu, evaṃ me rūpaṃ mā ahoṣī”ti.

Vedanā anattā, vedanā ca hidaṃ bhikkhave attā abhavissa, nayidaṃ vedanā ābādhāya saṃvatteyya, labbhettha ca vedanāya “evaṃ me vedanā hotu, evaṃ me vedanā mā ahoṣī”ti. Yasmā ca kho bhikkhave vedanā anattā, tasmā vedanā ābādhāya saṃvattati, na ca labbhati vedanāya “evaṃ me vedanā hotu, evaṃ me vedanā mā ahoṣī”ti.

Saññā anattā, saññā ca hidaṃ bhikkhave attā abhavissa, nayidaṃ saññā ābādhāya saṃvatteyya, labbhettha ca saññāya “evaṃ me saññā hotu, evaṃ me saññā mā ahoṣī”ti. Yasmā ca kho bhikkhave saññā anattā, tasmā saññā ābādhāya saṃvattati, na ca labbhati saññāya “evaṃ me saññā hotu, evaṃ me saññā mā ahoṣī”ti.

Saṅkhārā anattā, saṅkhārā ca hidaṃ bhikkhave attā abhavissaṃsu, nayidaṃ saṅkhārā ābādhāya saṃvatteyyum, labbhettha ca saṅkhāresu “evaṃ me saṅkhārā hontu, evaṃ me saṅkhārā mā ahesun”ti. Yasmā ca kho

1. Avassiyapavatta... (Syā)

2. Passa Saṃ 2. 55 piṭṭhesu.

bhikkhave saṅkhārā anattā, tasmā saṅkhārā ābādhāya saṁvattanti, na ca labbhati saṅkhāresu “evaṁ me saṅkhārā hontu, evaṁ me saṅkhārā mā ahesun”ti.

Viññāṇaṁ anattā, viññāṇaṁca idaṁ bhikkhave attā abhaviṣṣa, nayidaṁ viññāṇaṁ ābādhāya saṁvatteyya, labbhettha ca viññāṇe “evaṁ me viññāṇaṁ hotu, evaṁ me viññāṇaṁ mā ahoṣī”ti. Yasmā ca kho bhikkhave viññāṇaṁ anattā, tasmā viññāṇaṁ ābādhāya saṁvattati, na ca labbhati viññāṇe “evaṁ me viññāṇaṁ hotu, evaṁ me viññāṇaṁ mā ahoṣī”ti.

Vuttañhetam Bhagavatā—nāyaṁ bhikkhave kāyo tumhākaṁ napi aññesaṁ¹, purāṇamidam bhikkhave kammaṁ abhisāṅkhataṁ abhisāṅcetaṇṇaṁ vedaniyaṁ daṭṭhabbam. Tatra kho bhikkhave sutavā ariyasāvako paṭiccasamuppādaṁyeva sādhuṁ yoniso manasi karoti “iti imasmim sati idaṁ hoti, imassuppādā idaṁ uppajjati. Imasmim asati idaṁ na hoti, imassa nirodhā idaṁ nirujjhati. Yadidaṁ avijjāpaccayā saṅkhārā, saṅkhārapaccayā viññāṇaṁ, viññāṇapaccayā nāmarūpaṁ, nāmarūpapaccayā saḷāyatanaṁ, saḷāyatanapaccayā phasso, phassapaccayā vedanā, vedanāpaccayā taṇhā, taṇhāpaccayā upādānaṁ, upādānapaccayā bhavo, bhavapaccayā jāti, jātipaccayā jarāmaṇaṁ sokaparidevadukkha-
domanassupāyāsā sambhavanti. Evametassa kevalassa dukkhakkhandhassa samudayo hoti.

Avijjāya tveva asesavirāganirodhā saṅkhāranirodho, saṅkhāranirodhā viññāṇanirodho -pa- jātinirodhā jarāmaṇaṁ sokaparidevadukkha-
domanassupāyāsā nirujjhanti. Evametassa kevalassa dukkhakkhandhassa nirodho hoti”ti. Evaṁ avasiyapavattasallakkaṇavasena suññato lokaṁ avekkhati.

Katham tucchasaṅkhārasamanupassanāvasena suññato lokaṁ avekkhati—rūpe sāro na labbhati. Vedanāya sāro na labbhati. Saññāya sāro na labbhati. Saṅkhāresu sāro na labbhati. Viññāṇe sāro na labbhati. Rūpaṁ assāraṁ nissāraṁ sārāpagataṁ niccasārasārena vā sukhasārasārena vā attasārasārena vā niccena vā dhuvana vā sassatena vā

1. Paresam (Syā) passa Sam 1. 294 piṭṭhe.

avipariṇāmadhammena vā. Vedanā assārā nissārā sārāpagatā. Saññā assārā nissārā sārāpagatā. Saṅkhārā assārā nissārā sārāpagatā. Viññāṇaṃ assāraṃ nissāraṃ sārāpagataṃ nicasārasārena vā sukhasārasārena vā attasārasārena vā niccena vā dhuvena vā sassatena vā avipariṇāmadhammena vā. Yathā naḷo assāro nissāro sārāpagato. Yathā ca eraḍḍo -pa-. Yathā ca udumbaro assāro nissāro sārāpagato. Yathā ca setakaccho¹ assāro nissāro sārāpagato. Yathā ca pālibhaddako² assāro nissāro sārāpagato. Yathā ca pheṇapiṇḍo³ assāro nissāro sārāpagato. Yathā ca udakapubbulaṃ⁴ assāraṃ nissāraṃ sārāpagataṃ. Yathā ca marīci assārā nissārā sārāpagatā. Yathā kadalikkhandho assāro nissāro sārāpagato. Yathā māyā assārā nissārā sārāpagatā. Evameva rūpaṃ assāraṃ nissāraṃ sārāpagataṃ nicasārasārena vā sukhasārasārena vā attasārasārena vā niccena vā dhuvena vā sassatena vā avipariṇāmadhammena vā. Vedanā assārā nissārā sārāpagatā. Saññā assārā nissārā sārāpagatā. Saṅkhārā assārā nissārā sārāpagatā. Viññāṇaṃ assāraṃ nissāraṃ sārāpagataṃ nicasārasārena vā sukhasārasārena vā attasārasārena vā niccena vā dhuvena vā sassatena vā avipariṇāmadhammena vā. Evaṃ tucchasaṅkhārasamanupassanāvasena suññato lokāṃ avekkhati. Imehi dvīhi kāraṇehi suññato lokāṃ avekkhati.

Api ca chahākārehi suññato lokāṃ avekkhati. Cakkhu suññaṃ⁵ attena vā attaniyena vā niccena vā dhuvena vā sassatena vā avipariṇāmadhammena vā. Sotaṃ suññaṃ. Ghānaṃ suññaṃ. Jivhā suññā. Kāyo suñño. Mano suñño attena vā attaniyena vā niccena vā dhuvena vā sassatena vā avipariṇāmadhammena vā. Rūpā suññā. Saddā suññā. Gandhā suññā. Rasā suññā. Phoṭṭhabbā suññā. Dhammā suññā attena vā attaniyena vā niccena vā dhuvena vā sassatena vā avipariṇāmadhammena vā. Cakkhuviññāṇaṃ suññaṃ -pa-. Manoviññāṇaṃ suññaṃ. Cakkhusamphasso

1. Setavaccho (Ka)

2. Pālibhaddako (Ka)

3. Pheṇupiṇḍo (Syā)

4. Pubbulakaṃ (Syā)

5. Syā...potthake imasmim̐ ṭhāne aññathā dissati.

suñño -pa-. Manosamphasso suñño. Cakkhusamphassajā vedanā suññā -pa-. Manosamphassajā vedanā suññā. Rūpasaññā suññā -pa-. Dhammasaññā suññā. Rūpasañcetanā suññā -pa-. Dhammasañcetanā suññā. Rūpataṇhā suññā. Rūpavitakko suñño. Rūpavicāro suñño -pa-. Dhammavicāro suñño attena vā attaniyena vā niccena vā dhuvena vā sassatena vā avipariṇāmadhammena vā. Evaṃ chahākārehi suññato lokam avekkhati.

Api ca dasahākārehi suññato lokam avekkhati, rūpam rittato tucchato suññato anattato asārakato vadhakato vibhavato aghamūlato sāsavato saṅkhatato. Vedanam. Saññam. Saṅkhāre. Viññāṇam. Cutim. Upapattim. Paṭisandhim. Bhavam. Samsāravaṭṭam rittato tucchato suññato anattato asārakato vadhakato vibhavato aghamūlato sāsavato saṅkhatato. Evaṃ dasahākārehi suññato lokam avekkhati.

Api ca dvādasahākārehi suññato lokam avekkhati. Rūpam na satto, na jīvo, na naro, na mānavo, na itthī, na puriso, na attā, na attaniyam, nāham, na mama, na koci, na kassaci. Vedanā. Saññā. Saṅkhārā. Viññāṇam na satto, na jīvo, na naro, na mānavo, na itthī, na puriso, na attā, na attaniyam, nāham, na mama, na koci, na kassaci. Evaṃ dvādasahākārehi suññato lokam avekkhati.

Vuttañhetam Bhagavatā—“yam bhikkhave na tumhākam, tam pajahatha, tam vo pahīnam dīgharattam hitāya sukhāya bhavissati. Kiñca bhikkhave na tumhākam. Rūpam bhikkhave na tumhākam, tam pajahatha. Tam vo pahīnam dīgharattam hitāya sukhāya bhavissati. Vedanā bhikkhave na tumhākam, tam pajahatha, sā vo pahīnā dīgharattam hitāya sukhāya bhavissati. Saññā bhikkhave na tumhākam, tam pajahatha, sā vo pahīnā dīgharattam hitāya sukhāya bhavissati. Saṅkhārā bhikkhave na tumhākam, tam pajahatha, te vo pahīnā dīgharattam hitāya sukhāya bhavissanti. Viññāṇam bhikkhave na tumhākam, tam pajahatha, tam vo pahīnam dīgharattam hitāya sukhāya bhavissati.

Seyyathāpi¹ bhikkhave yaṃ imasmim̃ jetavane tiṇakaṭṭhasākhāpalāsaṃ, taṃ jano hareyya vā ḍaheyya vā yathāpaccayaṃ vā kareyya, api nu tumhākaṃ evamassa ‘amhe jano tarati vā ḍahati vā yathāpaccayaṃ vā karotī’ti. No hetam̃ bhante. Tam̃ kissa hetu, na hi no etaṃ bhante attā vā attaniyaṃ vāti. Evameva kho bhikkhave yaṃ na tumhākaṃ, taṃ pajahatha, taṃ vo pahīnaṃ dīgharattaṃ hitāya sukhāya bhavissati. Kiñca bhikkhave na tumhākaṃ. Rūpaṃ bhikkhave na tumhākaṃ, taṃ pajahatha, taṃ vo pahīnaṃ dīgharattaṃ hitāya sukhāya bhavissati. Vedanā. Saññā. Saṅkhārā. Viññāṇaṃ bhikkhave na tumhākaṃ, taṃ pajahatha, taṃ vo pahīnaṃ dīgharattaṃ hitāya sukhāya bhavissati”ti. Evampi suññato lokaṃ avekkhati.

Āyasmā Ānando Bhagavantaṃ etadvoca “suñño² loko suñño loko”ti bhante vuccati, kittāvataṃ nu kho bhante “suñño loko”ti vuccatīti. Yasmā ca kho Ānanda suññaṃ attena vā attaniyena vā, tasmā “suñño loko”ti vuccati. Kiñcānanda suññaṃ attena vā attaniyena vā. Cakkhu kho Ānanda suññaṃ attena vā attaniyena vā. Rūpā suññā. Cakkhuvīññāṇaṃ suññaṃ. Cakkhusamphasso suñño, yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā. Tampi suññaṃ attena vā attaniyena vā. Sotaṃ suññaṃ. Saddā suññā. Ghānaṃ suññaṃ. Gandhā suññā. Jivhā suññā. Rasā suññā. Kāyo suñño. Phoṭṭhabbā suññā. Mano suñño. Dhammā suññā. Manoviññāṇaṃ suññaṃ. Manosamphasso suñño, yampidaṃ suññaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā, tampi suññaṃ attena vā attaniyena vā. Yasmā ca kho Ānanda suññaṃ attena vā attaniyena vā, tasmā “suñño loko”ti vuccatīti. Evampi suññato lokaṃ avekkhati.

“Suddhaṃ dhammasamuppādaṃ, suddhasaṅkhārasantaṃ.

Passantassa yathābhūtaṃ, na bhayaṃ hoti Gāmaṇi.

1. Tam̃ kiṃ maññatha (Syā, Ka) passa Saṃ 2. 28 piṭṭhe.

2. Suññato (Ka) passa Saṃ 2. 280 piṭṭhe.

Tiṇakaṭṭhasamaṃ lokam, yadā paññāya passati.
Nāññaṃ¹ patthayate kiñci, aññatrappaṭṭisandhiyā”ti.

Evampi suññato lokam avekkhati.

Vuttañhetam Bhagavatā²—evameva kho bhikkhave bhikkhu rūpaṃ samannesati yāvatā rūpassa gati, vedanam samannesati yāvatā vedanāya gati, saññaṃ samannesati yāvatā saññāya gati, saṅkhāre samannesati yāvatā saṅkhārānam gati, viññāṇam samannesati yāvatā viññāṇassa gati, tassa rūpaṃ³ samannesato yāvatā rūpassa gati. Vedanam -pa-. Saññaṃ. Saṅkhāre. Viññāṇam samannesato yāvatā viññāṇassa gati, yampissa tam hoti “ahan”ti vā “maman”ti vā “asmī”ti vā, tampi tassa na hotīti. Evampi suññato lokam avekkhati.

Suññato lokam avekkhassūti suññato lokam avekkhassu paccavekkhassu dakkhassu tulehi tīrehi vibhāvehi vibhūtam karohīti suññato lokam avekkhassu.

Mogharāja sadā satoti Mogharājāti Bhagavā tam brāhmaṇam nāmena ālapati. **Sadāti** sabbakālam -pa- sacchime vayokhandhe. **Satoti** catūhi kāraṇehi sato. Kāye kāyānupassanāsati paṭṭhānam bhāvento sato -pa- so vuccati satoti Mogharāja sadā sato.

Attānudiṭṭhim ūhaccāti attānudiṭṭhi vuccati vīsativatthukā sakkāyadīṭṭhi. Idha assutavā puthujjano ariyānam adassāvī ariyadhammassa akovido ariyadhamme avinīto, sappurisānam adassāvī sappurisadhammassa akovido sappurisadhamme avinīto rūpaṃ attato samanupassati, rūpavantam vā attānam, attani vā rūpaṃ, rūpasmim vā attānam. Vedanam. Saññaṃ. Saṅkhāre. Viññāṇam attato samanupassati, viññāṇavantam vā attānam, attani vā viññāṇam, viññāṇasmim vā attānam. Yā evarūpā diṭṭhi diṭṭhigatam diṭṭhigahanam diṭṭhikantāro diṭṭhivīsukāyikam diṭṭhivipphanditam diṭṭhisamyojanam gāho paṭiggāho abhiniveso parāmāso kummaggo micchāpatho micchattam titthāyatanam vipariyāsaggāho viparītaggāho vipallāsaggāho micchāggāho

1. Na aññaṃ (Sī, Syā, Ka)

2. Passa Sam 2. 401 piṭṭhe.

3. Tassa bhikkhuno rūpaṃ (Syā)

ayāthāvakaśmiṃ yāthāvakaṃtī gāho yāvata dvāsaṭṭhi diṭṭhigatāni, ayaṃ attānudiṭṭhi. **Attānudiṭṭhiṃ ūhaccāti** attānudiṭṭhiṃ ūhacca samūhacca¹ uddharitvā samuddharitvā uppāṭayitvā samuppāṭayitvā pajahitvā vinodetvā byantīkaritvā anabhāvaṃ gametvāti attānudiṭṭhiṃ ūhacca.

Evam maccutaro siyāti evaṃ maccupi tareyyāsi, jarāpi tareyyāsi, maraṇampi tareyyāsi uttareyyāsi patareyyāsi samatikkameyyāsi vīvatteyyāsīti evaṃ maccutaro siyā.

Evam lokam avekkhantanti evaṃ lokam avekkhantaṃ paccavekkhantaṃ ulayantaṃ tīrayantaṃ vibhāvayantaṃ vibhūtaṃ karontanti evaṃ lokam avekkhantaṃ.

Maccu rājā na passatīti maccupi maccurājā, māropi maccurājā, maraṇampi maccurājā. **Na passatīti** maccurājā na passati na dakkhati nādhigacchati na vindati na paṭilabhati. Vuttañhetam Bhagavatā— “seyyathāpi bhikkhave ārañṇiko migo arañṇe pavane caramāno vissattho gacchati, vissattho² tiṭṭhati, vissattho nisīdati, vissattho seyyam kappeti. Tam kissa hetu. Anāpāthagato³ bhikkhave luddassa. Evameva kho bhikkhave bhikkhu vivicceva kāmehi vivicca akusalehi dhammehi savitakkaṃ savicāraṃ vivekaṃ pītisukhaṃ paṭhamaṃ jhānaṃ upasampajja viharati. Ayaṃ vuccati bhikkhave bhikkhu andhamakāsi⁴, māraṃ apadaṃ vadhitvā māracakkhum adassanaṃ gato pāpimato.

Puna caparaṃ bhikkhave bhikkhu vitakkavicārānaṃ vūpasamā ajjhantaṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ dutiyaṃ jhānaṃ -pa- tatiyaṃ jhānaṃ. Catutthaṃ jhānaṃ upasampajja viharati. Ayaṃ vuccati bhikkhave bhikkhu andhamakāsi māraṃ, apadaṃ vadhitvā māracakkhum adassanaṃ gato pāpimato.

Puna caparaṃ bhikkhave bhikkhu sabbaso rūpasaññānaṃ samatikkamā paṭighasaññānaṃ atthaṅgamā nānattasaññānaṃ amanasikārā “ananto ākāso”ti ākāsañācāyatanaṃ upasampajja viharati. Ayaṃ vuccati bhikkhave

1. Uhadca samuhacca (Ka) saddanītiyā pana sameti.

2. Vissattho (Ka)

3. Anāpāthagato (Ka)

4. Antamakāsi (Ka) passa Ma 1. 214 piṭṭhe.

bhikkhu andhamakāsi māraṃ, apadaṃ vadhitvā māracakkhum adassanaṃ gato pāpimato.

Puna caparaṃ bhikkhave bhikkhu sabbaso ākāsānañcāyatanam samatikkamma “anantaṃ viññāṇaṃ”ti viññāṇañcāyatanam upasampajja viharati -pa-.

Puna caparaṃ bhikkhave sabbaso viññāṇañcāyatanam samatikkamma “natthi kiñci”ti ākiñcaññāyatanam upasampajja viharati -pa-.

Puna caparaṃ bhikkhave sabbaso ākiñcaññāyatanam samatikkamma nevasaññānāsaññāyatanam upasampajja viharati -pa-.

Puna caparaṃ bhikkhave sabbaso nevasaññānāsaññāyatanam samatikkamma saññāvedayitanirodham upasampajja viharati. Paññāya cassa disvā āsavā parikkhīṇā honti. Ayaṃ vuccati bhikkhave bhikkhu andhamakāsi māraṃ, apadaṃ vadhitvā māracakkhum adassanaṃ gato pāpimato, tiṇṇo loke visattikaṃ”ti. So vissattho gacchati, vissattho tiṭṭhati, vissattho nisīdati, vissattho seyyam kappeti. Tam kissa hetu, anāpāthagato bhikkhu pāpimatoti maccurājā na passati. Tenāha Bhagavā—

Suññato lokaṃ avekkhassu, Mogharāja sadā sato.

Attānudiṭṭhim ūhacca, evaṃ maccutaro siyā.

Evaṃ lokaṃ avekkhantaṃ, maccurājā na passatīti.

Saha gāthāpariyosānā -pa- “Satthā me bhante Bhagavā, sāvakohamasmi”ti.

Mogharājamāṇavapucchāniddeśo pannarasamo.

16. Piṅgiyamāṇavapucchāniddeśa

89. Jiṇṇohamasmi abalo vītavaṇṇo¹, (iccāyasmā Piṅgiyo,)

Nettā na suddhā savanaṃ na phāsu.

Māhaṃ nassaṃ momuho antarāva²,

Ācikkha dhammaṃ yamaṃ vijaññaṃ.

Jātijaṛāya idha vippahānaṃ.

(1)

1. Vivaṇṇo (Syā)

2. Antarāya (Syā, Ka)

Jiṇṇohamasmi abalo vītavaṇṇoti jiṇṇohamasmīti jiṇṇo vuḍḍho mahallako addhagato vayo-anuppatto vīsavassasatiko jātiyo. **Abaloti** dubbalo appabalo appathāmo. **Vītavaṇṇoti** vītavaṇṇo vigatavaṇṇo vigacchitavaṇṇo, yā sā purimā subhā vaṇṇanibhā, sā antarahitā ādīnavo pātubhūtoti jiṇṇohamasmi abalo vītavaṇṇo.

Iccāyasmā Piṅgiyoti iccāti padasaddhi -pa-. **Āyasmāti** piyavacanāṃ -pa-. **Piṅgiyoti** tassa brāhmaṇassa nāmaṃ -pa- abhilāpoti iccāyasmā Piṅgiyo.

Nettā na suddhā savanaṃ na phāsūti nettā asuddhā avisuddhā aparisuddhā avodātā, no tathā cakkhunā rūpe passāmīti nettā na suddhā. **Savanaṃ na phāsūti** sotaṃ asuddhaṃ avisuddhaṃ aparisuddhaṃ avodātāṃ, no tathā sotena saddaṃ suṇomīti nettā na suddhā savanaṃ na phāsu.

Māhaṃ nassaṃ momuho antarāvāti māhaṃ nassaṃ māhaṃ nassaṃ māhaṃ vinassaṃ māhaṃ panassaṃ. **Momuhoti** mohamuho avijjāgato aññāṇī avibhāvī duppañño. **Antarāvāti** tuyhaṃ dhammaṃ diṭṭhiṃ paṭipadaṃ maggaṃ anaññāya anadhigantvā aviditvā appaṭilabhitvā aphassayitvā asacchikarivā antarāyeva kālaṃ kareyyanti māhaṃ nassaṃ momuho antarāva.

Ācikkha dhammaṃ yamaṃ vijaññanti dhammanti ādikalyāṇaṃ majjhakalyāṇaṃ pariyośanakalyāṇaṃ sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ cattāro satipaṭṭhāne cattāro sammappad.hāne cattāro iddhipāde pañcendriyāni pañca balāni satta bojhaṅge ariyaṃ aṭṭhaṅgikaṃ maggaṃ nibbānaṅca nibbānagāminiṅca paṭipadaṃ ācikkhāhi desehi paññapehi paṭṭhapehi vivarāhi vibhajāhi uttānīkarohi pakāsehīti ācikkha dhammaṃ. **Yamaṃ vijaññanti** yamaṃ jāneyyaṃ ājāneyyaṃ vijāneyyaṃ paṭivijāneyyaṃ paṭivijjheyyaṃ adhigaccheyyaṃ phasseyyaṃ sacchikareyyanti ācikkha dhammaṃ yamaṃ vijaññaṃ.

Jātijarāya idha vipphānanti idheva jātijarāmaraṇassa pahānaṃ vūpasamaṃ paṭinissaggaṃ paṭippassaddhiṃ amataṃ nibbānanti jātijarāya idha vipphānaṃ. Tenāha so brāhmaṇo—

Jiṇṇohamasmi abalo vītavaṇṇo, (iccāyasmā Piṅgiyo,)

Nettā na suddhā savanaṃ na phāsu.

Māhaṃ nassaṃ momuho antarāva,

Ācikkha dhammaṃ yamaṃ vijaññaṃ.

Jātijarāya idha vipphānanti.

**90. Disvāna rūpesu vihaññaṃāne, (Piṅgiyāti Bhagavā,)

Ruppanti rūpesu janā pamattā.**

Tasmā tuvaṃ Piṅgiya appamatto,
Jahassu rūpaṃ apunabbhavāya. (2)

Disvāna rūpesu vihaññaṃāneti rūpanti cattāro ca mahābhūtā catunnaṅca mahābhūtānaṃ upādāya rūpaṃ, sattā rūpahetu rūpappaccayā rūpakāraṇā haññanti vihaññanti upahaññanti upaghātiyanti¹, rūpe sati vividhakammakāraṇā² kārenti, kasāhipi tāḷenti, vettehipi tāḷenti, aḍḍhadaḍḍakehipi tāḷenti, hatthampi chindanti, pādampi chindanti, hatthapādampi chindanti, kaṇṇampi chindanti, nāsampi chindanti, kaṇṇanāsampi chindanti, bilaṅgathālikampi karonti, saṅkhamuḍḍikampi karonti, rāhumukhampi karonti, jotimālikampi karonti, hatthapajjotikampi karonti, erakavattikampi karonti, cīrakavāsikampi karonti, eṇeyyakampi karonti, baḷisamaṃsikampi karonti, kahāpaṇikampi karonti, khārāpatacchikampi³ karonti, palighaparivattikampi karonti, palālapīṭhakampi karonti, tattenapi telena osiṅcanti, sunakhehipi khādāpentī, jīvantampi sūle uttāsenti, asināpi sīsaṃ chindanti, evaṃ sattā rūpahetu rūpappaccayā rūpakāraṇā haññanti vihaññanti upahaññanti upaghātiyanti. Evaṃ haññaṃāne vihaññaṃāne upahaññaṃāne upaghātiyamāne disvā passitvā tulayitvā tīrayitvā vibhāvayitvā vibhūtaṃ katvāti disvāna rūpesu vihaññaṃāne.

Piṅgiyāti Bhagavāti Piṅgiyāti Bhagavā taṃ brāhmaṇaṃ nāmena ālapati. **Bhagavāti** gāravādhivacanametam -pa- sacchikā paññatti, yadidaṃ **Bhagavāti Piṅgiyāti Bhagavā.**

1. Upaghātayanti (Syā, Ka)

2. Vividhakammakāraṇāni (Ka)

3. Khārāpaṭicchikampi (Ka)

Ruppanti rūpesu janā pamattāti ruppantīti ruppanti kuppanti pīlayanti¹ ghaṭṭayanti, byādhitā domanassitā honti. Cakkhurogena ruppanti kuppanti pīlayanti ghaṭṭayanti, byādhitā domanassitā honti. Sotarogena -pa-. Kāyarogena -pa-. Daṃsamakasavātātapasarīsapasamphassehi ruppanti kuppanti pīlayanti ghaṭṭayanti, byādhitā domanassitā hontīti ruppanti rūpesu.

Atha vā cakkhusmiṃ hīyamāne hāyamāne parihāyamāne vemāne² vigacchamāne antāradhāyamāne ruppanti -pa- domanassitā honti. Sotasmim. Ghānasmim. Jivhāya. Kāyasmim. Rūpasmim. Saddasmim. Gandhasmim. Rasasmim. Phoṭṭhabbasmim. Kulasmim. Gaṇasmim. Āvāsasmim. Lābhasmim. Yasasmim. Pasaṃsāya. Sukhasmim. Cīvarasmim. Piṇḍapātasmim. Senāsanasmim. Gilānapaccayabhesajjaparikkhāsmim hīyamāne hāyamāne parihāyamāne vemāne vigacchamāne antaradhāyamāne ruppanti kuppanti pīlayanti ghaṭṭayanti, byādhitā domanassitā hontīti evampi ruppanti rūpesu.

Janāti khattiyā ca brāhmaṇā ca vessā ca suddā ca gahaṭṭhā ca pabbajitā ca devā ca manussā ca. **Pamattāti** pamādo vattabbo kāyaduccaritena vā vacīduccaritena vā manoduccaritena vā pañcasu kāmaguṇesu cittassa vosaggo vosaggānuppadānaṃ kusalānaṃ vā dhammānaṃ bhāvanāya asakkaccakiriyatā asāttaccakiriyatā anaṭṭhitakiriyatā olīnavuttitā nikkhittacchandatā nikkhittadhuratā anāsevanā abhāvanā abahulīkammaṃ³ anadhīṭṭhānaṃ ananuyogo pamādo, yo evarūpo pamādo pamajjanā pamajjitattaṃ, ayaṃ vuccati pamādo, iminā pamādena samannāgatā janā pamattāti ruppanti rūpesu janā pamattā.

Tasmā tuvaṃ Piṅgiya appamattoti tasmāti tasmā taṃkāraṇā taṃhetu tappaccayā taṃnidānaṃ evaṃ ādīnavaṃ sampassamāno rūpesūti tasmā tuvaṃ Piṅgiya. **Appamattoti** sakkaccakārī sātaccakārī -pa- appamādo kusalesu dhammesūti tasmā tuvaṃ Piṅgiya appamatto.

Jahassu rūpaṃ apunabbhavāyāti rūpanti cattāro ca mahābhūtā catunnaṅca mahābhūtānaṃ upādāya rūpaṃ. **Jahassu rūpanti** jahassu rūpaṃ, pajahassu rūpaṃ, vinodehi rūpaṃ, byantikarohi rūpaṃ, anabhāvaṃ gamehi rūpaṃ. **Apunabbha**

1. Pīliyanti (Syā, Ka)

2. Vihāyamāne (Ka)

3. Abahulīkammaṃ (Ka)

vāyāti yathā te rūpaṃ idheva nirujjheyya, puna paṭisandhiko bhavo na nibbatteyya kāmadhātuyā vā rūpadhātuyā vā arūpadhātuyā vā, kāmabhavo vā rūpabhavo vā arūpabhavo vā, saññābhavo vā asaññābhavo vā nevasaññānāsaññābhavo vā, ekavokārabhavo vā catuvokārabhavo vā pañcavokārabhavo vā, puna gatiyā vā upapattiyā vā paṭisandhiyā vā bhavo vā saṃsāre vā vaṭṭe vā na janeyya na sañjaneyya na nibbatteyya nābhinibbatteyya idheva nirujjheyya vūpasameyya atthaṃ gaccheyya paṭippassambheyyāti jahassu rūpaṃ apunabbhavāya. Tenāha Bhagavā—

Disvāna rūpesu vihaññamāne, (Piṅgiyāti Bhagavā,
Ruppanti rūpesu janā pamattā.
Tasmā tuvaṃ Piṅgiya appamatto,
Jahassu rūpaṃ apunabbhavāyāti.

**91. Disā catasso vidisā catasso,
Uddham adho dasa disā imāyo.
Na tuyham adiṭṭham asutam amutam,
Aho aviññātam kiñcanamatthi loke.
Ācikkha dhammam yamaham vijaññam,
Jātijarāya idha vipphānam.** (3)

Disācatasso vidisā catasso, uddham adho dasa disā imāyoti dasa disā.

Na tuyham adiṭṭham asutam amutam, aho aviññātam kiñcanamatthi loketi na tuyham adiṭṭham asutam amutam aviññātam kiñci attattho vā parattho vā ubhayattho vā diṭṭhadhammiko vā attho samparāyiko vā attho uttāno vā attho gambhīro vā attho gūḷho vā attho paṭicchanno vā attho neyyo vā attho nīto vā attho anavajjo vā attho nikkilesa vā attho vodāno vā attho paramattho vā attho natthi na atthi na saṃvijjati nupalabbhatīti na tuyham adiṭṭham asutam amutam aho aviññātam kiñcanamatthi loke.

Ācikkha dhammam yamaham vijaññanti dhammanti ādikalyāṇam -pa-nibbānañca nibbānagāminiñca paṭipadaṃ ācikkhāhi desehi paññapehi paṭṭhapehi vivarāhi vibhajāhi

uttānīkarohi pakāsehi. **Yamaham vijaññanti** yamaham jāneyyam ājāneyyam vijāneyyam paṭivijāneyyam paṭivijjheyam adhigaccheyyam phasseyyam sacchikareyyanti ācikkha dhammam yamaham vijaññam.

Jātijarāya idha vipphānanti idheva jātijarāmarañassa pahānam vūpasamaṃ paṭinissaggaṃ paṭippassaddhiṃ amataṃ nibbānanti jātijarāya idha vipphānam. Tenāha so brāhmaṇo—

Disā catasso vidisā catasso,
Uddham adho dasa disā imāyo.
Na tuyham adiṭṭham asutaṃ amutaṃ,
Atha aviññātaṃ kiñcanamatthi loke.
Ācikkha dhammam yamaham vijaññam,
Jātijarāya idha vipphānanti.

92. **Taṇhādhipanne manuje pekkhamāno, (Piṅgiyāti Bhagavā,)**

Santāpajāte jarasā paretē.

Tasmā tuvaṃ Piṅgiya appamatto,

Jahassu taṇham apunabbhavāya. (4)

Taṇhādhipanne manuje pekkhamānoti taṇhāti rūpataṇhā -pa-dhammataṇhā. **Taṇhādhipanneti taṇhādhipanne**¹ taṇhānuge taṇhānugate taṇhānusaṭe taṇhāya panne paṭipanne abhibhūte pariyādinnacitte. **Manujeti** sattādhivacanam. **Pekhamānoti** pekkhamāno dakkhamāno olokayamāno niṅghāyamāno upaparikkhamānoti taṇhādhipanne manuje pekkhamāno. **Piṅgiyāti Bhagavāti Piṅgiyāti** Bhagavā taṃ brāhmaṇam nāmena ālapati. **Bhagavāti** gāravādhivacanametam -pa- sacchikā paññatti, yadidaṃ Bhagavāti Piṅgiyāti Bhagavā.

Santāpajāte jarasā pareteti santāpajātetī jātiyā santāpajāte, jarāya santāpajāte, byādhinā santāpajāte, marañena santāpajāte, sokaparidevadukkhadomanassupāyāsehi santāpajāte, nerayikena dukkhena santāpajāte -pa- diṭṭhibyasanena dukkhena santāpajāte

1. Taṇhāya adhipanne (Ka)

ītijāte upaddavajāte upasaggajātetī santāpajāte. **Jarasā paretetī** jarāya phuṭṭhe paretē samohite samannāgate. Jātiyā anugate jarāya anusate byādhinā abhibhūte maraṇena abbhāhate atāṇe aleṇe asaraṇe asaraṇibhūtetī santāpajāte jarasā paretē.

Tasmā tuvaṃ Piṅgiya appamattotī tasmāti tasmā taṃkāraṇā taṃhetu tappaccayā taṃnidānā evaṃ ādīnavaṃ sampassamāno taṃhāyāti tasmā tuvaṃ Piṅgiya. **Appamattotī** sakkaccakārī -pa- appamādo kusalesu dhammesūti tasmā tuvaṃ Piṅgiya appamatto.

Jahassu taṇhaṃ apunabbhavāyāti taṇhāti rūpataṇhā -pa- dhammataṇhā. **Jahassu taṇhanti** jahassu taṇhaṃ, pajahassu taṇhaṃ, vinodehi taṇhaṃ, byantīkarohi taṇhaṃ, anabhāvaṃ gamehi taṇhaṃ. **Apunabbhavāyāti** yathā te -pa- punapaṭisandhiko bhavo na nibbatteyya kāmādhātuyā vā rūpadhātuyā vā arūpadhātuyā vā kāmabhava vā rūpabhava vā arūpabhava vā saññābhava vā asaññābhava vā nevasaññānāsaññābhava vā, ekavokārabhave vā catuvokārabhave vā pañcavokārabhave vā, punagatiyā vā upapattiyā vā paṭisandhiyā vā bhava vā saṃsāre vā vaṭṭe vā na jāneyya na sañjāneyya na nibbatteyya nābhinibbatteyya idheva nirujjheyya vūpasameyya atthaṃ gaccheyya paṭippassambheyyāti jahassu taṇhaṃ apunabbhavāya. Tenāha Bhagavā—

Taṇhādhipanne manuje pekkhamāno, (Piṅgiyāti Bhagavā,)

Santāpajāte jarasā paretē.

Tasmā tuvaṃ Piṅgiya appamatto,

Jahassu taṇhaṃ apunabbhavāyāti.

Saha gāthāpariyosānā ye te brāhmaṇena saddhiṃ ekacchandaṃ ekapayogā ekādhippāyā ekavāsanavāsītā, tesāṃ anekapāṇasahassānaṃ virajāṃ vītamalaṃ dhammacakkhuṃ udapādi “yaṃ kiñci samudayadhammaṃ, sabbaṃ taṃ nirodhadhammaṃ”ti. Tassa ca brāhmaṇassa virajāṃ vītamalaṃ dhammacakkhuṃ udapādi “yaṃ kiñci samudayadhammaṃ, sabbaṃ taṃ nirodhadhammaṃ”ti, saha dhammacakkhussa paṭilābhā ajinajaṭāvākacīratidaṇḍakamaṇḍalukesā ca massū ca antarahitā.

Bhaṇḍukāsāyavatthavasano saṅghāṭipattacīvaradharo anvatthapaṭipattiyā pañjaliko Bhagavantam namassamāno nisinno hoti “Sathā me bhante Bhagavā, sāvako hamasmī”ti.

Piṅgiyamāṇavapucchāniddeso¹ soḷasamo.

17. Pārāyanatthutigāthāniddesa

93. Idamavoca Bhagavā Magadhesu viharanto pāsāṇake cetiye, paricārakasōlasānam² brāhmaṇānam ajjhittḥo puṭṭho puṭṭho pañham byākāsi.

Idamavoca Bhagavāti idam pārāyanam avoca. **Bhagavā**ti gāravādhivacanametam -pa- sacchikā paññatti, yadidam Bhagavāti idamavoca Bhagavā. **Magadhesu viharantoti** Magadhanāmake janapade viharanto iriyato vattento pārento yapento yāpento. **Pāsāṇake cetiyeti** pāsāṇakacetiyaṃ vuccati Buddhāsananti Magadhesu viharanto pāsāṇake cetiye. **Paricārakasōlasānam brāhmaṇānanti** Piṅgiyo³ brāhmaṇo Bāvarissa brāhmaṇassa paddhopaddhacaro paricārako⁴ sisso, Piṅgiyena⁵ te soḷasāti evampi paricārakasōlasānam brāhmaṇānam. Atha vā te soḷasa brāhmaṇā Buddhassa Bhagavato paddhā paddhacārā paricārakā sissāti evampi paricārakasōlasānam brāhmaṇānam.

Ajjhittḥo puṭṭho puṭṭho pañham byākāsīti ajjhittḥoti ajjhittḥo ajjhesito. **Puṭṭho puṭṭhoti** puṭṭho puṭṭho pucchito pucchito yācito yācito ajjhesito ajjhesito pasādito pasādito. **Pañham byākāsīti** pañham byākāsi ācikkhi desesi paññapesi paṭṭhapesi vivari vibhaji uttānī-ākāsi pakāsesīti ajjhittḥo puṭṭho puṭṭho pañham byākāsi. Tenetaṃ vuccati—

Idamavoca Bhagavā Magadhesu viharanto pāsāṇake cetiye, paricārakasōlasānam brāhmaṇānam ajjhittḥo puṭṭho puṭṭho pañham byākāsīti.

1. Siṅgiyapañham (Ka)

2. Paricārikasōlasānam (Syā, Ka)

3. Siṅgiyo (Ka)

4. Paricāriko (Syā, Ka)

5. Tena (Ka)

94. Ekamekassa cepi pañhassa atthamaññāya dhammamaññāya dhammānudhammaṃ paṭipajjeyya, gaccheyyeva jarāmaṇassa pāraṃ, pāraṅgamanīyā ime dhammāti, tasmā imassa dhammapariyāyassa pārāyananteva adhivacanaṃ.

Ekamekassa cepi pañhassāti ekamekassa cepi Ajitapañhassa ekamekassa cepi Tissametteyyapañhassa ekamekassa cepi Puṇṇakapañhassa ekamekassa cepi Mettagūpañhassa ekamekassa cepi Dhokakapañhassa ekamekassa cepi Upasīvapañhassa ekamekassa cepi Nandakapañhassa ekamekassa cepi Hemakapañhassa ekamekassa cepi Todeyyapañhassa ekamekassa cepi Kappapañhassa ekamekassa cepi Jatukaṇṇikapañhassa ekamekassa cepi Bhadrāvudhapañhassa ekamekassa cepi Udayapañhassa ekamekassa cepi Posālapañhassa ekamekassa cepi Mogharājapañhassa ekamekassa cepi Piṅgiyapañhassāti ekamekassa cepi pañhassa.

Atthamaññāya dhammamaññāyāti sveva pañho dhammo, visajjanaṃ¹ atthoti atthaṃ aññāya jānitvā tulayitvā tīrayitvā vibhāvayitvā vibhūtaṃ katvāti atthamaññāya. **Dhammamaññāyāti** dhammaṃ aññāya jānitvā tulayitvā tīrayitvā vibhāvayitvā vibhūtaṃ katvāti dhammamaññāyāti atthamaññāya dhammamaññāya. **Dhammānudhammaṃ paṭipajjeyyāti** sammāpaṭipadaṃ anulomapaṭipadaṃ apaccanīkapaṭipadaṃ anvatthapaṭipadaṃ dhammānudhammapaṭipadaṃ paṭipajjeyyāti dhammānudhammaṃ paṭipajjeyya. **Gaccheyyeva jarāmaṇassa pāranti** jarāmaṇassa pāraṃ vuccati amataṃ nibbānaṃ. Yo so sabbasaṅkhārasamatho sabbūpadhippaṭinissaggo taṇhakkhayo virāgo nirodho nibbānaṃ. **Gaccheyyeva jarāmaṇassa pāranti** jarāmaṇassa pāraṃ gaccheyya, pāraṃ adhigaccheyya, pāraṃ adhiphasseyya, pāraṃ sacchikareyyāti gaccheyyeva jarāmaṇassa pāraṃ. **Pāraṅgamanīyā ime dhammāti** ime dhammā pāraṅgamanīyā, pāraṃ pāpenti, pāraṃ sampāpenti, pāraṃ samanupāpenti, jarāmaṇassa taraṇāya² saṃvattantīti pāraṅgamanīyā ime dhammāti.

Tasmā imassa dhammapariyāyassāti tasmāti tasmā taṃkāraṇā taṃhetu taṃpaccayā taṃnidānāti tasmā. **Imassa dhammapariyāyassāti**

1. Vissajjanaṃ (Ka)

2. Taraṇāya (Syā)

imassa pārāyanassāti tasmā imassa dhammapariyāyassa. **Pārāyananteva adhivacananti** pārāṃ vuccati amataṃ nibbānaṃ -pa- nirodho nibbānaṃ. Ayaṇaṃ vuccati maggo. Seyyathidaṃ, sammādiṭṭhi -pa- sammāsamaḍhi. **Adhivacananti** saṅkhā samaññā paññatti vohāro nāmaṃ nāmakammaṃ nāmadheyyaṃ nirutti byañjanaṃ abhilāpoti pārāyananteva adhivacanaṃ. Tenetaṃ vuccati—

Ekamekassa cepi pañhassa, atthamaññāya dhammamaññāya dhammānudhammaṃ paṭipajjeyya, gaccheyyeva jarāmaraṇassa pārāṃ, pārāṅgamaṇiyā ime dhammāti, tasmā imassa dhammapariyāyassa pārāyananteva adhivacananti.

95. **Ajito Tissametteyyo, Puṇṇako atha Mettagū.**
Dhotako Upasīvo ca, Nando ca atha Hemako. (1)

96. **Todeyya-kappā Dubhayo, Jatukaṇṇī ca paṇḍito.**
Bhadrāvudho Udayo ca, Posālo cāpi brāhmaṇo.
Mogharājā ca medhāvī, Piṅgiyo ca mahā-isi. (2)

97. **Ete Buddhaṃ upāgacchum, sampannacaraṇaṃ isim.**
Pucchantā nipuṇe pañhe, Buddhasetṭhaṃ upāgamum. (3)

Ete Buddhaṃ upāgacchunti eteti soḷasa pārāyaniyā brāhmaṇā. Buddhoti yo so Bhagavā Sayambhū anācariyako pubbe ananussutesu dhammesu sāmaṃ saccāni abhisambujjhi, tattha ca sabbaññutaṃ patto balesu ca vasībhāvaṃ. Buddhoti kenatṭhena Buddho, bujjhitā saccānīti Buddho, bodhetā pajāyāti Buddho, sabbaññutāya Buddho, sabbadassāvitāya Buddho, abhiññeyyatāya Buddho, visavitāya Buddho, khīṇāsavaṣaṅkhātena Buddho, nirupakkilesasaṅkhātena Buddho, ekantavītarāgoti Buddho, ekantavītadosoti Buddho, ekantavītamohoti Buddho, ekantanikkilesoti Buddho, ekāyanamaggaṃ gatoti Buddho, eko anuttaraṃ sammāsambodhiṃ abhisambuddhoti Buddho, abuddhivihatattā buddhipaṭilābhāti Buddho. Buddhoti netam nāmaṃ mātaraṃ kataṃ, na pitarā kataṃ, na bhātaraṃ kataṃ, na bhaginiyā kataṃ, na mittāmacchehi kataṃ, na ñātisālohitehi kataṃ, na samaṇabrāhmaṇehi kataṃ, na devatāhi kataṃ, vimokkhantikametaṃ Buddhānaṃ Bhagavantānaṃ bodhiyā mūle saha sabbaññutañāṇassa paṭilābhā sacchikā

paññatti, yadidaṃ Buddhoti. **Ete Buddhaṃ upāgacchuntī** ete Buddhaṃ upāgamimsu upasaṅkamimsu payirupāsimsu paripucchimsu paripañhimsūti ete Buddhaṃ upāgacchun.

Sampannacaraṇaṃ isinti caraṇaṃ vuccati silācāranibbatti.

Sīlasaṃvaropi caraṇaṃ, indriyasaṃvaropi caraṇaṃ, bhojane mattaññūtāpi caraṇaṃ, jāgariyānuyogopi caraṇaṃ, sattapi saddhammā caraṇaṃ, cattāripi jhānāni caraṇaṃ. **Sampannacaraṇanti** sampannacaraṇaṃ seṭṭhacaraṇaṃ vi-seṭṭhacaraṇaṃ¹ pāmokkhacaraṇaṃ uttamacaraṇaṃ pavara-caraṇaṃ. **Isīti** isi, Bhagavā mahantaṃ silakkhandhaṃ esī gavesī pariyesīti isi -pa-mahasakkhehi vā sattehi esito gavesito pariyesito “kahaṃ Buddho kahaṃ Bhagavā kahaṃ Devadevo kahaṃ Narāsabho”ti isīti sampannacaraṇaṃ isim.

Pucchantā nipuṇe pañheti pucchantāti pucchantā yācantā ajjhesantā pasādentā. **Nipuṇe pañheti** gambhīre duddase duranubodhe sante pañite atakkāvacare nipuṇe pañḍitavedanīye pañheti pucchantā nipuṇe pañhe.

Buddhaseṭṭhaṃ upāgamuntī Buddhoti yo so Bhagavā -pa- sacchikā paññatti, yadidaṃ Buddhoti. **Seṭṭhanti** aggaṃ seṭṭhaṃ vi-seṭṭhaṃ pāmokkhaṃ uttamaṃ pavaraṃ Buddhaṃ upāgamuṃ upāgamimsu upasaṅkamimsu payirupāsimsu paripucchimsu paripañhimsūti Buddhaseṭṭhaṃ upāgamuṃ. Tenetaṃ vuccati—

Ete Buddhaṃ upāgacchun, sampannacaraṇaṃ isim.

Pucchantā nipuṇe pañhe, Buddhaseṭṭhaṃ upāgamuntī.

98. Tesāṃ Buddho pabyākāsi, pañhaṃ puṭṭho yathātathaṃ.

Pañhānaṃ veyyākaraṇena, tosesi brāhmaṇe Muni. (4)

Tesaṃ Buddho pabyākāsīti tesanti soḷasaṇaṃ pārāyaniyānaṃ brāhmaṇānaṃ. Buddhoti yo so Bhagavā -pa- sacchikā paññatti, yadidaṃ Buddhoti. **Pabyākāsīti** tesāṃ Buddho pabyākāsi ācikkhi desesi pañnapesi paṭṭhapesi vivari vibhaji uttānī-akāsi pakāsesīti tesāṃ Buddho pabyākāsi.

Pañhaṃ puṭṭho yathātathanti pañhaṃ puṭṭhoti pañhaṃ puṭṭho pucchito yācito ajjhesito pasādito. **Yathātathanti** yathā ācikkhitabbaṃ, tathā

1. Vi-seṭṭhacaraṇaṃ (Ka)

ācikkhi. Yathā desitabbaṃ, tathā desesi. Yathā paññapetabbaṃ, tathā paññapesi. Yathā paṭṭhapetabbaṃ, tathā paṭṭhapesi. Yathā vivaritabbaṃ, tathā vivari. Yathā vibhajitabbaṃ, tathā vibhaji. Yathā uttānikātabbaṃ, tathā uttānī-akāsi. Yathā pakāsitabbaṃ, tathā pakāsesīti pañhaṃ puṭṭho yathātathaṃ.

Pañhānaṃ veyyākaraṇenāti pañhānaṃ veyyākaraṇena ācikkhanena desanena paññapanena paṭṭhapanena vivaraṇena vibhajanena uttānikammaṇa pakāsanenāti pañhānaṃ veyyākaraṇena.

Tosesi brāhmaṇe munīti tosesīti tosesi vitosesi pasādesi ārādhesi attamane akāsi. **Brāhmaṇeti** soḷasa pārāyaniye brāhmaṇe. **Munīti** monaṃ vuccati nāṇaṃ -pa- saṅgajālamaticca so munīti tosesi brāhmaṇe Muni. Tenetaṃ vuccati—

Tesaṃ Buddho pabyākāsi, pañhaṃ puṭṭho yathātathaṃ.

Pañhānaṃ veyyākaraṇena, tosesi brāhmaṇe Munīti.

99. Te tositā Cakkhumatā, Buddhenādiccabandhunā.

Brahmacariyamacarimsu, varapaññassa santike. (5)

Te tositā Cakkhumatāti teti soḷasa pārāyaniyā brāhmaṇā. **Tositāti** tositā vitositā pasādītā ārādhītā attamaṇā katāti te tositā. **Cakkhumatāti** Bhagavā pañcahi cakkhūhi Cakkhumā, maṃsacakkhunāpi Cakkhumā, dibbacakkhunāpi Cakkhumā, paññācakkhunāpi Cakkhumā, Buddhacakkhunāpi Cakkhumā, Samantacakkhunāpi Cakkhumā. Kathaṃ Bhagavā maṃsacakkhunāpi Cakkhumā -pa-. Evaṃ Bhagavā Samantacakkhunāpi Cakkhumāti te tositā Cakkhumatā.

Buddhenādiccabandhunāti Buddhoti yo so Bhagavā -pa- sacchikā paññatti, yadidaṃ Buddhoti. **Ādiccabandhunāti ādicco** vuccati sūriyo, so Gotamo gottena, Bhagavāpi Gotamo gottena, Bhagavā sūriyassa gottañātako gottabandhu, tasmā Buddho Ādiccabandhūti Buddhenādiccabandhunā.

Brahmacariyamacarimsūti brahmacariyaṃ vuccati asaddhammasamāpattiyā ārati virati paṭivirati veramaṇī viramaṇaṃ akiriya akaraṇaṃ anajjhāpatti velā-anatikkamo setughāto. Api ca nippariyāyavasena brahmacariyaṃ vuccati ariyo aṭṭhaṅgiko maggo. Seyyathidaṃ, sammādiṭṭhi sammāsaṅkappo sammāvācā sammākammanto sammā-ājīvo sammāvāyāmo sammāsati sammāsamādhī. **Brahmacariyamacarimsūti** brahmacariyaṃ carimsu acarimsu samādāya vattimsūti brahmacariyamacarimsu.

Varapañhassa santiketi varapañhassa aggapañhassa seṭṭhapañhassa viseṭṭhapañhassa pāmokkhapañhassa uttamapañhassa pavarapañhassa. **Santiketi** santike sāmanta āsanne avidūre upakaṭṭheti varapañhassa santike. Tenetaṃ vuccati—

Te tositā Cakkhumatā, Buddhenādiccabandhunā.
Brahmacariyamacarimsu, varapañhassa santiketi.

100. Ekamekassa pañhassa, yathā Buddhena desitaṃ.

Tathā yo paṭipajjeyya, gacche pāraṃ apārato. (6)

Ekamekassa pañhassāti ekamekassa Ajitapañhassa ekamekassa Tissametteyyapañhassa -pa- ekamekassa Piṅgiyapañhassāti ekamekassa pañhassa.

Yathā Buddhena desitanti Buddhoti yo so Bhagavā Sayambhū -pa- sacchikā paññatti, yadidaṃ Buddhoti. **Yathā Buddhena desitanti** yathā Buddhena ācikkhitaṃ desitaṃ paññapitaṃ paṭṭhapitaṃ vivaritaṃ vibhajitaṃ¹ uttānīkataṃ pakāsitaṃ yathā Buddhena desitaṃ.

Tathā yo paṭipajjeyyāti sammāpaṭipadaṃ anulomapaṭipadaṃ apaccanīkaṭipadaṃ anvatthapaṭipadaṃ dhammānudhammapaṭipadaṃ paṭipajjeyyāti tathā yo paṭipajjeyya.

Gacche pāraṃ apāratoti pāraṃ vuccati amataṃ nibbānaṃ -pa- nirodho nibbānaṃ. Apāraṃ vuccanti kilesā ca khandhā ca abhisāṅkhārā ca. **Gacche pāraṃ**

1. Vibhattaṃ (Syā)

Apāratoti apārato pāraṃ gaccheyya, pāraṃ adhigaccheyya, pāraṃ phasseyya, pāraṃ sacchikareyyāti gacche pāraṃ apārato. Tenetaṃ vuccati—

Ekamekassa pañhassa, yathā Buddhena desitaṃ.

Tathā yo paṭipajjeyya, gacche pāraṃ apāratoti.

101. Apārā pāraṃ gaccheyya, bhāvento maggamuttamaṃ.

Maggo so pāraṃ gamanāya, tasmā pārāyanaṃ iti. (7)

Apārā pāraṃ gaccheyyāti apāraṃ vuccanti kilesā ca khandhā ca abhisankhārā ca. Pāraṃ vuccati amataṃ nibbānaṃ -pa- taṇhakkhayo virāgo nirodho nibbānaṃ. **Apārā pāraṃ gaccheyyāti** apārā pāraṃ gaccheyya pāraṃ adhigaccheyya, pāraṃ phasseyya, pāraṃ sacchikareyyāti apārā pāraṃ gaccheyya.

Bhāvento maggamuttamanti maggamuttamaṃ vuccati ariyo aṭṭhaṅgiko maggo, seyyathidaṃ, sammādiṭṭhi -pa- sammāsamādhī. **Maggamuttamanti** maggaṃ aggaṃ seṭṭhaṃ viṣeṭṭhaṃ pāmokkhaṃ uttamaṃ pavaraṃ.

Bhāventoti bhāvento āsevanto bahulīkarontoti bhāvento maggamuttamaṃ.

Maggo so pāraṃ gamanāyāti—

Maggo pantho patho pajjo¹, añjasaṃ vaṭumaṃ'yanam.

Nāvā uttarasetu ca, kullo ca bhisi saṅkamo².

Pāraṃ gamanāyāti pāraṃ gamanāya pāraṃ sampāpanāya pāraṃ samanupāpanāya jarāmarañassa taraṇāyāti maggo so pāraṃ gamanāya.

Tasmā pārāyanaṃ itīti tasmāti tasmā taṅkāraṇā taṃhetu tappaccayā taṃnidānā. Pāraṃ vuccati amataṃ nibbānaṃ -pa- nirodho nibbānaṃ. Ayanam vuccati maggo. **Itīti** padasandhi -pa- padānupubbatāpetam itīti tasmā pārāyanaṃ iti. Tenetaṃ vuccati—

Apārā pāraṃ gaccheyya, bhāvento maggamuttamaṃ.

Maggo so pāraṃ gamanāya, tasmā pārāyanaṃ itīti.

Pārāyanatthutigāthāniddeso sattarasamo.

1. Addho (Ka)

2. Saṅgamo (Syā, Ka) passa Dhātumālāyaṃ maggadhātuvaṇṇanāyaṃ passitabbaṃ.

18. Pārāyanānugītigāthāniddesa

102. Pārāyanamanugāyissam, (iccāyasmā Piṅgiyo,)

Yathā'ddakkhi tathā'kkhāsi, vimalo Bhūrimedhaso.

Nikkāmo nibbano nāgo, kissa hetu musā bhaṇe. (1)

Pārāyanamanugāyissanti gītamanugāyissam, kathitamanukathayissam¹, bhaṇitamanubhaṇissam, lapitamanulapissam, bhāsītanubhāsissanti pārāyanamanugāyissam. **Iccāyasmā Piṅgiyoti iccāti** padasandhi -pa-padānupubbatāpetam iccāti. **āyasmāti** piyavacanam garuvacanam sagāravasappatissādhivacanametam āyasmāti. **Piṅgiyoti** tassa therassa nāmam saṅkhā samaññā paññatti vohāro nāmam nāmakammaṃ nāmadheyyam nirutti byañjanam abhilāpoti iccāyasmā Piṅgiyo.

Yathā'ddakkhi tathā'kkhāsiti yathā addakkhi, tathā akkhāsi ācikkhi desesi paññapesi paṭṭhapesi vivari vibhaji uttānī-akāsi pakāsesi. “Sabbe saṅkhārā aniccā”ti yathā addakkhi, tathā akkhāsi ācikkhi desesi paññapesi paṭṭhapesi vivari vibhaji uttānī-akāsi pakāsesi. “Sabbe saṅkhārā dukkhā”ti -pa-. “Sabbe dhammā anattā”ti. “Yam kiñci samudayadhammam, sabbam tam nirodhadhamman”ti yathā addakkhi, tathā akkhāsi ācikkhi desesi paññapesi paṭṭhapesi vivari vibhaji uttānī-akāsi pakāsesīti yathā'ddakkhi tathā'kkhāsi.

Vimalo Bhūrimedhasoti vimaloti rāgo malam, doso malam, moho malam, kodho, upanāho -pa- sabbākusalābhisaṅkhārā malā. Te malā Buddhassa Bhagavato pahīnā ucchinnamūlā tālavatthukatā anabhāvaṃkatā āyatim anuppādadhammā. Amalo Buddho vimalo nimmalo malāpagato malavippahīno malavimutto sabbamalavītivatto, bhūri vuccati pathavī. Bhagavā tāya² pathavisamāya paññāya vipulāya vitthatāya samannāgato, medhā vuccati paññā, yā paññā pajānanā -pa- amoho dhammavicayo sammādiṭṭhi. Bhagavā imāya medhāya paññāya upeto

1. Kathitamanugāyissam (Syā) evam sabbapadesu anugāyissanti āgataṃ.

2. Bhagavā imāya (Syā)

samupeto upāgato samupāgato upapanno samupapanno samannāgato, tasmā Buddho sumedhasoti vimalo Bhūrimedhaso.

Nikkāmo nibbano nāgoti kāmāti uddānato dve kāmā vatthukāmā ca kilesakāmā ca -pa-. Ime vuccanti vatthukāmā -pa-. Ime vuccanti kilesakāmā. Buddhassa Bhagavato vatthukāmā pariññātā, kilesakāmā pahīnā. Vatthukāmānaṃ pariññātattā kilesakāmānaṃ pahīnattā Bhagavā na kāme kāmēti, na kāme icchati, na kāme pattheti, na kāme piheti, na kāme abhijappati. Ye kāme kāmēti, kāme icchanti, kāme patthenti, kāme pihenti, kāme abhijappanti, te kāmakāmīno rāgarāgīno saññasaññīno. Bhagavā na kāme kāmēti, na kāme icchati, na kāme pattheti, na kāme piheti, na kāme abhijappati. Tasmā Buddho akāmo nikkāmo cattakāmo vantakāmo muttakāmo pahīnakāmo paṭinissaṭṭhakāmo vītarāgo vigatarāgo cattarāgo vantarāgo muttarāgo pahīnarāgo paṭinissaṭṭharāgo nicchāto nibbuto sītibhūto sukhappaṭisaṃvedī brahmabhūtena attanā viharatīti nikkāmo.

Nibbanoti rāgo vanāṃ, doso vanāṃ, moho vanāṃ, kodho vanāṃ, upanāho vanāṃ -pa- sabbākusalābhisaṅkhārā vanā. Te vanā Buddhassa Bhagavato pahīnā ucchinnamūlā tālavatthukatā anabhāvaṃkatā āyatīm anuppādadhammā. Tasmā Buddho avano vivano nibbano vanāpagato vanavippahīno vanavimutto sabbavanavītivattoti nibbano. **Nāgoti** nāgo, Bhagavā āguṃ na karotīti nāgo. Na gacchatīti nāgo. Na āgacchatīti nāgo -pa-. Evaṃ Bhagavā na āgacchatīti nāgoti nikkāmo nibbano nāgo.

Kissa hetu musā bhaṇeti kissa hetūti kissa hetu kiṃhetu kiṃkāraṇā kiṃnidānā kiṃpaccayāti kissa hetu. **Musā bhaṇeti** musā bhaṇeyya katheyya dīpeyya vohareyya. **Musā bhaṇeti** mosavajjaṃ bhaṇeyya. Musāvādaṃ bhaṇeyya. Anariyavādaṃ bhaṇeyya. Idhekacco sabhāgato¹ vā parisāgato² vā ñātimajjhagato vā pūgamajjhagato vā rājakulamajjhagato vā abhinīto sakkhipuṭṭho “chambho³ purisa yaṃ jānāsi, taṃ vadehī”ti so ajānaṃ vā āha

1. Sabhaggato (Syā) 2. Parisaggato (Syā) 3. Ehi bho (Syā) passa Ma 3. 95 piṭṭhe.

“jānāmī”ti, jānaṃ vā āha “na jānāmī”ti. Apassaṃ vā āha “passāmī”ti, passaṃ vā āha “na passāmī”ti iti attahetu vā parahetu vā āmisakiñcikkahetu vā sampajānamusā bhāsati. Idaṃ vuccati mosavajjam.

Api ca tīhākārehi musāvādo hoti, pubbevassa hoti “musā bhaṇissan”ti. Bhaṇantassa hoti “musā bhaṇāmī”ti. Bhaṇitassa hoti “musā mayā bhaṇitan”ti. Imehi tīhākārehi musāvādo hoti. . Api ca catūhākārehi musāvādo hoti pubbevassa hoti “musā bhaṇissan”ti. Bhaṇantassa hoti “musā bhaṇāmī”ti. Bhaṇitassa hoti “musā mayā bhaṇitan”ti vinidhāya diṭṭhiṃ. Imehi catūhākārehi musāvādo hoti. . Api ca pañchākārehi. Chahākārehi. Sattahākārehi. Aṭṭhahākārehi musāvādo hoti, pubbevassa hoti “musā bhaṇissan”ti. Bhaṇantassa hoti “musā bhaṇāmī”ti. Bhaṇitassa hoti “musā mayā bhaṇitan”ti vinidhāya diṭṭhiṃ, vinidhāya khantiṃ, vinidhāya ruciṃ, vinidhāya saññaṃ, vinidhāya bhāvaṃ. Imehi aṭṭhahākārehi musāvādo hoti. Mosavajjam kissa hetu musā bhaṇeyya kathāyya dīpeyya vohareyyāti kissa hetu musā bhaṇe. Tenāha thero Piṅgiyo—

Pārāyanamanugāyissaṃ, (iccāyasmā Piṅgiyo,)

Yathā’ddakki tathā’kkhāsi, vimalo Bhūrimedhaso.

Nikkāmo nibbano nāgo, kissa hetu musā bhaṇeti.

103. Pahīnamalamohassa, mānamakkhappahāyino.

Handāham kittayissāmi, giram vaṇṇūpasamhitam. (2)

Pahīnamalamohassāti malanti rāgo malaṃ, doso malaṃ, moho malaṃ, māno malaṃ, diṭṭhi malaṃ, kilesa malaṃ, sabbaduccaritam malaṃ, sabbabhavagāmikammaṃ malaṃ.

Mohoti yaṃ dukkhe aññāṇaṃ -pa- avijjālaṅgī moho akusalamūlaṃ. Ayam vuccati moho. Malañca moho ca Buddhassa Bhagavato pahīnā ucchinnamūlā tālavatthukatā anabhāvaṃkatā

āyatim anuppādadhammā. Tasmā Buddhō pahīnamalamohoti
pahīnamalamohassa.

Mānamakkhappahāyīnoti mānoti ekavidhena māno, yā cittassa unnati¹.
Duvidhena māno, attukkaṃsanamāno, paravambhanamāno. Tividhena
māno, “seyyohamasmī”ti māno, “sadiśohamasmī”ti māno, “hīnohamasmī”ti
māno. Catubbidhena māno, lābhena mānaṃ janeti, yasena mānaṃ janeti,
paśaṃsāya mānaṃ janeti, sukhena mānaṃ janeti. Pañcavidhena māno,
“lābhimhi manāpikānaṃ rūpānaṃ”ti mānaṃ janeti, “lābhimhi manāpikānaṃ
saddānaṃ. Gandhānaṃ. Rasānaṃ. Phoṭṭhabbānaṃ”ti mānaṃ janeti.
Chabbidhena māno, cakkhusampadāya mānaṃ janeti, sotasaṃpadāya.
Ghānasampadāya. Jivhāsaṃpadāya. Kāyasaṃpadāya. Manosaṃpadāya
mānaṃ janeti. Sattavidhena māno, māno atimāno mānātimāno omāno
avamāno asmimāno micchāmāno. Aṭṭhavidhena māno, lābhena mānaṃ
janeti, alābhena omānaṃ janeti, yasena mānaṃ janeti, ayasena omānaṃ
janeti, paśaṃsāya mānaṃ janeti, nindāya omānaṃ janeti, sukhena mānaṃ
janeti, dukkhena omānaṃ janeti. Navavidhena māno, seyyassa
“seyyohamasmī”ti māno, seyyassa “sadiśohamasmī”ti māno, seyyassa
“hīnohamasmī”ti māno. Sadiśassa “seyyohamasmī”ti māno, sadiśassa
“sadiśohamasmī”ti māno, sadiśassa “hīnohamasmī”ti māno. Hīnassa
“seyyohamasmī”ti māno. Hīnassa “sadiśohamasmī”ti māno, hīnassa
“hīnohamasmī”ti māno. Dasavidhena māno, idhekacco mānaṃ janeti jātiyā
vā gottena vā kolaputtīyena vā vaṇṇapokkharatāya vā dhanena vā ajjhenena
vā kammāyatanena vā sippāyatanena vā vijjāṭṭhānena² vā sutena vā
paṭibhānena vā aññataraññatarena vā vatthunā. Yo evarūpo māno maññanā
maññitattaṃ unnati unnamo dhajo sampaggāho ketukamyatā cittassa. Ayaṃ
vuccati māno.

Makkhoti yo makkho makkhāyanā makkhāyitattaṃ niṭṭhuriyaṃ
niṭṭhuriyakammaṃ³. Ayaṃ vuccati makkho. Buddhassa Bhagavato māno ca
makkho ca pahīnā

1. Uṇṇati (Syā, Ka)

2. Vijjāṭṭhānena (Ka)

3. Niṭṭhuriyakammaṃ (Ka) passa Abhi 2. 371 piṭṭhe.

ucchinnamūlā tālāvattthukatā anabhāvaṃkatā āyatiṃ anuppādadhammā.
Tasmā Buddho mānamakkhappahāyīti mānamakkhappahāyino.

Handāham kittayissāmi, giram vaṇṇūpasañhitanti handāhanti
padasandhi padasaṃsaggo padapāripūrī akkharasamavāyo byañjanasiliṭṭhatā
padānupubbatāpetam handāhanti. **Kittayissāmi giram vaṇṇūpasamhitanti**
vaṇṇena upetaṃ samupetaṃ upāgataṃ samupāgataṃ upapannaṃ
samupapannaṃ samannāgataṃ vācaṃ giram byappathaṃ udīraṇaṃ¹
kittayissāmi desessāmi paññapessāmi paṭṭhapessāmi vivarissāmi
vibhajissāmi uttānīkarissāmi pakāsessāmīti handāham kittayissāmi, giram
vaṇṇūpasamhitam. Tenāha thero Piṅgiyo—

Pahīnamalamohassa, mānamakkhappahāyino.

Handāham kittayissāmi, giram vaṇṇūpasañhitanti.

104. Tamonudo Buddho Samantacakkhu,

Lokantagū sabbabhavātivatto.

Anāsavo sabbadukkhappahīno,

Saccavhayo brahme upāsito me.

(3)

Tamonudo Buddho Samantacakkhūti tamonudoti rāgatamaṃ
dosatamaṃ mohatamaṃ mānatamaṃ diṭṭhitamaṃ kilesatamaṃ
duccaritatamaṃ andhakaraṇaṃ aññāṇakaraṇaṃ paññānirodhikaṃ
vighātapakkhikaṃ anibbānasamvattanikaṃ nudi panudi pajahi vinodesi
byantī-akāsi anabhāvaṃ gamesi. **Buddhoti** yo so Bhagavā -pa- sacchikā
paññatti, yadidaṃ Buddhoti. **Samantacakkhu** vuccati sabbaññutaññaṇaṃ -pa-
Tathāgato tena Samantacakkhūti tamonudo Buddho Samantacakkhu.

Lokantagū sabbabhavātivattoti lokoti eko loko, bhavaloko. Dve lokā,
bhavaloko ca sambhavaloko ca. Sampattibhavaloko ca
sampattisambhavaloko ca. Vipattibhavaloko ca vipattisambhavaloko ca².
Tayo lokā. tisso vedanā. Cattāro lokā, cattāro āhārā. Pañca lokā,
pañcupādānakkhandhā. Cha lokā, cha ajjhattikāni āyatanāni. Satta lokā,

1. Odīraṇaṃ (Syā)

2. Dve lokā sampatti ca bhavaloko vipatti ca bhavaloko (Syā)

sattaviññāṇaṭṭhitiyo. Aṭṭha lokā, aṭṭha lokadhammā. Nava lokā, nava sattāvāsā. Dasa lokā, dasa āyatanāni. Dvādasa lokā, dvādasāyatanāni. Aṭṭhārasa lokā, aṭṭhārasa dhātuyo. **Lokantagūti** Bhagavā lokassa antagato antappatto koṭigato koṭippatto -pa- nibbānagato nibbānappatto. So vutthavāso ciṇṇacaraṇo -pa- jātimaraṇasaṁsāro, natthi tassa punabbhavoti lokantagū.

Sabbabhavātivattoti bhavāti dve bhavā kammabhavo ca paṭisandhiko ca punabbhavo. Katamo kammabhavo. Puññābhisaṅkhāro apuññābhisaṅkhāro āneñjābhisaṅkhāro, ayaṁ kammabhavo. Katamo paṭisandhiko punabbhavo. Paṭisandhikā rūpā vedanā saññā saṅkhārā viññāṇaṁ, ayaṁ paṭisandhiko punabbhavo. Bhagavā kammabhavañca paṭisandhikañca punabbhavaṁ ativatto¹ atikkanto vītivattoti lokantagū sabbabhavātivatto.

Anāsavo sabbadukkhappahīnoti anāsavoti cattāro āsavā kāmāsavo bhavāsavo diṭṭhāsavo avijjāsavo. Te āsavā Buddhassa Bhagavato pahīnā ucchinnamūlā tālāvatthukatā anabhāvamkatā āyatim anuppādadhammā. Tasmā Buddho anāsavo. **Sabbadukkhappahīnoti** sabbaṁ tassa paṭisandhikaṁ jātidukkhaṁ jarādukkhaṁ byādhidukkhaṁ maraṇadukkhaṁ sokaparidevadukkhadomanassupāyāsadukkhaṁ -pa- diṭṭhibyasanadukkhaṁ pahīnaṁ samucchinnaṁ vūpasantaṁ paṭippassaddhaṁ abhabbuppattikaṁ nāṇagginā daḍḍhaṁ. Tasmā Buddho sabbadukkhappahīnoti anāsavo sabbadukkhappahīno.

Saccavhayo brahme upāsito meti saccavhayoti saccavhayo sadisaṇāmo sadisavhayo saccasadisavhayo. Vipassī Bhagavā Sikhī Bhagavā Vessabhū Bhagavā Kakusandho Bhagavā Koṇāgamano Bhagavā Kassapo Bhagavā. Te Buddhā Bhagavanto sadisaṇāmā sadisavhayā. Bhagavāpi Sakyamuni tesam Buddhānaṁ Bhagavantānaṁ sadisaṇāmo sadisavhayoti tasmā Buddho saccavhayo.

Brahme upāsito meti so mayā Bhagavā āsito upāsito payirupāsito paripucchito paripaṇhitoti saccavhayo brahme upāsito me. Tenāha thero Piṅgiyo—

1. Upātivatto (Ka)

Tamonudo Buddho Samantacakkhu,
Lokantagū sabbabhavātivatto.
Anāsavo sabbadukkhappahīno,
Saccavhayo brahme upāsito meti.

**105. Dijo yathā kubbanakaṃ pahāya,
Bahupphalaṃ kānanamāvaseyya.
Evamaḥaṃ appadasse pahāya,
Mahodadhiṃ haṃsoriva ajjhapatto¹. (4)**

Dijo yathā kubbanakaṃ pahāya, bahupphalaṃ kānanamāvaseyyāti dijo vuccati pakkhī. Kimkāraṇā dijo vuccati pakkhī, dvikkhattuṃ jāyatīti dijo mātukucchimhā ca aṇḍakosamhā ca. Taṃkāraṇā dijo vuccati pakkhīti dijo. **Yathā kubbanakaṃ pahāyāti** yathā dijo kubbanakaṃ parittavanakaṃ appaphalaṃ appabhakkhaṃ appodakaṃ pahāya jahitvā atikkamitvā samatikkamitvā vītivattetvā aññaṃ bahupphalaṃ bahubhakkhaṃ bahūdakaṃ² mahantaṃ kānanaṃ vanasaṇḍaṃ adhigaccheyya vindeyya paṭilabheyya tasmīṃ ca vanasaṇḍe vāsaṃ kappeyyāti dijo yathā kubbanakaṃ pahāya, bahupphalaṃ kānanaṃ āvaseyya.

Evamaḥaṃ appadasse pahāya, mahodadhiṃ haṃsoriva ajjhapattoti evanti opammasampañjānaṃ. **Appadasse pahāyāti** yo ca Bāvarī brāhmaṇo ye caññe tassa ācariyā Buddhaṃ Bhagavantaṃ upādāya appadassā parittadassā thokadassā omakadassā lāmakadassā chatukkadassā³ vā. Te appadasse parittadasse thokadasse omakadasse lāmakadasse chatukkadasse pahāya pajahitvā atikkamitvā samatikkamitvā vītivattetvā Buddhaṃ Bhagavantaṃ Appamāṇadassam Aggadassam Seṭṭhadassam Viṣeṭṭhadassam Pāmoḁkhadassam Uttamadassam Pavaradassam Asamaṃ Asamasamaṃ Appaṭisamaṃ Appaṭibhāgaṃ Appaṭipuggalaṃ Devātidevaṃ Narāsabhaṃ Purisaṣīhaṃ Purisaṇāgaṃ Purisaṇājaññaṃ Purisaṇisaṇhaṃ Purisaḍhorayhaṃ Dasabaladhāriṃ⁴ adhigacchiṃ vindiṃ paṭilabhiṃ. Yathā ca haṃso

1. Ajja patto (Ka)

3. Jatukkadassā (Syā), jatukadassā (Sī-ṭṭha)

2. Bahurukkhaṃ (Syā)

4. Dasabalaṃ tādiṃ (Syā)

mahantaṃ mānasakaṃ¹ vā saraṃ anotattaṃ vā dahaṃ mahāsamuddaṃ vā akkhobhaṃ amitodakaṃ jalarāsiṃ adhigaccheyya vindeyya paṭilabheyya, evameva Buddhaṃ Bhagavantaṃ akkhobhaṃ amitatejaṃ pabhinnañāṇaṃ vivaṭacakkhuṃ paññāpabhedakusalaṃ adhigatapaṭisambhidaṃ catuvesārajappattaṃ suddhādhimuttaṃ setapaccattaṃ advayabhāṇiṃ tādīṃ tathāpaṭiññaṃ aparittaṃ mahantaṃ gambhīraṃ appameyyaṃ duppariyogāhaṃ pahūtaratanaṃ sāgarasamaṃ chaḷaṅgupekkhāya samannāgataṃ atulaṃ vipulaṃ appameyyaṃ, taṃ tādīsaṃ pavadataṃ maggavādiṇaṃ² merumiva nagānaṃ garuḷamiva dijānaṃ sihamiva migānaṃ udadhimiva aṇṇavānaṃ adhigacchiṃ, taṃ satthāraṃ jinapavaraṃ Mahesinti evamaṃ appadasse pahāya, mahodadhiṃ haṃsoriva ajjhapatto. Tenāha therō Piṅgiyo—

Dijo yathā kubbanakaṃ pahāya,
Bahupphalaṃ kānaṃāvaseyya.
Evamaṃ appadasse pahāya,
Mahodadhiṃ haṃsoriva ajjhattoti.

106. Ye me pubbe viyākaṃsu,

Huraṃ Gotamasāsanā, “iccāsi iti bhavissati.”

Sabbaṃ taṃ itihītaṃ, sabbaṃ taṃ takkavaḍḍhanaṃ. (5)

Ye me pubbe viyākaṃsūti yeti yo ca Bāvarī brāhmaṇo ye caññe tassa ācariyā, te sakaṃ diṭṭhiṃ sakaṃ khantiṃ sakaṃ ruciṃ sakaṃ laddhiṃ sakaṃ ajjhāsayaṃ sakaṃ adhippāyaṃ byākaṃsu ācikkhiṃsu desayīṃsu paññāpīṃsu paṭṭhāpīṃsu vivarīṃsu vibhajīṃsu uttānī-akaṃsu pakāsesunti ye me pubbe viyākaṃsu.

Huraṃ Gotamasāsanāti huraṃ Gotamasāsanā paraṃ Gotamasāsanā pure Gotamasāsanā paṭhamataraṃ Gotamasāsanā Buddhasāsanā Jinasāsanā Tathāgatasāsanā³ Arahantasāsanāti huraṃ Gotamasāsanā.

Iccāsi iti bhavissatīti evaṃ kira āsi, evaṃ kira bhavissatīti iccāsi iti bhavissati.

1. Mānusakataṃ (Syā)

2. Pavaramaggavādiṇaṃ (Ka)

3. Tathāgatasāsanā devasāsanā (Syā, Ka)

Sabbaṃ taṃ itihītihanti sabbaṃ taṃ itihītihaṃ itikirāya paramparāya piṭakasampadāya takkahetu nayahetu ākāraparivitakkena diṭṭhinijjhānakkhantiyā na sāmaṃ sayamabhiññātaṃ na attapaccakkhaṃ dhammaṃ yaṃ kathayimsūti sabbaṃ taṃ itihītihaṃ.

Sabbaṃ taṃ takkavaḍḍhananti sabbaṃ taṃ takkavaḍḍhanaṃ vitakkavaḍḍhanaṃ saṅkappavaḍḍhanaṃ kāmavitakkavaḍḍhanaṃ byāpādavittakkavaḍḍhanaṃ vihimśavitakkavaḍḍhanaṃ ñātivittakkavaḍḍhanaṃ janapadavitakkavaḍḍhanaṃ amarāvittakkavaḍḍhanaṃ parānudayatāpaṭisaṃyuttavitakkavaḍḍhanaṃ lābhasakkārasiloka-paṭisaṃyuttavitakkavaḍḍhanaṃ anavaññattipaṭisaṃyuttavitakkavaḍḍhananti sabbaṃ taṃ takkavaḍḍhanaṃ. Tenāha thero Piṅgiyo—

Ye me pubbe viyākamsu,
Huraṃ Gotamasāsanā, “iccāsi iti bhavissati.”
Sabbaṃ taṃ itihītihaṃ, sabbaṃ taṃ takkavaḍḍhananti.

107. Eko tamonudāsīno, jutimā so pabhaṅkaro.

Gotamo Bhūripaññaṇo, Gotamo Bhūrimedhaso. (6)

Eko tamonudāsīnoti ekoti Bhagavā pabbajjasaṅkhātena eko, adutiyaṭṭhena eko, taṅhāya pahānaṭṭhena eko, ekantavītarāgoti eko, ekantavītadosoti eko, ekantavītamohoti eko, ekantanikkilesoti eko, ekāyanamaggaṃ gatoti eko, eko anuttaraṃ sammāsambodhiṃ abhisambuddhoti eko.

Kathaṃ Bhagavā pabbajjasaṅkhātena eko, Bhagavā daharova samāno susu kāḷakeso bhadrena yobbanena samannāgato paṭhamena vayasā akāmakānaṃ mātāpitūnaṃ assumukhānaṃ rodantānaṃ vilapantānaṃ ñātiśaṅghaṃsabbhaṃ gharāvāsapalibodhaṃ chinditvā puttadārapalibodhaṃ chinditvā ñātipalibodhaṃ chinditvā mittāmaccapalibodhaṃ chinditvā sannidhipalibodhaṃ chinditvā kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajitvā akiñcanabhāvaṃ upagantvā eko carati viharati iriyati vatteti pāleti yapeti yāpeti. Evaṃ Bhagavā pabbajjasaṅkhātena eko.

Kathaṃ Bhagavā adutiyaṭṭhena eko, evaṃ pabbajito samāno eko araṇṇavanapatthāni pantāni senāsanāni paṭisevati appasaddāni

appanigghosāni vijanavātāni manussarāhasseyyakāni¹ paṭisallānasārūppāni²,
so eko gacchati, eko tiṭṭhati, eko nisīdati, eko seyyam kappeti, eko gāmaṃ
piṇḍāya pavisati, eko abhikkamati, eko paṭikkamati, eko raho nisīdati, eko
caṅkamaṃ adhiṭṭhāti, eko carati viharati iriyati vatteti pāleti yapeti yāpeti
evam Bhagavā adutiyaṭṭhena eko.

Katham Bhagavā taṇhāya pahānaṭṭhena eko, so evam eko adutiyo
appamatto ātāpī pahitatto viharanto najjā Nerañjarāya tīre Bodhirukkhamūle
mahāpadhānaṃ padahanto māraṃ sasenaṃ kaṇhaṃ namuciṃ
pamattabandhuṃ vidhamitvā taṇhājāliniṃ³ viṣaṭam⁴ viṣattikaṃ pajahi
vinodesi byantī-akāsi anabhāvaṃ gamesi.

“Taṇhādutiyo puriso, dīghamaddhāna saṃsaram.

Itthabhāvaññathābhāvaṃ, saṃsāraṃ nātivattati.

Etamādīnavaṃ⁵ ña tvā, taṇham⁶ dukkhassa sambhavaṃ.

Vītataṇho anādāno, sato bhikkhu paribbaje”ti.

Evam Bhagavā taṇhāya pahānaṭṭhena eko.

Katham Bhagavā ekantavītarāgoti eko, rāgassa pahīnattā
ekantavītarāgoti eko, dosassa pahīnattā ekantavītadosoti eko, mohassa
pahīnattā ekantāvītamohoti eko, kilesānaṃ pahīnattā ekantanikkilesoti eko.

Katham Bhagavā ekāyanamaggaṃ gatoti eko, ekāyanamaggo vuccati
cattāro satipaṭṭhānā -pa- ariyo aṭṭhaṅgiko maggo.

1. Manussarāhaseyyakāni (Syā, Ka)

2. Paṭisallānasārūppāni (Ka)

3. Taṇham jāliniṃ (Syā)

4. Saritaṃ (Syā) Khu 7. 362 piṭṭhepi.

5. Evamādīnavaṃ (Ka) passa Khu 1. 201 piṭṭhe.

6. Taṇhā (Syā, Ka) Khu 7. 362 piṭṭhe.

“Ekāyanam jātikhayantadassī,
Maggam pajānāti hitānukampī.
Etena maggena tarimsu¹ pubbe,
Tarissanti ye ca taranti oghan”ti.

Evam Bhagavā ekāyanamaggam gatoti eko.

Katham Bhagavā eko anuttaram sammāsambodhim abhisambuddhoti eko. Bodhi vuccati catūsu maggesu ñaṇam, pañña paññindriyam paññābalaṃ dhammavicayasambojjhaṅgo vīmaṃsā vipassanā sammādiṭṭhi, Bhagavā tena bodhiñāṇena “sabbe saṅkhārā aniccā”ti bujji, “sabbe saṅkhārā dukkhā”ti bujji -pa- “sabbe dhammā anattā”ti bujji,. “Yaṃ kiñci samudayadhammaṃ, sabbaṃ taṃ nirodhadhammaṃ”ti bujji. Atha vā yaṃ bujjhitabbaṃ anubujjhitabbaṃ paṭibujjhitabbaṃ sambujjhitabbaṃ adhigantabbaṃ phassitabbaṃ sacchikātabbaṃ, sabbaṃ taṃ tena bodhiñāṇena bujji anubujji paṭibujji sambujji adhigacchi phassesi sacchākāsi. Evam Bhagavā eko anuttaram sammāsambodhim abhisambuddhoti eko.

Tamonudoti Bhagavā rāgatamaṃ dosatamaṃ mohatamaṃ diṭṭhitamaṃ kilesatamaṃ duccharitatamaṃ andhakaraṇaṃ acakkhukaraṇaṃ aññākaranaṃ paññānirodhikaṃ vighātapakkhikaṃ anibbānasaṃvattanikaṃ nudi panudi pajahi vinodesi byantī-akāsi anabhāvaṃ gamesi. **Āsīnoti** nisinno Bhagavā pāsāṇake cetiyeti āsīno².

Nagassa passe āsīnaṃ, Munim dukkhassa pāragum.
Sāvakā payirupāsanti, tevijjā maccuhāyīnoti.

Evampi Bhagavā āsīno. . Atha vā Bhagavā sabbossukkapaṭippassaddhattā āsīno, so vutthavāso ciṇṇacaraṇo -pa-jātimaraṇasaṃsāro, natthi tassa punabbhavoti. Evampi Bhagavā āsīnoti eko tamonudāsīno.

Jutimā so pabhaṅkaroti jutimāti jutimā matimā paṇḍito paññavā buddhimā ñāṇī vibhāvī medhāvī. **Pabhaṅkaroti** pabhaṅkaro ālokakaro obhāsakaro dīpaṅkaro padīpakaro ujjotakaro pajjotakaroti jutimā so pabhaṅkaro.

1. Atarimsu (Ka) passa Saṃ 3. 162 piṭṭhe, Khu 7. 362 piṭṭhe ca.

2. Āsīno (Ka)

Gotamo Bhūripaññāṇoti Gotamo Bhūripaññāṇo ñāṇapaññāṇo paññādhajo paññāketu paññādhigateyyo vicayabahulo pavicayabahulo okkhāyanabahulo samokkhāyanadhammo vibhūtavihārī taccarito tabbahulo taggaruko tanninno tappono tappabbhāro tadadhimutto tadadhipateyyo.

Dhajo rathassa paññāṇaṃ, dhūmo¹ paññāṇamaggino.

Rājā raṭṭhassa paññāṇaṃ, bhattā paññāṇamitthiyāti.

Evameva Gotamo Bhūripaññāṇo ñāṇapaññāṇo paññādhajo paññāketu paññādhigateyyo vicayabahulo pavicayabahulo okkhāyanabahulo samokkhāyanadhammo vibhūtavihārī taccarito tabbahulo taggarūko tanninno tappono tappabbhāro tadadhimutto tadadhipateyyoti Gotamo Bhūripaññāṇo.

Gotamo Bhūrimedhasoti bhūri vuccati pathavī, Bhagavā tāya pathavisamāya paññāya vipulāya vitthatāya samannāgato. Medhā vuccati paññā, yā paññā pajānanā -pa- amoho dhammavicayo sammādiṭṭhi. Bhagavā imāya medhāya upeto samupeto upāgato samupāgato upapanno samupapanno samannāgato, tasmā Buddho sumedhasoti² Gotamo Bhūrimedhaso. Tenāha thero Piṅgiyo—

Eko tamonudāsīno, jutimā so pabhaṅkaro.

Gotamo Bhūripaññāṇo, Gotamo Bhūrimedhasoti.

108. Yo me dhammadesesi, sandiṭṭhikamakālikam.

Taṇhakkhayanātikam, yassa natthi upamā kvaci. (7)

Yo me dhammadesesīti yoti yo so Bhagavā Sayambhū anācariyako pubbe ananussutesu dhammesu sāmāṃ saccāni abhisambujjhi, tattha ca Sabbaññutam patto balesu ca vasībhāvaṃ. **Dhammadesesīti dhammanti** ādikalyāṇaṃ majjhekalyāṇaṃ pariyosānakalyāṇaṃ sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ cattāro satipaṭṭhane -pa- ariyaṃ aṭṭhaṅgikam maggaṃ nibbānaṃca nibbānagāminiṃca paṭipadaṃ ācikkhi desesi paññapesi

1. Dhūmo (Syā)

2. Bhūrimedhasoti (Syā) evamuparipi.

paṭṭhapesi vivari vibhaji uttānī-akāsi pakāsesīti yo me dhammamadesesi.

Sandiṭṭhikamakālikanti sandiṭṭhikaṃ akālikaṃ ehipassikaṃ opaneyyikaṃ paccattaṃ veditabbaṃ viññūhīti evaṃ sandiṭṭhikaṃ. Atha vā yo diṭṭheva dhamme ariyaṃ aṭṭhaṅgikaṃ maggaṃ bhāveti, tassa maggassa anantarā samanantarā adhigacchateva phalaṃ vindati paṭilabhatīti evampi sandiṭṭhikamakālikaṃ. Yathā manussā kālikaṃ dhanāṃ datvā anantarā na labhanti kālaṃ āgamenti, nevāyaṃ dhammo. Yo diṭṭheva dhamme ariyaṃ aṭṭhaṅgikaṃ maggaṃ bhāveti, tassa maggassa anantarā samanantarā adhigacchateva phalaṃ vindati paṭilabhati, na parattha na paraloke, evaṃ akālikanti sandiṭṭhikamakālikaṃ.

Taṇhakkhayamanītikanti taṇhāti rūpataṇhā -pa- dhammataṇhā. **Taṇhakkhayanti** taṇhakkhayaṃ rāgakkhayaṃ dosakkhayaṃ mohakkhayaṃ gatikkhayaṃ upapattikkhayaṃ paṭisandhikkhayaṃ bhavakkhayaṃ saṃsārakkhayaṃ vaṭṭakkhayaṃ. **Anītikanti** itivuccanti kilesā ca khandhā ca abhisankhārā ca. Itippahānaṃ itivūpasamaṃ itipaṭinissaggaṃ itipaṭippassaddhiṃ amataṃ nibbānanti taṇhakkhayamanītikaṃ.

Yassa natthi upamā kvacīti yassāti nibbānassa. **Natthi upamāti** upamā natthi, upanidhā natthi, sadisaṃ natthi, paṭibhāgo natthi na atthi na saṃvijjati nupalabbhati. **Kvacīti** kvaci kimhici katthaci ajjhattaṃ vā bahiddhā vā ajjhattabahiddhā vāti yassa natthi upamā kvaci. Tenāha thero Piṅgiyo—

Yo me dhammamadesesi, sandiṭṭhikamakālikaṃ.

Taṇhakkhayamanītikaṃ, yassa natthi upamā kvacīti.

109. Kim nu tamhā vippavasasi, muhuttamapi Piṅgiya.

Gotamā Bhūripaṇṇā, Gotamā Bhūrimeso. (8)

Kimnu tamhā vippavasasīti kimnu Buddhamhā vippavasasi apesi apagacchasi¹ vinā hosīti kimnu tamhā vippavasasi.

Muhuttamapi Piṅgiyāti muhuttampi khaṇampi layampi vayampi addhampīti muhuttamapi. **Piṅgiyāti** Bāvarī taṃ nattāraṃ nāmena ālapati.

1. Apagacchi (Sī)

Gotamā Bhūripaññāṇāti Gotamā Bhūripaññāṇā ñāṇapaññāṇā paññādahajā paññāketumhā paññādhipateyyamhā vicayabahulā pavicayabahulā okkhāyanabahulā samokkhāyanadhammā vibhūtavihārimhā taccaritā tabbahulā taggarukā tanninnā tapponā tappabbhārā tadadhimuttā tadadhipateyyamhāti Gotamā Bhūripaññāṇā.

Gotamā Bhūrimedhasati bhūri vuccati pathavī, Bhagavā tāya pathavisamāya paññāya vipulāya vitthatāya samannāgato. Medhā vuccati paññā, yā paññā pajānanā -pa- amoho dhammavicayo sammādiṭṭhi. Bhagavā imāya medhāya paññāya upeto samupeto upāgato samupāgato upapanno samupapanno samannāgato, tasmā Buddho Sumedhasoti Gotamā Bhūrimedhasa. Tenāha so brāhmaṇo—

Kimnu tamhā vippavasi, muhuttamapi Piṅgiya.

Gotamā Bhūripaññāṇā, Gotamā Bhūrimedhasāti.

110. Yo te dhammadesesi, sandiṭṭhikamakālikam.

Taṇhakkhayanātikam, yassa natthi upamā kvaci. (9)

Yo te dhammadesesīti yo so Bhagavā -pa- tattha ca Sabbaññutam patto balesu ca vasībhāvaṃ. **Dhammadesesīti dhammanti** ādikalyāṇam majjhekalyāṇam -pa- nibbānaṃca nibbānagāminiṃca paṭipadam ācikkhi desesi paññapesi paṭṭhapesi vivari vibhaji uttānī-akāsi pakāsesīti yo te dhammadesesi.

Sandiṭṭhikamakālikanti sandiṭṭhikam akālikam chipassikam opaneyyikam paccattam veditabham viññūhīti evam sandiṭṭhikam. Atha vā yo diṭṭheva dhamme ariyam aṭṭhaṅgikam maggam bhāveti, tassa maggassa anantarā samanantarā adhigacchateva phalam vindati paṭilabhatīti evampi sandiṭṭhikam. **Akālikanti** yathā manussā kālikam dhanam datvā anantarā na labhanti, kālam āgamenti, nevāyam dhammo. Yo diṭṭheva dhamme ariyam aṭṭhaṅgikam maggam bhāveti. Tassa maggassa anantarā samanantarā adhigacchateva phalam vindati paṭilabhati, na parattha na paraloke, evam akālikanti sandiṭṭhikamakālikam.

Taṇhakkhayamanītikanti taṇhāti rūpataṇhā -pa- dhammataṇhā.
Taṇhakkhayanti taṇhakkhayaṃ rāgakkhayaṃ dosakkhayaṃ mohakkhayaṃ
 gatikkhayaṃ upapattikkhayaṃ paṭisandhikkhayaṃ bhavakkhayaṃ
 saṃsārakkhayaṃ vaṭṭakkhayaṃ. **Anītikanti īti** vuccanti kilesā ca khandhā ca
 abhisāṅkhārā ca. Ītippahānaṃ ītivūpasamaṃ ītipaṭinissaggaṃ
 ītipaṭippassaddhiṃ amataṃ nibbānanti taṇhakkhayamanītikaṃ.

Yassa natthi upamā kvacīti yassāti nibbānassa. **Natthi upamāti** upamā
 natthi, upanidhā natthi, sadisaṃ natthi, paṭibhāgo natthi na satī na saṃvijjati
 nupalabbhati. **Kvacīti** kvaci kimhici katthaci ajjhattaṃ vā bahiddhā vā
 ajjhattabahiddhā vāti yassa natthi upamā kvaci. Tenāha so brāhmaṇo—

Yo te dhammadesesi, sandiṭṭhikamakālikaṃ.

Taṇhakkhayamanītikaṃ, yassa natthi upamā kvacīti.

111. Nāhaṃ tamhā vippavasāmi, muhuttamapi brāhmaṇa.

Gotamā Bhūripaññāṇā, Gotamā Bhūrimedhasā. (10)

Nāhaṃ tamhā vippavasāmīti nāhaṃ Buddhamhā vippavasāmi apemi
 apagacchāmi vinā homīti nāhaṃ tamhā vippavasāmi.

Muhuttamapi brāhmaṇāti muhuttampi khaṇampi layampi vayampi
 addhampīti muhuttamapi. **Brāhmaṇāti** gāravena mātulaṃ ālapati.

Gotamā Bhūripaññāṇāti Gotamā Bhūripaññāṇā ṇāṇapaññāṇā
 paññādhajā paññāketumhā paññādhīpateyyamhā vicayabahulā
 pavicayabahulā okkhāyanabahulā samokkhāyanadhammā vibhūtavihārimhā
 taccarītā tabbahulā taggarukā tanninnā tappoṇā tappabbhārā tadadhimuttā
 tadadhipateyyamhāti Gotamā Bhūripaññāṇā.

Gotamā Bhūrimedhasāti bhūri vuccati pathavī, Bhagavā tāya
 pathavisamāya paññāya vipulāya vitthatāya samannāgato. Medhā vuccati
 paññā, yā paññā pajānanā -pa- amoho dhammavicayo sammādiṭṭhi. Bhagavā
 imāya medhāya paññāya upeto samupeto upāgato samupāgato upapanno
 samupapanno samannāgato, tasmā Buddho Sumedhasoti Gotamā
 Bhūrimedhasā. Tenāha thero Piṅgiyo—

Nāhaṃ tamhā vippavasāmi, muhuttamapi brāhmaṇa.
Gotamā Bhūripaṇṇā, Gotamā Bhūrimedhasāti.

112. Yo me dhammadesesi, sandiṭṭhikamakālikam.
Ṭaṇhakkhayamanītikam, yassa natthi upamā kvaci. (11)

Yo me dhammadesesīti yo so Bhagavā Sayambhū anācariyako pubbe ananussutesu dhammesu sāmaṃ saccāni abhisambujjhi, tattha ca Sabbaññutaṃ patto balesu ca vasībhāvaṃ. **Dhammadesesīti dhammanti** ādikalyāṇaṃ majjhakalyāṇaṃ pariyośanakalyāṇaṃ sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ cattāro satipaṭṭhāne cattāro sammappadhāne cattāro iddhipāde pañcendriyāni pañca balāni satta bojjhaṅge ariyaṃ aṭṭhaṅgikam maggaṃ nibbānaṅca nibbānagāminiṅca paṭipadaṃ ācikkhi desesi paññapesi paṭṭhapesi vivari vibhaji uttāni-akāsi pakāsesīti yo me dhammadesesi.

Sandiṭṭhikamakālikanti sandiṭṭhikam akālikam chipassikam opaneyyikam paccattam veditabbam viññūhīti evaṃ sandiṭṭhikam. Atha vā yo diṭṭheva dhamme ariyam aṭṭhaṅgikam maggaṃ bhāveti, tassa maggassa anantarā samanantarā adhigacchateva phalaṃ vindati paṭilabhatīti evampi sandiṭṭhikam. **Akālikanti** yathā manussā kālikam dhanam datvā anantarā na labhanti, kālam āgamenti, nevāyam dhammo. Yo diṭṭheva dhamme ariyam aṭṭhaṅgikam maggaṃ bhāveti, tassa maggassa anantarā samanantarā adhigacchateva phalaṃ vindati paṭilabhati, na parattha na paraloke, evaṃ akālikanti sandiṭṭhikamakālikam.

Ṭaṇhakkhayamanītikanti taṇhāti rūpataṇhā -pa- dhammataṇhā. **Ṭaṇhakkhayanti** taṇhakkhayaṃ rāgakkhayaṃ dosakkhayaṃ mohakkhayaṃ gatikkhayaṃ upapattikkhayaṃ paṭisandhikkhayaṃ bhavakkhayaṃ sāmsārakkhayaṃ vaṭṭakkhayaṃ. **Anītikanti īti** vuccanti kilesā ca khandhā ca abhisankhārā ca. Ītipphānaṃ ītivūpasamaṃ ītipaṭippassaddhiṃ amataṃ nibbānanti taṇhakkhayamanītikam.

Yassa natthi upamā kvacīti yassāti nibbānassa. **Natthi upamāti** upamā natthi, upanidhā natthi, sadisaṃ natthi, paṭibhāgo natthi na sati na saṃvijjati nupalabbhati. **Kvacīti** kvaci kimhici katthaci ajjhattam vā bahiddhā vā ajjhatabhiddhā vāti yassa natthi upamā kvaci. Tenāha thero Piṅgiyo—

Yo me dhammamedesesi, sandiṭṭhikamakālikam.
Taṇhakkhayanānītikam, yassa natthi upamā kvacīti.

**113. Passāmi naṃ manasā cakkhunāva,
Rattindivaṃ brāhmaṇa appamatto.
Namassamāno vivasemi¹ rattim,
Teneva maññāmi avippavāsam. (12)**

Passāmi naṃ manasā cakkhunāvāti yathā Cakkhumā puriso āloke rūpagatāni passeyya dakkheyya olokeyya nijjhāyeyya upaparikkheyya, evamevāhaṃ Buddhaṃ Bhagavantaṃ manasā passāmi dakkhāmi olokemi nijjhāyāmi upaparikkhāmīti passāmi naṃ manasā cakkhunāva.

Rattindivaṃ brāhmaṇa appamattoti rattiṇca divā ca Buddhānussatiṃ manasā bhāvento appamattoti rattindivaṃ brāhmaṇa appamatto.

Namassamāno vivasemi rattinti namassamānoti kāyena vā namassamāno, vācāya vā namassamāno, cītena vā namassamāno, anvatthapaṭipattiyā vā namassamāno, dhammānudhammapaṭipattiyā vā namassamāno sakkāramāno garukāramāno mānayaṃ pūjayamāno rattindivaṃ vivasemi atināmemi atikkamemīti namassamāno vivasemi rattim.

Teneva maññāmi avippavāsanti tāya Buddhānussatiyā bhāvento avippavāsoti taṃ maññāmi, avippavuṭṭhoti taṃ maññāmi jānāmi, evaṃ jānāmi evaṃ ājānāmi evaṃ vijānāmi evaṃ paṭivijānāmi evaṃ paṭivijjhāmīti teneva maññāmi avippavāsanti. Tenāha thero Piṅgiyo—

Passāmi naṃ manasā cakkhunāva,
Rattindivaṃ brāhmaṇa appamatto.
Namassamāno vivasemi rattim,
Teneva maññāmi avippavāsanti.

1. Namassamānova vasemi (Sī-Ṭṭha) ...vivasāmi (Syā)

114. **Saddhā ca pīti ca mano sati ca,**

Nā'penti'me Gotamasāsanamhā.

Yaṃ yaṃ disaṃ vajati Bhūripañño,

Sa tena teneva natohamasmi.

(13)

Saddhā ca pīti ca mano sati cāti saddhāti yā ca Bhagavantam ārabha saddhā saddahanā¹ okappanā abhippasādo saddhā saddhindriyam saddhābalaṃ. **Pīti**ti yā Bhagavantam ārabha pīti pāmojjaṃ² modanā āmodanā pamodanā hāso pahāso vitti tuṭṭhi odagyaṃ attamanatā cittassa. **Manoti** yañca Bhagavantam ārabha cittaṃ mano mānasam hadayaṃ paṇḍaram mano manāyatanaṃ manindriyam viññāṇam viññāṇakkhandho tajjā manoviññāṇadhātu. **Sati**ti yā Bhagavantam ārabha sati anussati sammāsati saddhā ca pīti ca mano sati ca.

Nā'penti'me Gotamasāsanamhāti ime cattāro dhammā Gotamasāsanā Buddhasāsanā Jinasāsanā Tathāgatasāsanā Arahantasāsanā nāpenti na gacchanti na vijahanti na vināsentīti nāpentime Gotamasāsanamhā.

Yaṃ yaṃ disaṃ vajati Bhūripaññoti yaṃ yaṃ disanti puratthimaṃ vā disaṃ pacchimaṃ vā disaṃ dakkhiṇaṃ vā disaṃ uttaraṃ vā disaṃ vajati gacchati kamati abhikkamati. **Bhūripaññoti** Bhūripañño mahāpañño tikkhapañño puthupañño hāsapañño javanapañño nibbedhikapañño. Bhūri vuccati pathavī, Bhagavā tāya pathavisamāya paññāya vipulāya vitthatāya samannāgatoti yaṃ yaṃ disaṃ vajati Bhūripañño.

Sa tena teneva natohamasmīti so yena Buddho tena teneva nato tanninno tappoṇo tappabbhāro tadadhimutto tadadhipateyyoti sa tena teneva natohamasmi. Tenāha thero Piṅgiyo—

1. Saddhahanā (Ka)

2. Pāmujaṃ (Syā)

Saddhā ca pīti ca mano sati ca,
 Nā'penti'me Gotamasāsanamhā.
 Yaṃ yaṃ disaṃ vajati Bhūripañño,
 Sa tena teneva natohamasmīti.

**115. Jiṇṇassa me dubbalathāmakassa,
 Teneva kāyo na paleti tattha.
 Saṅkappayantāya vajāmi niccaṃ,
 Mano hi me brāhmaṇa tena yutto. (14)**

Jiṇṇassa me dubbalathāmakassāti jiṇṇassa vuḍḍhassa mahallakassa addhagatassa vayo-anuppattassa. **Dubbalathāmakassāti** dubbalathāmakassa appathāmakassa parittathāmakassāti jiṇṇassa me dubbalathāmakassa.

Teneva kāyo na paleti tatthāti kāyo yena Buddho, tena na paleti na vajati na gacchati nātikkamatīti teneva kāyo na paleti tattha.

Saṅkappayantāya vajāmi niccanti saṅkappagamanena vitakkagamanena ñāṇagamanena paññāgamanena buddhigamanena vajāmi gacchāmi atikkamāmīti saṅkappayantāya vajāmi niccaṃ.

Mano hi me brāhmaṇa tena yuttoti manoti yaṃ cittaṃ mano mānasaṃ -pa- tajjā manoviññāṇadhātu. **Mano hi me brāhmaṇa tena yuttoti** mano yena Buddho tena yutto payutto saṃyuttoti mano hi me brāhmaṇa tena yutto. Tenāha thero Piṅgiyo—

Jiṇṇassa me dubbalathāmakassa,
 Teneva kāyo na paleti tattha.
 Saṅkappayantāya vajāmi niccaṃ,
 Mano hi me brāhmaṇa tena yuttoti.

**116. Paṅke sayāno pariphandaṃ, dīpā dīpaṃ upallaviṃ.
 Athaddasāsiṃ Sambuddhaṃ, oghatiṇṇamanāsavaṃ. (15)**

Pañke sayāno pariphandamānoti pañke sayānoti kāmapañke kāmakaddame kāmakilese kāmabaḷise kāmapariḷahe kāmāpalibodhe semāno sayamāno vasamāno āvasamāno parivasamāno¹ti pañke sayāno.

Pariphandamānoti tañhāphandanāya phandamāno, diṭṭhiphandanāya phandamāno, kilesaphandanāya phandamāno, payogaphandanāya phandamāno, vipākaphandanāya phandamāno, manoduccaritaphandanāya phandamāno, ratto rāgena phandamāno, duṭṭho dosena phandamāno, mūḷho mohena phandamāno, vinibandho mānena phandamāno, parāmaṭṭho diṭṭhiyā phandamāno, vikkhepagato uddhaccena phandamāno, aniṭṭhaṅgato vicikicchāya phandamāno, thāmagato anusayehi phandamāno, lābhena phandamāno, alābhena phandamāno, yasena phandamāno, ayasena phandamāno, pasāmsāya phandamāno, nindāya phandamāno, sukhena phandamāno, dukkhena phandamāno, jātiyā phandamāno, jarāya phandamāno, byādhinā phandamāno, maraṇena phandamāno, sokaparidevadukkhadomanassupāyāsehi phandamāno, nerayikena dukkhena phandamāno, tiracchānayanikena dukkhena phandamāno, pettivisayikena dukkhena phandamāno, mānusikena dukkhena. Gabbhokkantimūlakena dukkhena. Gabbhaṭṭhitimūlakena dukkhena. Gabbhavuṭṭhānamūlakena dukkhena. Jātassūpanibandhakena dukkhena. Jātassa parādheyyakena dukkhena. Attūpakkamena dukkhena. Parūpakkamena dukkhena. Sañkhāradukkhena. Vipariṇāmadukkhena. Cakkhurogena dukkhena. Sotarogena dukkhena. Ghānarogena dukkhena. Jivhārogena dukkhena. Kāyarogena dukkhena. Sīsarogena dukkhena. Kaṇṇarogena dukkhena. Mukharogena dukkhena. Dantarogena dukkhena. Oṭṭharogena dukkhena. Kāsena. Sāsena. Pināsena. Ḍāhena². Jarena. Kucchirogena. Mucchāya. Pakkhandikāya. Sūlāya. Visūcikāya. Kuṭṭhena. Gaṇḍena. Kilāsena. Sosena. Apamārena. Dadduyā. Kaṇḍuyā. Kacchuyā. Rakhasāya. Vitacchikāya. Lohitapittena³. Madhumehena. Amsāya. Piḷakāya. Bhagandalāya⁴. Pittasamuṭṭhānena ābādhena. Semhasamuṭṭhānena ābādhena. Vātasamuṭṭhānena ābādhena. Sannipātikena ābādhena. Utupariṇāmajena ābādhena. Visamaparihārajena ābādhena. Opakkamikena ābādhena. Kammavipākajena ābādhena. Sītena. Uḥhena.

1. Avasemāno parisemāno (Syā)

3. Lohitena. Pittena (Syā, Ka)

2. Ḍāhena (Ka) Khu 7. 35 piṭṭhepi.

4. Bhagandalāya (Syā)

Jighacchāya. Pipāsāya. Uccārena. Passāvena.

Daṃsamakasavātātapasarīsapasamphassena dukkhena. Mātumaraṇena dukkhena. Pitumaraṇena dukkhena. Puttamaraṇena dukkhena.

Dhītumaraṇena dukkhena. Ñātibyasanena dukkhena. Bhogabyasanena dukkhena. Rogabyasanena dukkhena. Silabyasanena dukkhena.

Diṭṭhibyanena dukkhena phandamāno pariphandamāno pavedhamāno sampavedhamānoti pañke sayāno pariphandamāno.

Dīpā dīpaṃ upallavinti Satthārato Satthāraṃ dhammakkhānato dhammakkhānaṃ gaṇato gaṇaṃ diṭṭhiyā diṭṭhiṃ paṭipadāya paṭipadaṃ maggato maggaṃ pallaviṃ upallaviṃ sampallavinti dīpā dīpaṃ upallaviṃ.

Athaddasāsiraṃ Sambuddhanti athāti padasandhi padasaṃsaggo padapāripūrī akkharasamavāyo byañjanasiliṭṭhatā padānupubbatāpetarā athāti. **Addasāsinti** addasaṃ addakkhiraṃ apassiraṃ paṭivijjiraṃ. **Buddhoti** yo so Bhagavā Sayambhū anācariyako -pa- sacchikā paññatti, yadidaṃ Buddhoti athaddasāsiraṃ Sambuddhaṃ.

Oghatiṇṇamanāsavanti oghatiṇṇanti Bhagavā kāmoghaṃ tiṇṇo, bhavoghaṃ tiṇṇo, diṭṭhoghaṃ tiṇṇo, avijjoghaṃ tiṇṇo, sabbasaṃsārapathaṃ tiṇṇo uttiṇṇo nitthiṇṇo atikkanto samatikkanto vītivatto, so vutthavāso ciṇṇacaraṇo -pa- jātimaraṇasaṃsāro, natthi tassa punabbhavoti oghatiṇṇaṃ. **Anāsavanti** cattāro āsavā kāmāsavo bhavāsavo diṭṭhāsavo avijjāsavo, te āsavā Buddhassa Bhagavato pahīnā ucchinnamūlā tālavatthukatā anabhāvaṃkatā āyatiraṃ anuppādadhammā, tasmā Buddho anāsavoti oghatiṇṇamanāsavaṃ. Tenāha thero Piṅgiyo—

Pañke sayāno pariphandamāno, dīpā dīpaṃ upallaviṃ.
Athaddasāsiraṃ Sambuddhaṃ, oghatiṇṇamanāsavanti.

117. Yathā ahū Vakkali muttasaddho,

Bhadrāvudho Āḷavigotamo ca.

Evameva tvampi pamuñcassu saddhaṃ,

Gamissasi tvam Piṅgiya maccudheyassa pāraṃ. (16)

Yathā ahū Vakkali muttasaddho, Bhadrāvudho Āḷavigotamo cāti yathā Vakkalitthero¹ saddho saddhāgaruko saddhāpubbaṅgamo saddhādhimutto saddhādhipeyyo arahattappatto, yathā Bhadrāvudho thero saddho saddhāgaruko saddhāpubbaṅgamo saddhādhimutto saddhādhipeyyo arahattappatto, yathā Āḷavigotamo thero saddho saddhāgaruko saddhāpubbaṅgamo saddhādhimutto saddhādhipeyyo arahattappattoti yathā ahū Vakkali muttasaddho, Bhadrāvudho Āḷavigotamo ca.

Evameva tvampi pamuñcassu saddhanti evameva tvaṃ saddhaṃ muñcassu pamuñcassu sampamuñcassu adhimuñcassu okappehi. “Sabbe saṅkhārā aniccā”ti saddhaṃ muñcassu pamuñcassu sampamuñcassu adhimuñcassu okappehi. “Sabbe saṅkhārā dukkhā”ti. “Sabbe dhammā anattā”ti saddhaṃ muñcassu pamuñcassu sampamuñcassu adhimuñcassu okappehi -pa-. “Yaṃ kiñci samudayadhammaṃ, sabbaṃ taṃ nirodhadhammaṃ”ti saddhaṃ muñcassu pamuñcassu sampamuñcassu adhimuñcassu okappehīti evameva tvampi pamuñcassu saddhaṃ.

Gamissasi tvaṃ Piṅgiya maccudheyassa pāranti maccudheyassaṃ vuccanti kilesā ca khandhā ca abhisāṅkhārā ca. Maccudheyassa pārāṃ vuccati amataṃ nibbānaṃ, yo so sabbasaṅkhārasamatho sabbūpadhipaṭinissaggo taṇhakkhayo virāgo nirodho nibbānaṃ. **Gamissasi tvaṃ Piṅgiya maccudheyassa pāranti** tvaṃ pārāṃ gamissasi, pārāṃ adhigamissasi, pārāṃ phassissasi, pārāṃ sacchikarissasīti gamissasi tvaṃ Piṅgiya maccudheyassa pārāṃ. Tenāha Bhagavā—

Yathā ahū Vakkali muttasaddho,
Bhadrāvudho Āḷavigotamo ca.
Evameva tvampi pamuñcassu saddhaṃ,
Gamissasi tvaṃ Piṅgiya maccudheyassa pāranti.

118. Esa bhiyyo pasīdāmi, sutvāna Munino vaco.

Vivaṭṭacchado² Sambuddho, akhilo paṭibhānavā³. (17)

Esa bhiyyo pasīdāmīti esa bhiyyo pasīdāmi, bhiyyo bhiyyo saddahāmi, bhiyyo bhiyyo okappemi, bhiyyo bhiyyo adhimuccāmi, “sabbe saṅkhārā aniccā”ti bhiyyo bhiyyo pasīdāmi, bhiyyo bhiyyo

1. Vakkali (Syā)

2. Vivaṭṭacchadano (Ka) saddanītipadamālā oloketabbā.

3. Paṭibhānavā (Syā)

saddahāmi, bhiyyo bhiyyo okappemi, bhiyyo bhiyyo adhimuccāmi, “sabbe saṅkhārā dukkhā”ti bhiyyo bhiyyo pasīdāmi -pa- “sabbe dhammā anattā”ti bhiyyo bhiyyo pasīdāmi -pa-. “Yaṃ kiñci samudayadhammaṃ, sabbam taṃ nirodhadhammaṃ”ti bhiyyo bhiyyo pasīdāmi, bhiyyo bhiyyo saddahāmi, bhiyyo bhiyyo okappemi, bhiyyo bhiyyo adhimuccāmīti esa bhiyyo pasīdāmi.

Sutvāna Munino vacoti Munīti monaṃ vuccati nāṇaṃ -pa- saṅgajālamaticca so Muni. **Sutvāna Munino vacoti** tuyhaṃ vacanaṃ byappathaṃ desanaṃ anusāsaṇaṃ anusīṭṭhaṃ sutvāna uggahetvāna upadhārayitvāna upalakkhayitvānāti sutvāna Munino vaco.

Vivaṭṭacchado Sambuddhoti chadananti pañca chadanāni taṇhāchadanaṃ diṭṭhichadanaṃ kilesachadanaṃ duccharitachadanaṃ avijjāchadanaṃ, tāni chadanāni Buddhassa Bhagavato vivaṭṭāni viddhamsitāni samugghāṭitāni pahīnāni samucchinnāni vūpasantāni paṭippassaddhāni abhappattikāni nāṇagginā daḍḍhāni, tasmā Buddho vivaṭṭacchado. **Buddhoti** yo so Bhagavā -pa- sacchikā paññatti, yadidaṃ Buddhoti vivaṭṭacchado Sambuddho.

Akhilo paṭibhānavāti akhiloti rāgo khilo, doso khilo, moho khilo, kodho khilo, upanāho -pa- sabbākusalābhisāṅkhārā khilā, te khilā Buddhassa Bhagavato pahīnā ucchinnamūlā tālavatthukatā anabhāvaṅkatā āyatim anuppādadhammā, tasmā Buddho akhilo.

Paṭibhānavāti tayo paṭibhānavanto pariyatti paṭibhānavā paripucchāpaṭibhānavā adhiḡama paṭibhānavā. Katamo pariyattipaṭibhānavā, idhekaccassa Buddhavacanaṃ¹ pariyāputaṃ² hoti Suttaṃ Geyyaṃ Veyyākaraṇaṃ Gāthā Udānaṃ Itivuttakaṃ Jātakaṃ Abbhutadhammaṃ Vedallaṃ, tassa pariyattim nissāya paṭibhāti³, ayaṃ pariyattipaṭibhānavā.

Katamo paripucchāpaṭibhānavā, idhekacco paripucchitā hoti atthe ca nāye ca lakkhaṇe ca kāraṇe ca ṭhānāṭhāne ca, tassa paripucchaṃ nissāya paṭibhāti, ayaṃ paripucchāpaṭibhānavā.

1. Pakatiyā (Ka)

2. Pariyāputaṃ (Syā, Ka)

3. Paṭibhāyati (Ka)

Katamo adhigamapaṭibhānavā, idhekaccassa adhigatā honti cattāro satipaṭṭhānā cattāro sammappadhānā cattāro iddhipādā pañcendriyāni pañca balāni satta bojjhaṅgā ariyo aṭṭhaṅgiko maggo cattāro ariyamaggā cattāri sāmaññaphalāni catasso paṭisambhidāyo cha abhiññāyo, tassa attho ñāto dhammo ñāto nirutti ñātā, atthe ñāte attho paṭibhāti, dhamme ñāte dhammo paṭibhāti, niruttiyā ñātāya nirutti paṭibhāti, imesu tīsu ñāṇesu ñāṇaṃ paṭibhānapaṭisambhidā. Bhagavā imāya paṭibhānapaṭisambhidāya upeto samupeto upāgato samupāgato upapanno samupapanno samannāgato, tasmā Buddho paṭibhānavā. Yassa pariyatti natthi, paripucchā natthi, adhigamo natthi, kiṃ tassa paṭibhāyissatīti akhilo paṭibhānavā. Tenāha thero Piṅgiyo—

Esa bhiyyo pasīdāmi, sutvāna Munino vaco.

Vivaṭṭacchado Sambuddho, akhilo paṭibhānavāti.

119. Adhideve¹ abhiññāya, sabbaṃ vedi paroparam².

Pañhānantakaro Satthā, kaṅkhīnaṃ paṭijānataṃ. (18)

Adhideve abhiññāyāti devāti tayo devā sammutidevā³ upapattidevā visuddhidevā. Katame sammutidevā, sammutidevā vuccanti rājāno⁴ ca rājakumārā ca deviyo ca, ime vuccanti sammutidevā. Katame upapattidevā, upapattidevā vuccanti Cātumahārājikā devā Tāvatisā devā -pa-brahmakāyikā devā, ye ca devā taduttari, ime vuccanti upapattidevā. Katame visuddhidevā, visuddhidevā vuccanti Tathāgatā Tathāgatasāvaka arahanto khīṇāsavā, ye ca Paccekasambuddhā, ime vuccanti visuddhidevā. Bhagavā sammutideve adhidevāti abhiññāya, upapattideve adhidevāti abhiññāya, visuddhideve adhidevāti abhiññāya jānitvā tulayitvā tīrayitvā vibhāvayitvā vibhūtaṃ katvāti adhideve abhiññāya.

1. Atideve (Ka) 2. Parovaram (Sī-Ṭṭha) 3. Sammatidevā (Syā) 85 piṭṭhepi.

4. Katame sammatidevā rājāno (Syā) evamupariipi.

Sabbaṃ vedi paroparanti Bhagavā attano ca pareañca adhidevakare dhamme vedi aññasi aphaṣsi paṭivijjhi. Katame attano adhidevakarā dhammā, sammāpaṭipadā anulomapaṭipadā apaccanīkapaṭipadā anvatthapaṭipadā dhammānudhammapaṭipadā silesu paripūrakāritā indriyesu guttadvāratā bhojane mattaññutā jāgariyānuyogo satisampajaññaṃ cattāro satipaṭṭhānā -pa- ariyo aṭṭhaṅgiko maggo, ime vuccanti attano adhidevakarā dhammā.

Katame pareaṃ adhidevakarā dhammā, sammāpaṭipadā -pa- ariyo aṭṭhaṅgiko maggo, ime vuccanti pareaṃ adhidevakarā dhammā. Evaṃ Bhagavā attano ca pareañca adhidevakare dhamme vedi aññasi aphaṣsi paṭivijjhīti sabbaṃ vedi paroparaṃ.

Pañhānantakaro Satthāti Bhagavā Pārāyanīkapañhānaṃ antakaro pariyantakaro paricchedakaro parivaṭumakaro. Sabhiyapañhānaṃ¹ antakaro pariyantakaro paricchedakaro parivaṭumakaro. Sakkapañhānaṃ. Suyāmapañhānaṃ. Bhikkhupañhānaṃ. Bhikkhunīpañhānaṃ. Upāsakapañhānaṃ. Upāsikāpañhānaṃ. Rājapañhānaṃ. Khattiyapañhānaṃ. Brāhmaṇapañhānaṃ. Vessapañhānaṃ. Suddapañhānaṃ. Devapañhānaṃ. Brahmaṇapañhānaṃ antakaro pariyantakaro paricchedakaro parivaṭumakaroti pañhānantakaro. **Satthāti** Bhagavā satthavāho. Yathā satthavāho satthe kantāraṃ tāreti, corakantāraṃ tāreti, vāḷakantāraṃ tāreti, dubbhikkhakantāraṃ tāreti, nirudakakantāraṃ tāreti uttāreti nittāreti² patāreti, khemantabhūmim sampāpeti. Evameva Bhagavā satthavāho satte kantāraṃ tāreti. Jātikantāraṃ tāreti. Jarākantāraṃ. Byādhikantāraṃ. Maraṇakantāraṃ. Sokaparidevadukkhadomanassupāyāsakantāraṃ tāreti, rāgakantāraṃ tāreti, dosakantāraṃ. Mohakantāraṃ. Mānakantāraṃ. Diṭṭhikantāraṃ. Kilesakantāraṃ. Duccaritakantāraṃ tāreti, rāgagahanaṃ tāreti, dosagahanaṃ. Mohagahanaṃ. Diṭṭhigahanaṃ. Kilesagahanaṃ. Duccaritagahanaṃ tāreti uttāreti nittāreti patāreti, khemantaṃ amataṃ nibbānaṃ sampāpetīti evampi Bhagavā satthavāho.

Atha vā Bhagavā netā vinetā anunetā paññāpetā nijjhāpetā pekkhatā pasādetāti evaṃ Bhagavā satthavāho. . Atha vā Bhagavā

1. Parisapañhānaṃ (Syā), Piṅgiyapañhānaṃ (Ka)

2. Nitthāreti (Syā, Ka)

anuppannassa maggassa uppādetā, asañjātassa maggassa sañjanetā,
 anakkhātassa maggassa akkhātā, maggaññū maggavidū maggakovido
 maggānugā ca pana etarahi sāvakā viharanti pacchā samannāgatāti evampi
 Bhagavā satthavāhoti pañhānantakaro satthā.

Kaṅkhīnaṃ paṭijānanti sakaṅkhā āgantvā nikkaṅkhā sampajjanti,
 sallekhā āgantvā nillekhā sampajjanti, sadveḷhakā āgantvā nidveḷhakā
 sampajjanti, savicikicchā āgantvā nibbicikicchā sampajjanti, sarāgā āgantvā
 vītarāgā sampajjanti, sadosā āgantvā vītadosā sampajjanti, samohā āgantvā
 vītamohā sampajjanti, sakilesā āgantvā nikkilesā sampajjantīti kaṅkhīnaṃ
 paṭijānanti. Tenāha thero Piṅgiyo—

Adhideve abhiññāya, sabbaṃ vedi paroparaṃ.

Pañhānantakaro satthā, kaṅkhīnaṃ paṭijānanti.

120. Asaṃhīraṃ asaṃkappaṃ,

Yassa natthi upamā kvaci.

Addhā gamissāmi na mettha kaṅkhā,

Evaṃ maṃ dhārehi adhimuttacittaṃ.

(19)

Asaṃhīraṃ asaṃkappanti asaṃhīraṃ vuccati amataṃ nibbānaṃ. Yo so
 sabbasaṅkhārasamatho sabbūpadhipaṭinissaggo taṇhakkhayo virāgo nirodho
 nibbānaṃ. **Asaṃhīranti** rāgena dosena mohena kodhena upanāhena
 makkhena paḷāsena issāya macchariyena māyāya sāṭheyena thambhena
 sārambhena mānena atimānena madena pamādena sabbakilesehi
 sabbaduccaritehi sabbapariḷāhehi sabbāsavehi sabbadarathehi
 sabbasantāpehi sabbākusalābhisaṅkhārehi asaṃhāriyaṃ nibbānaṃ niccaṃ
 dhuvaṃ sassataṃ avipariṇāmadhammanti asaṃhīraṃ.

Asaṃkappanti asaṃkappaṃ vuccati amataṃ nibbānaṃ. Yo so
 sabbasaṅkhārasamatho -pa- nirodho nibbānaṃ. Nibbānassa¹ na uppādo
 paññāyati, vayo natthi, na tassa aññathattaṃ² paññāyati, nibbānaṃ niccaṃ
 dhuvaṃ sassataṃ avipariṇāmadhammanti asaṃhīraṃ asaṃkappaṃ.

1. Yassa (Syā)

2. Tassa aññadatthu (Syā)

Yassa natthi upamā kvacīti yassāti nibbānassa. **Natthi upamāti** upamā natthi, upanidhā natthi, sadisaṃ natthi, paṭibhāgo natthi na sati na saṃvijjati nupalabbhati. **Kvacīti** kvaci kimhici katthaci ajjhattaṃ vā bahiddhā vā ajjhattabahiddhā vāti yassa natthi upamā kvaci.

Addhā gamissāmi na mettha kaṅkhāti addhāti ekamsavacanaṃ nissamsayavacanaṃ nikkāṅkhavacanaṃ advejjhavacanaṃ adveḷhakavacanaṃ niyogavacanaṃ apanṇakavacanaṃ aviraddhavacanaṃ avatthāpanavacanaṃmetāṃ addhāti. **Gamissāmīti** gamissāmi adhigamissāmi phassissāmi sacchikarissāmīti addhā gamissāmi. **Na mettha kaṅkhāti etthāti** nibbāne kaṅkhā natthi, vicikicchā natthi, dveḷhakaṃ natthi, saṃsayo natthi na atthi na saṃvijjati nupalabbhati, pahīno samucchinnō vūpasanto paṭippassaddho abhabbuppattiko ñāṇagginā daḍḍhoti addhā gamissāmi na mettha kaṅkhā.

Evam maṃ dhārehi adhimuttacittanti evam maṃ dhārehīti evaṃ maṃ upalakkhehi. **Adhimuttacittanti** nibbānaninnaṃ nibbānapoṇaṃ nibbānapabbhāraṃ Nibbānādhimuttanti evaṃ maṃ dhārehi adhimuttacittanti. Tenāha thero Piṅgiyo—

Asaṃhīraṃ asaṃkappaṃ,
Yassa natthi upamā kvaci.
Addhā gamissāmi na mettha kaṅkhā,
Evaṃ maṃ dhārehi adhimuttacittanti.

Pārāyanānugītigāthāniddeso aṭṭhārasamo.

Pārāyanavaggo samatto.

19. Khaggavisāṇasuttaniddesa

Paṭhamavagga

211. **Sabbesu bhūtesu nidhāya daṇḍam,**
Aviheṭṭhayam aññatarampi tesam.
Na puttamiccheyya kuto sahāyam,
Eko care khaggavisāṇakappo. (1)

Sabbesu bhūtesu nidhāya daṇḍanti sabbesūti sabbena sabbam sabbathā sabbam asesam nissesam pariyaḍiyanavacanametam sabbesūti. **Bhūtesūti** bhūtā vuccanti tasā ca thāvarā ca. Tasāti yesam tasitatanhā appahinā, yesañca bhayabheravā appahinā. Kimkāraṇā vuccanti tasā, te tasanti uttasanti paritasanti bhāyanti santāsam āpajjanti, tamkāraṇā vuccanti tasā. Thāvarāti yesam tasitatanhā pahinā, yesañca bhayabheravā pahinā. Kimkāraṇā vuccanti thāvarā, te na tasanti na uttasanti na paritasanti na bhāyanti na santāsam āpajjanti, tamkāraṇā vuccanti thāvarā. **Daṇḍanti** tayo daṇḍā kāyadaṇḍo vacīdaṇḍo manodaṇḍo. Tividham kāyaduccaritam kāyadaṇḍo, catubbidham vacīduccaritam vacīdaṇḍo, tividham manoduccaritam manodaṇḍo. **Sabbesu bhūtesu nidhāya daṇḍanti** sabbesu bhūtesu daṇḍam nidhāya nidahitvā oropayitvā samoropayitvā nikkhipitvā paṭippassambhitvāti sabbesu bhūtesu nidhāya daṇḍam.

Aviheṭṭhayam aññatarampi tesanti ekamekampī sattam paṇinā vā leḍḍunā vā daṇḍena vā satthena vā anduyā¹ vā rajjuyā vā aviheṭṭhayanto, sabbepi satte paṇinā vā leḍḍunā vā daṇḍena vā satthena vā anduyā vā rajjuyā vā aviheṭṭhayantoti aviheṭṭhayam aññatarampi tesam.

Na puttamiccheyya kuto sahāyanti nāti paṭikkhepo. **Puttāti** cattāro puttā atrajo putto khettajo putto dinnako putto antevāsiko putto. **Sahāyanti** sahāyā vuccanti yehi saha āgamanam phāsu, gamanam phāsu, gamanāgamanam phāsu, ṭhānam phāsu, nisajjanam phāsu, sayanam² phāsu, ālapanam phāsu, sallapanam phāsu, ullapanam phāsu, samullapanam

1. Aruyā (Syā), adduyā (Ka)

2. Nipajjanam (Syā)

phāsu. **Na puttamiccheyya kuto sahāyanti** puttampi na iccheyya na sādīyeyya na patthayeyya na pihayeyya nābhijappeyya, kuto mittam vā sandiṭṭham vā sambhattam vā sahāyam vā iccheyya¹ sādīyeyya patthayeyya pihayeyya abhijappeyyāti na puttamiccheyya kuto sahāyam.

Eko care khaggavisāṇakappoti ekoti so Paccekasambuddho pabbajjāsāṅkhātena eko, adutiyaṭṭhena eko, taṇhāya pahānaṭṭhena² eko, ekantavītarāgoti eko, ekantavītadosoti eko, ekantavītamohoti eko, ekantanikkilesoti eko, ekāyanamaggaṃ gatoti eko, eko anuttaram paṅcēkasambodhim abhisambuddhoti eko.

Katham so Paccekasambuddho pabbajjāsāṅkhātena eko, so Paccekasambuddho sabbam gharāvāsapalibodham chinditvā puttadārapalibodham chinditvā nātibalibodham chinditvā sannidhipalibodham chinditvā kesamassum ohāretvā kāsāyāni vatthāni acchādetvā agārasmā anagāriyam pabbajitvā akiñcanabhāvam upagantvā eko carati viharati iriyati vatteti pāleti yapeti yāpetīti evam so Paccekasambuddho pabbajjāsāṅkhātena eko.

Katham so Paccekasambuddho adutiyaṭṭhena eko, so evam pabbajito samāno eko araññavanapatthāni pantāni senāsanāni paṭisevati appasaddāni appanigghosāni vijanavātāni manussarāhasseyyakāni paṭisallānasārubbāni, so eko gacchati, eko tiṭṭhati, eko nisīdati, eko seyyam kappeti, eko gāmam piṇḍāya pavisati, eko abhikkamati, eko paṭikkamati, eko raho nisīdati, eko caṅkamaṃ adhiṭṭhāti, eko carati viharati iriyati vatteti pāleti yapeti yāpetīti evam so Paccekasambuddho adutiyaṭṭhena eko.

Katham so Paccekasambuddho taṇhāya pahānaṭṭhena eko, so evam eko adutiyo appamatto ātāpī pahitatto viharanto mahāpadhānam padahanto mārāṃ sasenakam namuciṃ kaṇham pamattabandhum vidhametvā ca taṇhājālinim visaritam visattikam pajahi vinodesi byantī-akāsi anabhāvaṃgamesi.

1. Icchissati (Syā) evamīdisesu padesu anāgatavibhattiyā.

2. Taṇhāpahānaṭṭhena (Syā) Khu 7. 361 piṭṭhe.

“Taṇhādutiyo puriso, dīghamaddhāna saṃsaram.
 Itthabhāvaññathābhāvaṃ, saṃsaram nātivattati.
 Etamādīnavam̐ ña tvā, taṇham dukkhassa sambhavam̐.
 Vītataṇho anādāno, sato bhikkhu paribbaje”ti.

Evam̐ so Paccekasambuddho taṇhāya pahānaṭṭhena eko.

Katham̐ so Paccekasambuddho ekantavītarāgoti eko, rāgassa pahīnattā ekantavītarāgoti eko, dosassa pahīnattā ekantavītadosoti eko, mohassa pahīnattā ekantavītamohoti eko, kilesānam̐ pahīnattā ekantanikkilesoti eko, evam̐ so Paccekasambuddho ekantavītarāgoti eko.

Katham̐ so Paccekasambuddho ekāyanamaggaṃ gatoti eko, ekāyanamaggo vuccati cattāro satipaṭṭhānā cattāro sammappadhānā cattāro iddhipādā pañcīndriyāni pañca balāni satta bojjhaṅgā ariyo aṭṭhaṅgiko maggo.

“Ekāyanam̐ jātikhayantadassī,
 Maggaṃ pajānāti hitānukampī.
 Etena maggena tariṃsu pubbe,
 Tarissanti ye ca taranti oghan”ti.

Evam̐ so Paccekasambuddho ekāyanamaggaṃ gatoti eko.

Katham̐ so Paccekasambuddho eko anuttaram̐ paccekasambodhim̐ abhisambuddhoti eko, bodhi vuccati catūsu maggesu ñāṇam̐. Paññā paññīndriyam̐ paññābalaṃ dhammavicayasambojjhaṅgo vīmaṃsā vipassanā sammādiṭṭhi. So Paccekasambuddho maggapaccekasambuddho ñāṇapaccekasambuddho “sabbe saṅkhārā aniccā”ti bujjhi, “sabbe saṅkhārā dukkhā”ti bujjhi, “sabbe dhammā anattā”ti bujjhi. “Avijjāpaccayā saṅkhārā”ti bujjhi, “saṅkhārapaccayā viññāṇan”ti bujjhi, “viññāṇapaccayā nāmarūpan”ti bujjhi, “nāmarūpapaccayā saḷāyatanan”ti bujjhi, “saḷāyatanaṇapaccayā phasso”ti bujjhi, “phassaṇapaccayā vedanā”ti bujjhi, “vedanāṇapaccayā taṇhā”ti bujjhi, “taṇhāṇapaccayā upādānan”ti bujjhi, “upādāṇapaccayā bhavo”ti bujjhi, “bhavaṇapaccayā jātī”ti bujjhi,

“jātipaccayā jarāmarañan”ti bujjhi. “Avijjānirodhā saṅkhāranirodho”ti bujjhi, “saṅkhāranirodhā viññāṇanirodho”ti bujjhi, “viññāṇanirodhā nāmarūpanirodho”ti bujjhi, “nāmarūpanirodhā saḷāyatananirodho”ti bujjhi, “saḷāyatananirodhā phassanirodho”ti bujjhi, “phassanirodhā vedanānirodho”ti bujjhi, “vedanānirodhā taṇhānirodho”ti bujjhi, “taṇhānirodhā upādānanirodho”ti bujjhi, “upādānanirodhā bhavanirodho”ti bujjhi, “bhavanirodhā jātinirodho”ti bujjhi, “jātinirodhā jarāmarañanirodho”ti bujjhi. “Idaṃ dukkhan”ti bujjhi, “ayaṃ dukkhasamudayo”ti bujjhi, “ayaṃ dukkhanirodho”ti bujjhi, “ayaṃ dukkhanirodhagāminī paṭipadā”ti bujjhi. “Ime āsavā”ti bujjhi, “ayaṃ āsavaśamudayo”ti bujjhi -pa- “ayaṃ āsavanirodhagāminī paṭipadā”ti bujjhi. “Ime dhammā abhiññeyyā”ti bujjhi, “ime dhammā pahātabbā”ti bujjhi, “ime dhammā sacchikātabbā”ti bujjhi, “ime dhammā bhāvetabbā”ti bujjhi. Channaṃ phassāyatanaṃ samudayaṅca atthaṅgamaṅca assādaṅca ādīnavaṅca nissaraṅca bujjhi, pañcannaṃ upādānakkhandhānaṃ samudayaṅca -pa- nissaraṅca bujjhi, catunnaṃ mahābhūtānaṃ samudayaṅca atthaṅgamaṅca assādaṅca ādīnavaṅca nissaraṅca bujjhi, “yaṃ kiñci samudayadhammaṃ, sabbaṃ taṃ nirodhadhammaṃ”ti bujjhi.

Atha vā yaṃ bujjhitabbaṃ anubujjhitabbaṃ paṭibujjhitabbaṃ sambujjhitabbaṃ adhigantabbaṃ phassitabbaṃ sacchikātabbaṃ, sabbaṃ taṃ tena paccekabodhiññāṇena bujjhi anubujjhi paṭibujjhi sambujjhi adhigacchi phassesi sacchākāsīti evaṃ so Paccekasambuddho eko anuttaraṃ paccekasambodhiṃ abhisambuddhoti eko.

Careti aṭṭha cariyāyo iriyāpathacariyā āyatanacariyā saticariyā samādhicariyā ñāṇacariyā maggacariyā patticariyā lokatthacariyā. Iriyāpathacariyāti catūsu iriyāpathesu. **Āyatanacariyāti** chasu ajjhattikabāhiresu āyatanesu. **Saticariyāti** catūsu satipaṭṭhānesu. **Samādhicariyāti** catūsu jhānesu. **Ñāṇacariyāti** catūsu ariyasaccesu. **Maggacariyāti** catūsu ariyamaggesu. **Patticariyāti** catūsu sāmāññaphalesu. **Lokatthacariyāti** Tathāgatesu Arahantesu Sammāsambuddhesu padesato Paccekasambuddhesu padesato sāvakesu. Iriyāpathacariyā ca paṇidhisampannānaṃ, āyatanacariyā ca indriyesu

guttadvārānaṃ, saticariyā ca appamādavihārīnaṃ, samādhicariyā ca adhiccittamanuyuttānaṃ, ñāṇacariyā ca buddhisampannānaṃ, maggacariyā ca sammāpaṭipannānaṃ, patticariyā ca adhigataphalānaṃ, lokatthacariyā ca Tathāgatānaṃ Arahantānaṃ Sammāsambuddhānaṃ padesato Paccekabuddhānaṃ padesato sāvakānaṃ, imā aṭṭha cariyāyo. Aparāpi aṭṭha cariyāyo adhimuccanto saddhāya carati, paggaṇhanto vīriyena carati, upaṭṭhāpento satiyā carati, avikkhepaṃ karonto samādhinā carati, pajānanto paññāya carati, vijānanto viññāṇacariyāya carati. “Evaṃ paṭipannassa kusalā dhammā āyāpentī”ti āyatanacariyāya carati. “Evaṃ paṭipanno visesamadhigacchatī”ti visesacariyāya carati. Imā aṭṭha cariyāyo.

Aparāpi aṭṭha cariyāyo dassanacariyā ca sammādiṭṭhiyā, abhiniropanacariyā ca sammāsaṅkappassa, pariggahacariyā ca sammāvācāya, samuṭṭhānacariyā ca sammākammantassa, vodānacariyā ca sammā-ājīvassa, paggahacariyā ca sammāvāyāmassa, upaṭṭhānacariyā ca sammāsatiyā, avikkhepacariyā ca sammāsamādhissa, imā aṭṭha cariyāyo.

Khaggavisāṇakappoti yathā khaggassa nāma visāṇaṃ ekaṃ hoti adutiyaṃ, evameva so Paccekasambuddho takkappo tassadiso tappaṭibhāgo. Yathā atiloṇaṃ vuccati loṇakappo, atitittakaṃ vuccati tittakappo, atimadhuraṃ vuccati madhurakappo, ati-uṇhaṃ vuccati aggikappo, atisītaṃ vuccati himakappo, mahā-udakakkhandho vuccati samuddakappo, mahābhiññābalappatto sāvako vuccati satthukappoti. Evameva so Paccekasambuddho tattha takkappo tassadiso tappaṭibhāgo eko adutiyo muttabandhano sammā loke carati viharati iriyati vatteti pāleti yapeti yāpetīti eko care khaggavisāṇakappo. Tenāha so Paccekasambuddho—

Sabbesu bhūtesu nidhāya daṇḍaṃ,
 Aviheṭṭhayaṃ aññatarampi tesāṃ.
 Na puttamiccheyya kuto sahāyaṃ,
 Eko care khaggavisāṇakappoti.

122. Saṃsaggajātassa bhavanti snehā,
 Snehanvayaṃ dukkhamidaṃ pahoti.
 Ādīnavāṃ snehajaṃ pekkhamāno,
 Eko care khaggavisāṇakappo. (2)

Saṃsaggajātassa bhavanti snehāti saṃsaggāti dve saṃsaggā dassanasāmsaggo ca savanasāmsaggo ca. Katamo dassanasāmsaggo, idhekacco passati itthim vā kumāriṃ vā abhirūpaṃ dassanīyaṃ pāsādikaṃ paramāya vaṇṇapokkharatāya samannāgataṃ, disvā passitvā anubyañjanaso nimittaṃ gaṇhāti kesā vā sobhanā¹, mukhaṃ vā sobhanaṃ, akkhī vā sobhanā, kaṇṇā vā sobhanā, nāsā vā sobhanā, oṭṭhā vā sobhanā, dantā vā sobhanā, mukhaṃ vā sobhanaṃ, gīvā vā sobhanā, thanā vā sobhanā, uraṃ vā sobhanaṃ, udaraṃ vā sobhanaṃ, kaṭi vā sobhanā, ūrū vā sobhanā, jaṅghā vā sobhanā, hatthā vā sobhanā, pādā vā sobhanā, aṅguliyo vā sobhanā, nakhā vā sobhanāti disvā passitvā abhinandati abhivadati abhipattheti anuppādeti² anubandhati rāgabandhanaṃ, ayaṃ dassanasāmsaggo.

Katamo savanasāmsaggo, idhekacco suṇāti “asukasmim nāma gāme vā nigame vā itthī vā kumārī vā abhirūpā dassanīyā pāsādikā paramāya vaṇṇapokkharatāya samannāgatā”ti sutvā suṇitvā abhinandati abhivadati abhipattheti anuppādeti anubandhati rāgabandhanaṃ, ayaṃ savanasāmsaggo.

Snehāti dve snehā taṇhāsneho ca diṭṭhisneho ca. Katamo taṇhāsneho, yāvatā taṇhāsāṅkhātena sīmakataṃ mariyādikataṃ odhikataṃ pariyantakataṃ pariggahitaṃ mamāyitaṃ, idaṃ mama, etaṃ mama, ettakaṃ mama, ettāvatā mama, mama rūpā saddā gandhā rasā phoṭṭhabbā attharaṇā pāvuraṇā dāsīdāsā ajeḷakā kukkuṭasūkarā hatthigavāssavaḷavā khettaṃ vatthu hiraññaṃ suvaṇṇaṃ gāmanigamarājadhāniyo raṭṭhañca janapado ca koso ca koṭṭhāgārañca kevalampi mahāpathaviṃ taṇhāvasena mamāyati, yāvatā aṭṭhasataṃ taṇhāvicaritaṃ, ayaṃ taṇhāsneho.

1. Sobhanā (Syā)

2. Anussarati (Ka)

3. Sīmikataṃ mariyadikataṃ (Syā)

Katamo diṭṭhisneho, vīsativatthukā sakkāyadiṭṭhi, dasavatthukā micchādiṭṭhi, dasavatthukā antaggāhikā diṭṭhi. Yā evarūpā diṭṭhi diṭṭhigataṃ diṭṭhigahanaṃ diṭṭhikantāro diṭṭhivīsūkāyikaṃ diṭṭhivipphanditaṃ diṭṭhisamyojanaṃ gāho paṭiggāho¹ abhiniveso parāmāso kummaggo micchāpatho micchattaṃ titthāyatanam vipariyāsaggāho viparītaggāho vipallāsaggāho micchāgāho ayāthāvakaṃsmim “yāthāvakan”ti gāho yāvata dvāsaṭṭhi diṭṭhigatāni. Ayaṃ diṭṭhisneho.

Samsaggajātassa bhavanti snehāti dassanasamsaggapaccayā ca savanasamsaggapaccayā ca taṇhāsneho ca diṭṭhisneho ca bhavanti sambhavanti jāyanti sañjāyanti nibbattanti abhinibbattanti pātubhavantīti samsaggajātassa bhavanti snehā.

Snehanvayaṃ dukkhamidaṃ pahotīti snehoti dve snehā taṇhāsneyo ca diṭṭhisneho ca -pa- ayaṃ taṇhāsneho -pa- ayaṃ diṭṭhisneho. **Dukkhamidaṃ pahotīti** idhekacco kāyena duccharitaṃ carati, vācāya duccharitaṃ carati, manasā duccharitaṃ carati, pāṇampi hanati, adinnampi ādiyati, sandhimpī chindati, nillopampi² harati, ekāgārikampi karoti, paripanthepi tiṭṭhati, paradārampi gacchati, musāpi bhaṇati, tamenam gahetvā rañño dassenti “ayaṃ deva coro āgucārī, imassa yaṃ icchasi, taṃ daṇḍaṃ paṇehī”ti. Tamenam rājā taṃ paribhāsati, so paribhāsapaccayāpi dukkham domanassaṃ³ paṭisaṃvedeti. Etaṃ bhayaṃ dukkham domanassaṃ kuto jātaṃ, tassa snehapaccayā ca nandipaccayā ca rāgapaccayā ca nandirāgapaccayā ca jātaṃ.

Ettakenapi rājā na tussati, tamenam rājā bandhāpeti andubandhanena vā rajjubandhanena vā saṅkhālikabandhanena vā vettabandhanena vā latābandhanena vā pakkhepabandhanena vā parikkhepabandhanena vā gāmabandhanena vā nigamabandhanena vā raṭṭhabandhanena vā janapadabandhanena vā antamaso savacanīyampi karoti “na te labbhā ito pakkamitun”ti, so bandhanapaccayāpi dukkham domanassaṃ paṭisaṃvedeti. Etaṃ bhayaṃ dukkham domanassaṃ kuto jātaṃ, tassa snehapaccayā ca nandipaccayā ca rāgapaccayā ca nandirāgapaccayā ca jātaṃ.

1. Patitṭhāho (Ka)

2. Vilopampi (Syā) passa Khu 7. 315 piṭṭhe.

3. Dukkhadomanassaṃ (Syā)

Ettakenapi rājā na tussati, tamenam rājā tasseva¹ dhanam āharāpeti satam vā sahasam vā satahasam vā, so dhanajānipaccayāpi dukkham domanassam paṭisamvedeti. Etam bhayam dukkham domanassam kutojātam, tassa snehapaccayā ca nandipaccayā ca rāgapaccayā ca nandirāgapaccayā ca jātam.

Ettakenapi rājā na tussati, tamenam rājā vividhā kammakāraṇā² kārāpeti, kasāhipi tāleti, vettehipi tāleti, aḍḍhadanḍehipi tāleti, hatthampi chindati, pādampi chindati, hatthapādampi chindati, kaṇṇampi chindati, nāsampi chindati, kaṇṇanāsampi chindati, bilaṅgathālikampi karoti, saṅkhamuḍḍikampi karoti, rāhumukhampi karoti, jotimālikampi karoti, hatthapajjotikampi karoti, erakavattikampi³ karoti, cīrakavāsikampi karoti, eṇeyyakampi karoti, baḷisamaṃsikampi karoti, kahāpaṇikampi karoti, khārāpatacchikampi⁴ karoti, palighaparivattikampi karoti, palālapīṭhakampi karoti, tattenapi telena osiṅcati, sunakhehipi khādāpeti, jīvantampi sūle uttāseti, asināpi sīsam chindati, so kammakāraṇapaccayāpi dukkham domanassam paṭisamvedeti. Etam bhayam dukkham domanassam kuto jātam, tassa snehapaccayā ca nandipaccayā ca rāgapaccayā ca nandirāgapaccayā ca jātam. Rājā imesam catunnam daṇḍānam issaro.

So sakena kamma kāyassa bhedā param maraṇā apāyam duggatim vinipātam nirayam upapajjati. Tamenam nirayapālā pañcavidhabandhanam nāma kammakāraṇam karonti⁵, tattam ayokhilaṃ hatthe gamenti, tattam ayokhilaṃ dutiye hatthe gamenti, tattam ayokhilaṃ pāde gamenti, tattam ayokhilaṃ dutiye pāde gamenti, tattam ayokhilaṃ majjhe urasmim gamenti. So tattha dukkhā tibbā⁶ kharā kaṭukā vedanā vedeti, na ca tāva kālam karoti, yāva na tam pāpakammaṃ byantīhoti. Etam bhayam dukkham domanassam kuto jātam, tassa snehapaccayā ca nandipaccayā ca rāgapaccayā ca nandirāgapaccayā ca jātam.

1. Tassa (Syā)

2. Vividhāni kammakāraṇāni (Ka)

3. Erakavaṭṭikampi (Syā, Ka) passa Ma 1. 122 piṭṭhe.

4. Khārāpaṭicchikampi (Ka) heṭṭhā 190 piṭṭhe.

5. Kārenti (Syā, Ka) passa Ma 3. 221 piṭṭhe.

6. Tippā (Syā)

Tamenam nirayapālā samvesetvā¹ kuṭhārīhi² tacchanti -pa-. Tamenam nirayapālā uddhampādaṃ adhosiraṃ gahetvā vāsīhi tacchanti. Tamenam nirayapālā rathe yojetvā ādittāya pathaviyā sampajjalitāya sajotibhūtāya³ sārentipi paccāsārentipi. Tamenam nirayapālā mahantaṃ aṅgārapabbataṃ ādittaṃ sampajjalitaṃ sajotibhūtaṃ āropentipi oropentipi. Tamenam nirayapālā uddhampādaṃ adhosiraṃ gahetvā tattāya lohakumbhiyā pakkhipanti ādittāya sampajjalitāya sajotibhūtāya, so tattha pheṇuddehakaṃ paccati, so tattha pheṇuddehakaṃ paccamāno sakimpi uddham gacchati, sakimpi adho gacchati, sakimpi tiriyaṃ gacchati. So tattha dukkhā tibbā kharā kaṭukā vedanā vedeti, na ca tāva kālaṃ karoti, yāva na taṃ pāpakammaṃ byantīhoti. Etaṃ bhayaṃ dukkhaṃ domanassaṃ kuto jātaṃ, tassa snehapaccayā ca nandipaccayā ca rāgapaccayā ca nandirāgapaccayā ca jātaṃ.

Tamenam nirayapālā mahāniraye pakkhipanti, so kho pana mahānirayo—

Catukkaṇṇo catudvāro, vibhatto bhāgasō mito.

Ayopākārapariyanto, ayasā paṭikujjito.

Tassa ayomayā bhūmi, jalitā tejasā yutā.

Samantā yojanasataṃ, pharivā tiṭṭhati sabbadā.

Kadariyātapanā⁴ ghorā, accimanto durāsadā.

Lomahaṃsanarūpā ca, bhesmā paṭibhayā dukkhā.

Puratthimāya ca bhittiyā, accikkhandho samuṭṭhito.

Ḍahanto pāpakammante, pacchimāya paṭihaññati.

Pacchimāya ca bhittiyā, accikkhandho samuṭṭhito.

Ḍahanto pāpakammante, purimāya paṭihaññati.

Dakkhināya ca bhittiyā, accikkhandho samuṭṭhito.

Ḍahanto pāpakammante, uttarāya paṭihaññati.

1. Samvesitvā (Syā, Ka) passa Ma 3. 221 piṭṭhe.

2. Kudhārīhi (Syā, Ka)

3. Sañjotibhūtāya (Syā)

4. Kadariyā tāpanā (Ka) Khu 7. 317 piṭṭhepi.

Uttarāya ca bhittiyā, accikkhandho samuṭṭhito.

Ḍahanto pāpakammante, dakkhiṇāya paṭihaññati.

Heṭṭhato ca samuṭṭhāya, accikkhandho bhayānako.

Ḍahanto pāpakammante, chadanasmim paṭihaññati.

Chadanamhā samuṭṭhāya, accikkhandho bhayānako.

Ḍahanto pāpakammante, bhūmiyaṃ paṭihaññati.

Ayokapālamādittam, santattam jalitam yathā.

Evam avīcinirayo, heṭṭhā upari passato.

Tattha sattā mahāluddā, mahākibbisakārino.

Accantapāpakammantā, paccanti na ca miyyare¹.

Jātavedasamo kāyo, tesam nirayavāsinaṃ.

Passa kammānaṃ daḷhattaṃ, na bhasmā hoti napi masi.

Puratthimenapi dhāvanti, tato dhāvanti pacchimam.

Uttarenapi dhāvanti, tato dhāvanti dakkhiṇam.

Yaṃ yaṃ disaṃ padhāvanti, taṃ taṃ dvāraṃ pidhīyati.

Abhinikkhamitāsā te, sattā mokkhagavesino.

Na te tato nikkhamituṃ, labhanti kammaṃpaccayā.

Tesaṃca pāpakammantaṃ, avipakkaṃ kataṃ bahunti.

Etam bhayaṃ dukkhaṃ domanassaṃ kuto jātam, tassa snehapaccayā ca nandipaccayā ca rāgapaccayā ca nandirāgapaccayā ca jātam.

Yāni ca nerayikāni dukkhāni yāni ca tiracchānayanonikāni dukkhāni yāni ca pettivisayikāni dukkhāni yāni ca mānusikāni dukkhāni, tāni kuto jātāni kuto sañjātāni kuto nibbattāni kuto abhinibbattāni kuto pātubhūtāni. Tassa snehapaccayā ca nandipaccayā ca rāgapaccayā ca nandirāgapaccayā ca bhavanti sambhavanti jāyanti sañjāyanti nibbattanti abhinibbattanti pātubhavantīti snehanvayaṃ dukkhamidaṃ pahoti.

1. Mīyare (Ka)

Ādīnavam̐ snehajam̐ pekkhamānoti snehoti dve snehā taṇhāsneho ca diṭṭhisneho ca -pa- ayaṃ taṇhāsneho -pa- ayaṃ diṭṭhisneho. **Ādīnavam̐ snehajam̐ pekkhamānoti** taṇhāsneho ca diṭṭhisneho ca ādīnavam̐ snehajam̐ pekkhamāno dakkhamāno olokayamāno nijjhāyamāno upaparikkhamānoti ādīnavam̐ snehajam̐ pekkhamāno, eko care khaggavisāṇakappo. Tenāha so Paccekasambuddho—

Samsaggajātassa bhavanti snehā,
Snehanvayaṃ dukkhamidaṃ pahoti.
Ādīnavam̐ snehajam̐ pekkhamāno,
Eko care khaggavisāṇakappoti.

123. **Mitte suhajje anukampamāno,**
Hāpeti attham̐ paṭibaddhacitto¹.
Etaṃ bhayaṃ santhave² pekkhamāno,
Eko care khaggavisāṇakappo. (3)

Mitte suhajje anukampamāno, hāpeti attham̐ paṭibaddhacittoti mittāti dve mittā agārikamitto ca anāgārikamitto³ ca. Katamo agārikamitto, idhekacco duddadam̐ dadāti, duccajam̐ cajati, dukkaram̐ karoti, dukkhamam̐ khamati, guyhamassa ācikkhati, guyhamassa parigūhati⁴, āpadāsu na vijahati, jīvitampissa atthāya pariccattam̐ hoti, khīṇe nātimaññati. Ayaṃ agārikamitto.

Katamo anāgārikamitto, idha bhikkhu piyo ca hoti manāpo ca garu ca bhāvanīyo ca vattā ca vacanakkhamo ca gambhīraṇca katham̐ kattā no ca aṭṭhāne niyojati, adhisīle samādapeti, catunnam̐ satipaṭṭhānānam̐ bhāvanānuyoge samādapeti, catunnam̐ sammappadhānānam̐ -pa- catunnam̐ iddhipādānam̐. Pañcannam̐ indriyānam̐. Pañcannam̐ balānam̐. Sattannam̐ bojjhaṅgānam̐. Ariyassa aṭṭhaṅgikassa maggassa bhāvanānuyoge samādapeti. Ayaṃ anāgārikamitto.

1. Paṭibandhacitto (Ka)

2. Sandhave (Ka)

3. Pabbajitamitto (Ka) evamuparipi.

4. Pariguyhati (Syā, Ka)

Suhajjā vuccanti yehi saha āgamanam phāsu, gamanam phāsu, ṭhānam phāsu, nisajjanam¹ phāsu, sayanam phāsu, ālapanam phāsu, sallapanam phāsu, ullapanam phāsu, samullapanam phāsu. **Mitte suhajje anukampamāno hāpeti atthanti** mitte ca suhajje ca sandiṭṭhe ca sambhatte ca sahāye ca anukampamāno anupekkhamāno anugayhamāno attatthampi paratthampi ubhayatthampi hāpeti, diṭṭhadhammikampi attham hāpeti, samparāyikampi attham hāpeti, paramatthampi hāpeti pahāpeti parihāpeti paridhamseti parivajjeti² antaradhāpetīti mitte suhajje anukampamāno hāpeti attham.

Paṭibaddhacitto dvīhi kāraṇehi paṭibaddhacitto hoti attānam vā nīcam ṭhapento param uccam ṭhapento paṭibaddhacitto hoti, attānam vā uccam ṭhapento param nīcam ṭhapento paṭibaddhacitto hoti. Katham attānam nīcam ṭhapento param uccam ṭhapento paṭibaddhacitto hoti, tumhe me bahūpakārā, aham tumhe nissāya labhāmi cīvara piṇḍapāta senāsanagilāna paccaya bhesajja parikkhāram, yampi³ me aññe dātum vā kātum vā maññanti tumhe nissāya tumhe sampassantā, yampi me porāṇam mātāpettikam nāmagottam, tampi me antarahitam, tumhehi aham ñāyāmi “asukassa kulupako asukāya kulupako”ti. Evam attānam nīcam ṭhapento param uccam ṭhapento paṭibaddhacitto hoti.

Katham attānam uccam ṭhapento param nīcam ṭhapento paṭibaddhacitto hoti, aham tumhākam bahūpakāro, tumhe mam āgamma Buddham saraṇam gatā, dhammam saraṇam gatā, Saṅgham saraṇam gatā, pāṇātipātā paṭiviratā, adinnādānā paṭiviratā, kāmesumicchācārā paṭiviratā, musāvādā paṭiviratā, surāmerayamajjapamādaṭṭhānā paṭiviratā, aham tumhākam uddesam demi, paripuccham demi, uposatham ācikkhāmi, navakammam adhiṭṭhāmi, atha pana tumhe mam ujjhivā⁴ aññe sakkarotha garum karotha mānetha pūjethāti evam attānam uccam ṭhapento param nīcam ṭhapento paṭibaddhacitto hotīti mitte suhajje anukampamāno, hāpeti attham paṭibaddhacitto.

Etam bhayam santhave pekkhamānoti bhayanti jātibhayam jarābhayam byādhibhayam maraṇabhayam rājabhayam corabhayam aggibhayam udakabhayam

1. Nisajjā (Ka)

3. Yepi (Ka) evam 293 piṭṭhepi.

2. Parisajjeti (Syā)

4. Pariccajitvā (Syā)

attānuvādabhayaṃ parānuvādabhayaṃ daṇḍabhayaṃ duggatibhayaṃ
 ūmibhayaṃ kumbhilabhayaṃ āvaṭṭabhayaṃ susumārabhayaṃ¹
 ājīvikabhayaṃ asilokabhayaṃ parisasārajjabhayaṃ madanabhayaṃ
 bhayānakaṃ chambhitattaṃ lomahaṃso cetaso ubbego utrāso. **Santhaveti**
 dve santhavā taṇhāsanthavo ca diṭṭhisanthavo ca -pa- ayaṃ taṇhāsanthavo
 -pa- ayaṃ diṭṭhisanthavo. **Etaṃ bhayaṃ santhave pekkhamānoti** etaṃ
 bhayaṃ santhave pekkhamāno dakkhamāno olokayamāno nijjhāyamāno
 upaparikkhamānoti etaṃ bhayaṃ santhave pekkhamāno, eko care
 khaggavisāṇakappo. Tenāha so Paccekasambuddho—

Mitte suhajje anukampamāno,
 Hāpeti atthaṃ paṭibaddhacitto.
 Etaṃ bhayaṃ santhave pekkhamāno,
 Eko care khaggavisāṇakappoti.

124. **Vaṃso visālova yathā visatto,**
Puttesu dāresu ca yā apekkhā.
Vaṃsakkaḷīrova² asajjamāno,
Eko care khaggavisāṇakappo. (4)

Vaṃso visālova yathā visattoti vaṃso vuccati veḷugumbo. Yathā
 veḷugumbasmim porāṇakā vaṃsā sattā³ visattā āsattā laggā laggitā
 palibuddhā, evameva visattikā vuccati taṇhā. Yo rāgo sārāgo anunayo
 anurodho nandī nandirāgo cittassa sārāgo icchā mucchā ajjhosānaṃ gedho
 paligedho saṅgo paṅko eja māyā janikā sañjananī sibbinī jālinī saritā
 visattikā suttaṃ visaṭā āyūhanī dutiyā paṇidhi bhavanetti vanaṃ vanatho
 santhavo sineho apekkhā paṭibandhu āsā āsīsanā āsīsittattaṃ rūpāsā saddāsā
 gandhāsā rasāsā phoṭṭhabbāsā lābhāsā dhanāsā puttāsā jīvitāsā jappā pajappā
 abhijappā jappanā jappitattaṃ loluppaṃ loluppāyanā loluppāyitattaṃ
 pucchañjikatā sādhuḥkamyatā adhammarāgo visamalobho nikanti nikāmanā
 patthanā pihanā sampatthanā kāmatāṇhā

1. Sumsumārabhayaṃ (Syā)

2. Vaṃse kaḷīrova (Ka)

3. Veḷugumbasmim kaṇṭakā jaṭitā samsibbitā (Syā)

bhavataṇhā vibhavataṇhā rūpataṇhā arūpataṇhā nirodhatāṇhā rūpataṇhā
saddataṇhā gandhataṇhā rasataṇhā phoṭṭhabbatāṇhā dhammataṇhā ogho
yogo gantho upādānaṃ āvaraṇaṃ nīvaraṇaṃ chadanaṃ bandhanaṃ
upakkilesa anusayo pariyuṭṭhānaṃ latā vevicchaṃ dukkhamūlaṃ
dukkhanidānaṃ dukkhappabhavo mārapāso mārabalīsaṃ māraṇisaṃ
māranivāso mārabandhanaṃ taṇhānadī taṇhājālaṃ taṇhāgaddulaṃ
taṇhāsamuddo abhijjhā lobho akusalamūlaṃ.

Visattikāti kenaṭṭhena visattikā, visālāti visattikā, visatāti visattikā,
visaṭāti visattikā, visamāti visattikā, visakkatīti visattikā, visamharatīti
visattikā, visamvādikāti visattikā, visamūlāti visattikā, visaphalāti visattikā,
visaparibhogāti visattikā, visālā vā pana taṇhā rūpe sadde gandhe rase
phoṭṭhabbe kule gaṇe āvāse lābhe yase paṇisaṃsāya sukhe cīvare piṇḍapāte
senāsane gilānapaccayabhesajjaparikkhāre kāmādhātuyā rūpadhātuyā
arūpadhātuyā kāmabhava rūpabhava arūpabhava saññābhava asaññābhava
nevasaññānāsaññābhava ekavokārabhave catuvokārabhave
pañcavokārabhave atīte anāgate paccuppanne diṭṭhasutamutaviññātabbesu
dhammesu visatā vitthātāti visattikāti vaṃso visālova yathā visatto.

Puttesu dāresu ca yā apekkhāti puttāti cattāro puttā atrajo putto khettajo
putto dinnako putto antevāsiko putto. **Dārā** vuccanti bhariyāyo. **Apekkhā**
vuccanti taṇhā. Yo rāgo sārāgo -pa- abhijjhā lobho akusalamūlanti puttesu
dāresu ca yā apekkhā.

Vaṃsakkalīrova asajjamānoti vaṃso vuccati veḷugumbo. Yathā
veḷugumbasmiṃ taruṇakā kalīrakā¹ asattā alaggā agadhītā² apalibuddhā
nikkhantā nissaṭā vipparamuttā evameva. **Sajjāti** dve sajjanā taṇhāsajjanā ca
diṭṭhisajjanā ca -pa- ayaṃ taṇhāsajjanā -pa- ayaṃ diṭṭhisajjanā. Tassa

1. Taruṇakalīrā (Syā)

2. Apaliveṭṭhitā (Syā)

Paccekasambuddhassa taṇhāsajjanā pahīnā, diṭṭhisajjanā paṭinissaṭṭhā.
 Taṇhāsajjanāya pahīnattā diṭṭhisajjanāya paṭinissaṭṭhattā so
 Paccekasambuddho rūpe na sajjati. Sadde na sajjati. Gandhe na sajjati. Rase
 na sajjati. Phoṭṭhabbe na sajjati. Kule. Gaṇe. Āvāse. Lābhe. Yase.
 Pasamsāya. Sukhe. Cīvare. Piṇḍapāte. Senāsane.
 Gilānapaccayabhesajjaparikkhāre. Kāmadhātuyā. Rūpadhātuyā.
 Arūpadhātuyā. Kāmabhavē. Rūpabhavē. Arūpabhavē. Saññābhavē.
 Asaññābhavē. Nevasaññānāsaññābhavē. Ekavokārabhavē. Catuvokārabhavē.
 Pañcavokārabhavē. Atīte. Anāgate. Paccuppanne.
 Diṭṭhasutamutaviññātabbesu dhammesu na sajjati na gaṇhāti na bajjhati na
 palibajjhati na mucchati nikkhanto nissaṭṭo vippamutto visaññutto
 vimariyādikatena cetasā viharatīti vaṃsakkalīrova asajjamāno, eko care
 khaggavisāṇakappo. Tenāha so Paccekasambuddho—

Vaṃso visālova yathā visatto,
 Puttesu dāresu ca yā apekkhā.
 Vaṃsakkalīrova asajjamāno,
 Eko care khaggavisāṇakappoti.

125. Migo araṇṇamhi yathā abaddho¹,
 Yenicchakaṃ gacchati gocarāya.
 Viññū naro seritaṃ pekkhamāno.
 Eko care khaggavisāṇakappo. (5)

Migo araṇṇamhi yathā abaddho, yenicchakaṃ gacchati gocarāyāti
 migoti dve migā eṇimigo ca pasadamigo ca. Yathā āraṇṇiko² migo araṇṇe
 pavane caramāno³ vissattho gacchati, vissattho tiṭṭhati, vissattho nisīdati,
 vissattho seyyaṃ kappeti.

Vuttaṃhetam Bhagavatā—seyyathāpi bhikkhave āraṇṇiko migo araṇṇe
 pavane caramāno vissattho gacchati, vissattho tiṭṭhati, vissattho nisīdati,
 vissattho seyyaṃ kappeti. Tam kissa hetu, anāpāthagato bhikkhave luddassa.
 Evameva kho bhikkhave bhikkhu

1. Abandho (Syā, Ka)

2. Āraṇṇako (Syā, Ka)

3. Araṇṇe vasamāno (Syā)

vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ paṭhamaññānaṃ jhānaṃ upasampajja viharati. Ayaṃ vuccati bhikkhave bhikkhu andhamakāsi māraṃ, apadaṃ¹ vadhitvā māracakkhumā adassanaṃ gato pāpimato.

Puna caparaṃ bhikkhave bhikkhu vitakkavicārānaṃ vūpasamā ajjhataṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ dutiyaṃ jhānaṃ upasampajja viharati. Ayaṃ vuccati bhikkhave bhikkhu andhamakāsi māraṃ, apadaṃ vadhitvā māracakkhumā adassanaṃ gato pāpimato.

Puna caparaṃ bhikkhave bhikkhu pītiyā ca virāgā upekkhako ca viharati, sato ca sampajāno sukhañca kāyena paṭisaṃvedeti. Yaṃ taṃ ariyā ācikkhanti “upekkhako satimā sukhavihārī”ti tatiyaṃ jhānaṃ upasampajja viharati, ayaṃ vuccati bhikkhave bhikkhu andhamakāsi māraṃ, apadaṃ vadhitvā māracakkhumā adassanaṃ gato pāpimato.

Puna caparaṃ bhikkhave bhikkhu sukhasa ca pahānā dukkhasa ca pahānā pubbeva somanassadomanassānaṃ atthaṅgamā adukkhamasukhaṃ upekkhāsati pārisuddhiṃ catutthaṃ jhānaṃ upasampajja viharati, ayaṃ vuccati bhikkhave bhikkhu andhamakāsi māraṃ, apadaṃ vadhitvā māracakkhumā adassanaṃ gato pāpimato.

Puna caparaṃ bhikkhave bhikkhu sabbaso rūpasaññānaṃ samatikkamā paṭighasaññānaṃ atthaṅgamā nānattasaññānaṃ amanasikārā “ananto ākāso”ti ākāsaññāyatanam upasampajja viharati, ayaṃ vuccati bhikkhave bhikkhu andhamakāsi māraṃ, apadaṃ vadhitvā māracakkhumā adassanaṃ gato pāpimato.

Puna caparaṃ bhikkhave bhikkhu sabbaso ākāsaññāyatanam samatikkamma “anantaṃ viññāṇaṃ”ti viññāṇaññāyatanam upasampajja viharati -pa-.

Puna caparaṃ bhikkhave sabbaso viññāṇaññāyatanam samatikkamma “natthi kiñci”ti ākiñcaññāyatanam upasampajja viharati -pa-.

Puna caparaṃ bhikkhave sabbaso ākiñcaññāyatanam samatikkamma nevasaññānāsaññāyatanam upasampajja viharati -pa-.

1. Paraṃ (Ka) Ma 1. 214 piṭṭhe.

Puna caparaṃ bhikkhave sabbaso nevasaññānāsaññāyatanam
 samatikkamma saññāvedayitanirodham upasampajja viharati. Paññāya cassa
 disvā āsavā parikkhīṇā honti. Ayam vuccati bhikkhave bhikkhu
 andhamakāsi māraṃ, apadaṃ vadhitvā māraccakkhum adassanaṃ gato
 pāpimato, tiṇṇo loka visattikaṃ, so vissattho gacchati, vissattho tiṭṭhati,
 vissattho nisīdati, vissattho seyyaṃ kappeti. Tam kissa hetu, anāpāthagato
 bhikkhave pāpimatoti migo araññamhi yathā abaddho, yenicchakaṃ
 gacchati gocarāya.

Viññū naro seritaṃ pekkhamānoti viññūti paṇḍito paññavā buddhimā
 ñāṇī vibhāvī medhāvī. **Naroti** satto mānavo poso puggalo jīvo jāgu jantu
 indagu manujo. **Serīti** dve serī dhammopi serī puggalopi serī. Katamo
 dhammo serī, cattāro satipaṭṭhānā cattāro sammappadhānā cattāro iddhipādā
 pañcendriyāni pañca balāni satta bojjaṅgā ariyo aṭṭhaṅgiko maggo. Ayam
 dhammo serī. Katamo puggalo serī. Yo iminā serinā dhammena
 samannāgato. So vuccati puggalo serī. **Viññū naro seritaṃ pekkhamānoti**
 viññū naro seritaṃ dhammaṃ pekkhamāno dakkhamāno olokayamāno
 nijjhāyamāno upaparikkhamānoti viññū naro seritaṃ pekkhamāno, eko care
 khaggavisāṇakappo. Tenāha so Paccekasambuddho—

Migo araññamhi yathā abaddho,
 Yenicchakaṃ gacchati gocarāya.
 Viññū naro seritaṃ pekkhamāno,
 Eko care khaggavisāṇakappoti.

126. **Āmantanā hoti sahāyamajjhe,**
Vāse ṭhāne gamane cārikāya.
Anabhijjhitaṃ seritaṃ pekkhamāno,
Eko care khaggavisāṇakappo.

(6)

Āmantanā hoti sahāyamajjhe, vāse ṭhāne gamane cārikāyāti sahāyā
 vuccanti yehi saha āgamaṇaṃ phāsu, gamaṇaṃ phāsu, gamanāgamaṇaṃ
 phāsu, ṭhānaṃ phāsu, nisajjanaṃ phāsu, sayanaṃ phāsu, ālapanam

phāsu, sallapanam phāsu, ullapanam phāsu, samullapanam phāsu. **Āmantanā hoti sahāyamajjhe, vāse thāne gamane cārikāyāti** sahāyamajjhe vāsepi thānepi gamanepi cārikāyapi attatthamantanā paratthamantanā ubhayatthamantanā diṭṭhadhammikattthamantanā samparāyikatthamantanā paramatthamantanā¹ti āmantanā hoti sahāyamajjhe, vāse thāne gamane cārikāya.

Anabhijjhitaṃ seritaṃ pekkhamānoti anabhijjhitaṃ etaṃ vatthu bālānaṃ asappurisānaṃ titthiyānaṃ titthiyasāvakānaṃ, yadidaṃ bhaṇḍukāsāyavatthavasanaṭā. Abhijjhitaṃ etaṃ vatthu paṇḍitānaṃ sappurisānaṃ Buddhasāvakānaṃ Paccekabuddhānaṃ, yadidaṃ bhaṇḍukāsāyavatthavasanaṭā. **Serīti** dve serī dhammopi serī puggalopi serī. Katamo dhammo serī. Cattāro satipaṭṭhānā -pa- ariyo aṭṭhaṅgiko maggo, ayaṃ dhammo serī. Katamo puggalo serī. Yo iminā serinā dhammena samannāgato, so vuccati puggalo serī. **Anabhijjhitaṃ seritaṃ pekkhamānoti** seritaṃ dhammaṃ pekkhamāno dakkhamāno olokayamāno nijjhāyamāno upaparikkhamānoti anabhijjhitaṃ seritaṃ pekkhamāno, eko care khaggavisāṇakappo. Tenāha so Paccekasambuddho—

Āmantanā hoti sahāyamajjhe,
Vāse thāne gamane cārikāya.
Anabhijjhitaṃ seritaṃ pekkhamāno,
Eko care khaggavisāṇakappoti.

127. **Khiddā² ratī hoti sahāyamajjhe,
Puttesu ca vipulaṃ hoti pemaṃ.
Piyavippayogaṃ³ vijigucchamāno,
Eko care khaggavisāṇakappo. (7)**

Khiddā ratī hoti sahāyamajjheti khiddāti dve khiddā kāyikā ca khiṭṭā vācasikā ca khiddā. Katamā kāyikā khiddā. Hatthīhipi kīḷanti, assehipi kīḷanti, rathehipi kīḷanti, dhanuhipi kīḷanti, tharūhipi kīḷanti, aṭṭhapadehipi kīḷanti, dasapadehipi kīḷanti, ākāsepi kīḷanti, parihārapathepi kīḷanti, santikāyapi kīḷanti, khalikāyapi kīḷanti,

1. Ubhayatthamantanā (Ka)

2. Khiṭṭā (Ka)

3. Vippayogampi (Ka)

ghaṭikāyapi kīḷanti, salākahatthenapi kīḷanti, akkhenapi kīḷanti, paṅgacīrenapi kīḷanti, vaṅkakenapi kīḷanti, mokkhacikāyapi kīḷanti, ciṅgulakenapi kīḷanti, pattāḷhakenapi kīḷanti, rathakenapi kīḷanti, dhanukenapi kīḷanti, akkharikāyapi kīḷanti, manesikāyapi kīḷanti, yathāvajjenapi kīḷanti, ayam kāyikā khiḍḍā.

Katamā vācasikā khiḍḍā. Mukhabherikaṃ mukhālambaram mukhaḍḍimakaṃ¹ mukhacalimakaṃ mukhakerakaṃ² mukhadaddarikaṃ nāṭakaṃ lāsaṃ gītaṃ davakammaṃ. Ayam vācasikā khiḍḍā.

Ratīti anukkaṇṭhitādhivacanametam ratīti. **Sahāyā** vuccanti yehi saha āgamaṇam phāsu, gamaṇam phāsu, gamaṇāgamaṇam phāsu, ṭhānam phāsu, nisajjanaṃ phāsu, sayanaṃ phāsu, ālapanam phāsu, sallapanam phāsu, ullapanam phāsu, samullapanam phāsu. **Khiḍḍā ratī hoti sahāyamajjheti** khiḍḍā ca rati ca sahāyamajjhe hotīti khiḍḍā ratī hoti sahāyamajjhe.

Puttesu ca vipulaṃ hoti pemanti puttāti cattāro puttā atrajo putto khettajo putto dinnako putto antevāsiko putto. **Puttesu ca vipulaṃ hoti pemanti** puttesu ca adhimattam hoti pemanti puttesu ca vipulaṃ hoti pemaṃ.

Piyavippayogaṃ vijigucchamaṇoti dve piyā sattā vā saṅkhārā vā. Katame sattā piyā. Idha ya'ssa te honti atthakāmā hitakāmā phāsukāmā yogakkhemakāmā mātā vā pitā vā bhātā vā bhaginī vā putto vā dhītā vā mittā vā amaccā vā ñātī vā sālohitā vā. Ime sattā piyā.

Katame saṅkhārā piyā. Manāpikā rūpā manāpikā saddā manāpikā gandhā manāpikā rasā manāpikā phoṭṭhabbā. Ime saṅkhārā piyā. **Piyavippayogaṃ vijigucchamaṇoti** piyānaṃ vippayogaṃ vijigucchamaṇo aṭṭiyamaṇo harāyamaṇoti piyavippayogaṃ vijigucchamaṇo, eko care khaggavisāṇakappo. Tenāha so Paccekasambuddho—

1. Mukhadeḍḍimakaṃ (Syā), mukhadindimakaṃ (Ka) 2. Mukhabherukaṃ (Syā)

Khiddā ratī hoti saḥāyamajjhe,
 Puttesu ca vipulaṃ hoti pemaṃ.
 Piyavippayogaṃ vijigucchamaṇo,
 Eko care khaggavisāṇakappoti.

128. Cātuddiso appaṭiḡho ca hoti,
 Santussamaṇo itarītareṇa.
 Parissayānaṃ sahitā achambhī,
 Eko care khaggavisāṇakappo. (8)

Cātuddiso appaṭiḡho ca hotīti cātuddisoti so Paccekasambuddho mettāsahagatena cetasā ekaṃ disaṃ pharitvā viharati. Tathā dutiyaṃ. Tathā tatiyaṃ. Tathā catutthaṃ. Iti uddhamadho tiriyaṃ sabbadhi sabbattatāya sabbāvantaṃ lokaṃ mettāsahagatena cetasā vipulena mahaggatena appamaṇena averena abyāpajjena¹ pharitvā viharati. Karuṇāsahagatena -pa-. Muditāsahagatena -pa-. Upekkhāsahagatena cetasā ekaṃ disaṃ pharitvā viharati. Tathā dutiyaṃ. Tathā tatiyaṃ -pa- abyāpajjena pharitvā viharati. Cātuddiso appaṭiḡho ca hotīti mettāya bhāvitattā ye puratthimāya disāya sattā, te appaṭikūlā² honti, ye dakkhiṇāya disāya sattā, te appaṭikūlā honti. Ye pacchimāya disāya sattā, te appaṭikūlā honti. Ye uttarāya disāya sattā, te appaṭikūlā honti. Ye puratthimāya anudisāya sattā, te appaṭikūlā honti. Ye dakkhiṇāya anudisāya sattā, te appaṭikūlā honti. Ye pacchimāya anudisāya sattā, te appaṭikūlā honti. Ye uttarāya anudisāya sattā, te appaṭikūlā honti. Ye heṭṭhimāya disāya sattā, te appaṭikūlā honti. Ye uparimāya disāya sattā, te appaṭikūlā honti. Ye disāsu vidisāsu sattā, te appaṭikūlā honti. Karuṇāya bhāvitattā. Muditāya bhāvitattā. Upekkhāya bhāvitattā ye puratthimāya disāya sattā, te appaṭikūlā honti -pa-. Ye disāsu vidisāsu sattā, te appaṭikūlā hontīti cātuddiso appaṭiḡho ca hoti.

1. Abyāpajjhena (Syā) passa Dī 3. 187 piṭṭhe.

2. Appaṭikūlā (bahūsu)

Santussamāno itarītareṇāti so Paccekasambuddho santuṭṭho hoti itarītareṇa cīvareṇa, itarītaracīvarasantuṭṭhiyā ca vaṇṇavādī, na ca cīvarahetu anesanaṃ appatirūpaṃ¹ āpajjati. Aladdhā ca cīvaraṃ na paritassati, laddhā ca cīvaraṃ agadhito amucchito anajjhosanno² ādīnavadassāvī nissaraṇapaṇño paribhuñjati. Tāya ca pana itarītaracīvarasantuṭṭhiyā nevattānukkaṃseti, na paraṃ vambheti, yo hi tattha dakkho analaso sampajāno patissato. Ayaṃ vuccati Paccekasambuddho porāṇe aggaññe ariyavaṃse ṭhito. Santuṭṭho hoti itarītareṇa piṇḍapātena -pa-. Santuṭṭho hoti itarītareṇa senāsanena -pa-. Santuṭṭho hoti itarītareṇa gilānapaccayabhesajjaparikkhāreṇa. Itarītaragilānapaccayabhesajja-parikkhārasantuṭṭhiyā ca vaṇṇavādī, na ca gilānapaccayabhesajja-parikkhārahetu anesanaṃ appatirūpaṃ āpajjati. Aladdhā ca gilānapaccayabhesajjaparikkhārānaṃ na paritassati, laddhā ca gilānapaccayabhesajjaparikkhāraṃ agadhito amucchito anajjhosanno ādīnavadassāvī nissaraṇapaṇño paribhuñjati. Tāya ca itarītaragilānapaccayabhesajjaparikkhārasantuṭṭhiyā nevattānukkaṃseti, na paraṃ vambheti, yo hi tattha dakkho analaso sampajāno patissato. Ayaṃ vuccati Paccekasambuddho porāṇe aggaññe ariyavaṃse ṭhitoti santussamāno itarītareṇa.

Parissayānaṃ sahitā achambhīti parissayāti dve parissayā pākāṭaparissayā ca paṭicchannaparissayā ca. Katame **pākāṭaparissayā**. Sīhā byagghādīpī acchā taracchā kokā mahimsā³ hatthī ahī vicchikā satapadī corā vā assu mānavā vā katakammā vā akatakammā vā, cakkhurogo sotarogo ghānarogo jivhārogo kāyarogo sīsarogo kaṇṇarogo mukharogo dantarogo kāso sāso pināso ḍāho jaro kucchirogo mucchā pakkhandikā sūlā visūcikā kuṭṭhaṃ gaṇḍo kilāso soso apamāro daddu kaṇḍu kacchu rakhasā vitacchikā lohītapittaṃ madhumeho aṃsā piḷakā bhagandalā pīttasamuṭṭhānā ābādhā, semhasamuṭṭhānā ābādhā, vātasamuṭṭhānā ābādhā, sannipātikā ābādhā, utupariṇāmajā ābādhā,

1. Appatirūpaṃ (Syā)

2. Anajjhopanno (Syā)

3. Gomahisā (Syā) Khu 7. 10 piṭṭhesupi.

visamaparihārajā ābādhā, opakkamikā ābādhā kammavipākajā ābādhā, sītaṃ uṇhaṃ jighacchā pipāsā uccāro passāvo
 ḍamsamakāsavātātapasarīsapasamphassā iti vā, ime vuccanti
 pākaṭaparissāya.

Katame **paṭicchannaparissayā**. Kāyaduccaritaṃ vacīduccaritaṃ
 manoduccaritaṃ kāmacchandanivaraṇaṃ byāpādanīvaraṇaṃ
 thinamiddhanīvaraṇaṃ uddhaccakukkuccanīvaraṇaṃ vicikicchānīvaraṇaṃ
 rāgo doso moho kodho upanāho makkho paḷāso issā macchariyaṃ māyā
 sāṭṭheyyaṃ thambho sārāmbho māno atimāno mado pamādo sabbe kilesā
 sabbe duccharitā sabbe darathā sabbe pariḷāhā sabbe santāpā
 sabbākusalābhisaṅkhārā, ime vuccanti paṭicchannaparissayā.

Parissayāti kenatṭhena parissayā, parisahantīti parissayā, parihānāya
 saṃvattantīti parissayā, tatrāsāyāti parissayā. Kathaṃ parisahantīti
 parissayā, te parissayā taṃ puggalaṃ saḥanti parisahanti abhibhavanti
 ajjhottharanti pariyādiyanti maddanti, evaṃ parisahantīti parissayā.

Kathaṃ parihānāya saṃvattantīti parissayā, te parissayā kusalānaṃ
 dhammānaṃ antarāyāya parihānāya saṃvattanti, katamesaṃ kusalānaṃ
 dhammānaṃ, sammāpaṭipadāya anulomapaṭipadāya apaccanīkaṭipadāya
 anvatthapaṭipadāya dhammānudhammapaṭipadāya sīlesu paripūrakāritāya
 indriyesu guttadvāratāya bhojane mattaññutāya jāgariyānuyogassa
 satisampajāññassa catunnaṃ satipaṭṭhānānaṃ bhāvanānuyogassa catunnaṃ
 sammappadhānānaṃ. Catunnaṃ iddhipādānaṃ. Pañcannaṃ indriyānaṃ.
 Pañcannaṃ balānaṃ. Sattannaṃ bojjaṅgānaṃ. Ariyassa aṭṭhaṅgikassa
 maggassa bhāvanānuyogassa imesaṃ kusalānaṃ dhammānaṃ antarāyāya
 parihānāya saṃvattanti, evaṃ parihānāya saṃvattantīti parissayā.

Kathaṃ tatrāsāyāti parissayā, tatthete¹ pāpakā akusalā dhammā
 uppajjanti attabhāvasannissayā, yathā bile bilāsāya pāṇā sayanti, dake
 dakāsāya² pāṇā sayanti, vane vanāsāya pāṇā sayanti, rukkhe rukkāsāya
 pāṇā sayanti. Evameva tatthete pāpakā akusalā dhammā uppajjanti
 attabhāvasannissayāti, evampi tatrāsāyāti parissayā.

1. Tatra te (Ka)

2. Udake udakāsāya (Syā)

vuttamhetam Bhagavatā—sāntevāsiko bhikkhave bhikkhu sācariyako dukkham na phāsu viharati. Kathañca bhikkhave bhikkhu sāntevāsiko sācariyako dukkham na phāsu viharati. Idha bhikkhave cakkhunā rūpaṃ dīsvā uppajjanti ye pāpakā akusalā dhammā sarasaṅkappā saññojanīyā¹, tyassa anto vasanti anvāssavanti pāpakā akusalā dhammāti tasmā sāntevāsiko vuccati, tena samudācarena samudācaranti nam “pāpakā akusalā dhammā”ti tasmā “sācariyako”ti vuccati.

Puna caparam bhikkhave bhikkhuno sotena saddam sutvā -pa- ghānena gandham ghāyivā -pa- jivhāya rasam sāyivā -pa- kāyena phoṭṭhabbam phusivā -pa- manasā dhammam viññāya uppajjanti ye pāpakā akusalā dhammā sarasaṅkappā saññojanīyā. Tyassa anto vasanti anvāssavanti pāpakā akusalā dhammāti tasmā “sāntevāsiko”ti vuccati. Tena samudācarena samudācaranti nam “pāpakā akusalā dhammā”ti tasmā “sācariyako”ti vuccati. Evaṃ kho bhikkhave bhikkhu sāntevāsiko sācariyako dukkham na phāsu viharatīti. Evampi tatrāsayaṭi parissaya.

Vuttam hetam Bhagavatā—tayome bhikkhave antarāmalā antarā-amittā antarāsapattā antarāvadhakā antarāpaccatthikā. Katame tayo. Lobho bhikkhave antarāmalo² antarā-amitto antarāsapatto antarāvadhako antarāpaccatthiko, doso bhikkhave -pa- moho bhikkhave antarāmalo antarā-amitto antarāsapatto antarāvadhako antarāpaccatthiko. Ime kho bhikkhave tayo antarāmalā antarā-amittā antarāsapattā antarāvadhakā antarāpaccatthikāti.

Anatthajanano lobho, lobho cittappakopano.

Bhayamantarato jātam, tam jano nāvabujjhati.

Luddho attham na jānāti, luddho dhammam na passati.

Andhatamam tadā hoti, yam lobho sahate naram.

Anatthajanano doso, doso cittappakopano.

Bhayamantarato jātam, tam jano nāvabujjhati.

1. Saññojanikā (Ka)

2. Antarāmalam (Syā, Ka) passa Khu 1. 252 piṭṭhe.

Duṭṭho atthaṃ na jānāti, duṭṭho dhammaṃ na passati.
Andhatamaṃ tadā hoti, yaṃ doso sahate naraṃ.

Anatthajanano moho, moho cittappakopano.
Bhayamantarato jātaṃ, taṃ jano nāvabujjhati.

Mūḷho atthaṃ na jānāti, mūḷho dhammaṃ na passati.
Andhatamaṃ tadā hoti, yaṃ moho sahate naranti.

Evampi tatrāsayaṃti parissayaṃ.

Vuttañhetam̄ Bhagavatā—tayo kho mahārāja purisassa dhammā
ajjhataṃ uppañjamaṇā uppañjanti ahitāya dukkhāya aphāsuvihārāya. Katame
tayo, lobho kho mahārāja purisassa dhammo ajjhataṃ uppañjamaṇo
uppañjati ahitāya dukkhāya aphāsuvihārāya, doso kho mahārāja -pa- moho
kho mahārāja purisassa dhammo ajjhataṃ uppañjamaṇo uppañjati ahitāya
dukkhāya aphāsuvihārāya, ime kho mahārāja tayo purisassa dhammā
ajjhataṃ uppañjamaṇā uppañjanti ahitāya dukkhāya aphāsuvihārāya.

Lobho doso ca moho ca, purisaṃ pāpacetasam̄.
Himsanti attasambhūtā, tacasāraṃva samphalanti¹.

Evampi tatrāsayaṃti parissayaṃ.

Vuttañhetam̄ Bhagavatā—

Rāgo ca doso ca itonidānā,
Araṭī ratī lomahaṃso itojā.
Ito samuṭṭhāya manovitakkā,
Kumārakā dhaṅkamivossajantīti².

Evampi tatrāsayaṃti parissayaṃ.

Parissayaṇam̄ sahitāti parissaye sahitā ārādhitā ajjhottharitā pariyādītā
paṭinissatāti parissayaṇam̄ sahitā. **Achambhūti** so

1. Saphalanti (Ka) Khu 1. 226 piṭṭhe.

2. Dhaṅkamivossajantīti (Syā, Ka) passa Khu 1. 320 piṭṭhe.

Paccekasambuddho abhīrū acchambhī anutrāsī apalāyī pahīnabhayabheravo
vigatalomahaṃso viharatīti parissayānaṃ sahitā achambhī, eko care
khaggavisāṇakappo. Tenāha so Paccekasambuddho—

Cātuddiso appaṭigho ca hoti,
Santussamāno itarītarena.
Parissayānaṃ sahitā achambhī,
Eko care khaggavisāṇakappoti.

**129. Dussaṅgahā pabbajitāpi eke,
Atho gahaṭṭhā gharamāvasantā.
Apossukko paraputtesu hutvā,
Eko care khaggavisāṇakappo. (9)**

Dussaṅgahā pabbajitāpi eketi pabbajitāpi idhekacce nissayepi
diyyamāne uddesepe diyyamāne paripucchāyapi¹ diyyamāne cīvarepi
diyyamāne pattepi diyyamāne lohathālakepi diyyamāne dhammakaraṇepi²
diyyamāne parissāvanepi diyyamāne thavikepi diyyamāne upāhanepi
diyyamāne kāyabandhanepi diyyamāne na suṇanti, na sotaṃ odahanti, na
aññā cittaṃ upaṭṭhapenti, anassavā avacanakarā paṭilomavuttino aññeneva
mukhaṃ karontīti dussaṅgahā pabbajitāpi eke.

Atho gahaṭṭhā gharamāvasantāti gahaṭṭhāpi idhekacce hatthimhipi
diyyamāne -pa-. Rathepi. Khettepi. Vatthumhipi. Hiraññepi. Suvaṇṇepi
diyyamāne gāmepe. Nigamepe. Nagarepe. Raṭṭhepi. Janapadepe diyyamāne
na suṇanti na sotaṃ odahanti, na aññācittaṃ upaṭṭhapenti, anassavā
avacanakarā paṭilomavuttino aññeneva mukhaṃ karontīti atho gahaṭṭhā
gharamāvasantā.

Apossukko paraputtesu hutvāti attānaṃ ṭhapetvā sabbe imasmim atthe
paraputtā tesu paraputtesu appossukko hutvā abyāvaṭo hutvā anaṭṭhā
hutvāti appossukko paraputtesu hutvā, eko care khaggavisāṇakappo. Tenāha
so Paccekasambuddho—

1. Paripucchepe (Ka)

2. Dhammakarakepe (Syā)

Dussaṅgahā pabbajitāpi eke,
 Atho gahaṭṭhā gharamāvasantā.
 Appossukko paraputtesu hutvā,
 Eko care khaggavisāṇakappoti.

130. Oropayitvā¹ ghibyañjanāni,
 Sañchinnapatto² yathā koviḷāro.
 Chetvāna vīro ghibbandhanāni,
 Eko care khaggavisāṇakappo. (10)

Oropayitvā ghibyañjanānīti ghibyañjanāni vuccanti kesā ca massū ca mālā ca gandhañca vilepanañca ābharaṇañca pilandhanañca vatthañca pārupanañca veṭhanañca ucchādanaṃ parimaddanaṃ nhāpanaṃ³ sambāhanaṃ ādāsāṃ añjanaṃ mālāgandhavilepanaṃ mukhacuṇṇaṃ mukhalepanaṃ hatthabandhaṃ sikhābandhaṃ daṇḍaṃ nāḷikaṃ⁴ khaggaṃ chattaṃ citrūpāhanaṃ uṇhīsaṃ maṇiṃ vālabījanaṃ odātāni vatthāni dīghadasāni⁵ iti vā. Oropayitvā ghibyañjanānīti ghibyañjanāni oropayitvā samoropayitvā nikkhipitvā paṭipassambhayitvāti oropayitvā ghibyañjanāni.

Sañchinnapatto yathā koviḷāroti yathā koviḷārassa pattāni chinnāni sañchinnāni patitāni paripatitāni, evameva tassa Paccekasambuddhassa ghibyañjanāni chinnāni sañchinnāni patitānīti sañchinnapatto yathā koviḷāro.

Chetvāna vīro ghibbandhanānīti vīroti vīriyavāti vīro, pahūti vīro, visavīti vīro, alamattoti vīro, sūroti vīro, vikkanto abhirū acchambhī anutrāsī apalāyī pahīnabhayabheravoti vīro, vigatalomahaṃsoti vīro.

Virato idha⁶ sabbapākehi,
 Nirayadukkhaṃ aticca vīriyavāso.
 So vīriyavā padhānavā,
 Dhīro⁷ tādi pavuccate tathattā.

1. Voropayitvā (Syā)

2. Saṃsīnapatto (Sī-Ṭṭha)

3. Nahāpanaṃ (Syā)

4. Nāḷikaṃ (Ka) passa Dī 1. 7 piṭṭhe.

5. Dīgharassāni (Syā)

6. Ārato idheva (Syā) passa Khu 1. 360 piṭṭhe.

7. Vīro (Syā, Ka) passa Khu 1. 360 piṭṭhe.

Ghibandhanāni vuccanti puttā ca bhariyā ca dāsā ca dāsī ca ajeḷakā ca kukkuṭasūkarā ca hatthigavāssavaḷavā ca khettañca vatthu ca hiraññañca suvaṇṇaṇca gāmanigamarājadhāniyo ca raṭṭhañca janapado ca koso ca koṭṭhāgārañca yaṃ kiñci rajanīyavatthu.

Chetvāna vīro ghibandhanānīti so Paccekasambuddho vīro ghibandhanāni chinditvā samucchinditvā jahitvā vinodetvā byantīkaritvā anabhāvaṃ gametvāti chetvāna vīro ghibandhanāni, eko care khaggavisāṇakappo. Tenāha so Paccekasambuddho—

Oropayitvā ghibyañjanāni,
Sañchinnapatto yathā koviḷāro.
Chetvāna vīro ghibandhanāni,
Eko care khaggavisāṇakappoti.

Paṭhamo vaggo.

Dutiyavagga

131. **Sace labhetha nipakaṃ sahāyaṃ,**
Saddhiṃ caraṃ sādhuviḥārī dhīraṃ.
Abhibhuyya sabbāni parissayāni,
Careyya tena'ttamaṇo satimā. (1)

Sace labhetha nipakaṃ sahāyanti sace nipakaṃ paṇḍitaṃ paññavantaṃ buddhimantaṃ ñāṇiṃ vibhāviṃ medhāviṃ sahāyaṃ labheyya paṭilabheyya adhigaccheyya vindeyyāti sace labhetha nipakaṃ sahāyaṃ.

Saddhimcaraṃ sādhuviḥārī dhīranti saddhimcaranti ekato caraṃ. **Sādhuviḥārīnti** paṭhamenaṇi jhānena sādhuviḥārīṃ. Dutiyenaṇi jhānena. Tatiyenaṇi jhānena. Catutthenaṇi jhānena sādhuviḥārīṃ. Mettāyapi cetovimuttiyā sādhuviḥārīṃ. Karuṇāyapi. Muditāyapi. Upekkhāyapi cetovimuttiyā sādhuviḥārīṃ. Ākāśānañcāyatanaṇi samāpattiyāpi sādhuviḥārīṃ. Viññāṇaṇcāyatanaṇi samāpattiyāpi -pa-. Ākiñcaññāyatanaṇi samāpattiyāpi -pa-.

Nevasaññānāsaññāyatanasamāpattiyāpi sādhuviḥārīm nirodhasamāpattiyāpi sādhuviḥārīm. Phalasarāpattiyāpi sādhuviḥārīm. **Dhīranti** dhīraṃ paṇḍitaṃ paññavantaṃ buddhimantaṃ ñāṇiṃ vibhāviṃ medhāvinti saddhimcaram sādhuviḥāri dhīraṃ.

Abhibhuyya sabbāni parissayānīti parissayāti dve parissayā pākāṭaparissayā ca paṭicchannaparissayā ca -pa- ime vuccanti pākāṭaparissayā -pa- ime vuccanti paṭicchannaparissayā -pa-. Evampi tatrāsayāti parissayā. **Abhibhuyya sabbāni parissayānīti** sabbe parissaye abhibhuyya abhibhavitvā ajjhottharivā pariyādiyivā madditvāti abhibhuyya sabbāni parissayāni.

Careyya tena'ttamano satīmāti so Paccekasambuddho tena nipakena paṇḍitena paññavanta buddhimantena ñāṇinā vibhāvinā medhāvinā sahāyena saddhiṃ attamano tuṭṭhamano haṭṭhamano pahaṭṭhamano udaggamano muditamano careyya vihareyya iriyeyya vatteyya pāleyya yapeyya yāpeyyāti careyya tenattamano. **Satīmāti** so Paccekasambuddho satimā hoti paramena satinepakkena samannāgato cirakatampi cirabhāsitaampi saritā anussarītāti careyya tena'ttamano satimā. Tenāha so Paccekasambuddho—

Sace labhetha nipakaṃ sahāyaṃ,
Saddhimcaram sādhuviḥāri dhīraṃ.
Abhibhuyya sabbāni parissayāni,
Careyya tenattamano satīmāti.

132. No ce labhetha nipakaṃ sahāyaṃ,
Saddhimcaram sādhuviḥāri dhīraṃ.
Rājāva raṭṭham vijitaṃ pahāya,
Eko care khaggavisāṇakappo. (2)

No ce labhetha nipakaṃ sahāyanti no ce nipakaṃ paṇḍitaṃ paññavantaṃ buddhimantaṃ ñāṇiṃ vibhāviṃ medhāviṃ sahāyaṃ labheyya paṭilabheyya adhigaccheyya vindeyyāti no ce labhetha nipakaṃ sahāyaṃ.

Saddhimācaram sādhuviḥāri dhīranti saddhimācaranti ekato caram.
Sādhuviḥārinti paṭhamenapi jhānena sādhuviḥāriṃ -pa-
 nirodhasamāpattiyāpi sādhuviḥāriṃ phalasangāhāpattiyāpi sādhuviḥāriṃ.
Dhīranti dhīram paṇḍitaṃ paññavantaṃ buddhimantaṃ ñāṇiṃ vibhāviṃ
 medhāvinti saddhimācaram sādhuviḥāri dhīram.

Rājāva raṭṭham vijitam pahāyāti rājā khattiyo muddhābhisitto
 vijitasāṅgāmo nihatapaccāmitto laddhādhippāyo paripuṇṇakosakoṭṭhāgāro
 raṭṭhañca janapadañca kosañca koṭṭhāgārañca pahūtahiraññasuvaṇṇam
 nagarañca pariccajivā kesamassuṃ ohāretvā kāsāyāni vatthāni acchādetvā
 agāasmā anagāriyaṃ pabbajivā akiñcanabhāvaṃ upagantvā eko carati
 viharati iriyati vatteti pāleti yapeti yāpeti. Evam Paccekasambuddhopi
 sabbaṃ gharāvāsapalibodham chinditvā puttadārapalibodham chinditvā
 nātipalibodham chinditvā mittāmacapalibodham chinditvā kesamassuṃ
 ohāretvā kāsāyāni vatthāni acchādetvā agāasmā anagāriyaṃ pabbajivā
 akiñcanabhāvaṃ upagantvā eko carati viharati iriyati vatteti pāleti yapeti
 yāpeti rājāva raṭṭham vijitam pahāya, eko care khaggavisāṇakappo. Tenāha
 so Paccekasambuddho—

No ce labhetha nipakaṃ sahāyaṃ,
 Saddhimācaram sādhuviḥāri dhīram.
 Rājāva raṭṭham vijitam pahāya,
 Eko care khaggavisāṇakappoti.

133. **Addhā pasamsāma sahāyasampadam,**
Seṭṭhā samā sevitabbā sahāyā.
Ete aladdhā anavajjabhojī,
Eko care khaggavisāṇakappo. (3)

Addhā pasamsāma sahāyasampadanti addhāti ekamsavacanāṃ
 nissamsayavacanāṃ nikkāṅkhavacanāṃ advejjhavacanāṃ
 adveḥhakavacanāṃ niyogavacanāṃ apaṇṇakavacanāṃ aviraddhavacanāṃ
 avatthāpanavacanametāṃ addhāti. **Sahāyasampadanti** sahāyasampadā
 vuccati yo so sahāyo asekkhena sīlakkhandhena samannāgato hoti.
 Asekkhena samādhikkhandhena. Asekkhena

paññākkhandhena. Asekkhena vimuttikkhandhena. Asekkhena vimuttiñāḍassanakkhandhena samannāgato hoti. **Addhā pasamsāma sahāyasampadanti** sahāyasampadam pasamsāma thomema kittema vaṇṇemāti addhā pasamsāma sahāyasampadam.

Setṭhā samā sevitabbā sahāyāti setṭhā honti sahāyā sīlena samādhinā paññāya vimuttiyā vimuttiñāḍassanena, samā sadisā honti sahāyā sīlena samādhinā paññāya vimuttiyā vimuttiñāḍassanena, setṭhā vā sahāyā sadisā vā sahāyā sevitabbā bhajitabbā payirupāsitabbā paripucchitabbā paripaṇhitabbāti setṭhā samā sevitabbā sahāyā.

Ete aladdhā anavajjabhojīti atthi puggalo sāvajjabhojī atthi puggalo anavajjabhojīti. Katamo ca puggalo sāvajjabhojī. Idhekacco puggalo kuhanāya lapanāya nemittikatāya nippesikatāya lābhena lābham nijigīsanatāya¹ dārudānena veḷudānena pattadānena pupphadānena phaladānena sinānadānena cuṇṇadānena mattikādānena dantakaṭṭhadānena mukhodakadānena cāṭukamyatāya² muggasūpyatāya³ pārībhaṭyatāya pīṭhamaddikatāya vatthuvijjāya tiracchānavijjāya aṅgavijjāya nakkhattavijjāya dūtagamanena paṇṇagamanena jaṅghapesaniyena vejjakammena navakammena⁴ piṇḍapaṭīpiṇḍakena dānānuppadānena adhammena visamena laddhā labhitvā adhigantvā vinditvā paṭilabhitvā jīvikam⁵ kappeti. Ayaṃ vuccati puggalo sāvajjabhojī.

Katamo ca puggalo anavajjabhojī. Idhekacco puggalo na kuhanāya na lapanāya na nemittikatāya na nippesikatāya na lābhena lābham nijigīsanatāya na dārudānena na veḷudānena na pattadānena na pupphadānena na phaladānena na sinānadānena na cuṇṇadānena na mattikādānena na dantakaṭṭhadānena na mukhodakadānena na cāṭukamyatāya na muggasūpyatāya na pārībhaṭyatāya na pīṭhamaddikatāya na vatthuvijjāya na tiracchānavijjāya

1. Nijigīmsanatāya (Syā)

2. Pātukamyatāya (Syā) Khu 7. 290 piṭṭhepi.

3. Muggasūpatāya (Syā)

4. Dūtakammena (Syā, Ka) Khu 7. 290 piṭṭhe.

5. Jīvitam (Ka)

na aṅgavijjāya na nakkhattavijjāya na dūtagamanena na paṇḍagamanena na jaṅghapesaniyena na vejjakammena na navakammena na piṇḍapaṭipiṇḍakena na dānānuppādānena dhammena samena laddhā labhitvā adhigantvā vinditvā paṭilabhitvā jīvikam kappeti. Ayam vuccati puggalo anavajjabhojī.

Ete aladdhā anavajjabhojīti ete anavajjabhojī aladdhā alabhitvā anadhigantvā avinditvā appaṭilabhitvāti ete aladdhā anavajjabhojī, eko care khaggavisāṇakappo. Tenāha so Paccekasambuddho—

Addhā pasamsāma sahāyasampadam,
 Setṭhā samā sevitabbā sahāyā.
 Ete aladdhā anavajjabhojī,
 Eko care khaggavisāṇakappoti.

**134. Disvā suvaṇṇassa pabhassarāni,
 Kammāraputtana suniṭṭhitāni.
 Saṅghaṭṭayantāni¹ duve bhujasmim,
 Eko care khaggavisāṇakappo. (4)**

Disvā suvaṇṇassa pabhassarānīti disvā passivā tulayitvā tīrayitvā vibhāvayitvā vibhūtam katvā. **Suvaṇṇassāti** jātarūpassa. **Pabhassarānīti** parisuddhāni pariyodātānīti disvā suvaṇṇassa pabhassarāni.

Kammāraputtana suniṭṭhitānīti kammāraputto vuccati suvaṇṇakāro. **Kammāraputtana suniṭṭhitānīti** kammāraputtana suniṭṭhitāni sukatāni suparikammakatānīti kammāraputtana suniṭṭhitāni.

Saṅghaṭṭayantāni duve bhujasminti bhujō vuccati hattho. Yathā ekasmim hatthe dve nūpurāni² ghaṭṭenti³, evameva sattā taṇhāvasena diṭṭhivasena niraye ghaṭṭenti, tiracchānayanīyam ghaṭṭenti, pettivisaye ghaṭṭenti, manussāloke ghaṭṭenti, devaloke ghaṭṭenti, gatiyā gatim

1. Saṅghaṭṭamānāni (Khu 1. 286 piṭṭhe.) 2. Dhuvarāni (Syā) 3. Ghaṭṭenti (Syā)

upapattiyā upapattiṃ paṭisandhiyā paṭisandhiṃ bhavena bhavaṃ saṃsārena
saṃsāraṃ vaṭṭena vaṭṭaṃ ghaṭṭenti saṃghaṭṭenti saṃghaṭṭentā caranti
viharanti iriyanti vattenti pāḷenti yapenti yāpentīti saṃghaṭṭayantāni duve
bhujasmiṃ, eko care khaggavisāṇakappo. Tenāha so Paccekasambuddho—

Disvā suvaṇṇassa pabhassarāni,
Kammāraputtena suniṭṭhitāni.
Saṃghaṭṭayantāni duve bhujasmiṃ,
Eko care khaggavisāṇakappo.

135. Evaṃ dutīyena saha mamassa,

Vācābhilāpo abhisajjanā vā.

Etaṃ bhayaṃ āyatiṃ pekkhamāno,

Eko care khaggavisāṇakappo.

(5)

Evaṃ dutīyena saha mamassāti taṇhādutiyo vā hoti puggaladutiyo vā.
Kathaṃ taṇhādutiyo hoti, taṇhāti rūpataṇhā -pa- dhammataṇhā. Yassesā
taṇhā appahīnā, so vuccati taṇhādutiyo.

Taṇhādutiyo puriso, dīghamaddhāna saṃsaraṃ.
Itthabhāvaññathābhāvaṃ, saṃsāraṃ nātivattatīti.

Evaṃ taṇhādutiyo vā hoti.

Kathaṃ puggaladutiyo hoti, idhekacco na atthahetu¹ na kāraṇahetu
uddhato avūpasantacitto ekassa vā dutiyo hoti dvinnam vā tatiyo hoti,
tiṇṇam vā catuttho hoti. Tattha bahum samphappalāpaṃ palapati.
Seyyathidaṃ, rājakathaṃ corakathaṃ mahāmattakathaṃ senākathaṃ
bhayakathaṃ yuddhakathaṃ annakathaṃ pānakathaṃ vatthakathaṃ
sayanakathaṃ mālākathaṃ gandhakathaṃ ñātikathaṃ yānakathaṃ
gāmakathaṃ nigamakathaṃ nagarakathaṃ janapadakathaṃ itthikathaṃ²
sūrakathaṃ visikhākathaṃ kumbhaṭṭhānakathaṃ pubbapetakathaṃ

1. Attahetu (Syā)

2. Itthikathaṃ purisakathaṃ (Syā, Ka) Dī 1. 7, 62 piṭṭhe; Sam 3. 368 piṭṭhe ca
passitabbaṃ.

nānattakatham lokakkhāyikaṃ samuddakkhāyikaṃ itibhavābhavakatham katheti. Evaṃ puggaladutiyo hotīti evaṃ dutīyena saha mamassa.

Vācābhilāpo abhisajjanā vāti vācābhilāpo vuccati bāttimsatiracchānakathā. Seyyathidaṃ, rājakatham -pa- itibhavābhavakatham. **Abhisajjanā vāti** dve sajjanā, taṇhāsajjanā ca diṭṭhisajjanā ca -pa- ayaṃ taṇhāsajjanā -pa- ayaṃ diṭṭhisajjanāti vācābhilāpo abhisajjanā vā.

Etam bhayaṃ āyatim pekkhamānoti bhayanti jātibhayaṃ jarābhayaṃ byādhibhayaṃ maraṇabhayaṃ rājabhayaṃ corabhayaṃ aggibhayaṃ udakabhayaṃ attānuvādabhayaṃ parānuvādabhayaṃ daṇḍabhayaṃ duggatibhayaṃ ūmibhayaṃ kumbhilabhayaṃ āvaṭṭabhayaṃ susumārabhayaṃ ājīvikabhayaṃ asilokabhayaṃ parisasārajjabhayaṃ madanabhayaṃ bhayānakam chambhitattam lomahaṃso cetaso ubbego utrāso. . **Etam bhayaṃ āyatim pekkhamānoti** etam bhayaṃ āyatim pekkhamāno dakkhamāno olokayamāno nijjhāyamāno upaparikkhamānoti etam bhayaṃ āyatim pekkhamāno, eko care khaggavisāṇakappo. Tenāha so Paccekasambuddho—

Evaṃ dutīyena saha mamassa,
Vācābhilāpo abhisajjanā vā.
Etam bhayaṃ āyatim pekkhamāno,
Eko care khaggavisāṇakappo.

136. **Kāmā hi citrā madhurā manoramā,
Virūparūpena mathenti cittaṃ.
Ādīnavam kāmagaṇesu disvā,
Eko care khaggavisāṇakappo.** (6)

Kāmā hi citrā madhurā manoramāti kāmāti uddānato dve kāmā vatthukāmā ca kilesakāmā ca -pa-. Ime vuccanti vatthukāmā -pa-. Ime vuccanti kilesakāmā. **Citrāti** nānāvaṇṇā rūpā nānāvaṇṇā saddā nānāvaṇṇā gandhā nānāvaṇṇā rasā nānāvaṇṇā phoṭṭhabbā iṭṭhā kantā manāpā piyarūpā kāmūpasamhitā rajanīyā. **Madhurāti** vuttam hetam Bhagavatā¹

1. Ma 1. 120 piṭṭhe; Ma 3. 276 piṭṭhe ca passitabban.

pañcime bhikkhave kāmaguṇā. Katame pañca, cakkhaviññeyyā rūpā iṭṭhā kantā manāpā piyarūpā kāmūpasamhitā rajanīyā. Sotaviññeyyā saddā -pa-. Ghānaviññeyyā gandhā. Jivhāviññeyyā rasā. Kāyaviññeyyā phoṭṭhabbā iṭṭhā kantā manāpā piyarūpā kāmūpasamhitā rajanīyā. Ime kho bhikkhave pañca kāmaguṇā. Yam kho bhikkhave ime pañca kāmaguṇe paṭicca uppajjati sukham somanassam, idam vuccati kāmasukham miḷhasukham¹ puthujjanasukham anariyasukham “na sevitabbam na bhāvetabbam na bahulikātabbam bhāyitabbam etassa sukhassā”ti vadāmīti kāmā hi citrā madhurā. **Manoramāti manoti** yam cittaṃ -pa- tajjā manoviññāṇadhātu, mano ramenti thomenti tosentī pahāsentīti kāmā hi citrā madhurā manoramā.

Virūparūpena mathenti cittanti nānāvaṇṇehi rūpehi -pa- nānāvaṇṇehi phoṭṭhabbehi cittaṃ mathenti tosentī pahāsentīti virūparūpena mathenti cittaṃ.

Ādīnavam kāmaguṇesu disvāti vuttam hetam Bhagavatā—ko ca bhikkhave kāmānam ādīnavo. Idha bhikkhave kulaputto yena sippaṭṭhānena jīvikam kappeti, yadi muddāya, yadi gaṇanāya, yadi saṅkhānena, yadi kasiyā, yadi vaṇijjāya, yadi gorakkhena, yadi issatthena,² yadi rājaporisena, yadi sippaññatarena, sītassa purakkhato uṇhassa purakkhato ḍaṃsamakasavātātapasarīsapasamphassehi samphassamāno³ khuppiṇāsāya mīyamāno, ayam bhikkhave kāmānam ādīnavo sandiṭṭhiko dukkhakkhandho kāmahetu kāmanidānam kāmādhikaraṇam kāmānameva hetu.

Tassa ce bhikkhave kulaputtassa evam uṭṭhahato ghaṭato vāyamato te bhogā nābhiniṭṭhānti, so socati kilamati paridevati, urattāḷim kandati, sammoham āpajjati “mogham vata me uṭṭhānam, aphalo vata me vāyāmo”ti, ayampi bhikkhave kāmānam ādīnavo sandiṭṭhiko dukkhakkhandho kāmahetu kāmanidānam kāmādhikaraṇam kāmānameva hetu.

1. Miḷhasukham (passa-Ma 3. 276 piṭṭhe.)

2. Issatṭhena (Syā), issattena (Ka) passa Ma 1. 120 piṭṭhe.

3. Rissamāno (Ma 1. 120 piṭṭhe.)

Tassa ce bhikkhave kulaputtassa evaṃ uṭṭhahato ghaṭato vāyamato te bhogā abhinipphajjanti, so tesam bhogānaṃ ārakkhādhikaraṇaṃ dukkhaṃ domanassaṃ¹ paṭisaṃvedeti “kinti me bhoge neva rājāno hareyyuṃ, na corā hareyyuṃ, na aggi ḍaheyya, na udakaṃ vaheyya, na appiyā dāyādā hareyyuṃ”ti. Tassa evaṃ ārakkhato gopayato te bhoge rājāno vā haranti, corā vā haranti, aggi vā ḍahati, udakaṃ vā vahati, appiyā vā dāyādā haranti, so socati -pa- sammohaṃ āpajjati “yampi me ahosi, tampi no natthī”ti. Ayampi bhikkhave kāmānaṃ ādīnava sandiṭṭhiko dukkhakkhandho kāmahetu kāmanidānaṃ kāmādhikaraṇaṃ kāmānameva hetu.

Puna caparaṃ bhikkhave kāmahetu kāmanidānaṃ kāmādhikaraṇaṃ kāmānameva hetu rājānopi rājūhi vivadanti, khattiyāpi khattiyehi vivadanti, brāhmaṇāpi brāhmaṇehi vivadanti, gahapatīpi gahapatīhi vivadanti, mātāpi puttana vivadati, puttapi mātārā vivadati, pitāpi puttana vivadati, puttapi pitarā vivadati, bhātāpi bhaginiyā vivadati, bhaginīpi bhātarā vivadati, sahāyopi sahāyena vivadati. Te tattha kalahaviggahavivādāpannā aññamaññaṃ pāṇhipi upakkamanti, leḍḍūhipi upakkamanti, daṇḍehipi upakkamanti, satthehipi upakkamanti, te tattha maraṇampi nigacchanti maraṇamattampi dukkhaṃ. Ayampi bhikkhave kāmānaṃ ādīnava sandiṭṭhiko dukkhakkhandho kāmahetu kāmanidānaṃ kāmādhikaraṇaṃ kāmānameva hetu.

Puna caparaṃ bhikkhave kāmahetu kāmanidānaṃ kāmādhikaraṇaṃ kāmānameva hetu asicammaṃ gahetvā dhanukalāpaṃ sannayhitvā ubhatobyūḷhaṃ² saṅgāmaṃ pakkhandanti usūsupi khippamānesu sattīsūpi khippamānāsu asīsūpi vijjotalantesu, te tattha usūhipi vijjhanti, sattīhipi³ vijjhanti, asināpi sīsaṃ chindanti. Te tattha maraṇampi nigacchanti maraṇamattampi dukkhaṃ. Ayampi bhikkhave kāmānaṃ ādīnava sandiṭṭhiko dukkhakkhandho kāmahetu kāmanidānaṃ kāmādhikaraṇaṃ kāmānameva hetu.

Puna caparaṃ bhikkhave kāmahetu kāmanidānaṃ kāmādhikaraṇaṃ kāmānameva hetu asicammaṃ gahetvā dhanukalāpaṃ sannayhitvā addāvalepanā⁴

1. Dukkhadomanassaṃ (Syā, Ka)

2. Ubhatoviyūḷhaṃ (Syā) passa Ma 1. 121 piṭṭhe.

3. Sattiyāpi (Ma 1. 121, 128 piṭṭhe.)

4. Addhāvalepanā (Syā)

upakāriyo pakkhandanti usūsupi khippamānesu sattīsupi khippamānāsu asīsupi vijjotalantesu. Te tattha usūhipi vijjhanti, sattīhipi vijjhanti, chakaṇakāyapi¹ osiñcanti. Abhivaggenapi omaddanti, asināpi sīsam chindanti. Te tattha maraṇampi nigacchanti maraṇamattampi dukkhaṃ. Ayampi bhikkhave kāmānaṃ ādīnavo sandiṭṭhiko dukkhakkhandho kāmahetu kāmanidānaṃ kāmādhikaraṇaṃ kāmānameva hetu.

Puna caparaṃ bhikkhave kāmahetu kāmanidānaṃ kāmādhikaraṇaṃ kāmānameva hetu sandhimpī chindanti, nillopampi haranti, ekāgārikampi karonti, paripanthepi tiṭṭhanti, paradāraṃpi gacchanti. Tameṇaṃ rājāno gahetvā vividhā kammakāraṇā kārenti, kasāhipi tāḷenti, vattehipi tāḷenti, aḍḍhadaṇḍakehipi tāḷenti, hatthampi chindanti -pa- asināpi sīsam chindanti. Te tattha maraṇampi nigacchanti maraṇamattampi dukkhaṃ. Ayampi bhikkhave kāmānaṃ ādīnavo sandiṭṭhiko dukkhakkhandho kāmahetu kāmanidānaṃ kāmādhikaraṇaṃ kāmānameva hetu.

Puna caparaṃ bhikkhave kāmahetu kāmanidānaṃ kāmādhikaraṇaṃ kāmānameva hetu kāyena duccharitaṃ caranti, vācāya duccharitaṃ caranti, manasā duccharitaṃ caranti. Te kāyena duccharitaṃ caritvā vācāya duccharitaṃ caritvā manasā duccharitaṃ caritvā kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjanti. Ayampi bhikkhave kāmānaṃ ādīnavo samparāyiko dukkhakkhandho kāmahetu kāmanidānaṃ kāmādhikaraṇaṃ kāmānameva hetu.

Ādīnavaṃ kāmagaṇesu disvāti kāmagaṇesu ādīnavaṃ disvā passitvā tulayitvā tīrayitvā vibhāvayitvā vibhūtaṃ katvāti ādīnavaṃ kāmagaṇesu disvā, eko care khaggavisāṇakappo. Tenāha so Paccekasambuddho—

Kāmā hi citrā madhurā manoramā,
Virūparūpena mathenti cittaṃ.
Ādīnavaṃ kāmagaṇesu disvā,
Eko care khaggavisāṇakappoti.

1. Chakaṇaṭṭhiyāpi (Syā), pakkaṭṭhiyā (Si-Ṭṭha) passa Ma 1. 121 piṭṭhe.

137. **Ītī ca gaṇḍo ca upaddavo ca,
Rogo ca sallaṅca bhayaṅca metam.
Etam bhayam kāmagaṇesu disvā,
Eko care khaggavisāṇakappo.** (7)

Ītī ca gaṇḍo ca upaddavo ca, rogo ca sallaṅca bhayaṅca metanti vuttam hetam Bhagavatā— “bhayan”ti bhikkhave kāmānametaṃ adhivacaṇam, “dukkhan”ti bhikkhave kāmānametaṃ adhivacaṇam, “rogo”ti bhikkhave kāmānametaṃ adhivacaṇam, “gaṇḍo”ti bhikkhave kāmānametaṃ adhivacaṇam. “Sallan”ti bhikkhave kāmānametaṃ adhivacaṇam, “saṅgo”ti bhikkhave kāmānametaṃ adhivacaṇam, “paṅko”ti bhikkhave kāmānametaṃ adhivacaṇam, “gabbho”ti bhikkhave kāmānametaṃ adhivacaṇam. Kasmā ca bhikkhave “bhayan”ti kāmānametaṃ adhivacaṇam. Yasmā ca kāmārāgarattāyaṃ bhikkhave chandarāgavinibaddho¹ diṭṭhadhammikāpi bhayā na parimuccati, samparāyikāpi bhayā na parimuccati, tasmā “bhayan”ti kāmānametaṃ adhivacaṇam. Kasmā ca bhikkhave “dukkhan”ti. “Rogo”ti. “Gaṇḍo”ti. “Sallan”ti. “Saṅgo”ti. “Paṅko”ti. “Gabbho”ti kāmānametaṃ adhivacaṇam. Yasmā ca kāmārāgarattāyaṃ bhikkhave chandarāgavinibaddho diṭṭhadhammikāpi gabbhā na parimuccati, samparāyikāpi gabbhā na parimuccati, tasmā “gabbho”ti kāmānametaṃ adhivacaṇanti.

Bhayam dukkhaṅca rogo ca, gaṇḍo sallaṅca saṅgo ca.
Paṅko gabbho ca ubhayam, ete kāmā pavuccanti.
Yattha satto puthujjano.

Otiṇṇo sātārūpena, puna gabbhāya gacchati.
Yato ca bhikkhu ātāpī, sampajaññaṃ na riccati².

So imam palipatham duggam, atikkamma tathāvidho.
Pajam jātijarūpetam, phandamānam avekkhatīti—
Ītī ca gaṇḍo ca upaddavo ca,
Rogo ca sallaṅca bhayaṅca metam.

1. Chandarāgavinibandho (Syā, Ka) passa Am 3. 114 piṭṭhe.

2. Na riṅcati (Syā, Ka) Sam 2. 408 piṭṭhepi.

Etam bhayaṃ kāmagaṇesu disvāti etam bhayaṃ kāmagaṇesu disvā passitvā tulayitvā tīrayitvā vibhāvayitvā vibhūtaṃ katvāti etam bhayaṃ kāmagaṇesu disvā, eko care khaggavisāṇakappo. Tenāha so Paccekasambuddho—

Īti ca gaṇḍo ca upaddavo ca,
Rogo ca sallaṅca bhayaṅca metaṃ.
Etam bhayaṃ kāmagaṇesu disvā,
Eko care khaggavisāṇakappoti.

138. Sītaṅca uṇhaṅca khudaṃ pipāsaṃ,
Vātātape ḍaṃsasarīsape¹ ca.
Sabbānipe'tāni abhisambhavitvā,
Eko care khaggavisāṇakappo.

(8)

Sītaṅca uṇhaṅca khudaṃ pipāsanti sītanti dvīhi kāraṇehi sītaṃ hoti, abhantaradhātuppakopavasena vā sītaṃ hoti, bahiddhā utuvasena vā sītaṃ hoti. **Uṇhanti** dvīhi kāraṇehi uṇhaṃ hoti, abhantaradhātuppakopavasena vā uṇhaṃ hoti, bahiddhā utuvasena vā uṇhaṃ hoti. **Khudā²** vuccati chātako. **Pipāsā** vuccati udakapipāsāti sītaṅca uṇhaṅca khudaṃ pipāsaṃ.

Vātātape ḍaṃsasarīsape cāti vātāti puratthimā vātā pacchimā vātā uttarā vātā dakkhiṇā vātā saraṇā vātā arajā vātā sītā vātā uṇhā vātā parittā vātā adhimattā vātā verambhavātā pakkhavātā supaṇṇavātā tālapaṇṇavātā³ vidhūpanavātā. **Ātapo** vuccati sūriyasantāpo. **Ḍaṃsā** vuccanti piṅgalamakkhikā. **Sarīsapā** vuccanti ahīti vātātape ḍaṃsasarīsape ca.

Sabbānipe'tāni abhisambhavitvāti abhibhavitvā ajjhottharivā pariyādiyitvā madditvāti sabbānipe'tāni abhisambhavitvā, eko care khaggavisāṇakappo. Tenāha so Paccekasambuddho—

1. Ḍaṃsasirimsape (Syā), ḍaṃsamakasarīsape (Ka)

2. Khuddā (Syā, Ka)

3. Tālavaṇḍavātā (Ka) 109 piṭṭhe natthi pāṭhanānattam.

Sītañca uṇhañca khudaṃ pipāsam,
 Vātātape ḍaṃsasarīsape ca.
 Sabbānipe'tāni abhisambhavitvā,
 Eko care khaggavisāṇakappoti.

**139. Nāgo va yūthāni vivajjayitvā,
 Sañjātakhandho padumī ulāro.
 Yathābhirantaṃ vihare¹ araññe,
 Eko care khaggavisāṇakappo. (9)**

Nāgo va yūthāni vivajjayitvāti nāgo vuccati hatthināgo,
 Paccekasambuddhopi nāgo. Kimkāraṇā Paccekasambuddho nāgo. Āguṃ na
 karotīti nāgo. Na gacchatīti nāgo. Na āgacchatīti nāgo. Kathaṃ so
 Paccekasambuddho āguṃ na karotīti nāgo. Āgu vuccati pāpakā akusalā
 dhammā saṃkilesikā ponobhavikā sadarā dukkhavipākā āyatim
 jātijarāmarañiyā.

Āguṃ na karoti kiñci loke,
 Sabbasaṃyoge visajja bandhanāni.
 Sabbattha na sajjatī vimutto,
 Nāgo tādi pavuccate tathattā.

Evam so Paccekasambuddho āguṃ na karotīti nāgo.

Kathaṃ so Paccekasambuddho na gacchatīti nāgo, so
 Paccekasambuddho na chandāgatim gacchati, na dosāgatim gacchati, na
 mohāgatim gacchati, na bhayāgatim gacchati, na rāgavasena gacchati, na
 dosavasena gacchati, na mohavasena gacchati, na mānavasena gacchati, na
 dīṭṭhivasena gacchati, na uddhaccavasena gacchati, na vicikicchāvasena
 gacchati, na anusayavasena gacchati, na vaggehi kappehi yāyati²
 vuyhati saṃharīyati. Evam so Paccekasambuddho na gacchatīti nāgo.

1. Viharam (Khu 1. 287 piṭṭhe.)

2. Niyyati (Syā, Ka)

Kathaṃ so Paccekasambuddho na āgacchatīti nāgo, sotāpatti maggena ye kilesā pahīnā, te kilese na puneti na pacceti na paccāgacchati. Sakadāgāmimaggena -pa- anāgāmimaggena -pa- arahattamaggena ye kilesā pahīnā, te kilese na puneti na pacceti na paccāgacchati. Evaṃ so Paccekasambuddho na āgacchatīti nāgo.

Nāgo va yūthāni vivajjayitvā yathā so hatthināgo yūthāni vivajjetvā parivajjetvā abhinivajjetvā ekova araṇṇavanamajjhogāhetvā¹ carati viharati iriyati vatteti pāleti yapeti yāpeti. Paccekasambuddhopi gaṇaṃ vivajjetvā parivajjetvā abhivajjetvā eko² araṇṇavanapatthāni pantāni senāsanāni paṭisevati appasaddāni appanigghosāni vijanavātāni manussarāhasseyyakāni paṭisallānasārubbāni. So eko gacchati, eko tiṭṭhati, eko nisīdati, eko seyyaṃ kappeti, eko gāmaṃ piṇḍāya pavisati, eko paṭikkamati, eko raho nisīdati, eko caṅkamaṃ adhiṭṭhāti, eko carati viharati iriyati vatteti pāleti yapeti yāpetīti nāgo va yūthāni vivajjayitvā.

Sañjātakhandho padumī uḷāroti yathā so hatthināgo sañjātakhandho sattaratano vā hoti aṭṭharatano vā. Paccekasambuddhopi sañjātakhandho asekkhena sīlakkhandhena, asekkhena samādhikkhandhena, asekkhena paññākkhandhena, asekkhena vimuttikkhandhena, asekkhena vimuttiñāṇadassanakkhandhena. Yathā so hatthināgo padumī, Paccekasambuddhopi sattahi bojjaṅgapupphehi padumī satisambojjaṅgapupphena dhammavicayasambojjaṅgapupphena vīriyasambojjaṅgapupphena pītisambojjaṅgapupphena passaddhisambojjaṅgapupphena samādhisambojjaṅgapupphena upekkhāsambojjaṅgapupphena. Yathā so hatthināgo uḷāro thāmena balena javena sūrena, Paccekasambuddhopi uḷāro sīlena samādhinā paññāya vimuttiyā vimuttiñāṇadassanenāti sañjātakhandho padumī uḷāro.

Yathābhirantaṃ vihare araṇṇeti yathā so hatthināgo yathābhirantaṃ araṇṇe viharati. Paccekasambuddhopi yathābhirantaṃ araṇṇe viharati.

1. Araṇṇe vanamajjhassa ajjhogāhetvā (Syā) 2. Eko care khaggavisāṇakappo (Syā)

Paṭhamenapi jhānena yathābhirantaṃ araṇṇe viharati. Dutiyenapi jhānena. Tatiyenapi jhānena. Catutthenapi jhānena yathābhirantaṃ araṇṇe viharati. Mettāyapi cetovimuttiyā yathābhirantaṃ araṇṇe viharati. Karuṇāyapi cetovimuttiyā. Muditāyapi cetovimuttiyā. Upekkhāyapi cetovimuttiyā yathābhirantaṃ araṇṇe viharati. Ākāśānañcāyatanamāpattiyāpi yathābhirantaṃ araṇṇe viharati. Viññāṇañcāyatanasamāpattiyāpi. Ākiñcaññāyatanasamāpattiyāpi. Nevasaññānāsaññāyatanasamāpattiyāpi. Nirodhasamāpattiyāpi. Phalasangāpattiyāpi yathābhirantaṃ araṇṇe viharatīti yathābhirantaṃ vihare araṇṇe, eko care khaggavisāṇakappo. Tenāha so Paccekasambuddho—

Nāgo va yūthāni vivajjayitvā,
 Sañjātakhandho padumī uḷāro.
 Yathābhirantaṃ vihare araṇṇe,
 Eko care khaggavisāṇakappoti.

**140. Aṭṭhāna'taṃ saṅgaṇikāratassa,
 Yaṃ phassaye¹ sāmāyikaṃ² vimuttiṃ.
 Ādiccabandhussa vaco nisamma,
 Eko care khaggavisāṇakappo. (10)**

Aṭṭhāna'taṃ saṅgaṇikāratassa, yaṃ phassaye sāmāyikaṃ vimuttinti vuttaṃ hetuṃ Bhagavatā—yāvātānanda³ bhikkhu saṅgaṇikārāmo saṅgaṇikarato saṅgaṇikārāmataṃ anuyutto gaṇārāmo gaṇarato gaṇasammudito (gaṇārāmataṃ anuyutto)⁴, yaṃ taṃ nekkhammasukhaṃ pavivekasukhaṃ upasamasukhaṃ sambodhisukhaṃ, tassa sukhasa nikāmalābhī bhavissati akicchalābhī akasiralābhīti netuṃ ṭhānaṃ vijjati. Yo ca kho so ānanda bhikkhu eko gaṇasmā vūpakaṭṭho viharati, tassetuṃ bhikkhuno paṭīkaṅkhaṃ. Yaṃ taṃ nekkhammasukhaṃ pavivekasukhaṃ upasamasukhaṃ sambodhisukhaṃ, tassa sukhasa nikāmalābhī bhavissati akicchalābhī akasiralābhīti ṭhānametaṃ vijjati. Yāvātānanda bhikkhu saṅgaṇikārāmo saṅgaṇikarato

1. Phussaye (Syā, Ka)

3. So vatānanda (Ma 3. 152 piṭṭhe.)

2. Āsāmāyikaṃ (Ka)

4. () Natthi Ma 3. 152 piṭṭhe.

saṅgaṇikārāmataṃ anuyutto gaṇārāmo gaṇarato gaṇasammudito
 (gaṇārāmataṃ anuyutto,) sāmāyikaṃ¹ vā kantaṃ cetovimuttiṃ upasampajja
 viharissati, asāmāyikaṃ vā akuppanti netāṃ ṭhānaṃ vijjati. Yo ca kho so
 Ānanda bhikkhu eko gaṇasmā vūpakaṭṭho viharati, tassetāṃ bhikkhuno
 pāṭikaṅkhaṃ sāmāyikaṃ vā kantaṃ cetovimuttiṃ upasampajja viharissati,
 asāmāyikaṃ vā akuppanti ṭhānametaṃ vijjatīti aṭṭhāna'taṃ
 saṅgaṇikāratassa, yaṃ phassaye sāmāyikaṃ vimuttiṃ.

Ādiccabandhussa vaco nisammāti ādicco vuccati sūriyo, so Gotamo
 gottena. Paccekasambuddhopi Gotamo gottena. So Paccekasambuddho
 sūriyassa gottañātako gottabandhu, tasmā Paccekasambuddho ādiccabandhu.
Ādiccabandhussa vaco nisammāti ādiccabandhussa vacanaṃ byappathaṃ
 desanaṃ anusāsanāṃ anusitṭhaṃ sutvā suṇitvā uggahetvā upadhārayitvā
 upalakkhayitvāti ādiccabandhussa vaco nisamma, eko care
 khaggavisāṇakappo. Tenāha so Paccekasambuddho—

Aṭṭhāna'taṃ saṅgaṇikāratassa,
 Yaṃ phassaye sāmāyikaṃ vimuttiṃ.
 Ādiccabandhussa vaco nisamma,
 Eko care khaggavisāṇakappoti.

Dutiyo vaggo.

Tatīyavagga

141. **Diṭṭhivīsūkāni upātivatto,**
Patto niyāmaṃ paṭiladdhamaggo.
Uppannañāṇomhi anaññaneyyo,
Eko care khaggavisāṇakappo. (1)

Diṭṭhivīsūkāni upātivattoti diṭṭhivīsūkāni vuccanti vīsati vatthukā
 sakkāyadiṭṭhī. Idha assutavā puthujjano ariyānaṃ adassāvī ariyadhammassa

1. Sāmāyikaṃ (Syā, Ka)

akovido ariyadhamme avinīto sappurisānaṃ adassāvī sappurisadhammassa akovido sappurisadhamme avinīto rūpaṃ attato samanupassati rūpavantaṃ vā attānaṃ, attani vā rūpaṃ, rūpasmiṃ vā attānaṃ. Vedanaṃ. Saññaṃ. Saṅkhāre. Viññāṇaṃ attato samanupassati, viññāṇavantaṃ vā attānaṃ, attani vā viññāṇaṃ, viññāṇasmiṃ vā attānaṃ. Yā evarūpā diṭṭhi diṭṭhigataṃ diṭṭhigahaṇaṃ diṭṭhikantāro diṭṭhivisūkāyikaṃ diṭṭhivipphandaṃ diṭṭhisamyojanaṃ gāho paṭiggāho abhiniveso parāmāso kummaggo micchāpatho micchattaṃ titthāyatanāṃ vipariyesaggāho viparītaggāho vipallāsaggāho micchāgāho ayāthāvakaṃsmiṃ “yāthāvakan”ti gāho, yāvata dvāsaṭṭhi diṭṭhigatāni, imāni diṭṭhivisūkāni. **Diṭṭhivisūkāni upātivattoti** diṭṭhivisūkāni upātivatto atikkanto samatikkanto vītivattoti diṭṭhivisūkāni upātivatto.

Patto niyāmaṃ paṭiladdhamaggoti niyāmā vuccanti cattāro maggā. Ariyo aṭṭhaṅgiko maggo. Seyyathidaṃ, sammādiṭṭhisammāsāṅkappo sammāvācā sammākammanto sammā-ājīvo sammāvāyāmo sammāsati sammāsamaḍhi. Catūhi ariyamaggehi samannāgato niyāmaṃ patto sampatto adhigato phassito sacchikatoti patto niyāmaṃ. **Paṭiladdhamaggoti** laddhamaggo paṭiladdhamaggo adhigatamaggo phassitamaggo sacchikatamaggoti patto niyāmaṃ paṭiladdhamaggo.

Uppannañāṇomhi anaññaneyyoti tassa Paccekasambuddhassa ñāṇaṃ uppannaṃ samuppannaṃ nibbattaṃ abhinibbattaṃ pātubhūtaṃ “sabbe saṅkhārā aniccā”ti ñāṇaṃ uppannaṃ samuppannaṃ nibbattaṃ abhinibbattaṃ pātubhūtaṃ. “Sabbe saṅkhārā dukkhā”ti -pa-. “Sabbe dhammā anattā”ti -pa-. “Yaṃ kiñci samudayadhammaṃ, sabbaṃ taṃ nirodhadhammaṃ”ti ñāṇaṃ uppannaṃ samuppannaṃ nibbattaṃ abhinibbattaṃ pātubhūtaṃ uppannañāṇomhi. **Anaññaneyyoti** so Paccekasambuddho na paraneyyo na parappattiyo na parappaccayo na parapaṭibaddhagū, yathābhūtaṃ¹ jānāti passati asammūḷho sampajāno paṭissato. “Sabbe saṅkhārā aniccā”ti na paraneyyo na parappattiyo na parappaccayo na parapaṭibaddhagū, yathābhūtaṃ¹ jānāti passati asammūḷho sampajāno paṭissato. “Sabbe saṅkhārā dukkhā”ti -pa-. “Sabbe dhammā anattā”ti -pa-. “Yaṃ kiñci samudayadhammaṃ, sabbaṃ taṃ nirodhadhammaṃ”ti na paraneyyo

1. Tam (Ka)

na parappattiyo na parappaccayo na parapaṭibaddhagū, yathābhūtam¹ jānāti
passati asammūḷho sampajāno paṭissatoti uppannañāṇomhi anaññaneyyo,
eko care khaggavisāṇakappo. Tenāha so Paccekasambuddho—

Dīṭṭhivīsūkāni upātivatto,
Patto niyāmaṃ paṭiladdhamaggo.
Uppannañāṇomhi anaññaneyyo,
Eko care khaggavisāṇakappoti.

**142. Nillolupo nikkūho nippipāso,
Nimmakkho niddhantakasāvamoho.
Nirāsaso¹ sabbaloke bhavitvā,
Eko care khaggavisāṇakappo. (2)**

Nillolupo nikkūho nippipāsoti loluppaṃ vuccati taṇhā. Yo rāgo sārāgo
-pa- abhijjhā lobho akusalamūlaṃ. Sā loluppā taṇhā tassa
Paccekasambuddhassa pahīnā ucchinnamūlā tālavatthukatā anabhāvaṃkatā
āyatim anuppādadhama. Tasmā Paccekasambuddho nillolupo.

Nikkūhoti tīṇi kuhanavatthūni paccayaapaṭisevanasaṅkhātāṃ
kuhanavatthu iriyāpathasaṅkhātāṃ kuhanavatthu sāmanta-jappanasaṅkhātāṃ
kuhanavatthu.

Katamaṃ paccayaapaṭisevanasaṅkhātāṃ kuhanavatthu, idha gahapatikā
bhikkhū² nimantenti cīvaraṇḍapātasenāsanagilānapaccayabhesajja-
parikkhārehi, so pāpiccho icchāpakato atthiko
cīvaraṇḍapātasenāsanagilānapaccayabhesajjaparikkhārānaṃ
bhiyyokamyataṃ upādāya cīvaraṃ paccakkhāti, ṇḍapātaṃ paccakkhāti,
senāsaṇaṃ paccakkhāti, gilānapaccayabhesajjaparikkhāraṃ paccakkhāti, so
evamāha “kiṃ samaṇassa mahagghena cīvarena, etaṃ sāruppaṃ, yaṃ
samaṇo susānā vā saṅkārakūṭā vā pāpaṇikā vā nantakāni uccinitvā
saṅghāṭikaṃ karitvā dhāreyya. Kiṃ samaṇassa mahagghena ṇḍapātena,
etaṃ sāruppaṃ yaṃ samaṇo uñchācariyāya ṇḍiyālopena jīvikaṃ
kappeyya. Kiṃ samaṇassa mahagghena senāsaṇena, etaṃ sāruppaṃ, yaṃ
samaṇo

1. Nirāsayo (Sī-Tṭha) Khu 1. 288 piṭṭhepi.

2. Bhikkhū (Ka) Khu 7. 172 piṭṭhe.

rukkhamūliko vā assa sosāniko vā abbhokāsiko vā, kiṃ samaṇassa mahagghena gilānapaccayabhesajjaparikkhārena, etaṃ sāruppaṃ, yaṃ samaṇo pūtimuttana vā haritakīkhaṇḍena vā osadhaṃ kareyyā”ti. Tadupādāya lūkhaṃ cīvaraṃ dhāreti, lūkhaṃ piṇḍapātāṃ paribhuñjati, lūkhaṃ senāsanāṃ paṭisevati, lūkhaṃ gilānapaccayabhesajjaparikkhāraṃ paṭisevati. Tamevaṃ gahapatikā evaṃ jānanti “ayaṃ samaṇo appiccho santuṭṭho pavivitto asaṃsaṭṭho āraddhavīriyo dhutavādo”ti bhīyyo bhīyyo nimantenti cīvarapiṇḍapātasenāsanagilāna paccaya bhesajja parikkhārehi, so evamāha “tiṇṇaṃ sammukhībhāvā saddho kulaputto bahuṃ puññaṃ pasavati, saddhāya sammukhībhāvā saddho kulaputto bahuṃ puññaṃ pasavati, deyyadhammassa sammukhībhāvā saddho kulaputto bahuṃ puññaṃ pasavati, dakkhiṇeyyānaṃ sammukhībhāvā saddho kulaputto bahuṃ puññaṃ pasavati. Tumhākañcevāyaṃ saddhā atthi, deyyadhammo ca saṃvijjati, ahañca paṭiggāhako. Sacehaṃ na paṭiggahessāmi, evaṃ tumhe puññaṃ paribāhirā bhavissatha¹, na mayhaṃ iminā attho, api ca tumhākaṃyeva anukampāya paṭiggaṇhāmi”ti tadupādāya bahumpi cīvaraṃ paṭiggaṇhāti, bahumpi piṇḍapātāṃ paṭiggaṇhāti, bahumpi senāsanāṃ paṭiggaṇhāti, bahumpi gilānapaccayabhesajjaparikkhāraṃ paṭiggaṇhāti. Yā evarūpā bhākuṭikā bhākuṭiyaṃ kuhanā kuhāyanā kuhitattaṃ, idaṃ paccayapaṭisevanasaṅkhātāṃ kuhanavatthu.

Katamaṃ iriyāpathasaṅkhātāṃ kuhanavatthu, idhekacco pāpiccho icchāpakato sambhāvanādhippāyo “evaṃ maṃ jano sambhāveṣṣati”ti gamanaṃ saṅṭhapeti, ṭhānaṃ saṅṭhapeti, nisajjanaṃ² saṅṭhapeti, sayanaṃ saṅṭhapeti. Paṇidhāya gacchati, paṇidhāya tiṭṭhati, paṇidhāya nisīdati, paṇidhāya seyyaṃ kappeti. Samāhito viya gacchati, samāhito viya tiṭṭhati, samāhito viya nisīdati, samāhito viya seyyaṃ kappeti. Āpāthakajjhāyīva³ hoti. Yā evarūpā iriyāpathassa āṭhapanā ṭhapanā saṅṭhapanā bhākuṭikā bhākuṭiyaṃ kuhanā kuhāyanā kuhitattaṃ⁴. Idaṃ iriyāpathasaṅkhātāṃ kuhanavatthu.

1. Bhavissanti (Khu 7. 173 piṭṭhe) 2. Nisajjanaṃ (Ka) 3. Āpāthakajjhāyī ca (Ka)
4. Kuhāyitattaṃ (Syā, Ka), Visuddhimaggaṭṭhakathā oloketaḍḍhā.

Katamaṃ sāmantaḷappanaṣaṅkhātamaṃ kuhaṇavattḷu, idheḷakco pāpiccho icchāpakato sambhāvaṇādhippāyo “evaṃ maṃ jano sambhāveṣṣati”ti ariyadhamme sannissitavācaṃ bhāṣati, “yo evarūpaṃ cīvaraṃ dhāreti, so samaṇo mahesakkho”ti bhaṇati, “yo evarūpaṃ pattaṃ dhāreti, lohathālakamaṃ dhāreti, dhammakaraṇamaṃ dhāreti. Paṛissāvaṇamaṃ dhāreti, kuṅcikaṃ dhāreti, upāhanaṃ dhāreti, kāyabandhanaṃ dhāreti, āyogaṃ¹ dhāreti, so samaṇo mahesakkho”ti bhaṇati. “Yassa evarūpo upajjhāyo, so samaṇo mahesakkho”ti bhaṇati. “Yassa evarūpo ācariyo. Evarūpā samānupajjhāyakā. Samānācariyakā. Mittā. Sandiṭṭhā. Sambhattā. Sahāyā, so samaṇo mahesakkho”ti bhaṇati. “Yo evarūpe vihāre vaṣati. Aḍḍhayoge vaṣati. Pāsāde vaṣati. Hammiye vaṣati. Guhāyaṃ vaṣati. Leṇe vaṣati. Kuṭiyaṃ vaṣati. Kūṭāgāre vaṣati. Aṭṭe vaṣati. Māḷe vaṣati. Uddaṇḍe² vaṣati. Upaṭṭhānaṣālāyaṃ vaṣati. Maṇḍape vaṣati. Rukkhamūle vaṣati. So samaṇo mahesakkho”ti bhaṇati.

Atha vā korajjakorajiko bhākuṭikabhākuṭiko kuhakakuhako lapakalapako mukhasambhāviko “ayaṃ samaṇo imāṣaṃ evarūpaṇamaṃ santānaṃ vihāraṣamāpattīnaṃ lābhi”ti tādiṣaṃ gambhīraṃ gūḷhaṃ nipuṇaṃ paṭicchannaṃ lokuttaraṃ suṅṅatāpaṭiṣaṅṅuttaṃ kathaṃ katheti. Yā evarūpā bhākuṭikā bhākuṭiyaṃ kuhaṇā kuhāyaṇā kuhitattaṃ, idaṃ sāmantaḷappanaṣaṅkhātamaṃ kuhaṇavattḷu. Tassa Paḷcekasambuddhaṣṣa imāṇi tīṇi kuhaṇavattḷuni paḷhīnāṇi samucchinnāṇi vūpaṣantāṇi paṭippaṣṣaddhāṇi abhabbupattikāṇi ṇāṇagginā daḍḍhāṇi. Tasmā so Paḷcekasambuddho nikkuho.

Nippipāṣoti pipāṣā vuccati taṇhā. Yo rāgo sārāgo -pa- abhiḷjhā lobho akusalamūlaṃ. Sā pipāṣā taṇhā tassa Paḷcekasambuddhaṣṣa paḷhīnā ucchinnamūlā tālāvattḷukatā anabhāvaṃkatā āyatiṃ anuppādadhammā. Tasmā Paḷcekasambuddho nippipāṣoti nillolupo nikkuho nippipāṣo.

1. Āyogabandhanaṃ (Syā, Ka) paṣṣa Khu 7. 173 piṭṭhe.

2. Uṭṭaṇḍe (Ka)

Nimmakkho niddhantakasāvamohoti makkhoti yo makkho makkhāyanā¹ makkhāyitattaṃ niṭṭhuriyaṃ niṭṭhuriyakammaṃ. **Kasāvoti** rāgo kasāvo, doso kasāvo, moho kasāvo, kodho. Upanāho. Makkho. Paḷāso -pa- sabbākusalābhisaṅkhārā kasāvā. **Mohoti** dukkhe aññāṇaṃ, dukkhasamudaye aññāṇaṃ, dukkhanirodhe aññāṇaṃ, dukkhanirodhagāminiyā paṭipadāya aññāṇaṃ, pubbante aññāṇaṃ, aparante aññāṇaṃ, pubbantāparante aññāṇaṃ. Idappaccayatāpaṭiccasamuppanneyu dhammesu aññāṇaṃ. Yaṃ evarūpaṃ aññāṇaṃ adassanaṃ anabhisamayo ananubodho appaṭivedho asaṃgāhanā apariyogāhanā asamapekkhanā apaccavekkhanā apaccakkhakammaṃ dummejjaṃ bālyaṃ asampajaññaṃ moho pamoho sammoho avijjā avijjogho avijjāyogo avijjānusayo avijjāpariyuṭṭhānaṃ avijjālaṅgī moho akusalamūlaṃ. Tassa Paccakasambuddhassa makkho ca kasāvo ca moho ca vantā samvantā niddhantā pahinā samucchinnā vūpasantā paṭippassaddhā abhabbuppattikā ñāṇagginā daḍḍhāti so Paccakasambuddho nimmakkho niddhantakasāvamoho.

Nirāsaso sabbaloke bhavitvāti āsā vuccati taṇhā. Yo rāgo sārāgo -pa- abhihā lobho akusalamūlaṃ. **Sabbaloketi** sabba-apāyaloke sabbamanussaloke sabbadevaloke sabbakhandhaloke sabbadhātuloke sabba-āyatanaloke. **Nirāsaso sabbaloke bhavitvāti** sabbaloke nirāsaso bhavitvā nittaṇho bhavitvā nippipāso bhavitvāti nirāsaso sabbaloke bhavitvā, eko care khaggavisāṇakappo. Tenāha so Paccakasambuddho—

Nillolupo nikkuho nippipāso,
Nimmakkho niddhantakasāvamoho.
Nirāsaso sabbaloke bhavitvā,
Eko care khaggavisāṇakappoti.

143. Pāpaṃ sahāyaṃ parivajjayetha,
Anatthadassiraṃ visame niviṭṭhaṃ.
Sayāṃ na seve pasutaṃ pamattaṃ,
Eko care khaggavisāṇakappo.

(3)

1. Makkhiyanā (Ka) passa Abhi 2. 371 piṭṭhe.

Pāpaṃ saḥāyaṃ parivajjayethāti pāpasahāyo vuccati yo so saḥāyo dasavatthukāya micchādiṭṭhiyā samannāgato “natthi dinnam, natthi yiṭṭham, natthi hutam, natthi sukata dukkaṭānaṃ kammānaṃ phalaṃ vipāko, natthi ayam loko, natthi paro loko, natthi mātā, natthi pitā, natthi sattā opapātikā, natthi loka samaṇabrāhmaṇā sammagatā sammāpaṭipannā. Ye imaṅca lokam paraṅca lokam sayam abhiññā sacchikatvā pavedentī”ti. Ayam pāpasahāyo, pāpaṃ saḥāyaṃ parivajjayethāti pāpaṃ saḥāyaṃ vajjeyya parivajjeyyāti pāpaṃ saḥāyaṃ parivajjayetha.

Anatthadassim visame nivīṭṭhanti anatthadassī vuccati yo so saḥāyo dasavatthukāya micchādiṭṭhiyā samannāgato “natthi dinnam, natthi yiṭṭham -pa-. Ye imaṅca lokam paraṅca lokam sayam abhiññā sacchikatvā pavedentī”ti. **Visame nivīṭṭhanti** visame kāyakamme nivīṭṭham. Visame vacīkamme nivīṭṭham. Visame manokamme nivīṭṭham. Visame paṇātipāte nivīṭṭham. Visame adinnādāne nivīṭṭham. Visame kāmesumicchācāre nivīṭṭham. Visame musāvāde nivīṭṭham. Visamāya pisuṇāya vācāya¹ nivīṭṭham. Visamāya pharusāya vācāya² nivīṭṭham. Visame samphappalāpe nivīṭṭham. Visamāya abhijjhāya nivīṭṭham. Visame byāpāde nivīṭṭham. Visamāya micchādiṭṭhiyā nivīṭṭham. Visamesu saṅkhāresu nivīṭṭham. Visamesu pañcasu kāmagaṇesu nivīṭṭham. Visamesu pañcasu nīvaraṇesu nivīṭṭham vinivīṭṭham sattam allīnaṃ upagataṃ ajjhositam adhimuttanti anatthadassim visame nivīṭṭham.

Sayam na seve pasutaṃ pamattanti pasutanti yopi kāme esati gavesati pariyesati taccarito tabbahulo taggaruko tanninno tappoṇo tappabbhāro tadadhimutto tadadhipateyyo, sopi kāmappasuto. Yopi taṇhāvasena rūpe pariyesati, sadde. Gandhe. Rase. Phoṭṭhabbe pariyesati taccarito tabbahulo taggaruko tanninno tappoṇo tappabbhāro tadadhimutto tadadhipateyyo, sopi kāmappasuto. Yopi taṇhāvasena rūpe paṭilabhati, sadde. Gandhe. Rase. Phoṭṭhabbe paṭilabhati taccarito tabbahulo taggaruko tanninno tappoṇo tappabbhāro tadadhimutto tadadhipateyyo, sopi kāmappasuto. Yopi taṇhāvasena rūpe paribhuñjati, sadde. Gandhe. Rase.

1. Pisuṇavācāya (Ka)

2. Pharusavācāya (Ka)

Phoṭṭhabbe paribhuñjati taccarito tabbahulo taggaruko tanninno tappoṇo tappabbhāro tadadhimutto tadadhipateyyo, sopi kāmappasuto. Yathā kalahakāraḅako kalahappasuto kammakāraḅako kammappasuto gocare caranto gocarappasuto jhāyī jhānappasuto, evameva yo kāme esatī gavesatī pariyesatī taccarito tabbahulo taggaruko tanninno tappoṇo tappabbhāro tadadhimutto tadadhipateyyo, sopi kāmappasuto. Yopi taṅhāvasena rūpe pariyesatī -pa-. Yopi taṅhāvasena rūpe paṭilabhatī -pa-. Yopi taṅhāvasena rūpe paribhuñjati, sadde. Gandhe. Rase. Phoṭṭhabbe paribhuñjati taccarito tabbahulo taggaruko tanninno tappoṇo tappabbhāro tadadhimutto tadadhipateyyo, sopi kāmappasuto. **Pamattanti** pamādo vattabbo kāyaduccarite vā vacīduccarite vā manoduccarite vā pañcasu kāmaguṇesu vā cittassa vosaggo vosaggānuppādānaṃ kusalānaṃ dhammānaṃ bhāvanāya asakkaccakiriyatā asāttaccakiriyatā anaṭṭhitakiriyatā olīnavuttitā nikkhattacchandatā nikkhattadhuratā anāsevanā abhāvanā abahulīkammaṃ anadhiṭṭhānaṃ ananuyogo, yo evarūpo mādo pamajjanā pamajjitattaṃ, ayaṃ vuccatī pamādo.

Sayaṃ na seve pasutaṃ pamattanti pasutaṃ na seveyya pamattañca sayaṃ na seveyya sāmāṃ na seveyya na niseveyya na saṃseveyya na parisamseveyya na ācareyya na samācareyya na samādāya vatteyyāti sayaṃ na seve pasutaṃ pamattaṃ, eko care khaggavisāṇakappo. Tenāha so Paccekasambuddho—

Pāpaṃ sahāyaṃ parivajjayetha,
 Anattadassim visame niviṭṭham.
 Sayaṃ na seve pasutaṃ pamattaṃ,
 Eko care khaggavisāṇakappoti.

144. **Bahussutaṃ dhammadharaṃ bhajetha,
 Mittaṃ ulāraṃ paṭibhānavantaṃ.
 Aññāya atthāni vineyya kaṅkham,
 Eko care khaggavisāṇakappo.**

(4)

Bahussutaṃ dhammadharaṃ bhajethāti bahussuto hoti mitto sutadharo sutasannicayo, ye te dhammā ādikalyāṇā majjhekalyāṇā pariyosānakalyāṇā sāttham sabyañjanam¹ kevalaparipuṇṇam parisuddham brahmacariyam abhivadanti, tathārūpāssa dhammā bahussutā honti dhātā² vacasā paricitā manasānupekkhitā diṭṭhiyā suppaṭividdhā. **Dhammadharanti** dhammaṃ dhārentam³ Suttaṃ Geyyam Veyyākaraṇam Gātham Udānam Itivuttakam Jātakam Abbhutadhammaṃ Vedallam. **Bahussutaṃ dhammadharaṃbhajethā**ti bahussutañca dhammadharañca mittam bhajeyya sambhajeyya seveyya niseveyya samseveyya paṭiseveyyāti bahussutam dhammadharaṃ bhajetha.

Mittam ulāram paṭibhānavantanti ulāro hoti mitto sīlena samādhinā paññāya vimuttiyā vimuttiñāṇadassanena. **Paṭibhānavantanti** tayo paṭibhānavanto pariyattipaṭibhānavā paripucchapaṭibhānavā adhigamapaṭibhānavā. Katamo pariyattipaṭibhānavā, idhekaccassa Buddhavacanam pariyāputam⁴ hoti Suttaṃ Geyyam Veyyākaraṇam Gāthā Udānam Itivuttakam Jātakam Abbhutadhammaṃ Vedallam, tassa pariyattim nissāya paṭibhāti, ayam pariyattipaṭibhānavā.

Katamo paripucchapaṭibhānavā, idhekacco paripucchitopi hoti atthe ca ñāye ca lakkhaṇe ca kāraṇe ca ṭhānāṭṭhāne ca, tassa paripuccham nissāya paṭibhāti, ayam paripucchapaṭibhānavā.

Katamo adhigamapaṭibhānavā, idhekaccassa adhigatā honti cattāro satipaṭṭhānā cattāro sammappadhānā cattāro iddhipādā pañcindriyāni pañca balāni satta bojjhaṅgā ariyo aṭṭhaṅgiko maggo cattāro ariyamaggā cattāri sāmāññaphalāni catasso paṭisambhi dāyo cha abhiññāyo⁵. Tassa attho ñāto, dhammo ñāto, nirutti ñātā. Atthe ñāte attho paṭibhāti, dhamme ñāte dhammo paṭibhāti, niruttiyā ñātāya nirutti paṭibhāti, imesu tisu ñāṇam paṭibhānapaṭisambhidā. So Paccekasambuddho imāya paṭibhānapaṭisambhidāya upeto samupeto upāgato samupāgato upapanno samupapanno samannāgato, tasmā Paccekasambuddho

1. Satthā sabyañjanā (Syā) passa Ma 3. 62 piṭṭhe. 2. Dhātā (Syā) 3. Dhāreti (Ka)
 4. Pariyāputam (Syā, Ka) passa Dī 3. 164piṭṭhe.
 5. Chaḷabhiññāyo (Syā)

paṭibhānavā. Yassa pariyatti natthi paripucchā natthi adhigamo natthi, kim tassa paṭibhāyissatīti mittam uḷāram paṭibhānavantam.

Aññāya atthāni vineyya kaṅkhanti attattham aññāya parattham aññāya ubhayattham aññāya diṭṭhadhammikattham aññāya samparāyikattham aññāya paramattham aññāya abhiññāya jānitvā tulayitvā tīrayitvā vibhāvayitvā vibhūtam katvā kaṅkham vineyya paṭivineyya pajaheyya vinodeyya byantikareyya anabhāvam gameyyāti aññāya atthāni vineyya kaṅkham, eko care khaggavisāṇakappo. Tenāha so Paccekasambuddho—

Bhussutam dhammadharam bhajetha,
Mittam uḷāram paṭibhānavantam.
Aññāya atthāni vineyya kaṅkham,
Eko care khaggavisāṇakappoti.

145. Khiddam ratim¹ kāmasukhaṅca loke,

Analaṅkaritvā anapekkhamāno.

Vibhūsaṭṭhānā² virato saccavādī,

Eko care khaggavisāṇakappo.

(5)

Khiddamratim kāmasukhaṅca loketi khiddāti dve khiddā, kāyikā khiddā ca vācasikā khiddā ca -pa- ayam kāyikā khiddā -pa- ayam vācasikā khiddā. **Ratīti** anukkaṇṭhitadhivacanametam ratīti. **Kāmasukhanti** vuttam hetam Bhagavatā³—pañcime bhikkhave kāmaguṇā. Katame pañca, cakkhuviññeyyā rūpā iṭṭhā kantā manāpā piyarūpā kāmūpasamhitā rajanīyā, sotaviññeyyā saddā -pa- ghānaviññeyyā gandhā. Jivhāviññeyyā rasā. Kāyaviññeyyā phoṭṭhabbā iṭṭhā kantā manāpā piyarūpā kāmūpasamhitā rajanīyā, ime kho bhikkhave pañca kāmaguṇā. Yam kho bhikkhave ime pañca kāmaguṇe paṭicca uppajjati sukham somanassam, idam vuccati kāmasukham. **Loketi** manussaloketi khiddam ratim kāmasukhaṅca loke.

1. Ratī (Syā)

2. Vibhūsaṇaṭṭhānā (Syā, Ka), vibhūsaṇaṭṭhānā (Sī-Ṭṭha)

3. Passa Ma 2. 233 piṭṭhe.

Analaṅkaritvā anapekkhamānoti khiḍḍaṅca ratiṅca kāmasukhaṅca loke
analaṅkaritvā anapekkho hutvā pajahitvā vinodetvā byantīkaritvā
anabhāvaṃ gametvāti analaṅkaritvā anapekkhamāno.

Vibhūsaṭṭhānā virato saccavādīti vibhūsāti dve vibhūsā, atthi
agārikavibhūsā¹, atthi anāgārikavibhūsā. Katamā agārikavibhūsā, kesā ca
massū ca mālāgandhaṅca vilepanaṅca ābharaṇaṅca pilandhanaṅca vatthaṅca
pārūpanaṅca² veṭhanaṅca ucchādanaṃ parimaddanaṃ nhāpanaṃ
sambāhanaṃ ādāsaṃ añjanaṃ mālāgandhavilepanaṃ mukhacuṇṇaṃ
mukhalepanaṃ hatthabandhaṃ sikhābandhaṃ daṇḍaṃ nāḷikaṃ khaggaṃ
chattaṃ citrupāhanaṃ uṇhīsaṃ maṇiṃ vāḷabījanaṃ odātāni vatthāni
dīghadasāni iti vā, ayaṃ agārikavibhūsā.

Katamā anāgārikavibhūsā, cīvaramaṇḍanā pattamaṇḍanā
senāsanaṃmaṇḍanā imassa vā pūtikāyassa bāhirānaṃ vā parikkhārānaṃ
maṇḍanā vibhūsānā keḷanā parikeḷanā gaddhikatā gaddhikattaṃ³ capalatā⁴
cāpalyaṃ, ayaṃ anāgārikavibhūsā.

Saccavādīti so Paccekasambuddho saccavādī saccasandho theto
paccayiko avisaṃvādako lokassa vibhūsaṭṭhānā ārato virato paṭivirato
nikkhanto nissaṭo vippamutto visaññutto vimariyādīkatena cetasā viharatīti
vibhūsaṭṭhānā virato saccavādī, eko care khaggavisāṇakappo. Tenāha so
Paccekasambuddho—

Khiddaṃ ratim kāmasukhaṅca loke,
Analaṅkaritvā anapekkhamāno.
Vibhūsaṭṭhānā virato saccavādī,
Eko care khaggavisāṇakappoti.

**146. Puttaṅca dāraṃ pitaraṅca mātaraṃ,
Dhanāni dhaññāni ca bandhavāni.
Hitvāna kāmāni yathodhikāni,
Eko care khaggavisāṇakappo.**

(6)

1. Agārikassa vibhūsā (Ka) evamuparipi.

2. Pasādhanaṅca (Syā), sayanāsanaṅca (Ka) 254 piṭṭhe natthi pāṭhanānattaṃ.

3. Gedhikatā gedhikattaṃ (Syā) passa Abhi 2. 365 piṭṭhe.

4. Capalanā (Syā)

Puttañca dāraṃ pitarañca mātaraṃ puttāti cattāro puttā atrajo putto khettajo¹ putto dinnako putto antevāsiko putto. **Dārā** vuccanti bhariyāyo. **Pitāti** yo so janako. **Mātāti** yā sā janikāti puttañca dāraṃ pitarañca mātaraṃ.

Dhanāni dhaññāni ca bandhavānīti dhanāni vuccanti hiraññaṃ suvaṇṇaṃ muttā maṇi veḷuriyo saṅkho silā pavāḷaṃ rajataṃ jātārūpaṃ lohitaṅgo² masāragallaṃ. Dhaññāni vuccanti pubbaṇṇaṃ aparāṇṇaṃ. **Pubbaṇṇaṃ** nāma sālī vīhi yavo godhumo kaṅgu varako kudrūsako³. **Aparaṇṇaṃ** nāma sūpeyyaṃ. **Bandhavānīti** cattāro bandhavā nātibandhavāpi bandhu gottabandhavāpi bandhu mittabandhavāpi bandhu sippabandhavāpi bandhūti dhanāni dhaññāni ca bandhavāni.

Hitvāna kāmāni yathodhikānīti kāmāti uddānato dve kāmā vatthukāmā ca kilesakāmā ca -pa-. Ime vuccanti vatthukāmā -pa-. Ime vuccanti kilesakāmā. **Hitvāna kāmānīti** vatthukāme pariḷānitvā kilesakāme pahāyā pajahitvā vinodetvā byantikaritvā anabhāvaṃ gametvā. **Hitvāna kāmāni yathodhikānīti** sotāpattimaggena ye kilesā pahīnā, te kilese na puneti na pacceti na paccāgacchati. Sakadāgāmmimaggena ye kilesā pahīnā. Anāgāmmimaggena ye kilesā pahīnā. Arahattamaggena ye kilesā pahīnā, te kilese na puneti na pacceti na paccāgacchatīti hitvāna kāmāni yathodhikāni, eko care khaggavisāṇakappo. Tenāha so Paccekasambuddho—

Puttañca dāraṃ pitarañca mātaraṃ,

Dhanāni dhaññāni ca bandhavāni.

Hitvāna kāmāni yathodhikāni,

Eko care khaggavisāṇakappoti.

1. Khetrajo (Syā, Ka)

2. Lohitako (?)

3. Kudrusako (Syā)

147. **Saṅgo eso parittamettha sokhyaṃ,**
Appassādo dukkhamettha bhiyyo.
Gaḷo eso iti ña tvā matimā¹,
Eko care khaggavisāṇakappo.

(7)

Saṅgo eso parittamettha sokhyanti saṅgoti vā baḷisanti vā āmisanti vā laggananti vā palibodhoti vā pañcannetaṃ kāmagaṇānaṃ adhivacanaṃ. **Parittamettha sokhyanti** vuttaṃ hettaṃ Bhagavatā—“pañcime bhikkhave kāmagaṇā. Katame pañca, cakkhuviññeyyā rūpā iṭṭhā kantā manāpā piyarūpā kāmūpasamhitā rajanīyā -pa- kāyaviññeyyā phoṭṭhabbā iṭṭhā kantā manāpā piyarūpā kāmūpasamhitā rajanīyā, ime kho bhikkhave pañca kāmagaṇā. Yaṃ kho bhikkhave ime pañca kāmagaṇe paṭicca uppajjati sukhaṃ somanassaṃ, idaṃ vuccati kāmasukhaṃ. Appakaṃ etaṃ sukhaṃ, parittakaṃ etaṃ sukhaṃ, thokakaṃ etaṃ sukhaṃ, omakaṃ etaṃ sukhaṃ, lāmakāṃ etaṃ sukhaṃ, chatukkaṃ etaṃ sukhaṃ”ti saṅgo eso parittamettha sokhyaṃ.

Appassādo dukkhamettha bhiyyoti appassādā kāmā vuttā Bhagavatā² bahudukkhā bahupāyāsā³, ādīnava ettha bhiyyo. Aṭṭhikaṅkalūpamā kāmā vuttā Bhagavatā. Maṃsapesūpamā kāmā vuttā Bhagavatā. Tiṇukkūpamā kāmā vuttā Bhagavatā. Aṅgārakāsūpamā kāmā vuttā Bhagavatā. Supinakūpamā kāmā vuttā Bhagavatā. Yācitakūpamā kāmā vuttā Bhagavatā. Rukkhaphalūpamā kāmā vuttā Bhagavatā. Asisūnūpamā kāmā vuttā Bhagavatā, sattisūlūpamā kāmā vuttā Bhagavatā. Sappasirūpamā kāmā vuttā Bhagavatā bahudukkhā bahupāyāsā. Ādīnava ettha bhiyyoti appassādo dukkhamettha bhiyyo.

Gaḷo eso iti ña tvā matimāti gaḷoti vā baḷisanti vā āmisanti vā laggananti vā bandhananti vā palibodhoti vā pañcannetaṃ kāmagaṇānaṃ adhivacanaṃ. **Itīti** padasandhi padasaṃsaggo padapāripūrī akkharasamavāyo byañjanasiliṭṭhatā padānupubbataṭpettaṃ itīti. **Matimāti** paṇḍito paññavā buddhimā ñāṇī vibhāvī medhāvī. **Gaḷo eso iti ña tvā matimāti** matimā gaḷoti ña tvā baḷisanti ña tvā āmisanti

1. Mutimā (Khu 1. 288 piṭṭhe).

2. Passa Ma 1. 185 piṭṭhe.

3. Bahūpāyāsā (Syā)

ñatvā laggananti ña tvā bandhananti ña tvā palibodhoti ña tvā jānitvā
tulayitvā tīrayitvā vibhāvayitvā vibhūtaṃ katvāti gaḷo eso iti ña tvā matimā,
eko care khaggavisāṇakappo. Tenāha so Paccekasambuddho—

Saṅgo eso parittamettha sokhyam,
Appassādo dukkhamettha bhiyyo.
Gaḷo eso iti ñatvā matimā,
Eko care khaggavisāṇakappoti.

148. **Sandālayitvāna saññojanāni,**
Jālaṃva bhetvā salilambucārī.
Aggīva daḍḍhaṃ anivattamāno,
Eko care khaggavisāṇakappo.

(8)

Sandālayitvāna saññojanāniti dasa saññojanāni, kāmarāgasaññojanam
paṭighasaññojanam mānasaññojanam diṭṭhisaññojanam
vicikicchasaññojanam silabbataparāmāsasaññojanam bhavarāgasaññojanam
issāsaññojanam macchariyasaññojanam avijjāsaññojanam. **Sandālayitvāna**
saññojanāniti dasa saññojanāni dālayitvā sandālayitvā pajahitvā vinodetvā
byantikarivā anabhāvaṃ gametvāti sandālayitvāna saññojanāni.

Jālaṃva bhetvā salilambucārīti jālaṃ vuccati suttajālaṃ. Salilaṃ
vuccati udakaṃ, ambucārī vuccati maccho, yathā maccho jālaṃ bhinditvā
pabhinditvā dālayitvā padālayitvā sampadālayitvā carati viharati iriyati
vatteti pāleti yapeti yāpeti, evameva dve jālā taṇhājālaṃca diṭṭhijālaṃca -pa-
idaṃ taṇhājālaṃ -pa- idaṃ diṭṭhijālaṃ. Tassa Paccekasambuddhassa
taṇhājālaṃ pahīnam, diṭṭhijālaṃ paṭinissaṭṭhaṃ. Taṇhājālassa pahīnattā
diṭṭhijālassa paṭinissaṭṭhattā so Paccekasambuddho rūpe na sajjati, sadde na
sajjati, gandhe na sajjati -pa- diṭṭhasutamutaviññātabbesu dhammesu na
sajjati na gaṇhāti na bajjhati na palibajjhati nikkhanto nissaṇo vipparamutto
visaññutto vimariyādikatena cetasā viharatīti jālaṃva bhetvā salilambucārī.

Aggīva daḍḍhaṃ anivattamānoti yathā aggi tiṇakaṭṭhupādānaṃ dahanto gacchati anivattanto, evameva tassa Paccekasambuddhassa sotāpattimaggena ye kilesā pahīnā, te kilese na puneti na pacceti na paccāgacchati. Sakadāgāmimaggena. Anāgāmimaggena. Arahattamaggena ye kilesā pahīnā, te kilese na puneti na pacceti na paccāgacchatīti aggīva daḍḍhaṃ anivattamāno, eko care khaggavisāṇakappo. Tenāha so Paccekasambuddho—

Sandālayitvāna saññojanāni,
Jālaṃva bhetvā salilambucārī.
Aggīva daḍḍhaṃ anivattamāno,
Eko care khaggavisāṇakappoti.

149. Okkhittacakkhu na ca pādalo,
Guttindriyo rakkhitamānasāno.
Anavassuto aparidayhamāno¹,
Eko care khaggavisāṇakappo.

(9)

Okkhittacakkhu na ca pādaloloti kathaṃ khittacakkhu hoti. Idhekacco bhikkhu² cakkhulolo cakkhuloliyena samannāgato hoti, “adiṭṭhaṃ dakkhitabbaṃ, diṭṭhaṃ samatikkamitabbaṃ”ti ārāmena ārāmaṃ uyyānena uyyānaṃ gāmena gāmaṃ nigamena nigamaṃ nagarena nagaraṃ raṭṭhena raṭṭhaṃ janapadena janapadaṃ dīghacārikaṃ anavatṭhitacārikaṃ³ anuyutto hoti rūpadassanāya, evaṃ khittacakkhu hoti.

Atha vā bhikkhu antaragharaṃ pavitṭho vīthiṃ paṭipanno asaṃvuto gacchati, hatthiṃ olokeno assaṃ olokeno rathaṃ olokeno pattim olokeno kumārake olokeno kumārikāyo olokeno itthiyo olokeno purise olokeno antarāpaṇaṃ olokeno gharamukhāni olokeno uddhaṃ olokeno adho olokeno disāvidisaṃ vipekkhamāno⁴ gacchati, evampi khittacakkhu hoti.

1. Aparidayhamāno (Ka)

2. Natthi Syā-potthake, Khu 7. 285 piṭṭhe ca.

3. Anavatthacārikaṃ (Syā)

4. Pekkhamāno (Syā, Ka)

Atha vā bhikkhu cakkhunā rūpaṃ disvā nimittaggāhī hoti anubyañjanaggāhī, yatvādhikaraṇamenam cakkhundriyaṃ asaṃvutaṃ viharantaṃ abhijjhādomanassā pāpakā akusalā dhammā anvāssaveyyum, tassa saṃvarāya na paṭipajjati, na rakkhati cakkhundriyaṃ, cakkhundriye na saṃvaram āpajjati, evampi khittacakkhu hoti.

Yathā vā paneke bhonto samaṇabrāhmaṇā saddhādeyyāni bhojanāni bhuñjitvā te evarūpaṃ visūkadassanaṃ anuyuttā viharanti. Seyyathidaṃ, naccam gītaṃ vāditaṃ pekkham akkhānaṃ paṇissaraṃ vetālam kumbhathūpaṃ sobhanakam¹ caṇḍālam vaṃsam dhovanaṃ hatthiyuddham assayuddham mahimsayuddham² usabhayuddham ajayuddham meṇḍayuddham kukkuṭayuddham vaṭṭakayuddham daṇḍayuddham muṭṭhiyuddham nibbuddham uyyodhikaṃ balaggaṃ senābyūham anīkadassanaṃ iti vā, iti evarūpaṃ visūkadassanaṃ anuyutto hoti, evampi khittacakkhu hoti.

Kathaṃ okkhittacakkhu hoti. Idhekacco bhikkhu na cakkhulolo na cakkhuloliyena samannāgato hoti, “adiṭṭham dakkhitabbaṃ, diṭṭham samatikkamitabbaṃ”ti na ārāmena ārāmaṃ na uyyānena uyyānaṃ na gāmena gāmaṃ na nigamena nigamaṃ na nagarena nagaraṃ na raṭṭhena raṭṭhaṃ na janapadena janapadaṃ dīghacārikaṃ anavaṭṭhitacārikaṃ anuyutto hoti rūpadassanāya, evam okkhittacakkhu hoti.

Atha vā bhikkhu antaragharaṃ pavīṭṭho vīthim paṭipanno saṃvuto gacchati, na hatthim olokento na assam olokento na rathaṃ olokento na pattiṃ olokento na kumārake olokento na kumārikāyo olokento na itthiyo olokento na purise olokento na antarāpaṇam olokento na gharamukhāni olokento na uddham olokento na adho olokento na disāvidisaṃ vipekkhamāno gacchati, evampi okkhittacakkhu hoti.

Atha vā bhikkhu cakkhunā rūpaṃ disvā na nimittaggāhī hoti nānubyañjanaggāhī, yatvādhikaraṇamenam cakkhundriyaṃ asaṃvutaṃ viharantaṃ abhijjhādomanassā pāpakā akusalā dhammā anvāssaveyyum, tassa saṃvarāya paṭipajjati, rakkhati cakkhundriyaṃ, cakkhundriye saṃvaram āpajjati, evampi okkhittacakkhu hoti.

1. Sobhanagarakaṃ (Syā), sobhanakaraṇam (Ka)

2. Mahisayuddham (Syā)

Yathā vā paneke bhonto samaṇabrāhmaṇā saddhādeyyāni bhojanāni bhuñjitvā te evarūpaṃ visūkadassanaṃ anuyuttā viharanti. Seyyathidaṃ, naccaṃ gītaṃ vāḍitaṃ -pa- anīkadassanaṃ iti vā, iti evarūpā visūkadassanā paṭivirato, evampi okkhittacakkhu hoti.

Na ca pādaloḷoti kathaṃ pādaloḷo hoti. Idhekacco bhikkhu pādaloḷo pādaloḷiyena samannāgato hoti, ārāmena ārāmaṃ uyyānena uyyānaṃ gāmena gāmaṃ nigamena nigamaṃ nagarena nagaraṃ raṭṭhena raṭṭhaṃ janapadena janapadaṃ dīghacārikaṃ anavaṭṭhitacārikaṃ anuyutto hoti, evampi pādaloḷo hoti.

Atha vā bhikkhu antosaṃghārāme¹ pādaloḷo pādaloḷiyena samannāgato hoti, na atthahetu na kāraṇahetu uddhato avūpasantacitto pariveṇato pariveṇaṃ gacchati, vihārato vihāraṃ gacchati, aḍḍhayogato aḍḍhayogaṃ gacchati, pāsādato pāsādaṃ gacchati, hammiyato hammiyaṃ gacchati, guhato guhaṃ gacchati, leṇato leṇaṃ gacchati, kuṭiyā kuṭiṃ gacchati, kūṭāgārato kūṭāgāraṃ gacchati, aṭṭato aṭṭaṃ gacchati, māḷato māḷaṃ gacchati, uddaṇdato uddaṇdaṃ gacchati², upaṭṭhānasālato upaṭṭhānasālaṃ gacchati, maṇḍapato maṇḍapaṃ gacchati, rukkhamaḷato rukkhamaḷaṃ gacchati. Yattha vā pana bhikkhū nisīdanti vā gacchanti vā, tattha ekassa vā dutiyo hoti, dvinnāṃ vā tatiyo hoti, tiṇṇāṃ vā catuttho hoti, tattha bahū samphappalāpaṃ palapati. Seyyathidaṃ, rājakathaṃ corakathaṃ -pa- itibhavābhavakathaṃ katheti, evampi pādaloḷo hoti.

Na ca pādaloḷoti so Paccekasambuddho pādaloḷiyā ārato virato paṭivirato nikkhanto nissaṭṭo vipparamutto visaññutto vimariyāḍikatena cetasā, paṭisallānārāmo hoti paṭisallānarato ajjhataṃ cetosamathamanyutto anirākatajjhāno vipassanāya samannāgato brūhetā suññāgāraṃ jhāyī jhānarato ekattamanuyutto sadatthagarakoti okkhittacakkhu na ca pādaloḷo.

1. Antopi saṃghārāme (Ka)

2. Uddaṇdaṃ gacchati, uddhositato uddhositaṃ gacchati (Syā) passa Khu 7. 51 piṭṭhe.

Guttindriyo rakkhitamānasānoti guttindriyoti so Paccekasambuddho cakkhunā rūpaṃ disvā na nimittaggāhī hoti nānubyañjanaggāhī, yatvādhikaraṇamenam cakkhundriyaṃ asaṃvutaṃ viharantaṃ abhijjhādomanassā pāpakā akusalā dhammā anvāssaveyyuṃ, tassa saṃvarāya paṭipajjati, rakkhati cakkhundriyaṃ, cakkhundriye saṃvaram āpajjati, sotena saddaṃ sutvā -pa- ghānena gandhaṃ ghāyitvā. Jivhāya rasaṃ sāyitvā. Kāyena phoṭṭhabbaṃ phusitvā. Manasā dhammaṃ viññāya na nimittaggāhī hoti nānubyañjanaggāhī, yatvādhikaraṇamenam manindriyaṃ asaṃvutaṃ viharantaṃ abhijjhādomanassā pāpakā akusalā dhammā anvāssaveyyuṃ, tassa saṃvarāya paṭipajjati, rakkhati manindriyaṃ, manindriye saṃvaram āpajjatīti guttindriyo.

Rakkhitamānasānoti gopitamānasānoti guttindriyo rakkhitamānasāno.

Anavassuto pariḍayhamānoti vuttaṃ hetam āyasmatā Mahāmoggallānena—avassutapariyāyañca¹ vo āvuso desessāmi anavassutapariyāyañca, taṃ suṇātha sādhukaṃ manasikarotha, bhāsissāmīti. “Evamāvuso”ti kho te bhikkhū āyasmato mahāmoggallānassa paccassosuṃ. Āyasmā Mahāmoggallāno² etadavoca—

Kathañcāvuso avassuto hoti, idhāvuso bhikkhu cakkhunā rūpaṃ disvā piyarūpe rūpe adhimuccati, appiyarūpe rūpe byāpajjati, anupaṭṭhitakāyassati³ ca viharati parittacetaso, tañca cetovimuttiṃ paññāvimuttiṃ yathābhūtaṃ nappajānāti, yatthassa⁴ te uppannā pāpakā akusalā dhammā aparisesā nirujjhanti. Sotena saddaṃ sutvā -pa-. Manasā dhammaṃ viññāya piyarūpe dhamme adhimuccati, appiyarūpe dhamme byāpajjati, anupaṭṭhitakāyassati ca viharati parittacetaso, tañca cetovimuttiṃ paññāvimuttiṃ yathābhūtaṃ nappajānāti, yatthassa te uppannā pāpakā akusalā dhammā aparisesā nirujjhanti. Ayam vuccatāvuso bhikkhu avassuto cakkhuvīññeyyesu rūpesu -pa- avassuto manovīññeyyesu dhammesu evaṃvihāriṃ cāvuso bhikkhuṃ cakkhuto cepi naṃ māro upasaṅkamati, labhetheva⁵ māro

1. Passa Saṃ 2. 390 piṭṭhe.

3. Anupaṭṭhitakāyassati (Syā, Ka)

5. Labhetheva (Syā, Ka) evamuparipi.

2. Mahāmoggallāno (Ka)

4. Tattha ye (Ka) Saṃ 2. 390 piṭṭhe.

otāraṃ, labhetha¹ māro ārammaṇaṃ. Sotato cepi naṃ -pa-. Manato cepi naṃ māro upasaṅkamati, labhetheva māro otāraṃ, labhetha māro ārammaṇaṃ.

Seyyathāpi āvuso naḷāgāraṃ vā tiṇāgāraṃ vā sukkaṃ koḷāpaṃ² terovassikaṃ. Puratthimāya cepi naṃ disāya puriso ādittāya tiṇukkāya upasaṅkameyya, labhetheva aggi otāraṃ, labhetha aggi ārammaṇaṃ. Pacchimāya cepi naṃ disāya -pa-. Uttarāya cepi naṃ disāya. Dakkhiṇāya cepi naṃ disāya. Heṭṭhimato³ cepi naṃ disāya. Uparimato⁴ cepi naṃ disāya. Yato kutoci cepi naṃ puriso ādittāya tiṇukkāya upasaṅkameyya, labhetheva aggi otāraṃ. Labhetha aggi ārammaṇaṃ. Evameva kho āvuso evaṃvihāriṃ bhikkhuṃ cakkhuto cepi naṃ māro upasaṅkamati. Labhetheva māro otāraṃ, labhetha māro ārammaṇaṃ. Sotato cepi naṃ -pa-. Manato cepi naṃ māro upasaṅkamati, labhetheva māro otāraṃ, labhetha māro ārammaṇaṃ.

Evaṃvihāriṃ cāvuso bhikkhuṃ rūpā adhibhaṃsu⁵, na bhikkhu rūpe adhibhosi. Saddā bhikkhuṃ adhibhaṃsu, na bhikkhu sadde adhibhosi. Gandhā bhikkhuṃ adhibhaṃsu, na bhikkhu gandhe adhibhosi. Rasā bhikkhuṃ adhibhaṃsu, na bhikkhu rase adhibhosi. Phoṭṭhabbā bhikkhuṃ adhibhaṃsu, na bhikkhu phoṭṭhabbe adhibhosi. Dhammā bhikkhuṃ adhibhaṃsu, na bhikkhu dhamme adhibhosi. Ayaṃ vuccatāvuso bhikkhu rūpādhibhūto saddādhibhūto gandhādhibhūto rasādhibhūto phoṭṭhabbādhibhūto dhammādhibhūto adhibhūto anadhibhū, adhibhaṃsu naṃ pāpakā akusalā dhammā saṅkilesikā ponobhavikā sadarā dukkhavipākā āyatim jātijarāmarañiyā, evaṃ kho āvuso avassuto hoti.

Kathañcāvuso anavassuto hoti. Idhāvuso bhikkhu cakkhunā rūpaṃ disvā piyarūpe rūpe nādhimuccati, appiyarūpe rūpe na byāpajjati, upaṭṭhitakāyassati ca viharati appamaṇacetaso. Tañca cetovimuttim

1. Labhati (Syā, Ka) evamuparipi.

2. Kolāpaṃ (Syā) Saṃ 2. 391 piṭṭhepi.

3. Pacchato (Syā), heṭṭhimāya (Ka)

4. Uparito (Syā), uparimāya (Ka)

5. Abhibhaviṃsu (Syā), abhibhaṃsu (Ka) evamuparipi.

paññāvimuttiṃ yathābhūtaṃ pajānāti, yatthassa te uppannā pāpakā akusalā dhammā aparisesā nirujjhanti. Sotena saddaṃ sutvā -pa-. Manasā dhammaṃ viññāya piyarūpe dhamme nādhimuccati, appiyarūpe dhamme na byāpajjati, upaṭṭhitakāyassati ca viharati appamāṇacetaso. Tañca cetovimuttiṃ paññāvimuttiṃ yathābhūtaṃ pajānāti. Yatthassa te uppannā pāpakā akusalā dhammā aparisesā nirujjhanti. Ayaṃ vuccatāvuso bhikkhu anavassuto cakkhuviññeyyesu rūpesu -pa- anavassuto manoviññeyyesu dhammesu. Evaṃvihāriṃ cāvuso bhikkhuṃ cakkhuto cepi naṃ māro upasaṅkamati, neva labhetha māro otāraṃ, na labhetha māro ārammaṇaṃ. Sotato cepi naṃ -pa-. Manato cepi naṃ māro upasaṅkamati, neva labhetha māro otāraṃ, na labhetha māro ārammaṇaṃ.

Seyyathāpi āvuso kūṭāgārā vā kūṭāgārasālā¹ vā bahalamattikā addāvālepanā². Puratthimāya cepi naṃ disāya puriso ādittāya tiṇukkāya upasaṅkameyya, neva labhetha aggī otāraṃ, na labhetha aggī ārammaṇaṃ. Pacchimāya cepi naṃ disāya. Uttarāya cepi naṃ disāya. Dakkhiṇāya cepi naṃ disāya. Heṭṭhimato cepi naṃ disāya. Uparimato cepi naṃ disāya. Yato kutoci cepi naṃ puriso ādittāya tiṇukkāya upasaṅkameyya, neva labhetha aggī otāraṃ, na labhetha aggī ārammaṇaṃ. Evameva kho āvuso evaṃvihāriṃ bhikkhuṃ cakkhuto cepi naṃ māro upasaṅkamati, neva labhetha māro otāraṃ, na labhetha māro ārammaṇaṃ. Sotato cepi naṃ -pa-. Manato cepi naṃ māro upasaṅkamati, neva labhetha māro otāraṃ, na labhetha māro ārammaṇaṃ.

Evaṃvihārī cāvuso bhikkhu rūpe adhibhosi³, na rūpā bhikkhuṃ adhibhaṃsu. Sadde bhikkhu adhibhosi, na saddā bhikkhuṃ adhibhaṃsu. Gandhe bhikkhu adhibhosi, na gandhā bhikkhuṃ adhibhaṃsu. Rase bhikkhu adhibhosi, na rasā bhikkhuṃ adhibhaṃsu. Phoṭṭhabbe bhikkhu adhibhosi, na phoṭṭhabbā bhikkhuṃ adhibhaṃsu. Dhamme bhikkhu adhibhosi, na dhammā bhikkhuṃ adhibhaṃsu. Ayaṃ

1. Santhāgārasālā (Syā) passa Saṃ 2. 392 piṭṭhe.

2. Allāvālepanā (Syā)

3. Abhibhavimsu (Syā), abhibhosi (Ka) passa Saṃ 2. 392 piṭṭhe.

vuccatāvuso bhikkhu rūpādhibhū saddādhibhū gandhādhibhū rasādhibhū phoṭṭhabbādhibhū dhammādhibhū adhibhū anadhibhūto¹ adhibhosi te pāpake akusale dhamme saṅkilesike ponobhavike sadare dukkhavipāke āyatim jātijarāmarañiye. Evaṃ kho āvuso anavassuto hotīti anavassuto.

Apariḍayhamānoti rāgajena pariḷāhena apariḍayhamāno, dosajena pariḷāhena apariḍayhamāno, mohajena pariḷāhena apariḍayhamānoti anavassuto apariḍayhamāno, eko care khaggavisāṇakappo. Tenāha so Paccekasambuddho—

Okkhittacakkhu na ca pādalo,
Guttindriyo rakkhitamānasāno.
Anavassuto apariḍayhamāno,
Eko care khaggavisāṇakappoti.

150. Ohārayitvā gihibyañjanāni,
Sañchannapatto yathā pārīchattako.
Kāsāyavattho abhinikkhamitvā,
Eko care khaggavisāṇakappo. (10)

Ohārayitvā gihibyañjanānīti gihibyañjanāni vuccanti kesā ca massū ca -pa- dīghadasāni iti vā. **Ohārayitvā gihibyañjanānīti** gihibyañjanāni oropayitvā samoropayitvā nikkhipitvā paṭippassambhitvāti ohārayitvā gihibyañjanāni.

Sañchannapatto yathā pārīchattakoti yathā so pārīchattako koviḷāro bahalapattapalāso² sandacchāyo³. Evameva so Paccekasambuddho paripuṇṇapattacīvaradharoti sañchannapatto yathā pārīchattako.

1. Anabhibhūto kehi ci kilesehi (Ka) passa Saṃ 2. 392 piṭṭhe.

2. Sākhapattapalāso (Ka)

3. Saṇḍacchāyo (Syā), santacchāyo (Ka) passa Ma 1. 108 piṭṭhe.

Kāsāyavattho abhinikkhamitvāti so Paccekasambuddho sabbam̃ gharāvāsapalibodham̃ chinditvā puttadārapalibodham̃ chinditvā ñātipalibodham̃ chinditvā mittāmaccapalibodham̃ chinditvā sannidhipalibodham̃ chinditvā kesamassum̃ ohāretvā¹ kāsāyāni vatthāni acchādetvā agārasmā anagāriyam̃ pabbajitvā akiñcanabhāvam̃ upagantvā eko carati viharati iriyati vatteti pāleti yapeti yāpetīti kāsāyavattho abhinikkhamitvā, eko care khaggavisāṇakappo. Tenāha so Paccekasambuddho—

Ohārayitvā gihibyañjanāni,
Sañchannapatto yathā pārīchattako.
Kāsāyavattho abhinikkhamitvā,
Eko care khaggavisāṇakappoti.

**151. Rasesu gedham̃ akaram̃ alolo,
Anaññaposī sapadānacārī.
Kule kule appaṭibaddhacitto,
Eko care khaggavisāṇakappo.**

(11)

Rasesu gedham̃ akaram̃ aloloti rasoti mūlaraso khandharaso tacaraso pattaraso puppharaso phalaraso ambilaṃ madhuraṃ tittakaṃ kaṭukaṃ loṇikaṃ khārikaṃ lambikaṃ² kasāvo sādu asādu sītam̃ uṇham̃. Santeke samaṇabrāhmaṇā rasagiddhā, te jivhaggena rasaggāni pariyesantā āhiṇḍanti, te ambilaṃ labhitvā anambilaṃ pariyesanti, anambilaṃ labhitvā ambilaṃ pariyesanti, madhuraṃ labhitvā amadhuraṃ pariyesanti, amadhuraṃ labhitvā madhuraṃ pariyesanti, tittakaṃ labhitvā atittakaṃ pariyesanti, atikkakaṃ labhitvā tittakaṃ pariyesanti, kaṭukaṃ labhitvā akaṭukaṃ pariyesanti, akaṭukaṃ labhitvā kaṭukaṃ pariyesanti, loṇikaṃ labhitvā aloṇikaṃ pariyesanti, aloṇikaṃ labhitvā loṇikaṃ pariyesanti, khārikaṃ labhitvā akhārikaṃ pariyesanti, akhārikaṃ labhitvā khārikaṃ pariyesanti, kasāvam̃ labhitvā akasāvam̃ pariyesanti, akasāvam̃ labhitvā kasāvam̃ pariyesanti, lambikaṃ labhitvā alambikaṃ pariyesanti, alambikaṃ labhitvā lambikaṃ pariyesanti, sādhum̃ labhitvā asādum̃ pariyesanti, asādum̃

1. Ohārayitvā (Syā, Ka)

2. Lambilaṃ (Syā, Ka) passa Āyatanavibhaṅge 73 piṭṭhe.

labhitvā sādum̐ pariyesanti, sītam̐ labhitvā uṇham̐ pariyesanti, uṇham̐ labhitvā sītam̐ pariyesanti. Te yaṃ yaṃ labhanti tena tena na tussanti, aparāparam̐ pariyesanti manāpikesu rasesu rattā giddhā gathitā mucchitā ajjhosannā laggā laggitā palibuddhā. Sā rasataṇhā tassa Paccekasambuddhassa pahīnā ucchinnamūlā tālāvatthukatā anabhāvaṃkatā āyatim̐ anuppādammo, tasmā so Paccekasambuddho paṭisaṅkhā yoniso āhāram̐ āhāreti “neva davāya, na madāya, na maṇḍanāya, na vibhūsanāya, yāvadeva imassa kāyassa ṭhitiyā, yāpanāya, vihim̐sūparatiyā, brahmacariyānuggahāya, iti purāṇaṅca vedanam̐ paṭihaṅkhāmi, navaṅca vedanam̐ na uppādessāmi, yātrā ca me bhavissati anavajjatā ca phāsuvihāro cā”ti.

Yathā vaṇam̐ ālimpeyya yāvadeva āruhaṇatthāya¹, yathā vā akkham̐ abbhāṅjeyya yāvadeva bhārassa nittharaṇatthāya, yathā puttamaṃsam̐ āhāram̐ āhāreyya yāvadeva kantārassa nittharaṇatthāya. Evameva so Paccekasambuddho paṭisaṅkhā yoniso āhāram̐ āhāreti “neva davāya, na madāya, na maṇḍanāya, na vibhūsanāya, yāvadeva imassa kāyassa ṭhitiyā, yāpanāya, vihim̐sūparatiyā, brahmacariyānuggahāya, iti purāṇaṅca vedanam̐ paṭihaṅkhāmi, navaṅca vedanam̐ na uppādessāmi, yātrā ca me bhavissati anavajjatā ca phāsuvihāro cā”ti. Rasataṇhāya ārato virato paṭivirato nikkhanto nissaṭṭo vippamutto visaññutto vimariyādikatena cetasā viharatīti rasesu gedham̐ akaram̐.

Aloloti loluppaṃ vuccati taṇhā, yo rāgo sārāgo -pa- abhijjhā lobho akusalamūlam̐. Sā loluppā taṇhā tassa Paccekasambuddhassa pahīnā ucchinnamūlā tālāvatthukatā anabhāvaṃkatā āyatim̐ anuppādadhammā, tasmā Paccekasambuddho aloloti rasesu gedham̐ akaram̐ alolo.

Anaññaṃposī sapadānacārīti anaññaṃposīti so Paccekasambuddho attānaññaeva poseti na paranti.

1. Ropanatthāya (Syā)

Anaññaposi'maññātāṃ, dantaṃ sāre paṭiṭṭhitaṃ¹.

Khīṇāsavaṃ vantadosaṃ, tamaḥaṃ brūmi brāhmaṇanti.

Anaññaposī sapadānacārīti so Paccekasambuddho pubbaṇhasamayā² nivāsetvā pattacīvaramādāya gāmaṃ vā nigamaṃ vā piṇḍāya pavisati, rakkhiteneva kāyena rakkhitāya vācāya rakkhitena cittaena upaṭṭhitāya satiyā saṃvutehi indriyehi okkhittacakkhu iriyāpathasampanno kulā kulaṃ anatikkaṃanto piṇḍāya caratīti anaññaposī sapadānacārī.

Kule kule appaṭibaddhacittoti dvīhi kāraṇehi paṭibaddhacitto hoti, attānaṃ vā nīcaṃ ṭhapento paraṃ uccaṃ ṭhapento paṭibaddhacitto hoti, attānaṃ vā uccaṃ ṭhapento paraṃ nīcaṃ ṭhapento paṭibaddhacitto hoti. Kathaṃ attānaṃ nīcaṃ ṭhapento paraṃ uccaṃ ṭhapento paṭibaddhacitto hoti, tumhe me bahūpakārā, ahaṃ tumhe nissāya labhāmi cīvarapiṇḍapātasenāsanagilānapaccayabhesajjaparikkhāraṃ. Yampi me aññe dātum vā kātum vā maññanti tumhe nissāya tumhe passantā. Yampi me porāṇaṃ mātāpettikaṃ nāmagottaṃ, tampi me antarahitaṃ tumhehi ahaṃ ñāyāmi “asukassa kulupako, asukāya kulupako”ti, evaṃ attānaṃ nīcaṃ ṭhapento paraṃ uccaṃ ṭhapento paṭibaddhacitto hoti.

Kathaṃ attānaṃ uccaṃ ṭhapento paraṃ nīcaṃ ṭhapento paṭibaddhacitto hoti, ahaṃ tumhākaṃ bahūpakāro, tumhe maṃ āgamma Buddhaṃ saraṇaṃ gatā, dhammaṃ saraṇaṃ gatā, saṃghaṃ saraṇaṃ gatā, pāṇātipātā paṭiviratā, adinnādānā paṭiviratā, kāmesumicchācarā paṭiviratā, musāvādā paṭiviratā, surāmerayamajjapamādaṭṭhānā paṭiviratā. Tumhākaṃ ahaṃ uddesaṃ demi, paripucchaṃ demi, uposathaṃ ācikkhāmi, navakammaṃ adhiṭṭhāmi. Atha ca pana tumhe maṃ ujjhivā aññe sakkarotha garuṃ karotha mānetha pūjethāti evaṃ attānaṃ uccaṃ ṭhapento paraṃ nīcaṃ ṭhapento paṭibaddhacitto hoti.

Kule kule appaṭibaddhacittoti so Paccekasambuddho kulapalibodhena appaṭibaddhacitto hoti, gaṇapalibodhena appaṭibaddhacitto hoti, āvāsapalibodhena appaṭibaddhacitto hoti, cīvarapalibodhena appaṭibaddhacitto hoti, piṇḍapātapalibodhena appaṭibaddhacitto hoti,

1. Sāresu supatiṭṭhitaṃ (Syā, Ka) passa Khu 1. 81 piṭṭhe. 2. Pubbaṇhasamayā (Ka)

senāsanapalibodhena appaṭibaddhacitto hoti,
gilānapaccayabhesajjaparikkhārapalibodhena appaṭibaddhacitto hotīti kule
kule appaṭibaddhacitto hoti, eko care khaggavisāṇakappo. Tenāha so
Paccekasambuddho—

Rasesu gedham akaram alolo,
Anañṇaposī sapadānacārī.
Kule kule appaṭibaddhacitto,
Eko care khaggavisāṇakappoti.

Tatiyo vaggo.

Catutthavagga

152. Pahāya pañcāvaraṇāni cetaso,
Upakkilese byapanujja sabbe.
Anissito chetva¹ sinehadosam²,
Eko care khaggavisāṇakappo. (1)

Pahāya pañcāvaraṇāni cetasoti so Paccekasambuddho
kāmacchandanivaraṇam pahāya pajahitvā vinodetvā byantīkaritvā
anabhāvam gametvā, byāpādanīvaraṇam. Thinamidghanīvaraṇam.
Uddhaccakukkucanīvaraṇam. Vicikicchānīvaraṇam pahāya pajahitvā
vinodetvā byantīkaritvā anabhāvam gametvā, vivicceva kāmehi, vivicca
akusalehi dhammehi savitakkaṃ savicāraṃ vivekajaṃ pītisukhaṃ
paṭhamam jhānam upasampajja viharatīti pahāya pañcāvaraṇāni cetaso.

Upakkilese byapanujja sabbeti rāgo cittassa upakkilesa, doso cittassa
upakkilesa, moho cittassa upakkilesa, kodho. Upanāho -pa-
Sabbākusalābhisankhārā cittassa upakkilesā. **Upakkilese byapanujja sabbeti**
sabbe cittassa upakkilese byapanujja panuditvā pajahitvā vinodetvā
byantīkaritvā anabhāvam gametvāti upakkilese byapanujja sabbe.

1. Chetvā (Syā, Ka)

2. Snehadosam (Syā, Ka)

Anissito chetva sinehadosanti anissitoti dve nissayā taṇhānissayo ca diṭṭhinissayo ca -pa- ayaṃ taṇhānissayo -pa- ayaṃ diṭṭhinissayo. **Sinehoti** dve snehā taṇhāsneho ca diṭṭhisneho ca -pa- ayaṃ taṇhāsneho -pa- ayaṃ diṭṭhisneho. **Dosoti** yo cittassa āghāto paṭighāto paṭighaṃ paṭivirodho kopo pakopo sampakopo doso padoso sampadoso cittassa byāpatti manopadoso kodho kujjhanā kujjhitattaṃ doso dussanā dussitattaṃ byāpatti byāpajjanā byāpajjitattaṃ caṇḍikkaṃ asuro po anattamanatā cittassa. **Anissito chetva sinehadosanti** so Paccekasambuddho taṇhāsnehañca diṭṭhisnehañca dosañca chetvā ucchinditvā samucchinditvā pajahitvā vinodetvā byantikaritvā anabhāvaṃ gametvā cakkhum anissito, sotam anissito -pa- diṭṭhasutamutaviññātabbe dhamme anissito anallīno anupagato anajjhosito anadhimutto nikkhanto nissaṭo vip̐pamutto visaññutto vimariyādikatena cetasā viharatīti anissito chetva sinehadosaṃ, eko care khaggavisāṇakappo. Tenāha so Paccekasambuddho—

Pahāya pañcāvaraṇāni cetaso,
Upakkilese byapanujja sabbe.
Anissito chetva sinehadosaṃ,
Eko care khaggavisāṇakappoti.

153. **Vipiṭṭhikatvāna sukhaṃ dukhañca,**
Pubbeva ca somanassadomanassaṃ.
Laddhānupekkhaṃ samathaṃ visuddhaṃ,
Eko care khaggavisāṇakappo. (2)

Vipiṭṭhikatvāna sukhaṃ dukhañca, pubbeva ca somanassadomanassanti so Paccekasambuddho sukhasa ca pahānā dukkhasa ca pahānā pubbeva somanassadomanassānaṃ atthaṅgamā adukkhamasukhaṃ upekkhāsati pārisuddhiṃ catutthaṃ jhānaṃ upasampajja viharatīti vipiṭṭhikatvāna sukhaṃ dukhañca, pubbeva ca somanassadomanassaṃ.

Laddhānupekkham samatham visuddhanti upekkhāti yā catutthajjhāne upekkhā upekkhanā ajjupekkhanā cittasamatā cittappassaddhatā¹ majjhataṭṭā cittaassa. **Samathoti** yā cittaassa ṭhiti saṅṭhiti avaṭṭhiti avisāhāro² avikkhepo avisāhaṭamānasatā³ samatho samādhindriyam samādhibalaṃ sammāsamādhī, catutthajjhāne upekkhā ca samatho ca suddhā honti visuddhā pariyodātā anaṅgaṇā vigatūpakkilesā mudubhūtā kammaniyaṃ ṭhitā āneñjappattā. **Laddhānupekkham samatham visuddhanti** catutthajjhānam upekkhaṅca samathaṅca laddhā labhitvā vinditvā paṭilabhitvāti laddhānupekkham samatham visuddham, eko care khaggavisāṇakappo. Tenāha so Paccakasambuddho—

Vipiṭṭhikatvāna sukham dukhaṅca,
Pubbeva ca somanassadomanassam.
Laddhānupekkham samatham visuddham,
Eko care khaggavisāṇakappoti.

154. **Āraddhaviriyo paramatthapattiyā,
Alīnacitto akusītavutti.
Daḷhanikkamo thāmabalūpapanno,
Eko care khaggavisāṇakappo.(3)**

Āraddhaviriyo paramatthapattiyāti paramattham vuccati amataṃ nibbānaṃ. Yo so sabbasaṅkhārasamatho sabbūpadhipaṭinissaggo taṇhakkhayo virāgo nirodho nibbānaṃ. Paramatthassa pattiyā lābhāya paṭilābhāya adhigamāya phassanāya sacchikiriyāya āraddhaviriyo viharati, akusalānaṃ dhammānaṃ pahānāya kusalānaṃ dhammānaṃ sampadāya thāmavā⁴ daḷhaparakkamo anikkhattadhuro kusalesu dhammesūti āraddhaviriyo paramatthapattiyā.

Alīnacitto akusītavuttīti so Paccakasambuddho anuppanānaṃ pāpakānaṃ akusalānaṃ dhammānaṃ anuppādāya chandaṃ janeti vāyamati, vīriyam ārabhati, cittaṃ paggaṇhāti padahati. Uppannānaṃ pāpakānaṃ akusalānaṃ dhammānaṃ pahānāya -pa-. Anuppanānaṃ kusalānaṃ dhammānaṃ uppādāya -pa-. Uppannānaṃ

1. Cittaviṣaṭatā (Ka) passa Khu 7. 402 piṭṭhe.

2. Avisamhāro (Ka) passa Abhi 1. 19 piṭṭhe.

3. Avisamhaṭamānasatā (Ka)

4. Thāmasā (Ka)

kusalānaṃ dhammānaṃ t̥hitiyā asammosāya bhīyyobhāvāya vepullāya bhāvanāya pāripūriyā¹ chandaṃ janeti vāyamati, vīriyaṃ ārabhati, cittaṃ paggaṇhāti padahatīti, evaṃ alīnacitto akusītavutti.

Atha vā “kāmaṃ taco ca nhāru ca aṭṭhi ca avasissatu², sarīre upasussatu maṃsalohitaṃ. Yaṃ taṃ purisathāmena purisabalena purisavīriyena purisaparakkamena pattabbaṃ, na taṃ apāpuṇitvā vīriyassa saṇṭhānaṃ³ bhavissatī”ti cittaṃ paggaṇhāti padahati, evampi alīnacitto akusītavutti.

“Nāsissaṃ na pivissāmi, vihārato na nikkhame.

Napi passaṃ nipātesaṃ, taṇhāsalle anūhate”ti.

Cittaṃ paggaṇhāti padahati, evampi alīnacitto akusītavutti.

“Na tāvāhaṃ imaṃ pallaṅkaṃ bhindissāmi, yāva me na anupādāya āsavehi cittaṃ vimuccissatī”ti cittaṃ paggaṇhāti padahati, evampi alīnacitto akusītavutti. a tāvāhaṃ imahā āsanā vuṭṭhahissāmi, yāva me na anupādāya āsavehi cittaṃ vimuccissatī”ti cittaṃ paggaṇhāti padahati, evampi alīnacitto akusītavutti.

“Na tāvāhaṃ imahā caṅkamā orohissāmi. Vihārā nikkhamissāmi. Aḍḍhayogā nikkhamissāmi. Pāsādā nikkhamissāmi. Hammiyā nikkhamissāmi. Guhāya nikkhamissāmi. Leṇā nikkhamissāmi. Kuṭiyā nikkhamissāmi. Kūṭāgarā nikkhamissāmi. Aṭṭā nikkhamissāmi. Mālā nikkhamissāmi. Uddaṇḍā nikkhamissāmi. Upaṭṭhānasālāya nikkhamissāmi. Maṇḍapā nikkhamissāmi. Rukkhamūlā nikkhamissāmi, yāva me na anupādāya āsavehi cittaṃ vimuccissatī”ti cittaṃ paggaṇhāti padahati, evampi alīnacitto akusītavutti.

“Imasmiṃ yeva pubbaṇhasamaye⁴ ariyadhammaṃ āharissāmi samāharissāmi adhigacchissāmi phassayissāmi sacchikarissāmīti cittaṃ paggaṇhāti padahati, evampi alīnacitto akusītavutti. Imasmiṃ yeva majjhanhikasamaye -pa-.

1. Bhāvanāpāripūriyā (Syā)

2. Avassussatu (Syā) Ma 2. 146 piṭṭhe; Saṃ 1. 267 piṭṭhe ca passitabbaṃ.

3. Viriyassa ṭhānaṃ (Syā)

4. Pubbaṇhasamayaṃ (Ka) Khu 7. 51 piṭṭhepi.

Sāyanhasamaye. Purebhattaṃ. Pacchābhattaṃ. Purimayāmaṃ.
Majjhimayāmaṃ. Pacchimayāmaṃ. Kāḷe. Juṇhe. Vasse. Hemante. Gimhe.
Purime vayokhandhe. Majjhime vayokhandhe. Pacchime vayokhandhe
ariyadhammaṃ āharissāmi samāharissāmi adhigacchissāmi phassayissāmi
sacchikarissāmi”ti cittaṃ paggaṇhāti padahati, evampi alīnacitto
akusītavutti.

Dalhanikkamo thāmabalūpapannoti so Paccekasambuddho
dalhasamādāno ahosi kusalesu dhammesu avatṭhitasamādāno kāyasucarite
vacīsucarite manosucarite dānasamvibhāge sīlasamādāne uposathupavāse
matteyyatāya¹ petteyyatāya sāmāññatāya brahmaññatāya
kulejēṭṭhāpacāyitāya aññataraññataresu adhikusalesu dhammesūti
dalhanikkamo. **Thāmabalūpapannoti** so Paccekasambuddho thāmena ca
balena ca vīriyena ca parakkamena ca paññāya ca upeto hoti samupeto
upāgato samupāgato upapanno samupapanno samannāgatoti dalhanikkamo
thāmabalūpapanno, eko care khaggavisāṇakappo. Tenāha so
Paccekasambuddho—

Āraddhaviriyo paramatthapattiyā,
Alīnacitto akusītavutti.
Dalhanikkamo thāmabalūpapanno,
Eko care khaggavisāṇakappoti.

155. Paṭisallānaṃ jhānamariñcamāno,
Dhammesu niccaṃ anudhammacārī.
Ādīnaṃ sammāsītā bhavesu,
Eko care khaggavisāṇakappo. (4)

Paṭisallānaṃ jhānamariñcamānoti so Paccekasambuddho
paṭisallānārāmo hoti paṭisallānarato ajjhattaṃ cetosamathanuyutto
anirākatajjhāno vipassanāya samannāgato brūhetā suññāgāraṃ jhāyī
jhānarato ekattamanuyutto sadatthagarakoti paṭisallānaṃ.
Jhānamariñcamānoti so Paccekasambuddho dvīhi kāraṇehi jhānaṃ na
riñcati anuppanassa vā paṭhamassa jhānassa uppādāya yutto payutto

1. Metteyyatāya (Syā, Ka) Moggallānabyākaraṇe 4. 39 suttaṃ oloketabbaṃ.

saṃyutto āyutto samāyutto, anuppannassa vā dutiyassa jhānassa.
Anuppannassa vā tatiyassa jhānassa. Anuppannassa vā catutthassa jhānassa
uppādāya yutto payutto saṃyutto āyutto samāyuttoti evampi jhānaṃ na
riñcati.

Atha vā uppannaṃ vā paṭhamaṃ jhānaṃ āsevati bhāveti bahulīkaroti,
uppannaṃ vā dutiyaṃ jhānaṃ. Uppannaṃ vā tatiyaṃ jhānaṃ. Uppannaṃ vā
catutthaṃ jhānaṃ āsevati bhāveti bahulīkaroti, evampi jhānaṃ na riñcatīti
paṭisallānaṃ jhānamariñcamāno.

Dhammesu niccaṃ anudhammacārīti dhammā vuccanti cattāro
satipaṭṭhānā -pa- ariyo aṭṭhaṅgiko maggo. Katame anudhammā,
sammāpaṭipadā apaccanīkapaṭipadā anvatthapaṭipadā
dhammānudhammapaṭipadā sīlesu paripūrakāritā indriyesu guttadvāratā
bhojane mattaññutā jāgariyānuyogo satisampajaññaṃ, ime vuccanti
anudhammā. **Dhammesu niccaṃ anudhammacārīti** dhammesu niccakālaṃ
dhuvakālaṃ satatāṃ samitāṃ avokiṇṇaṃ poṅkhānupoṅkhaṃ
udakūmikajātaṃ¹ avīci santati sahitaṃ phassitaṃ purebhattaṃ
pacchābhattaṃ purimayāmaṃ majjhimayāmaṃ pacchimayāmaṃ kāle juṅhe
vasse hemante gimhe purime vayokhandhe majjhime vayokhandhe
pacchime vayokhandhe carati viharati iriyati vatteti pāleti yapeti yāpetīti
dhammesu niccaṃ anudhammacārī.

Ādīnavaṃ sammasitā bhavesūti “sabbe saṅkhārā aniccā”ti ādīnavaṃ
sammasitā bhavesu, “sabbe saṅkhārā dukkhā”ti. “Sabbe dhammā anattā”ti
-pa-. “Yaṃ kiñci samudayadhammaṃ, sabbaṃ taṃ nirohadhammaṃ”ti
ādīnavaṃ sammasitā bhavesūti ādīnavaṃ sammasitā bhavesu, eko care
khaggavisāṇakappo. Tenāha so Paccekasambuddho—

Paṭisallānaṃ jhānamariñcamāno,
Dhammesu niccaṃ anudhammacārī.
Ādīnavaṃ sammasitā bhavesu,
Eko care khaggavisāṇakappoti.

1. Udakummijātaṃ (Syā), udakummikajātaṃ (Ka) 43 piṭṭhepi.

156. **Taṇhakkhayaṃ patthayamappamatto,**
Aneḷamūgo¹ sutavā satimā.
Saṅkhātadhammo niyato padhānavā,
Eko care khaggavisāṇakappo. (5)

Taṇhakkhayaṃ patthayamappamattoti taṇhāti rūpataṇhā -pa-dhammataṇhā. **Taṇhakkhayaṃ** rāgakkhayaṃ dosakkhayaṃ mohakkhayaṃ gatikkhayaṃ upapattikkhayaṃ paṭisandhikkhayaṃ bhavakkhayaṃ saṃsārakkhayaṃ vaṭṭakkhayaṃ patthayanto icchanto sādiyanto pihayanto abhijjappantoti taṇhakkhayaṃ patthayaṃ. **Appamattoti** so Paccekasambuddho sakkaccakārī sātaccakārī -pa- appamādo kusalesu dhammesūti taṇhakkhayaṃ patthayamappamatto.

Aneḷamūgo sutavā satimāti aneḷamūgoti so Paccekasambuddho paṇḍito paññavā buddhimā ñāṇī vibhāvī medhāvī. **Sutavāti** so Paccekasambuddho bahussuto hoti sutadharo sutasanniccayo, ye te dhammā ādikalyāṇā majjhekalyāṇā pariyosānakalyāṇā sāttham sabyañjanam kevalaparipuṇṇam parisuddham brahmacariyam abhivadanti, tathārūpāssa dhammā bahussutā honti dhātā vacasā paricitā manasānupekkhitā diṭṭhiyā suppaṭividdhā. **Satimāti** so Paccekasambuddho satimā hoti paramena satinepakkena samannāgatattā cirakatampi cirabhāsitampi saritā anussaritāti aneḷamūgo sutavā satimā.

Saṅkhātadhammo niyato padhānavāti saṅkhātadhammo vuccati ñāṇam. Yā paññā pajānanā -pa- amoho dhammavicayo sammādiṭṭhi. **Saṅkhātadhammoti** so Paccekasambuddho saṅkhātadhammo ñātadhammo tulitadhammo tīritadhammo vibhūtadhammo vibhāvitadhammo “sabbe saṅkhārā aniccā”ti saṅkhātadhammo -pa-. “Yaṃ kiñci samudayadhammam, sabbam taṃ nirodhadhammam”ti saṅkhātadhammo ñātadhammo tulitadhammo tīritadhammo vibhūtadhammo vibhāvitadhammo. Atha vā tassa Paccekasambuddhassa ca khandhā saṅkhittā, dhātuyo saṅkhittā, āyatanāni saṅkhittāni, gatiyo saṅkhittā, upapattiyo saṅkhittā, paṭisandhiyo saṅkhittā, bhavā saṅkhittā, saṃsārā saṅkhittā, vaṭṭā saṅkhittā. Atha vā so Paccekasambuddho khandhapariyante ṭhito,

1. Anelamūgo (Syā, Ka)

dhātupariyante ñhito, āyatanapariyante ñhito, gatipariyante ñhito,
 upapattipariyante ñhito, paṭisandhipariyante ñhito, bhavapariyante ñhito,
 saṃsārapariyante ñhito, vaṭṭapariyante ñhito, saṅkhārapariyante ñhito,
 antimabhavē¹ ñhito, antimasamussaye ñhito antimadehadharo
 Paccekasambuddho.

Tassāyaṃ pacchimako bhavo, carimoyaṃ samussayo.
 Jātimaraṇasaṃsāro², natthi tassa punabbhavoti.

Taṃkāraṇā Paccekasambuddho saṅkhātadhammo. **Niyatoti** niyāmā
 vuccanti cattāro ariyamaggā. Catūhi ariyamaggehi samannāgatoti niyato,
 niyāmaṃ patto sampatto adhigato phassito sacchikato patto niyāmaṃ.
Padhānavāti padhānaṃ vuccati vīriyaṃ, so cetaso vīriyārambho nikkamo
 parakkamo uyyāmo vāyāmo ussāho ussolhī thāmo dhiti asithilaparakkamo
 anikkhittacchandatā anikkhittadhuratā dhurasampaggāho vīriyaṃ
 vīriyindriyaṃ vīriyabalaṃ sammāvāyāmo. So Paccekasambuddho iminā
 padhānena upeto samupeto upāgato samupāgato upapanno samupapanno
 samannāgato, tasmā so Paccekasambuddho padhānavāti saṅkhātadhammo
 niyato padhānavā, eko care khaggavisāṇakappo. Tenāha so
 Paccekasambuddho—

Taṇhakkhayaṃ patthayamappamatto,
 Aneḷamūgo sutavā satīmā.
 Saṅkhātadhammo niyato padhānavā,
 Eko care khaggavisāṇakappoti.

**157. Sīhova saddesu asantasanto,
 Vātova jālamhi asajjamāno.
 Padumaṃva toyena alimpamāno³,
 Eko care khaggavisāṇakappo. (6)**

Sīhova saddesu asantasantoti yathā sīho migarājā saddesu asantāsī
 aparisantāsī anutrāsī anubbiggo anussaṅkī⁴

1. Antime bhavē (Ka) 86 piṭṭhepi.

2. Jātijarāmarāṇasaṃsāro (Syā) evamīdisesu ṭhānesu.

3. Alippamāno Khu 1. 290 piṭṭhe.

4. Anussukī (Syā)

anutrāso abhīrū acchambhī anutrāsī apalāyī. Paccekasambuddhopi saddesu asantāsī aparisantāsī anutrāsī anubbiggo anussañkī anutrāso abhīrū acchambhī anutrāsī apalāyī pahīnabhayabheravo vigatalomahaṃso viharatīti sīhova saddesu asantasanto.

Vātova jālamhi asajjamānoti vātoti puratthimāvātā pacchimā vātā uttārā vātā dakkhiṇā vātā sarajā vātā arajā vātā sītā vātā uṇhā vātā parittā vātā adhimattā vātā verambhavātā pakkhavātā¹ supaṇṇavātā tālapaṇṇavātā vidhūpanavātā. Jālam vuccati suttajālam. Yathā vāto jālamhi na sajjati na gaṇhāti na bajjhati na palibajjhati, evameva dve jālā taṇhājālaṅca diṭṭhijālaṅca -pa- idaṃ taṇhājālaṃ -pa- idaṃ diṭṭhijālaṃ. Tassa Paccekasambuddhassa taṇhājālaṃ pahīnaṃ, diṭṭhijālaṃ paṭinissaṭṭhaṃ, taṇhājālassa pahīnattā diṭṭhijālassa paṭinissaṭṭhattā so Paccekasambuddho rūpe na sajjati, sadde na sajjati -pa- Diṭṭhasutamutaviññātabbesu dhammesu na sajjati na gaṇhāti na bajjhati na palibajjhati nikkhanto nissaṭṭo vippamutto visaññutto vimariyādikatena cetasā viharatīti vātova jālamhi asajjamāno.

Padumaṃva toyena alimpamānoti padumaṃ vuccati padumapupphaṃ. Toyam vuccati udakaṃ. Yathā padumapupphaṃ toyena na lippati na palippati na upalippati, alittaṃ apalittaṃ anupalittaṃ, evameva dve lepā taṇhālepo ca diṭṭhilepo ca -pa- ayaṃ taṇhālepo -pa- ayaṃ diṭṭhilepo. Tassa Paccekasambuddhassa taṇhālepo pahīno, diṭṭhilepo paṭinissaṭṭho, taṇhālepassa pahīnattā diṭṭhilepassa paṭinissaṭṭhattā so Paccekasambuddho rūpe na limpati, sadde na limpati -pa- Diṭṭhasutamutaviññātabbesu dhammesu na limpati na palimpati na upalimpati, alitto apalitto anupalitto nikkhanto nissaṭṭo vippamutto visaññutto vimariyādikatena cetasā viharatīti padumaṃva toyena alimpamāno, eko care khaggavisāṇakappo. Tenāha so Paccekasambuddho—

1. Pakkhivātā (Syā) 109, 266 piṭṭhe, natthi pāṭhanānattaṃ.

Sīhova saddesu asantasanto,
 Vātova jālamhi asajjamāno.
 Padumaṃva toyena alimpamāno,
 Eko care khaggavisāṇakappoti.

**158. Sīho yathā dāṭhabalī pasayha,
 Rājā migānaṃ abhibhuyya cārī.
 Sevetha pantāni senāsanāni,
 Eko care khaggavisāṇakappo.**

(7)

Sīho yathā dāṭhabalī pasayha, rājā migānaṃ abhibhuyya cārīti yathā sīho migarājā dāṭhabalī dāṭhāvudho sabbe tiracchānagate pāṇe abhibhuyya abhibhavitvā ajjhottharivā pariyādiyivā madditvā carati viharati iriyati vatteti pāleti yapeti yāpeti, Paccekasambuddhopi paññābali paññāvudho sabbapāṇabhūte puggale paññāya abhibhuyya abhibhavitvā ajjhottharivā pariyādiyivā madditvā carati viharati iriyati vatteti pāleti yapeti yāpetīti sīho yathā dāṭhabalī pasayha, rājā migānaṃ abhibhuyya cārī.

Sevetha pantāni senāsanānīti yathā sīho migarājā araññavanamajjhogāhetvā carati viharati iriyati vatteti pāleti yapeti yāpeti, Paccekasambuddhopi araññavanapatthāni pantāni senāsanāni paṭisevati appasaddāni appanigghosāni vijānavātāni manussarāhasseyyakāni paṭisallānasārubbāni, so eko gacchati, eko tiṭṭhati, eko nisīdati, eko seyyaṃ kappeti, eko gāmaṃ piṇḍāya pavisati, eko paṭikkamati, eko raho nisīdati, eko caṅkamaṃ adhiṭṭhāti, eko carati viharati iriyati vatteti pāleti yapeti yāpetīti sevetha pantāni senāsanāni, eko care khaggavisāṇakappo. Tenāha so Paccekasambuddho—

Sīho yathā dāṭhabalī pasayha,
 Rājā migānaṃ abhibhūyya cārī.
 Sevetha pantāni senāsanāni,
 Eko care khaggavisāṇakappoti.

159. Mettaṃ upekkhaṃ karuṇaṃ vimuttiṃ,
 Āsevamāno muditañca kāle.
 Sabbena lokena avirujjhamāno,
 Eko care khaggavisāṇakappo. (8)

Mettaṃ upekkhaṃ karuṇaṃ vimuttiṃ, āsevamāno muditañca kāleti so Paccekasambuddho mettāsahagatena cetasā ekaṃ disaṃ pharivā viharati. Tathā dutiyaṃ. Tathā tatiyaṃ. Tathā catutthaṃ. Iti uddhamadho tiriyaṃ sabbadhi sabbattatāya sabbāvantaṃ lokaṃ mettāsahagatena cetasā vipulena mahaggatena appamāṇena averena abyāpajjena pharivā viharati. Karuṇāsahagatena cetasā -pa-. Muditāsahagatena cetasā -pa-. Upekkhāsahagatena cetasā vipulena mahaggatena appamāṇena averena abyāpajjena pharivā viharatīti mettaṃ upekkhaṃ karuṇaṃ vimuttiṃ, āsevamāno muditañca kāle.

Sabbena lokena avirujjhamānoti mettāya bhāvitattā ye puratthimāya disāya sattā, te appaṭikūlā honti. Ye pacchimāya disāya sattā. Ye uttarāya disāya sattā. Ye dakkhiṇāya disāya sattā. Ye puratthimāya anudisāya sattā. Ye pacchimāya anudisāya sattā. Ye uttarāya anudisāya sattā. Ye dakkhiṇāya anudisāya sattā. Ye heṭṭhimāya¹ disāya sattā. Ye uparimāya disāya sattā. Ye dasasu disāsu sattā, te appaṭikūlā honti. Karuṇāya bhāvitattā. Muditāya bhāvitattā. Upekkhāya bhāvitattā ye puratthimāya disāya sattā -pa- ye dasasu disāsu sattā, te appaṭikūlā honti. **Sabbena lokena avirujjhamānoti** sabbena lokena avirujjhamāno appaṭivirujjhamāno anāghāṭiyamāno² appaṭihañṇamānoti sabbena lokena avirujjhamāno, eko care khaggavisāṇakappo. Tenāha so Paccekasambuddho—

Mettaṃ upekkhaṃ karuṇaṃ vimuttiṃ,
 Āsevamāno muditañca kāle.
 Sabbena lokena avirujjhamāno,
 Eko care khaggavisāṇakappoti.

1. Adhogamāya (Syā)

2. Aghaṭṭiyamāno (Syā)

160. **Rāgañca dosañca pahāya moham,**
Sandālayitvāna saññojanāni¹.
Asantasaṃ jīvitasāṅkhayamhi,
Eko care khaggavisāṇakappo. (9)

Rāgañca dosañca pahāya mohanti rāgoti yo rāgo sārāgo -pa- abhijjhā lobho akusalamūlam. **Dosoti** yo cittassa āghāto -pa- caṇḍikkam asuro po anattamanatā cittassa. **Mohoti** dukkhe aññāṇam -pa- avijjālaṅgī moho akusalamūlam. **Rāgañca dosañca pahāya mohanti** so Paccekasambuddho rāgañca dosañca mohañca pahāya pajahitvā vinodetvā byantikarivā anabhāvaṃ gametvāti rāgañca dosañca pahāya moham.

Sandālayitvāna saññojanāniti dasa saññojanāni kāmārāgasaññojanam paṭighasaññojanam -pa- avijjāsaññojanam. **Sandālayitvāna saññojanāni**ti dasa saññojanāni sandālayitvā padālayitvā sampadālayitvā pajahitvā vinodetvā byantikarivā anabhāvaṃ gametvāti sandālayitvāna saññojanāni.

Asantasaṃ jīvitasāṅkhayamhīti so Paccekasambuddho jīvitapariyosāne asantāsī anutrāsī anubbiggo anussaṅkī anutrāso abhīrū acchambhī anutrāsī apalāyī pahīnabhayabheravo vīgatalomahaṃso viharatīti asantasaṃ jīvitasāṅkhayamhi, eko care khaggavisāṇakappo. Tenāha so Paccekasambuddho—

Rāgañca dosañca pahāya moham,
 Sandālayitvāna saññojanāni.
 Asantasaṃ jīvitasāṅkhayamhi,
 Eko care khaggavisāṇakappoti.

161. **Bhajanti sevanti ca kāraṇatthā,**
Nikkāraṇā dullabhā ajja mittā,
Attatthapaññā² asucī manussā,
Eko care khaggavisāṇakappo. (10)

1. Saṃyojanāni (Ka)

2. Attaṭṭhapaññā (Ka)

Bhajanti sevanti ca kāraṇatthāti attatthakāraṇā paratthakāraṇā ubhayatthakāraṇā diṭṭhadhammikatthakāraṇā samparāyikatthakāraṇā paramatthakāraṇā bhajanti sambhajanti sevanti nisevanti samsevanti paṭisevantīti bhajanti sevanti ca kāraṇatthā.

Nikkāraṇā dullabhā ajja mittāti dve mittā agārikamitto ca anāgārikamitto ca -pa- ayaṃ agārikamitto -pa- ayaṃ anāgārikamitto. **Nikkāraṇā dullabhā ajja mittāti** ime dve mittā akāraṇā nikkāraṇā ahetū appaccayā dullabhā (dulladdhā sudulladdhā)¹ti nikkāraṇā dullabhā ajja mittā.

Attatthapaññā asucī manussāti attatthapaññāti attano atthāya attano hetu attano paccayā attano kāraṇā bhajanti sambhajanti sevanti nisevanti samsevanti paṭisevanti ācaranti samācaranti payirupāsanti paripucchanti paripañhanīti attatthapaññā. **Asucī manussāti** asucinā kāyakammena samannāgatāti asucī manussā, asucinā vacīkammena samannāgatāti asucī manussā, asucinā manokammena samannāgatāti asucī manussā, asucinā pāṇātipātena. Asucinā adinnādānena -pa-. Asucinā kāmesumicchācārena. Asucinā musāvādena. Asuciyā piṣuṇāya vācāya samannāgatā. Asuciyā pharusāya vācāya samannāgatā. Asucinā samphappalāpena samannāgatā. Asuciyā abhijjhāya samannāgatā asucinā byāpādena samannāgatāti asucī manussā, asuciyā micchādiṭṭhiyā samannāgatāti asucī manussā, asuciyā cetanāya samannāgatāti asucī manussā, asuciyā patthanāya samannāgatāti asucī manussā, asucinā paṇidhinā samannāgatāti asucī manussā, asucī hīnā nihīnā omakā lāmakā chatukkā parittāti attatthapaññā asucī manussā.

Eko care khaggavisāṇakappoti ekoti so Paccekasambuddho pabbajjāsāṅkhātena eko -pa-. **Careti aṭṭha cariyāyo** -pa-. **Khaggavisāṇakappoti** yathā khaggassa nāma visāṇaṃ ekaṃ hoti adutiyaṃ -pa- eko care khaggavisāṇakappo. Tenāha so Paccekasambuddho—

1. () Natthi Syā-potthake.

Bhajanti sevanti ca kāraṇatthā,
 Nikkāraṇā dullabhā ajja mittā.
 Attatthapaññā asucī manussā,
 Eko care khaggavisāṇakappoti.

Catuttho vaggo.

Khaggavisāṇasuttaniddeso ekūnavīsatiṃ.

Ajito Tissametteyyo, Puṇṇako atha Mettagū.
 Dhotako Upasīvo ca, Nando ca atha Hemako.
 Todeyyakappā dubhayo, Jatukaṇṇī ca paṇḍito.
 Bhadrāvudho Udayo ca, Posālo cāpi brāhmaṇo.
 Mogharājā ca medhāvī, Piṅgiyo ca mahā-isi.
 Soḷasānaṃ¹ panetesāṃ, brāhmaṇānaṃva sāsanaṃ.
 Pārāyanānaṃ niddesā, tatthakā ca bhavanti hi².
 Khaggavisāṇasuttānaṃ, niddesāpi tatheva ca.
 Niddesā duvidhā ñeyyā, paripuṇṇā sulakkhitāti.

Cūlaniddesapāli niṭṭhitā.

1. Soḷasannaṃ (Syā, Ka)

2. Vā (Ka)

Khuddakanikāye aṭṭhamabhāgapotthake

Cūlaniddesapāliyaṃ

Lakkhitabbapadānaṃ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Akaṅkho	86	Atāru jātiṅca	54, 116
Akāmakāmiṃ	141	Atītaṃ ādisati	163
Akāmamāgamāṃ	142	Atha ko carahi	120
Akālikāṃ	215	Atthaṅgatassa	111
Akiṅcanaṃ	84, 92, 133	Atthaṅgato	110
Akiṅcanaṃ anādānaṃ	139	Atthamaññāya	196
Akiṅcanaṃ kāmabhava	134	Atthi pañhena	48, 156
Akittayī no	71	Atthi pañhena āgamaṃ	165
Akhilo	86, 224	Atho gahaṭṭhā	253
Aggīva daḍḍhaṃ	284	Atthaṃ paleti	109
Achambhī	252	Addasāsiṃ	222
Ajitā	25	Addhā	228
Ajito	24	Addhā pasamsāma	257
Ajjhattaṅca	161	Adhivacanaṃ	197
Ajjhiṭṭho	195	Adho	78
Aññāya	128	Anaññaneyyo	271
Aññāya atthāni	279	Anaññaposī	292
Aññāvimokkhaṃ	156	Anaññaposī sapaḍānacārī	293
Aññaṃ taṃ	72	Anatthadassim	276
Aṭṭhāna'taṃ	269	Anabhijjhitaṃ seritaṃ	246
Aṭṭhitaṃ ovadeyya	82	Analaṅkaritvā	280
Attatthapaññā	306	Anavassuto	287
Antarāvā	189	Anānuyāyī	106
Attānudiṭṭhim ūhacca	186	Anāsavā	122
Atārī	85	Anāsavo	207
Atārī so	61	Anissito no	102

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Anītikaṃ	214	Alolo	292
Anīgho	61	Avijjā	25, 159
Anītilhaṃ	75, 98	Avijjāya pabhedanaṃ	156
Anusāsa brahme	96	Aviheṭṭhayaṃ	229
Anekarūpampi pahāya	121	Asito	97
Anekarūpā	68	Asucī manussā	306
Anekarūpena	116	Asesaṃ	33
Anejo	148, 165	Asaṃkappaṃ	227
Anejaṃ	46	Asaṃhīraṃ	227
Aneḷamūgo	300	[Ā]	
Appadasse pahāya	208	Ākiñcaññāsambhavaṃ	171
Appamattā	54	Ākiñcaññaṃ	103
Appamatto	80, 191	Ākiñcaññaṃ nissito	105
Apariḍayhamāno	290	Ācikkha dhammaṃ	144, 189
Appassādo	282	Ācikkha dhammaṃ yamaḥaṃ	192
Apārā pārāṃ	201	Ādānataṇhaṃ	151
Apucchi	33	Ādānasatte	153
Apunabbhavāya	191	Ādiccabandhunā	199
Appeva maṃ	83	Ādiccabandhussa	270
Appossukko	253	Ādiccova pathaviṃ	143
Abalo	189	Ādīnavaṃ	262
Abhikaṅkhamānā	150	Ādīnavaṃ sammasitā	299
Abhijaññā	84	Ādīnavaṃ snehajaṃ	239
Abhijappanti	56	Āmantanā	245
Abhijānaṃ	168	Āyasmā	24
Abhinibbutā	129	Āraddhaviriyo	296
Abhibhuyya sabbāni	256	Ārammaṇaṃ brūhi	102
Abhiyāce	149	Āsavā	147
Alīnacitto	296	Āsā	275

Padānukkamo	Piṭṭhaṅko	Padānukkamo	Piṭṭhaṅko
	[Ā]		[U]
Āsīno	212	Uparujjhati	33
Āsīnaṃ	155	Upasantā	129
Āsīsanti	55	Upasanto	146
	[I]	Upasīvā	104
Iccā	24	Upekkhāsatisaṃsuddhaṃ	159
Iccāsi iti	125		[E]
Iñjitā	43	Ekamekassa	196
Iñjitaṃ	59	Eko	210, 230
Ito sutvāna	91	Eko ahaṃ	102
Idha	35, 91	Etābhi nandāmi	123
Idha loke	50	Ete	197
Idheva santo	97	Ete aladdhā	259
Imassa dhammapariyāyassa	196	Ete Buddhaṃ	198
Iriyamānaṃ	93	Etasu	79
Isayo	49, 52	Etaṃ	81, 128
	[Ī]	Etaṃ ñāṇaṃ	171
Ītī	265	Etaṃ dīpaṃ	139
	[U]	Etaṃ bhayaṃ	261
Uggahitaṃ	145	Etaṃ me	32
Uttamaṃ	99	Etaṃ viditvā	101
Udāhu	110, 113	Evametaṃ	171
Uddhaṃ	78	Evameva tvampi	223
Upakkilese	294	Evaṃ abhikkantadassāviraṃ	180
Upadhiniḍānā	69	Evaṃ tuvaṃ	96
Upadhiṃ karoti	70	Evaṃ dutīyena	260
Upadhiṃ na kayirā	71	Evaṃ maccutaro	187
Uppannañāṇomhi	271	Evaṃ Munī	109
		Evaṃvihārī	80
		Esa bhiyyo	223

Padānukkamo	Piṭṭhaṅko	Padānukkamo	Piṭṭhaṅko
[O]		[Ka]	
Okañjaham	148	Kāmesu	105
Okkhittacakkhu	284	Kāmesu nābhigijjheyya	36
Oghatiṇṇamanāsavam	222	Kāmesu brahmacariyavā	42
Oghatiṇṇam	149	Kāmesu vinaya gedham	145
Oghātigam	142	Kāsāyavattho	291
Oghe jāte	137	Kiñcanam	153
Ogham	72, 85	Kittayissāmi	75
Oropayitvā	254	Kittayissāmi giram	206
Ohārayitvā	290	Kittayissāmi te santi	98
[Ka]		Kissassa vippahānena	160
Kaṅkhīnam paṭijānam	227	Kissa hetu	203
Kaccisu	54	Kissābhilepanam	24
Kaccissu te Bhagavā	116	Kukkuccānam nivāraṇam	158
Kaṅci	95	Kukkuccam	157
Katakiccam anāsavam	155	Kuto nu	67
Katthetam	32	Kule kule appṭibaddhacitto	293
Katham kathim	95	Kusalā	113
Katham kathā ca	130	Kusalo	38
Katham nu	72	Kuhiñci	59
Katham neyyo	166	Kenassu nappakāsati	24
Katham lokam	180	Kena sotā	29
Katham satassa carato	161	Ko idha	41
Kappañcaham	149	Ko ubhanta	41
Kappā	149	Kodha Santusito	40
Kassa no	41	Kam brūsi	41
Kāmasukham	279	Kimnu tamhā	214
Kāmā	42, 84	Kimnu tassa mahabbhayam	25
Kāmābhijappanti	56	Kimnu tassa vicāraṇam	160
Kāmā hi citrā	261	Kimnu samyojano	160
Kāme pahāya	104	Kvaci	214

Padānukkamo	Piṭṭhaṅko	Padānukkamo	Piṭṭhaṅko
[Kha]		[Ja]	
Khaggavisāṇakappo	233	Jatukaṇṇi	142
Khattiyā	49	Jantuṃ	152
Khiḍḍā	246	Janapadehi saṅgatā	150
Khiḍḍaṃ ratim	279	Janā	113, 191
[Ga]		Jappābhilepanam	27
Gacche pāram	200	Jarā	61, 72
Gaccheyyeva	196	Jarāmaccuparikkhayaṃ	140
Gamissasi tvaṃ	223	Jarāmaccuparetānaṃ	137
Gamissāmi	228	Jaraṃ sitā	53
Gaḷo eso	282	Jahassu rūpaṃ	191
Guttindriyo	287	Jāti	61, 72
Gotamanūpadhikaṃ	81	Jātijarāya	144, 189
Gotamassa yasassino	179	Jātim jaraṃ	81
Gotamo bhūripaññaṇo	213	Jālaṃva bhetvā	283
Gotamo bhūrimedhaso	213	Jiṇṇassa me	220
[Ca]		Jiṇṇohamasmi	189
Cakkhumatā	199	Jutimā	212
Carantā	116	Juhanti	56
Care	232	[Jha]	
Careyya	256	Jhānamariñcamāno	298
Careyyaṃ	97	Jhāyim	154
Caraṃ	76, 78	[Ña]	
Cātuddiso	248	Ñatvā matimā	282
[Cha]		Ñāṇūpapannaṃ Muni	113
Chadanaṃ	224	Ñāṇaṃ Sakkā'	166
Chandarāgavinodanaṃ	128	[Ta]	
Chinnasaṃsayo	165	Taṅcāham	99
Chetvāna Vīro	254	Taṅhakkhayaṃ	214, 300

Padānukkamo	Piṭṭhaṅko	Padānukkamo	Piṭṭhaṅko
[Ta]		[Ta]	
Taṇhacchidaṃ	148	Te cāpi	82
Taṇhā	88	Tenahātappaṃ	91
Taṇhānigghātanam Muni	126	Teneva kāyo	220
Taṇhāya	160	Teneva maññāmi	218
Taṇhā yassa	130	Teneva māro	152
Taṇham pariññāya	121	Te ve narā	122
Tato tattha	171	Tesaṃ	150, 198
Tattha	116	Tositā	199
Tathā yo	200	Tosesi	199
Tathāvidhassa	108	Taṃ	73, 76
Tathā hi	74	Taṃ taṃ namassāmi	93
Tathā hi te	110, 151	Taṃ me Munī	110
Tattheva so sītisiyā	108	Taṃ brūmi	45
Tamonudo	206, 212	Tvaṃ	126
Tayidaṃ kathaṃsu	113		
Tare loke	76	[Tha]	
Tava Vīra vākyam	150	Thāmbalūpapanno	298
Tava sutvāna	90	Thinam	157
Tassa	43	Thomayanti	55
Tasmā pajānam	70, 152	[Da]	
Tasmā pārāyanam	201	Daṇḍam	229
Tiṭṭhantamenam	169	Daḷhanikkamo	298
Tiṭṭhe ceso	107	Dijo	208
Tiṭṭhe nu	106	Diṭṭhadhammābhinibbutā	140
Tiṭṭheyya so	107	Diṭṭhassutenāpi	115
Tiṇṇā loke	129	Diṭṭhīvisūkāni	270
Tiṇṇo	85	Diṭṭhe dhamme	75, 98
Tiṇṇo ca pārām	86	Diṭṭham	127
Tiriyañcāpi	78		
Te	129		

Padānukkamo	Piṭṭhaṅko	Padānukkamo	Piṭṭhaṅko
[Da]		[Dha]	
Diṭṭhiṃ te	179	Dhīraṃ	256
Disvāna rūpesu	190	Dhotako	89
Dīpamakkhāhi	137	[Na]	
Dīpā dīpaṃ upallaviṃ	222	Na upādiyetha	152
Dīpaṃ pabrūhi	137	Na upeti saṅkhaṃ	109
Dukkhamidaṃ pahoti	235	Na ca pādalo	286
Dukkhasa	68	Na ñāṇena	113
Dukkha	67	Na tuyhaṃ adiṭṭhaṃ	192
Dukkhaṃ	28	Na te māra vasānugā	140
Dubbalathāmakassa	220	Na te mārasa paddhagū	141
Dussaṅgahā pabbajitāpi	253	Natthi upamā	214
Deva	92, 225	Natthi kiñci	166
Devatānaṃ	49, 52	Natthīti nissāya	104
Devīsi	178	Nandāmi	76
Domanassa	157	Na diṭṭhiyā	113
Dvāhaṃ Sakkhaṃ	172	Nandisaṃyojano	160
[Dha]		Nandisaṃyojanaṃ	171
Dhanāni	281	Nandiṅjahaṃ	149
Dhammañca	95	Na puttamiccheyya	229
Dhammatakkapurejvaṃ	159	Namassamāno	218
Dhammadharaṃ	278	Namassāmi	82
Dhammamaññāya	196	Na me byākāsi	173
Dhammamakkhāhi	126	Na mettha kaṅkhā	228
Dhammamadesesi	213	Naro	88
Dhamma'muttamaṃ	77	Na vijjanti	147
Dhammānudhammaṃ	196	Na sutiyā	113
Dhammesu niccaṃ	299	Nāgassa	149
Dhammaṃ	75	Nāgo	203
Dhimuttaṃ tapparāyaṇaṃ	170	Nāgova yūthāni	267
Dhīrā	72		

Padānukkamo	Piṭṭhaṅko	Padānukkamo	Piṭṭhaṅko
[Na]		[Na]	
Nāgaṃ	83	Nettā na suddhā	189
Nātarimsu	57	No ce labhetha	256
Nātarimsu jātijaranti	118	[Pa]	
Nānājanā	150	Paṅke sayāno	221
Nā'penti'me	219	Pacchā te māhu	146
Nāmakāyā vimutto	109	Pajā	153
Nāmaṃ	32, 33	Pajaheyyuṃ	82
Nāhaṃ tattha abhiramiṃ	126	Paññā	30
Nāhaṃ sahiṣṣāmi	94	Paññaṇavā so	132
Nāhaṃ sabbe	121	Pañhānantakaro	226
Nikkāmo	203	Pañhānaṃ veyyākaraṇena	199
Nikkāraṇā	306	Pañhaṃ puṭṭho	198
Nikkuho	272	Pañhaṃ byākāsi	195
Nipako	91	Paṭibaddhacitto	240
Nippipāso	274	Paṭibhānavantaṃ	278
Nipuṇe pañhe	198	Paṭibhānavā	224
Nibbānamattano	90	Paṭisallānaṃ	298
Nibbānapadamaccutaṃ	128	Patto niyāmaṃ	271
Nibbānaṃ iti naṃ	139	Padumaṃva toyena	302
Nibbuto	43	Padhānavā	301
Nimmakkho	275	Panujja viññāṇaṃ	79
Niyato	301	Panūdanaṃ	157
Nirattaṃ	145	Pabyākāsi	198
Nirāsaso sabbaloke	275	Pabrūhi	32
Nirāsaso so	132	Pabhaṅkaro	212
Nirāsā	115	Pabhavānupassī	71
Nirāso	61	Pabhavaṃ	68
Nillolupo	272	Pabhassarāni	259
Nivesanaṃ	79	Pabhedanaṃ	159
Nekkhammaṃ	145		

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Pamattā	191	Pucchāmi taṃ	51, 63
Pamattaṃ	277	Pucchāmi taṃ Bhagavā	89
Pamuñca maṃ	94	Puṭṭho puṭṭho	195
Paricāraśoḷasānaṃ	195	Puṇṇaka itthattaṃ	53
Parittapañña	144	Puṇṇakā	59
Parittametthasokhya	282	Puttañca dāraṃ	281
Paridevo	72	Puttā	229, 242
Pariphandamāno	221	Punappunaṃ	70
Parissayā	250	Pūgampi vassāni	108
Parissayānaṃ	249	Pekkhamaṇo	153
Parissayānaṃ sahitā	252	Posālāti	168
Paro loko	179		
Passāmaham	92	[Ba]	
Passāmi naṃ manasā	218	Bandhavāni	281
Pasutaṃ	276	Bahussutaṃ	278
Pahānaṃ kāmacchandaṇaṃ	157	Buddhaseṭṭhaṃ upāgamuṃ	198
Pahāya pañcāvaraṇāni	294	Buddho	197
Pahāsi dukkhaṃ	82	Byapanujja sabbe	194
Pāpaṃ saḥāyaṃ	276	Brahmacariyamacarimsu	200
Pāraṅgamaṇiyā	196	Brahmaloko	179
Pāraguṃ sabbadhammaṇaṃ	155	Brahme upāsito	207
	165	Brāhmaṇassa vusīmato	172
Pārāyanamanugāyissaṃ	202	Brāhmaṇo	84, 92
Piṅgiya	190	Brūmi	140
Pitā	281	Brūsi anoghatiṇṇe	119
Piyarūpesu	127	Brūhi metaṃ	51, 116
Piyavippayogaṃ	247		
Pīti	219	[Bha]	
Pucchantā	198	Bhagavantaṃ puṭṭhu māgamā	161
Pucchā	50	Bhagavā	25
Pucchāmi	62	Bhajanti sevanti	306

Padānukkamo	Piṭṭhaṅko	Padānukkamo	Piṭṭhaṅko
[Bha]		[Ma]	
Bhayaṃ	240	Mamattā	80
Bhavarāgarattā	56	Malaṃ	204
Bhavā	79, 84	Mahabbhaye	137
Bhavābhavāya	101	Mahesino	81
Bhavābhave	88	Mahesī	77, 90
Bhave na tiṭṭhe	79	Mātā	281
Bhāvento	201	Mā te vijjittha kiñcanaṃ	145
Bhikkhu	39	Māno	205
Bhikkhu sato	153	Mārisa	32, 54
Bhūtesu	229	Māro	140
Bhūripaṇṇo	219	Māhaṃ nassa	189
[Ma]		Migo	243
Makkho	205	Mitte suhajje	240
Magadhesu viharanto	195	Mittāṃ uḷāraṃ	278
Maggamuttamaṃ	201	Muni	73, 82
Maccurājā	180	Muniṃ ahaṃ Sakka	132
Maccurājā na passati	187	Musā bhaṇe	203
Majjhe ce no	146	Muhuttamapi	214
Majjhe mantā	41	Mūladassāvim	47
Majjhe sarasmiṃ	134, 138	Mettagū	68
Matimā	282	Metteyyo	41
Mando	70	Mettaṃ upekkhaṃ	304
Madhurā	261	Mogharājā	186
Manasā'nāvilo	37	Momuho	189
Manujā	49, 52	Moho	204
Manuje	193	[Ya]	
Mano	219	Yaññapathe	54
Manoramā	262	Yaññamakappayimsu	49, 52
Mano hi me	220	Yaññehi	58

Padānukkamo	Piṭṭhaṅko	Padānukkamo	Piṭṭhaṅko
[Ya]		[Ya]	
Yatā	116	Yaṃ viditvā sato	98
Yathā ahū vakkali	223	Yaṃ yaṃ disaṃ	219
Yathā kubbanakaṃ	208	[Ra]	
Yathātacchaṃ	143	Rakkhitamānasāno	287
Yathātathaṃ	198	Rati	279
Yathā'ddakkhi	202	Ratī	246
Yathā Buddhena	200	Rattindivaṃ	218
Yathābhirantaṃ	268	Raso	291
Yathāyidaṃ nāparaṃ	137	Rājāva raṭṭhaṃ	257
Yathāhaṃ	96	Ruppanti rūpesu	191
Yamaṃ vijaññaṃ	144	Rūpaṃ	32-33
Yametaṃ	33	[La]	
Yasmiṃ kāmā	130	Laddhānupekkhaṃ	296
Yassa	59	Lepā	44
Yassa natthi upamā kvaci	228	Lokantagū	206
Yājayogā	56	Lokasmiṃ	30, 68
Yāni sotāni	30	Loke	76, 279
Yāvatatiyaṅca	178	Loko	25
Ye	82	Lokoti	180
Ye keci	52, 68	[Va]	
Ye ca saṅkhātadhammāse	34	Vadanti	113
Yena naṃ vajjuṃ	111	Vadāmi	33
Ye me pubbe	125, 209	Varapañña	200
Ye sīdha diṭṭhaṃ	121, 123	Vācābhikaṅkhāmi	90
Yehi maccuvasaṃ	147	Vācābhilāpo	261
Yo	163, 213	Vātavegena khittā	108
Yo ve avidvā	70	Vātā	108
Yaṃ nissito	103		
Yaṃ pubbe taṃ	146		
Yaṃ viditvā	75		

Padānukkamo	Piṭṭhaṅko	Padānukkamo	Piṭṭhaṅko
	[Va]		[Va]
Vātātape	266	Vaṁsakkajīrova	242
Vāto	302	Vaṁso	241
Viññāṇaṭṭhitiyo	167		[Sa]
Viññāṇaṁ uparujjhati	161	Sakka	93
Viññātaṁ	127	Sakkaṁ	172
Viññū	245	Saṅkappayantāya	220
Vitakkassa vicāraṇā	160	Saṅkhātadhammo	300
Vidvā	81	Saṅkhāya	43
Vidhūmo	59	Saṅkhāya lokasmiṁ	58
Vipitṭhikatvāna	295	Saṅgā	88
Vibhūtarūpasaññissa	166	Saṅgo	282
Vibhūsaṭṭhānā	279	Saccavādī	280
Vibhūsā	280	Saccavhayo	207
Vimalo bhūrimedhaso	202	Sace labhetha	255
Vimuttaṁ	149	Sañchinnapatto	254, 290
Vimokkho tassa	130	Sajjā	242
Viyācikkha	133	Sañjātakhandho	268
Virajaṁ	154	Saññāvimokkhe	105
Virato kathāhi	104	Saññojanāni	283
Virūparūpena	262	Santāpajāte	193
Vivaṭacchado	224	Sati	30, 219
Vivekadhammaṁ	96	Satimā	104
Visajja	88	Santi	142
Visattikā	242, 76	Santi'muttamaṁ	99
Visame niviṭṭhaṁ	276	Santi loke	112
Visenikatvā	114	Santike	200
Vītataṇho sadā	42	Sa tena teneva	219
Vītavaṇṇo	189	Santussamāno	249
Vedagū	87		
Vevicchā pamādā	26		

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sato	75	Savanti	29
Sato bhikkhu	38	Sahajanettā	143
Santhave	241	Sahāyasampadaṃ	257
Sadā	129	Sahāyaṃ	229
Sandālayitvāna	283	Sādhu viyākarohi	74
Sandiṭṭhikamakālikam	214	Sādhuvihāriṃ	255
Saddhā	219	Sikkhā	90
Saddhiṃ caraṃ	255	Sineho	295
Sampannacaraṇaṃ	198	Sītañca uṇhañca	266
Sabbakāyappahāyino	166	Sīlabbatenāpi	116
Sabbadukkhappahīno	207	Sīho yathā	303
Sabbadhi	29	Sīhova	301
Sabbabhavātivatto	207	Sukittitaṃ	81
Sabbaso	147	Sukittitaṃ Gotamaṃ	123
Sabbānipe'tāni	266	Suññato	381
Sabbena lokena	304	Sutavā	300
Sabbesu	229, 105	Sutvāna munino	224
Sabbesu dhammesu	111	Sutvānaṃ	141
Sabbaṃ taṃ	125	Sutaṃ	127
Sabbaṃ taṃ itihītiṃ	210	Suvaṇṇassa	259
Sabbaṃ taṃ takkavaḍḍhanaṃ	210	Seṭṭhā samā	258
Sabbaṃ taṃ takkavaḍḍhanaṃ	210	Seṭṭhaṃ	95
Sabbaṃ vedi paroparaṃ	226	Serī	245
Samantacakkhu	93	Snehā	234
Samatho	296	Sneho	235
Samūhatā vādapathāpi	112	Sevetha pantāni	303
Samecca	83	So idha	46
Sayaṃ na seve	276	So ubhantamabhiññāya	45
Savanaṃ na phāsu	189	Soko	72

Padānukkamo	Piṭṭhaṅko	Padānukkamo	Piṭṭhaṅko
[Sa]		[Ha]	
Sotānaṃ kiṃ	29	Handāhaṃ	206
Sotānaṃ saṃvaram	29	Hitvāna kāmāni	281
Samghaṭṭayantāni	259	Huraṃ	209
Saṃsaggā	234	Huraṃ Gotamasāsanā	125

Khuddakanikāye aṭṭhamabhāgapotthake

Cūlaniddesapāliyaṃ

Nānāpāṭhā

Paṭhamo mūlapāṭho, Sī = Sīhaḷapothhakam, Syā = Syāmapothhakam,
Kaṃ = Kambojapothhakam, I = Iṅgalisapothhakam, Ka = kesuci
Marammapothhakesu dissamānapāṭho, Ka-Sī = kesuci Sīhaḷapothhakesu
dissamānapāṭho, Ṭṭha = Aṭṭhakathā.

Khuddakanikāye

Nānāpāṭhā

Piṭṭhankā

[A]

Akilissamānoti = Akiliyamāno (Syā)	96
Aganhamāno = Natthi... Syā...potthake.	96
Agadhitā = Apaliveṭṭhitā (Syā)	242
Agārikavibhūsā = Agārikassa vibhūsā (Ka)	280
Ajjhapatto = Ajja patto (Ka)	208
Ajjhesasi = Ajjhesi (Ka)	33
Aññathattam = Tassa aññadatthu (Syā)	227
Aññesaṃ = Paresaṃ (Syā) passa Saṃ 1. 294 piṭṭhe.	182
Aḍḍho = Addho (Syā, Ka)	93
Addiṭṭhamidhatthi = Adiṭṭhamidhatthi (Syā, Ka) Khu 7. 280 piṭṭhepi.	93
Attatthapaññā = Attaṭṭhapaññā (Ka)	305
Attanāhi = Attanāva (bahūsu) Khu 1. 1, 38 piṭṭhe.	95
Atamayātāya = Akammaññātāya (Syā)	86
Antarāmalo = Antarāmalaṃ (Syā, Ka) passa Khu 1. 252 piṭṭhe.	251
Antarāva = Antarāya (Syā, Ka)	188
Atāru = Atāruṃ (Syā, Ka)	54
Ativatto = Upātivatto (Ka)	207
Antimabhava = Antime bhava (Ka)	301
Aṭṭam anāgataṃ paccuppannaṃ = Aṭṭānāgatapaccuppannaṃ (Syā)	175

Nānāpāṭhā

Piṭṭhaṅkā

[A]

Antonimuggaposīni = Antonimmuggaposīni (Ka)	177
Antosamghārāme = Antopi samghārāme (Ka)	286
Atthaṅgato = Atthaṅgamoto (Syā, Ka)	173
Atthahetu = Attahetu (Syā)	260
Atthi jānitabbaṃ = Atthi dhammaṃ jānitabbaṃ (Ka)	175
Attho paramattho vā = Paramattho vā attho (Ka)	175
Addāriṭṭhakasamānaṃ = Alāriṭṭhakasamānaṃ (Syā)	173
Addāvalepanā = Addhāvalepanā (Syā)	263
Addāvalepanā = Allāvalepanā (Syā)	289
Anduyā = Aruyā (Syā) Adduyā (Ka)	229
Addhuvato = Adhuvato (Ka) Khu 7. 40 piṭṭhepi.	38
Andhamakāsi = Antamakāsi (Ka)	187
Adhideve = Atideve (Ka)	225
Adhibhosi = Abhibhaviṃsu (Syā) Abhibhosi (Ka)	
passa Saṃ 2. 392 piṭṭhe.	289
Adhibhamsu = Abhibhaviṃsu (Syā) Abhibhamsu (Ka)	288
Anajjhāpanno = Anajjhopanno (Syā)	37, 249
Anaṭṭhitakiriyatā = Aniṭṭhitakiriyatā (Ka) Abhi 2. 363 piṭṭhe.	27
Anadhibhūto = Anabhibhūto kehi ci kilesehi (Ka)	290
Anabhāvaṅkato = Anabhāvaṅgato (Syā)	38
Anavaṭṭhitacārikaṃ = Anavatthacārikaṃ (Syā)	284
Anāgārikamitto = Pabbajitamitto (Ka)	239
Anāghātiyamāno = Aghaṭṭhiyamāno (Syā)	304
Anānuyāyī = Anānuvāyī (Syā, Ka)	12
Anāpāthagato = Anāpātagato (Ka)	187
“Aniṭṭhaṅgato”ti = Aniṭṭhā gatoti (Ka)	111
Anudayamāno = Anuddayamāno (bahūsu)	96
Anupaṭṭhitakāyassati = Anupaṭṭhitakāyasati (Syā, Ka)	287
Anuppādeti = Anussarati (Ka)	234
Anussaṅkī = Anussukī (Syā)	301

Nānāpāthā

Piṭṭhaṅkā

[A]

Anusāsanam̐ anusiṭṭham̐ = Desanam̐ anusandhim̐ (Syā)	76
Anūpayo = Anupayo (Syā) Anusayo (Ka) Khu 7. 187 piṭṭhe.	65
Anekavidhakotūhalamaṅgalena = Anekavidhavatta kutūhala- maṅgalena (Syā)	116
Anelamūgo = Anelamūgo (Syā, Ka)	300
Anolīnavuttī = Anolīnavuttiko (Ka) Khu 7. 45 piṭṭhepi.	80
Apagacchi = Apagacchasi (Syā, Ka)	214
Apaccavekkhaṇā = Apaccavekkhaṇā (Syā)	25
Appaṭikūlā = Appaṭikulā (bahūsu)	248
Appaṭivānī = Appaṭivāni (Ka) Khu 7. 45 piṭṭhepi.	80
Appaṭiṭṭhitacitto = Appaṭiṭṭhīnacitto (Syā)	65
Appaṭirūpaṃ = Appaṭirūpaṃ (Syā)	249
Apadam̐ = Param̐ (Ka) Ma 1. 214 piṭṭhe.	244
Apanamissanti = Apagamissanti (Ka)	148
Apariḍayhamāno = Apariḍayhamāno (Ka)	284
Aphassitaṃ = Aphusitaṃ (Syā, Ka)	175
Abaddho = Abandho (Syā, Ka)	243
Abbahanam̐ = Abbūhanam̐ (bahūsu) Abbūham̐ (Sī-Ṭṭha)	77
Abahulīkammaṃ = Abahulīkammaṃ (Ka)	191
Abījam̐ = Avījam̐ (Syā)	146
Abyāpajjamāno = Abyāpajjhamāno (Syā)	96
Abyāpajjena = Abyāpajjhena (Syā) passa Dī 3. 187 piṭṭhe.	248
Abhijānamāno = Ājānamāno (Sī, Syā, I)	11
Araññavanamajjhogāhetvā = Araññe vanamajjhassa ajjhogāhetvā (Syā)	268
Araññe pavane caramāno = Araññe vasamāno (Syā)	243
Alimpamāno = Alippamāno (Khu 1. 290 piṭṭhe)	301
Alīnamanaso = Ādinamanaso (Syā) Khu 7. 186 piṭṭhepi.	65
Avasiyapavattasallakhaṇavasena = Avassiya... (Syā)	181

Nānāpāthā

Piṭṭhānkā

[A]

Avasissatu = Avasussatu (Syā) Ma 2. 146 piṭṭhe, Saṁ 1. 267 piṭṭhe ca passitabban.	297
Aviruddhakasāvakānaṁ aviruddhakā = Avaruddhakasāvakānaṁ avaruddhakā (Syā)	49
Aviccamāno = Avedhamāno (Syā)	106
Avisāhaṭamānasatā = Avisamhaṭamānasatā (Ka)	296
Avisāhāro = Avisamhāro (Ka) passa Abhi 1. 19 piṭṭhe.	296
Avīcisantatisahitaṁ = Avīci samaṅgisahitaṁ (Syā) Khu 7. 14 piṭṭhepi.	43
Asammuṭṭhattā = Appamuṭṭhattā (Syā)	39
Asito = Anissito (Syā) Khu 1. 358 piṭṭhepi.	84
Asutaṁ amutaṁ = Asutaṁ amutaṁ vā (Sī) Asutāmutaṁ vā (Syā) Asutaṁ'mutaṁ vā (I)	20
Asuropo = Assuropo (Syā)	60

[Ā]

Ākāsova = Ākāso ca (Syā)	96
Ājānīyā ca = Ājānīyāva (Syā) Khu 1. 59 piṭṭhe.	66
Āpāthakajjhāyīva = Āpātakajjhāyī ca (Ka)	273
Āyogaṁ = Āyogabandhanaṁ (Syā, Ka) passa Khu 7. 173 piṭṭhe.	274
Āraññiko = Āraññako (Syā, Ka)	243
Ārammaṇaṁ = Āramaṇaṁ (Ka)	101
Ārato = Ārato assa (Ka) Khu 7. 54 piṭṭhe.	37
Āruhaṇatthāya = Ropanatthāya (Syā)	292
Āvasamāno parivasamāno = Avasemāno parisemāno (Syā)	221
Āsasāno = Āsayāno (Ka)	15
Āsīsati = Āsimsati (Syā)	132
Āsīsanti = Āsimsanti (Syā)	55
Āsīno = Āsino (Ka)	212
Āsīsanā = Āsimsanā (Syā)	27

Nānāpāṭhā

Piṭṭhaṅkā

[I]

Iccheyya = Icchissati (Syā)	230
Itthattam = Itthatam (Syā) Itthabhāvam (Ka)	52
Itthikatham = Itthikatham purisakatham (Syā, Ka) Dī 1. 7, 62 piṭṭhe. Sam 3. 368 piṭṭhe ca passitabbam.	260
Idam kiñcanam = Ime kiñcanā (Ka)	145
Indagu = Indagū (Syā)	88
Indriyaparopariyattañānam = Indriyaparopariyattiñānam (Ka) Atthakathā oloketabbā.	165
Idhatthaññeva = Idhatthaññeva (Syā)	169
Issatthena = Issatthena (Syā) Issattena (Ka) passa Ma 1. 120 piṭṭhe.	262

[U]

Ujjhitvā = Pariccajivā (Syā)	240
Uttānīkarosi = Uttānim karosi (Ka)	24
Udakapubbulaṃ = Pubbulakam (Syā)	183
Udakūmikajātam = Udakummijātam (Syā) Udakummikajātam (Ka)	299
Uddaṇḍe = Uṭṭaṇḍe (Ka)	274
Uddaṇḍam gacchati = Khuddaṇḍam gacchati, uddhositato uddhositam gacchati (Syā) passa Khu 7. 51 piṭṭhe.	286
Udīraṇam = Odīraṇam (Syā)	206
Uddhanti anāgataṃ = Uddham vuccati anāgataṃ (Syā, Ka)	78
Unnati = Uṇṇati (Syā, Ka)	205
Upaghātiyanti = Upaghātayanti (Syā, Ka)	190
Uparimato = Uparito (Syā) Uparimāya (Ka)	288
Upāyupādānā = Upayupādānā (Ka)	148
Ubhatobyūḷham = Ubhatoviyūḷham (Syā) passa Ma 1. 121 piṭṭhe.	263
Umāpupphasamānam = Ummārapupphasamānam (Syā) Khu 7. 276 piṭṭhepi.	173

[Ū]

Ūhacca samūhacca = Uhacca samuhacca (Ka) Saddanītiyā pana sameti.	187
---	-----

Nānāpāthā

Piṭṭhaṅkā

[E]

Eko = Eko care khaggavisāṇakappo (Syā)	268
Etamādīnavam̄ = Evamādīnavam̄ (Ka) passa Khu 1. 201 piṭṭhe.	211
Etaṁ = Evaṁ (Syā, Ka)	18
Erakavattikampi = Erakavattikampi (Syā, Ka) passa Ma 1. 122 piṭṭhe.	236
Esā namuci te senā = Esā te namuci senā (Syā, Ka) Khu 1. 434 piṭṭhe.	114
Esī gavesī = Esi gavesi (Syā) Khu 7. 266 piṭṭhe.	77
Ehambho = Ehi bho (Syā) passa Ma 3. 95 piṭṭhe.	203

[O]

Opaneyyikaṁ = Opanayikaṁ (Syā, Ka)	98
Oropayitvā = Voropayitvā (Syā)	254
Ovuto = Ophuto (Syā)	24
Ohāretvā = Ohārayitvā (Syā, Ka)	291

[Ka]

Kañci = Kiñci (Ka) Khu 7. 165 piṭṭhe.	60
Kaṭasī vaḍḍhitā = Kasīvavaḍḍhitam̄ (Syā) passa Saṁ 1. 387 piṭṭhe.	136
Katame -pa- rājāno = Katame sammatidevā rājāno (Syā)	225
Kathāham̄ = Kadāham̄ (Syā)	80
Kathitamanukathayissam̄ = Kathitamanugāyissam̄ (Syā)	202
Katham̄ = Kaṭam̄ (Syā)	85
Katham̄ tena = Kathamassa (Syā)	166
Kadariyātapanā = Kadariyā tāpanā (Ka) Khu 7. 317 piṭṭhe.	237
Karonti = Kārenti (Syā, Ka) passa Ma 3. 221 piṭṭhe.	236
Kāḷamegho = Akāḷamegho (Syā, Kam̄) passa Khu 7. 276 piṭṭhe.	173
Kiñcanapaṭinissaggaṁ = Kiñcanapaṭinissaggo (Syā)	139
Kiñcana'matthi = Kañci matthi (Syā) Kiñci natthi (I)	
Kiñcinamatthi (Ka)	20
Kiñcanavūpasamaṁ = Kiñcanavūpasamo (Syā)	139

Nānāpāṭhā

Piṭṭhaṅkā

[Ka]

Kiñcanāni = Kiñcanā (Syā)	134
Kittitaṃ = Akitti taṃ (Syā)	71
Kuñjarā ca = Kuñjarāva (Syā)	66
Kuṭhārīhi = Kudhārīhi (Syā, Ka)	237
Kudrūsako = Kudrusako (Syā)	281
Kuhitattaṃ = Kuhāyitattaṃ (Syā, Ka) Visuddhimaggaṭṭhakathā oloketabbā.	273
Kūṭāgārasālā = Santhāgārasālā (Syā) passa Saṃ 2. 392 piṭṭhe.	289
Ko carahi = Yo carati (Ka)	2
Koḷāpaṃ = Kolāpaṃ (Syā) Saṃ 2. 391 piṭṭhepi.	288

[Kha]

Khārāpatacchikampi = Khārāpaṭicchikampi (Ka)	190, 236
Khiḍḍā = Khiṭṭā (Ka)	246
Khudā = Khuddā (Syā, Ka)	266
Khettajo = Khetrajo (Syā, Ka)	281

[Ga]

Gaganapathe = Gamanapathe (Syā) Aṭṭhakathā oloketabbā.	144
(Gaṇārāmatāṃ anuyutto) = () Natthi Ma 3. 152 piṭṭhe.	269
Gatiṃ parāyanāṃ = Gatiparāyanāṃ (Syā)	137
Gaddhikattaṃ = Gedhikatā gedhikattaṃ (Syā) passa Abhi 2. 365 piṭṭhe.	280
Gabbhaṭṭhitimūlakāṃ = Gabbhetṭhitimūlakāṃ (Syā, Ka)	28
Garuṃ karomi = Garukaromi (Syā)	83

[Gha]

Ghaṭṭenti = Ghaṭenti (Syā)	259
----------------------------	-----

[Ca]

Cakkhu = Cakkhuṃ (Syā, Ka)	127
Cakkhu ceva = Cakkhuñceva (Ka)	38
Cattāḷisāya = Dvācattāḷisāya (Syā)	162

Nānāpāṭhā

Piṭṭhaṅkā

[Ca]

Catutthī = Catutthā (Syā) passa Am̐ 2. 428 piṭṭhe.	168
Capalatā = Capalanā (Syā)	280
Cāṭukamyatāya = Pātukamyatāya (Syā) Khu 7. 290 piṭṭhepi.	258
Cātumahārājikesu = Cātummahārājikesu (Syā)	53
Cāyaṃ = Yāyaṃ (Ka)	34
Cittappassaddhatā = Cittavisaṭatā (Ka) passa Khu. 402 piṭṭhe.	296
Cittasamatā = Cittasamatho (Syā) Khu 7. 402 piṭṭhe.	159
Cetiyamhā ca = Cetiyamhā ca sāgaramhā ca (Syā)	150

[Cha]

Cha abhiññāyo = Chaḷabhiññāyo (Syā)	278
Chakaṇakāyapi = Chakaṇaṭiyāpi (Syā) Pakkaṭṭhiyā (Sī-Ṭṭha) passa Ma 1. 121 piṭṭhe.	264
Chaṭṭhī = Chaṭṭhā (Syā)	168
Chatukkadassā = Jatukkadassā (Syā) Jatukadasā (Sī-Ṭṭha)	208
Chandarāgavinibaddho = Chandarāgavinibandho (Syā, Ka) passa Am̐ 3. 114 piṭṭhe.	265
Chetva = Chetvā (Syā, Ka)	294

[Ja]

Jagatī = Jarā (Syā)	143
Jāgu = Jātu (Syā)	88
Jānāti = Pajānāti (Syā) Parijānāti (Ka) Khu 7. 40 piṭṭhepi.	121
Jinānaṃ hettha = Janānañhettha (Ka)	2
Jīvikam̐ = Jīvitam̐ (Ka)	258
Jīvitāvoropano = Jīvitapanāsano (Syā) Khu 7. 166 piṭṭhe.	61
Jīvitenūpapannaṃ = Jīvikenūpapannaṃ (Syā)	112

[Da]

Ḍāhena = Dāhena (Ka) Khu 7. 35 piṭṭhepi.	221
Ḍāho = Dāho (Syā)	28
Ḍaṃsasarīsape = Ḍaṃsasirīmsape (Syā) Ḍaṃsamakasasarīsape (Ka)	266

Nānāpāthā

Piṭṭhaṅkā

[Ta]

Taṇhacchida = Kaṅkhacchida (Ka)	5
Taṇhājālinim = Taṇham jālinim (Syā)	211
Taṇhādhipanne = Taṇhāya adhipanne (Ka)	193
Taṇhāya pahānaṭṭhena = Taṇhāpahānaṭṭhena (Syā) Khu 7. 361 piṭṭhe.	230
Taṇham = Taṇhā (Syā, Ka) Khu 7. 362 piṭṭhepi.	211
Tathāgatasāsanā = Tathāgatasāsanā devasāsanā (Syā, Ka)	209
Tatthete = Tatra te (Ka)	250
Tadaṅgaṃ samatikkamā = Tadaṅgaṃ samatikkamma (Ka)	109
Tadantarā = Cakkhusamanantarā (Syā)	172
Tadā = Sadā (Ka)	4
Taduttari = Tatrupari (Syā)	92
Taraṇāya = Tāraṇāya (Syā)	196
Taruṇakā kaḷīrakā = Taruṇakaḷīrā (Syā)	242
Tarimsu = Atarimsu (Ka) passa Saṃ 3. 162 piṭṭhe. Khu 7. 362 piṭṭhe ca.	212
Tassa rūpaṃ = Tassa bhikkhuno rūpaṃ (Syā)	186
Tasito = Tassito (Ka)	1
Tasseva = Tassa (Syā)	236
Tasseva = Tamyeva (Ka) Aṭṭhakathā oloketabbā.	1
Tālapaṇṇavātā = Tālavaṇḍavātā (Ka)	266
Tiṭṭheyya = Tiṭṭhati (Syā, Ka)	167
Tibbā = Tippā (Syā)	236
Timitimiṅgalaṃ = Timitipiṅgalaṃ (Ka)	176
Tiraṇapariññāya = Tiraṇapariññāya (Syā)	123

[Tha]

Thāmavā = Thāmasā (Ka)	296
Thinassa = Thīnassa (Syā)	157
Thinaṃ thīyanā = Thīnaṃ thīyanā (Syā)	157

Nānāpāṭhā

Piṭṭhaṅkā

[Da]

Dasabaladhāriṃ = Dasabalaṃ tādhiṃ (Syā)	208
Diṭṭhasutamutaviññātabbe = Diṭṭhaṃ, sūtaṃ -pa- sabbe. Khu 7. 103 piṭṭhe, 189 piṭṭhepi passitabbaṃ.	97
Dibbasakkhunāpi = Dibbena cakkhunāpi (Ka)	173
Dīghadasāni = Dīgharassāni (Syā)	254
Dukkhamanaṭṭhena = Dukkhaṭṭhena (Syā)	69
Dukkhaṃ domanassaṃ = Dukkhadomanassaṃ (Syā, Ka)	235, 263
[Dulladdhā sudulladdhā] = [] Natthi Syā-potthake.	306
Dussanīye = Dosanīye (Syā, Ka) Khu 7. 186 piṭṭhepi.	65
Devīsi = Devisi (Syā)	172

[Dha]

Dhaṅkamivossajantīti = Chaṅkamivossajantīti (Syā, Ka) passa Khu 1. 320 piṭṭhe.	252
Dhammakaraṇepi = Dhammakāraṇepi (Syā)	253
Dhammassāmī = Dhammasāmi (Syā, Ka)	175
Dhātā = Dhatā (Syā)	278
Dhārentaṃ = Dhāreti (Ka)	278
Dhīro = Vīro (Syā, Ka) passa Khu 1. 360 piṭṭhe.	254
Dhūmo = Dhumo (Syā)	213

[Na]

Na ajjhoseti = Na ajjhosāya tiṭṭhati (Syā)	161
Nagassa = Nagarassa (Ka) Ayaṅgāthā Khu 2. 372 Theragāthāyaṃ dissati.	155
Nattamahā'bhīpassa = Rattamahābhīpassa (Syā)	103
Namassamāno vivasemi = Namassamānova vasemi (Sī-Ṭṭha) ...vivasāmi (Syā)	218
Na riccati = Na riñcati (Syā, Ka) Saṃ 2. 408 piṭṭhepi.	265
Nandī = Nandi (Syā)	27
Navakamma = Dūtakamma (Syā, Ka) Khu 7. 290 piṭṭhe.	258

Nānāpāṭhā

Piṭṭhaṅkā

[Na]

Napiṭakasampadāya = Napiṭakasampadānena (Ka) Khu 7. 280 piṭṭhe.	69
Na lippati = Na limpati (bahūsu)	7
Nāññaṃ = Na aññaṃ (Sī, Syā, Ka)	186
Nābhīhamsati = Nābhīpihayati (Syā) Khu 7. 186 piṭṭhe.	65
Nāsissaṃ = Ayaṃ gāthā Khu 2. 263 Tikanipāte dissati.	297
Nālikāṃ = Nālikāṃ (Ka) passa Dī 1. 7 piṭṭhe.	254
Nijjīgīsanatāya = Nijjīgīsanatāya (Syā)	258
Niṭṭhūriyakammaṃ = Nitthuriyakammaṃ (Ka) passa Abhi 2. 371 piṭṭhe.	205
Nitthāreti = Nittāreti (Syā, Ka)	226
Nitthiṇṇo = Nittiṇṇo (Syā)	85
Nibbano = Nibbuto (Syā)	21
Nibbānassa = Yassa (Syā)	227
Nirāsaso = Nirāsayo (Sī-Ṭṭha) Khu 1. 288 piṭṭhepi.	272
Nillopampi = Vilopampi (Syā) passa Khu 7. 315 piṭṭhe.	235
Nisajjanaṃ = Nisajjā (Ka)	240
Nisajjaṃ = Nisajjanaṃ (Ka)	273
Nissaṭo = Nissaṭṭho (Syā)	97
Nīyati = Nīyyati (Syā, Ka)	83, 267
Nīliyā = Nīlena (Syā)	96
Nūpurāni = Dhuvarāni (Syā)	259
Nhāpanaṃ = Nahāpanaṃ (Syā)	254

[Pa]

Pakkhavātā = Pakkhivātā (Syā)	302
Pañcamī = Pañcamā (Syā)	168
Pajjena katena = Pajjotakatena (Ka) Khu 1. 357 piṭṭhe.	39
Pajjo = Addho (Ka)	201
Paññāpitaṃ = Paññāpitaṃ (Ka)	72
Paññāpesi = Paññāpesi (Ka)	24
Pañhena atthiko āgatomhi = Pañhatthikāṃha āgatā (bahūsu) passa Khu 7. 369 piṭṭhe.	48

Nānāpāṭhā

Piṭṭhaṅkā

[Pa]

Pañham = Pañhe (Sī, I)	21
Paṭiggāho = Paṭiṭṭhāho (Ka)	235
Paṭibaddhacitto = Paṭibandhacitto (Ka)	239
Paṭibhāti = Paṭibhāyati (Ka)	224
Paṭibhānavā = Paṭibhāṇavā (Syā)	223
Paṭiladdhassa = Lābhissa (Syā)	166
Paṭisenikarā = Visenimkatvā (Ka) Khu 7. 135 piṭṭhe.	114
Paṭṭhagūti = Paddhagū (Sī)	16
Patilīyati = Paṭiṭṭhiyati (Ka)	97
Pathavimaṇḍale = Puthavimaṇḍale (Sī)	2
Padassati = Padessati (Ka)	2
Padānupubbatāpetam = Padānupubbatāmetam (bahūsu)	24
Paddhagū = Paṭṭhagū (Syā, Ka)	140
Paddhā paddhacarā = Paṭṭhā paṭṭhacarā (Syā, Ka)	141
Panuṇṇapaccekasacco = Paṇunnapaccekasacco (Ka)	85
Paramatthamantanā = Ubhayatthamantanā (Ka)	246
Paralokavajjabhayadassāvino = Para -pa- dassāvino (Ka)	177
Parigūhati = Pariguyhati (Syā, Ka)	239
Paricāraśoḷasānam = Paricārikasoḷasannam (Syā, Ka)	195
Paricārako = Paricāriko (Syā, Ka)	195
Paripucchāyapi = Paripucchepi (Ka)	253
Paripūram = Pāripūrim (Sī, Syā)	4
Pariyāputam = Pariyāpuṭam (Syā, Ka) passa Dī 3. 164 piṭṭhe.	278
Pariyādiyanavacanametam = Pariyādāyavacanametam (Syā, Ka)	33
Parivajjeti = Parisajjeti (Syā)	240
Parisāgato = Parisaggato (Syā)	203
Paroparam = Parovaram (Sī-Ṭṭha)	225
Palāpo = Lāpo palāpo (Syā) Abhi 1. 105 piṭṭhepi.	72
Palibundheyya = Palibujjheyya (Syā)	37
Pāmojjam = Pāmujjam (Syā)	219

Nānāpāthā

Piṭṭhaṅkā

[Pa]

Pāragū = Pārage (Syā)	3
Pāraguṃ = Pāragū (Syā, Ka)	163
Pārāyananteva = Pārāyaṇaṃtveva (Sī-Ṭṭha)	21
Pārupanañca = Pasādhanañca (Syā) Sayanāsanañca (Ka)	280
Pālibhaddako = Pālibhaddako (Ka)	183
Pāvuraṇā = Pāpuraṇā (Syā)	36
Piṅgiyamāṇavakapucchāniddeṣo = Siṅgiyapaṇhaṃ (Ka)	195
Piṅgiyena = Tena (Ka)	195
Pidhīyare = Pithīyare (Syā) Pithīyare (Sī-Ṭṭha)	29
Piyavippayogaṃ = Vippayogampi (Ka)	246
Pisuṇā vācā = Pisuṇavācā (Ka)	158
Pisuṇāya vācāya = Pisuṇavācāya (Ka)	276
Pītaraṃsiṃva = Jitaraṃsiṃ sītaraṃsiṃ (Ka) Vītaraṃsiṃ (Sī, Syā)	4
Pīlayanti = Pīliyanti (Syā, Ka)	191
Puthujjanakalyāṇako = Kalyāṇaputhujjano (Syā)	80
Pubbaṇhasamaye = Pubbaṇhasamayaṃ (Ka) Khu 7. 51 piṭṭhepi.	297
Pubbaṇhasamayaṃ = Pubbaṇhasamayaṃ (Ka)	293
Puramāhissatiṃ = Puramāhiyati (Ka)	4
Pūjanīyo = Pūjito (Syā, Ka) Khu 7. 45 piṭṭhepi.	74
Ponobhavikā = Ponobbhavikā (Syā, Ka)	39
Poṅkhānupoṅkhaṃ = Pokhānupokhaṃ (Syā)	43

[Pha]

Pharusavācaṃ nicchāraṇo = Pharusavācanicchāraṇo (Syā)	60
Phassaye = Phussaye (Syā, Ka)	269
Phassitaṃ = Phusitaṃ (Syā)	43
Pharusāya vācāya = Pharusavācāya (Ka)	276
Phenaṇiṇḍo = Phenuṇiṇḍo (Syā)	183
Photayitvā = Mocayitvā (Syā)	88

Nānāpāṭhā

Piṭṭhaṅkā

[Ba]

Balappatto = Phalappatto (Ka)	2
Bahalapattapalāso = Sākhapattapalāso (Ka)	290
Bahūpāyāsā = Bahūpāyāsā (Syā)	282
Bahūdakaraṃ = Bahurukkhaṃ (Syā)	208
Bahūni vassāni = Bahunnaṃ vassānaṃ (Syā)	108
Buddhavacanaṃ = Pakatiyā (Ka)	224
Buddhasubodhiṃ = Buddhasubuddhataṃ (Ka)	177
Byantīkataṃ = Byantikataṃ (Ka)	59
Byantīkareyya = Byantiṃ kareyya (Ka)	37
Byappathaṃ = Byapathaṃ (Syā, Ka)	76
Brūsi = Brūhi (Syā)	24

[Bha]

Bhagandalena = Bhagandalāya (Syā)	221
Bhagavatā = Bhagavato (Ka)	176
Bhagavato = Bhagavatā (Syā) Khu 7. 187 piṭṭhe.	66
Bhavissatha = Bhavissanti (Khu 7. 173 piṭṭhe)	273
Bhasmani = Gammani (Syā)	60
Bhāvanāya pāripūriyā = Bhāvanāpāripūriyā (Syā)	297
Bhāvitasīlo, Bhāvitacitto, = Bhāvita -pa- bhāvitacittoti (Syā)	26
Bhāvento = Bhavitattā (Ka)	140
Bhikkhuṃ = Bhikkhū (Ka) Khu 7. 172 piṭṭhe.	272
Bhūrī = Bhūri (Ka)	32
Bhotī = Bhoti (Ka)	2

[Ma]

Makkhāyanā = Makkhiyanā (Ka) passa Abhi 2. 371 piṭṭhe.	275
Maggavādinaṃ = Pavaramaggavādinaṃ (Ka)	209
Maccudheyyassa pāraṃ = Maccudheyyapāraṃ (Sī)	23
Matimā = Mutimā (Khu 1. 288 piṭṭhe)	282
Matteyyatāya = Metteyyatāya (Syā, Ka)	298

Nānāpāthā

Piṭṭhaṅkā

[Ma]

Manussarāhasseyyakāni = Manussarāhaseyyakāni (Syā, Ka)	26, 211
Mahāpadānīyasuttantaṃ = Mahādhanīyasuttaṃ (Syā)	164
Mahāmoggallāno = Mahāmoggalāno (Ka)	287
Mahāsahassimpī = Tisahassim mahāsahassampi (Ka)	174
Mahiṃsayuddhaṃ = Mahisayuddhaṃ (Syā)	285
Mahiṃsā = Gomahisā (Syā) Khu 7. 10 piṭṭhepi.	249
Maḷakassa = Aḷakassa (Khu 1. 429 piṭṭhe) Muḷakassa (Syā)	
Mūḷhakassa (Ka)	1
Mā janesi = Mājanehi (Syā)	146
Māṇavaṃ = Mānavaṃ (Syā)	152
Mānasakaṃ = Mānusakataṃ (Syā)	209
Mārabalisañca = Mārabalisañca (Ka)	140
Mālāgandhavilepanaṃ = Mālāgandhaṃ vilepanaṃ (Syā)	
Khu 1. 240 piṭṭhe.	49
Miyyare = Mīyare (Ka)	238
Mukhakerakaṃ = Mukhabherukaṃ (Syā)	247
Mukhaḍḍimakaṃ = Mukhadēḍimakaṃ (Syā)	
Mukhadindimakaṃ (Ka)	247
Muggasūpyatāya = Muggasūpatāya (Syā)	258
Mucceyyunti = Muñceyyunti (Syā)	95
Muddhani muddhapāte = Muddhanimmuddhapāte (Ka)	2
Muddhādhipātāñca = Muddhātīpātāñca (Ka)	2
Munino = Munayo (Syā) Khu 7. 44 piṭṭhepi.	74
Munī = Muni (Syā, Ka) Khu 1. 51 piṭṭhe.	74

[Ya]

Yaññayājakā = Yaññayajakā (Syā)	50
Yattā paṭiyattā = Yatā paṭiyatā (Syā)	116
Yatthassa = Tattha ye (Ka) passa Saṃ 2. 390 piṭṭhe.	287
Yathābhūtaṃ = Taṃ (Ka)	271
Yampi = Yepi (Ka)	240
Yampidaṃ = Yamidaṃ (Ka) passa Saṃ 2. 278 piṭṭhe.	180
Yamakapāṭihire nāṇaṃ = Yamakapāṭihiriyañāṇaṃ (Syā)	165

Nānāpāṭhā

Piṭṭhaṅkā

[Ya]

Yassa ca visatā = Yassa paripatā (Syā) passa Khu 1. 390 piṭṭhe.	155
Yassetāni = Yassete (Syā)	133
Yānīdhatthi = Yāni patthi (Syā) Yāni atthi (Ka) Khu 1. 360 piṭṭhe.	64
Yāvatakaṃ vā = Yāvata (Sī, Ka)	174
Yāvataṇanda = So vatāṇanda (Ma 3. 152 piṭṭhe)	269
Yena taṃ rāgena = Yena rāgena (Syā, Ka) Khu 7. 192 piṭṭhe.	111
Yonā = Yonakā (Ka) Khu 7. 120 piṭṭhepi.	150

[Ra]

Rakhasā = Rakkhasā (Ka)	28
Ratiṃ = Ratī (Syā)	279
Ramaṇīyaṭṭhena = () Natthi Syā-potthake.	36
Rājadhāniyo = Rājathāniyo (Ka)	36
Rūpupayaṃ = Rūpūpāyaṃ (Syā, Ka) passa Saṃ 2. 43 piṭṭhe.	167

[La]

Lambikaṃ = Lambilaṃ (Syā, Ka) passa Āyatanavibhaṅge 73 piṭṭhe.	291
Labhetha = Labhati (Syā, Ka)	288
Labhetheva = Labhateva (Syā, Ka)	287
Lālappanā lālappitattaṃ = Lālappāyanā lālappāyitattaṃ (bahūsu)	72
Lokasmi = Lokasmiṃ (Syā, Ka)	58
Loke vesā visattikā, = Yā sā loke visattikā (Syā)	76
Lohitaṅgo = Lohitako (?)	281
Lohitapittena = Lohitena. Pittena (Syā, Ka)	221
Lohitapittaṃ = Lohitaṃ pittaṃ (bahūsu)	28

[Va]

Vakkalittothero = Vakkali (Syā)	223
Vacanamabravi = Vacanamabruvi (Sī)	1

Nānāpāthā

Piṭṭhaṅkā

[Va]

Vacīmuniṃ = Vācāmuniṃ (bahūsu) Khu 1. 234 piṭṭhe.	73
Vanibbakayācakā = Vaṇibbakasāvaka (Syā)	50
Vāssāni = Vassānaṃ (Syā, Ka)	107
Vijjāṭṭhānena = Vijjāṭṭhānena (Ka)	205
Vijjhātattā = Nijjhātattā (Ka) Khu 7. 53 piṭṭhe.	59
Vipattisambhavaloko ca = Dve -pa- bhavaloko (Syā)	206
Vipariyāsaggāho = Vipariyesaggāho (bahūsu)	45
Vippaluggā = Vippaluggatā (Syā) passa Khu 7. 74 piṭṭhe.	114
Vipekkhamāno = Pekkhamāno (Syā, Ka)	284
Vibhajitāni = Vibhattāni (Ka)	30
Vibhajitaṃ = Vibhattaṃ (Syā)	200
Vibhūsaṭṭhānā = Vibhūsaṇaṭṭhānā (Syā, Ka) Vibhūsaṇaṭṭhānā (Sī-Ṭṭha)	279
Vimutto = Dhimutto (Ka)	12
Vimokkho = Vimokkhā (Ka)	105
Virato idha = Ārato idheva (Syā) passa Khu 1. 360 piṭṭhe.	254
Vivaṭacchado = Vivaṭacchadano (Ka)	223
Vivaṭṭacchado = Vivattacchaddo (Sī)	3
Vivarāhi vibhajāhi = Vivarehi vibhajehi (Ka)	32
Vividhakamma karaṇā = Vividhakammakaraṇāni (Ka)	190
Vividhā kamma karaṇā = Vividhāni kammakaraṇāni (Ka)	236
Visajjanaṃ = Vissajjanaṃ (Ka)	196
Visajjissati = Vissajjissati (Ka)	3
Visajjeti = Vissajjeti (Ka)	51
Visajjetuṃ vahassetuṃ bhāraṇti = Visajjetuṃ sandassetuṃ bhaṇitunti (Syā) Vahassu*etaṃ.	48
Viṣaṭaṃ = Saritaṃ (Syā) Khu 7. 362 piṭṭhepi.	211
Vissattho = Vissatṭho (Ka)	187
Viṣeṭṭhacaraṇaṃ = Viṣeṭṭhacaraṇaṃ (Ka)	198
Visenikatvā = Visenimkatvā (Ka) Khu 7. 135 piṭṭhe.	113
Vihare = Viharaṃ (Khu 1. 287 piṭṭhe)	267

Nānāpāṭhā

Piṭṭhānkā

[Va]

Vītavaṇṇo = Vivaṇṇo (Syā)	188
Vītivattayi = Vītivatti (Ka)	58
Vīriyavā = Viriyavā (Syā) Khu 1. 360 piṭṭhepi.	141
Vīriyaṃ = Viriyaṃ (Syā)	35
Vīriyassa saṅghānaṃ = Viriyassa ṭhānaṃ (Syā)	297
Vuttavāso = Vuṭṭhavāso (Syā) Khu 7. 16 piṭṭhepi.	85
Vedanānupassī = [] Natthi Syā-potthake.	162
Vemāne = Vihāyamāne (Ka)	191
Veḷugumbasmiṃ -pa- sattā = Veḷagumbasmiṃ -pa- saṃsibbitā (Syā)	241
Vobhindantā = Te bhindantā (Syā, Ka)	176
Volokento = Olokento (Ka)	177
Vosaggo = Vossaggo (bahūsu)	27
Vaṃsakkalīrova = Vaṃse kalīrova (Ka)	241

[Sa]

Saṅkamo = Saṅgamo (Syā, Ka)	201
Saṅgajālamaticca = Saṅgaṃ jālamaticca (Khu 1. 360 piṭṭhe)	74
Sajotibhūtāya = Sañjotibhūtāya (Syā)	237
Saññojanāni = Saṃyojanāni (Ka)	305
Saññojanīyā = Saññojanikā (Ka)	251
Sañchinnapatto = Saṃsīnapatto (Sī-Tṭha)	254
Sattamī = Sattamā (Syā)	168
Satānusāriṇāṇaṃ = Satānussariyaṇāṇaṃ (Ka) passa Dī 3. 111 piṭṭhe.	164
Sati cāpi = Satī ceva (Sī)	6
Satiparibandhānaṃ = Satipaṭipakkhānaṃ (Syā) Khu 7. 7 piṭṭhe.	39
Santipadampi = Santipadanti (Ka)	142
Sattīhipi = Sattiyāpi (Ma 1. 120, 128 piṭṭhe.)	263
Santhave = Sandhave (Ka)	239
Santhavo = Sandhavo (Ka) Abhi 2. 376 piṭṭhe.	27

Nānāpāṭhā

Piṭṭhaṅkā

[Sa]

Sa danto’’ti = Sudantoti (Syā) Khu 1. 358 piṭṭhe; Khu 7. 188 piṭṭhepi.	67
Saddahanā = Saddhahanā (Ka)	219
Sandacchāyo = Saṇḍacchāyo (Syā) Santacchāyo (Ka) Ma 1. 108 piṭṭhe.	290
Sadevako = Sadevako loko (Ka)	180
Sampaṭipādayitvā = Paṭipādayitvā (Syā)	85
Samphalanti = Saphalanti (Ka) passa Khu 1. 226 piṭṭhe.	252
Sabbasaṃyoge = Sabbayoge (Ka) Khu 1. 359 piṭṭhe.	83
Sabhāgato = Sabhaggato (Syā)	203
Sabhiyapañhānaṃ = Parisapañhānaṃ (Syā) Piṅgiyapañhānaṃ (Ka)	226
Sammādiṭṭhi = Ñāṇaṃ -pa- sabbavedamaticca vedagū soti (Syā) passa Khu 7. 158 piṭṭhe.	87
Samāsane = Samāsanne (Ka)	1
Sammutidevā = Sammatidevā (Syā)	225
Samupapanno = Sampanno (Ka)	39
Sayanaṃ = Nipajjanaṃ (Syā)	229
Sahissāmi = Samīhāmi (Ka)	94
Sāgarūpamo = Sāgarasamo (Ka)	64
Sātthaṃ sabyañjanaṃ = Satthā sabyañjanā (Syā) passa Ma 3. 62 piṭṭhe.	278
Sāmayikaṃ = Āsāmāyikaṃ (Ka)	269
Sāmāyikaṃ = Sāmāyikaṃ (Syā, Ka)	270
Sāriputto = (Passa Saṃ 3. 137 piṭṭhe)	45
Sāre patiṭṭhitaṃ = Sāresu supatiṭṭhitaṃ (Syā, Ka) passa Khu 1. 81 piṭṭhe.	293
Sibbinimaccagāti = Sibbanimaccagā (Sī, Syā)	7
Sinehadosaṃ = Snehadosaṃ (Syā, Ka)	294
Sīmakataṃ odhikataṃ = Mariyādikataṃ odhikataṃ (Syā)	44
Sīmakataṃ = Sīmakataṃ mariyādikataṃ (Syā)	234
Suācikkhitaṃ = Svācikkhitaṃ (Ka)	123

Nānāpāṭhā

Piṭṭhaṅkā

[Sa]

Suciṃ dinnam = Piyam dinnam (Syā)	55
Suñño = Suññato (Ka) passa Sam 2. 280 piṭṭhe.	185
Suttam visaṭā = Sottam visaṭā (Syā)	27
Sumedhasoti = Bhūrimedhasoti (Syā)	213
Susumārabhayam = Sumsumārabhayam (Syā)	241
Sūriyo = Suriyo (Syā)	143
Sekhamunino = Sekkhamunino (Syā, Ka)	74
Sekhā = Sekkhā (Syā, Ka)	6, 34
Setagaccho = Setavaccho (Ka)	183
Seyyathāpi = Tam kim maññatha (Syā, Ka) passa Sam 2. 28 piṭṭhe.	185
Seyyathidam = Seyyathīdam (Syā)	30
Sokāvatiṇṇam = Sokāvakiṇṇam (Syā)	177
Sobhanā = Sobhaṇā (Syā)	234
Soḷasānam = Soḷasannam (Syā, Ka)	307
Sobhanakam = Sobhanagarakam (Syā) Sobhanakaraṇam (Ka)	285
Samkappayantāya = Samkappayattāya (Sī)	23
Samghaṭṭayantāni = Samghaṭṭamānāni (Khu 1. 286 piṭṭhe)	259
Samvesetvā = Samvesitvā (Syā, Ka) passa Ma 3. 221 piṭṭhe.	237
Samsayapakkhando = Samsayapakkhanno (Syā)	50
Samsāretīti = Sampāyatīti (Syā)	178

[Ha]

Hadayam = Tapparassa (Syā)	60
Haliddiyā = Haliddena (Syā)	96
Hi = Vā (Ka)	307
Hetṭhimato = Pacchato (Syā) Hetṭhimāya (Ka)	288
Hetṭhimāya = Adhogamāya (Syā)	304